


UTL AT DOWNSVIEW



D RANGE BAY SHLF POS ITEM C

39 10 10 25 14 008 9

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

DR
405
N87

Nusret, 'Ali
Makalat-i tarihiye ve edebiye

4238

18/121



مختار خالده كٲتابخانه سى كلبانى

تارىخى وادبى قسمى

عدد : ١

Nusret, 'ALİ

Makālāt - ı tārīhīye ve edebīye

مقالاى تاريخى وادبى


محررى

على نصرت

مختار خالده كٲتابخانه سى — استانبول

١٣٣٨

DR
405
N87



طنین مطبعہ سی



« بر تیارو زمینی »

دولتمزك سلطان ثانسی اولان اورخان غازی ، پدر محترمنه
دم سسکراتنده « بروسه » نك مژده فتحی کتیره رك مقابله
او پیر مؤسسدن اداره حكومت وغزا حقنده کی وصایای
مشهوره وطنپورانه نی تلقی ایله معنی و ماده سریر حکومت لایق
برسلطان اولدینی حالدہ جلوس ایتیش ایدی . بقایای سلاجقه
ایله انقراض رومیہ آراسنده عادتاً بر پرده تشکیل ایتدیکی ایچون
« سلطان اوکی » عنوانی آلمش اولان قطعه خاك ، غزات اسلامه
کوندن کونه طار کلمکه باشلامش ، جوارلرده کی بلاد وقلاع
اوراق خزان کی برر برر ایدی اقتطاف مجاهدینه ریزان اولمقده
بولمش ایدی .

ارکان امت حضور جناب اورخانیده راسمه تبریکسازیی
ایفا ایتدیکی کون هربری برر مأموریت فتح ایله موقراولمغه عرض
اشتیاق ایتیش ایدی . غازی نبرد آزما ایچون دخی سنت سنیه

فیخر الغزاته اقتفادن معزز امل یوقدی : قلمرو عثمانی جوارنده بولنوبده هنوز قبضهٔ عدالت اسلامییه کچمه مش بولنان مواقع برر برر مفتون شمشیر آبدار ایدیلهرک نشر احکام سعادت و مدنیت ایدلسی مقرون فرمان سلطانی اولدی . ایشته بو صره ده (آیدوس) قلعه سنک فتیحی ده غازی اسکندار توان « قو کور آلپ » ایله مجاهد نوجوان عبدالرحمانه توجیه ایدلمش ایدی . شان حماسه لری طرف سلطانیدن بوضورتله تجیل ایدیلن او ایکی دولار ، زمانک ادوات بسیطه قلعه کیریسی ایله اطراف حصاری قوشاندیلر . معرکه جهادده عثمانیدن بکله نیلن بتون فدا کارلقلری ، بتون همتلری بر عزم خدا پسندانه ایله بذل ایتمکده بولنقله برابر موقعک مناعتی . زمانه کوره حصارک محکمیتی امر فتیحی تأخیر ایدیوردی .

کونلر کچهرک حصول امل تأخر ایتدکجه ، علی الخصوص سینه نوجوانیسنده عشق ظفر برکانون جنون کی اشتعال ایتمکده اولان عبدالرحمن ید جلادتتی عصی ضربه لر ایله پیش و پینده کی ادوات حدیدیه اوزرنده تجربه ایدیور ، کر چکدن چیلدیرمه درجه لرینه کلیور وشو ساحه شرفی مغلوباً ترک ایتمکدن ایسه بوراده ، جلادت عثمانیه ایله استهزا ایدر کی بی قید وفتور طوران شو قلعه منیعنه ک میدان آتشی اوزرنده ریزه ریزه اولمه نی تمی ایدیوردی . اسباب مادیه نک عجزی تظاهر اتمه درجه لرینه کلنجه بتون غازیله برحیرت استیلا ایتمش و جمله سی ،

تاج التوار یخده مسطور اولدینی اوزره ، جناب واهب الّا مالدن
 بر « لطیفه غنیمه » ظهورینه انتظار ایتمک باشلامشلردی .
 فی الواقع بو لطیفه ، آره سی چوق کچمه دن ، بتون لطافت
 شاعرانه سی ایله ظهور ایتدی :

قلعه تکفورینک کلهار حیاته هنوز رسیده بر کریمه سی
 واردی که کوچک یاشندن بری حسن تعایم و تربیه سنه صورت
 خصوصه ده اعتنا اولنمشدی . طبعاً پک عصی اولان
 بو قیز بیودکجه ، او قودقجه حدت ذکاسی ایله برابر تحسینات
 قلبیه یه اسیر بر پری سوداوی اولدینی آکلاشلمشدی .
 (آیدوس) قلعه سنک داخل در و دیوارنده کنسینی بر مرغ
 کرفتار کی قفس نشین اسارت عد ایدن بونو غنجه حیاتک روح
 نزارنده یواش یواش مهیم املار ، بولانیق آرزولر ، آتشین
 هوسلر اویانیور ، اطرافنده کیلرک بتون اعتنای شوق افزالری
 ایله برابر صمیم قلبنده محزون و گریان تراشتیاق منفعل حس ایدیوردی .
 بعضاً ، کوچک یاشدن بری کنسینی اوز والده شفقتندن ده
 قیصقناج بر حس مهر بانی ایله بیوتمش ، پیدرپی محرم سرائری
 اولمش بونان دادیسی آلیر ، اطراف قلعه ده پدیرینت حدود
 مساعده سی ایله محاط اولان قیرلرده ساعتلرجه طولاشیر ،
 طولاشیر .. بتون بو تفرجلردن علی الاکثر ده محزون ، ده
 عصی ، ده بیقرار اوله رق عودت ایدردی . قیزک بو اطوار
 عجیبه سی تکفورک ندیملری آره سنده موضوع بحث اولدقجه هیچ

بر اهميت ومعنى عطف ايديله مز ، اولسه اولسه پياله ازدواج ايله تسكين ايدلمسى اقتضا ايدن حرارت شبابه عطف اولنوردى . حتى بر كون داديسى كنديسنه بوندن بحث ايتمش ، فقط او قدر سرد بر جواب آله رق زواللى قيزك رخسار صافنى او درجه كلكونه حجاب ايلش ايدى كه آرتق بر دها او در عصمت حضورنده بونى ، چاره ازدواجى درميان ايتمه كيمسه ده جسارت قالمامشدى . ايشته كريمه تكفور بو درلو آلام غريبه عصيه ايله رنجيده وقلعه مجاهدين اسلام ايله محاط اولدينى كيجه لردن برنده بچاره نك دماغ آتئينى خيالات مخوفه ايله ساعت رجه محوم اولدقن صكره سائقه بى تانى ايله بلا اختيار كوزلرين قيامش ، بر ميت متفس كى او يومشدى . غريب بر رؤيا كوردى : سراپا برهنه اوله رق درين ، قارا كلك بر قوبويه دوشمش ، مستمندانه فرياد ايدىوردى . فقط ، هيهات ! بتون آوازه لرى او چاه تاريكك تنكناى بى اماننده بر عكس مستهزیدن بشقه جواب سلامت ورميوردى ، نه طرفه اماله دست استمداد ايده جك اولسه بر ضربه حقارتدن بشقه مقابليه نائل اوله ميوردى . ظلمت كيتدكه آرتيور ، بچاره دختر يوسف نصيب قعر ناياب يأس ايچنده غريق اوليوردى ... فقط كاربان سعادت ونجات پك اوزاقده دكل ايدى . آرتق تماماً نويمد اولدينى بر صيره ده كوزلرى بر شعله حيات افروز ايله پازلداردى ؛ قويونك كنار بالاسنده بر فروغ عالم آرا هويدا ايدى .

زواللی قیز ، هیجانندن نظره اولاده فرق ایدمه مشدی .
 فقط شمدی تماماً کوریوردی که بنور مجسم انسان شکلنده .
 خیر ، انسان او قدر کوزل اوله مازدی ؛ عادتاً اساطیری
 بر قهرمان شکلنده ، بر تصویر نریمان شکلنده ایدی . اونه رقت
 آمیز نظار ، اونه بلند و پاک ناصیه ، اونه سیای لطیف و مهیب !
 عمرنده بو قدر کوزل ارکاک کورمه مشدی . نه چاره که موقعک
 دهشت مخوفه سنه بو چهره سودافروزک ویردیک مسحوریت ده
 منضم اوله رق زواللی غریقه چاه فلاکت عادتاً دیلی طوتمش .
 استمداد بیله ایدمه یوردی . لکن سرکشتکان مصائبه کما یوس
 دملرنده انشراح آور اقبال اولان نخت و قدر کی بر دست
 منور ، او قهرمان رستم خصالک بازوی سیمینی اوزاندی ...
 قیز جغزی فوق چاهه آلدی ؛ قربتون لطافت سوداویسی ایله
 ایثار نور ایدیور ، کریمه تکفورک تن عریانی اومنجی مجهولک
 انظار اشتیاقنده بر مرآت مصفی کی پارلیدیوردی . کیجه نک
 آغوش تنهایسنده اساطیر اولین یریلری کی شعله پاش حسین
 و آن اولان بودلر عریانی ، بوروم آفتی چمنلر ، چیچکلر
 آراسنده اوشفافیت فتنه خیز ایله ترکه راضی اولیان قهرمان کندی
 خلعت جنکاورانه سنی چیقاردی ، قیز جغزی بوکا صاردی ..
 غائب اولدی ...



قیز ، دل نرمینی بورؤیای عجیب ایله پاره لیر جه سنه چار پورق

اوياندى . هنوز فجر سوکيوردى . سینه صاف سماده نازک ،
 خفيف . کلکون بلوطلر پاره پاره طاغیليوردى . همان يتاغندن
 فيرلادی . اولامعتادی اوزره آینه سینه قوشدى ؛ صاحلىرى
 طارمه طارغین اولمشدى . رؤیاسنده بونلری اوقدر خير پالامشدى که
 عادتا شمدى پارمقلرنده آنلرک آلام اشتکاسنی حس ایدیوردى .
 صکره کردن سیمینی اوزرنده بر آغراق حس ایتدی : بر آلتون
 چاپیا ! کوچک یاشندن بری بونی بر مائی قوردله ایله بیوننه
 باغلامشلردى . فقط شمدى ، هر نهدن ایسه بوقوردله ، بوجلیپا
 آنى صیقیوردى . عصی بر تلاش ایله چوزدى ، بر طرفه آتدی !
 صکره کیجه کی رؤیانک خیالات حیرتبخشاسی ایچنده مدهوش
 استغراق اولمق اوزره پنجره سنک اوکنه کجى ، اطرافه عطف
 انظار ایتدی : یاپراقلر ، چمنلر اوزرنده کی ژاله لر تأثیر اشعه آفتاب
 ایله یواش یواش ارییوردى ... اوزاقده مجاهدین اسلامک
 اردوگاهى بر قلعه ذى حیات کبی حرکت ایلیروردى . ایلك دفعه
 اوله رق بوتماشادن محظوظ اولدی . باقهلم ، محاربه فصل شیدى ؟
 شمدى بونی مراق ایدیوردى . آرتق یورکنده هاجسه پروا
 قالمامشدى . برج حصاره چیقدى . بر مزغاله باشنی طیادی ،
 باقدى

کوزلرینه اینانه میه جنی کلیوردى : پیش صف سیاهده بر
 جنکاور بیهمتا بارقه جلادت کبی لمعه فشان اولیوردى . قبز

کوز نرخی بتون فر اشتیاقی ایله آچدی. قلمبندن: « او یو یورمی یم؟
ینه رؤیای کوریورم ؟.. » دییوردی .

فقط باقدیقه دهـا زیاده محبوب و مسـحور اوله زق حکم
ایتدی: سردار کتیبه محاصرین اولان اوجنکاور، یعنی عبدالرحمن
غازی دون کیجه کنیدیسنی چاه بلادن تخلیص ایدن قهرمان
وقور ایـی. ذاتاً دلداده سی اولدیغی بو خیال کریزانی بویله بتون
تجملات ظفر و احتشام ایله قارشیدنده کورینجه زواللی قیزبستون
شوریده اولدی. آه ، شور جدن آنک زیر نعل یکرانه اوچق
ممکن اولسه ییدی ... امان یاربی ! نه قدرده تهلکه لی جلاد تـلر
کوستریوردی . یا محصور لرك هدف پیکان قضای اولورسه !..
بو واهمه قیز جغزی بستون ناشکیب ایتدی. یناقلری برر کلغنجه
عصمت کییامش، ناصیه طراوتنا کنده نور تراخت پارلدا یوردی..
دوشوندی . دوشوندی ، نیجه قهرمان لرك ، نیجه ارباب فطانت
واحتیالت بوله میه جنی بر چاره عاجلی در عقب بتون فرو عیله تأمل
ایتدی: بر عزم خدا پسندان ایله کاغده قلمه صاریلدی؛ عبدالرحمن
غازی یه خطاباً غایت صمیمی، غایت سوزشلی برنامه محبت یازدی؛
رؤیانک بتون تفصیلاتی بونامه یه درج ایتدکن صکرده بویله ناچیز
برقلعه نك فتحی ایچون وجود لطیف قیمتدارینی تهلکه کیه القا
ایتمک لزومی اولیوب بوقلعه یی آنک کبی برجنکاور دلپسند
تسلیم ایتک کنیدیمی ایچون محض شرف و سعادت اوله جغنی
و نوا و نوردده جانی فدایه آماده بولندیغنی ، لیکن بوا سر خیرک

همان اجراسی ممکن اوله میوب غازیلرک شووعد خالصانه به اعتماد ايله شمیدی بر حرکت رجعیه کوسترملرینی وبرقاچ کیجه سکره خفياً کلیرینی والحاصل کافه تدابیر شیطنه کارانه بی علاوه ایلدی. وبوکاغدی کمال اعتنا ايله بوکوب شمیج بوسه سی ايله تعضیر ایتدکدن سکره تارکیسووانی ايله برطاش پارچه سنه باغلایه رق سوی غزاته پران ایلدی

بویغام متحجر ظفر برروایتده اچه قوجه نك، برروایتده طوغریدن طوغری به عبدالرحمنك سم سمندینه اصابت ایتدی. آلدیلر، باقدیلر، مکتوبی کورنجه همان محاصرین آره سمنده روم نساننه آشنا بر آدم آزادیلر. مزایاسنه مطلع اولنجه بر انجمن مشورت عقد ایتدیلر. مکتوبك خالصت افاده سندن اشتباهه محل یوق ایدی؛ هر گله سمنده آتش سودا حس اید. یلیوردی. فرض محال اوله رق بر طوزاق دخی اولسه دستیاری ایمان ايله میدان غزایه آتیلان او جنکاورلرک بویله خدعه ردن پروالری ممکنمی ایدی؟.. نهایت قلعه اطرافنده بریانغین ایقاع ایدهرک تکفوره بو حریق نا که ظهور یوزندن فراره مجبور اولدقلری فکرینی القا ایتکه قرار ویردیلر. کیجه دن بر آز زمان کچرکچمز محصورلر، اطراف قلعه بی بیوک بریانغین صاره رق محاصرلرکده افغان وخیزان، فرار ایتمکده اولدقلرینی کورنجه شوق وسرورلرینه پایان اولدی وتکفور بتون افراد قلعه نك آرزو ایتدکاری کبی سرکرم نشاط اولملرینه مساعده ایتدی...

کنیدی ده عسکر لرندن زیاده مست صهبای غرور اولمقده ایکن
اوزاقده جابجا سما پرواز شعله لرك هر بری اصل کریمه سنك
قلب سودا زده سنده برر چراغ سور اولیوردی ...

قلعه نشینانك ذوق غافلانه سی بویله دوام ایتمکده ایکن ليله
ظفر حلول ایتدی ؛ عبدالرحمن غازی سلاح آرقداشلرندن
سکسان قدر دلاورك رفاقتیله جوار قلعه یه کلدی . ساعت ،
نصف الیلی بر آز کچمش ایدی ؛ دختر پا کیزه تکفور بر فرشته
نور کبی کنار باروده شب زنده دار انتظار ایدی . معشوقنك
اوزاقدن مهتاب کبی طلوع ایتدیکنی کورنجه ظلام شب نظرنده
بر دریای اشواق اولدی . عبدالرحمن دخی آنك بویله پیماننده
صادق اولدیغنی کورنجه آرتق حماست قلبی بر قات دها فراوان
اوله رق رفقای طالعه تبشیر ظفر ایلدی . حاصلی « صولاق
زاده » نك شیوه سلیسی ایله : « اومحبوبه عالم زلفی کبی برکنیدی
خم اندر خم ایدوب پر تاب ایتدی . « غازی » جسور هان
ظیرمانه رق بالای حصاره حیقدی . معشوقه مهلقاسنه قاووشدی .
دقیقه فوت ایتمکسزین لزومی قدر دلاور دها حیقاردی .
اول باول قلعه قپو سنك محافظلری یانسه وارلدی . جمله سی
کشته خنجر تابدار ایلدی . قپو آچیلدی . غازیلر کیردیلر .
تکفوری فراش مستانه سنده مخمور پیمانه اجل ایتدکدن صکره
کریمه پا کیزه سنی غنائم وفیره ایله آلدیلر ! بوجسم پیاه دلارام
فجی کمال اعزاز و ابجال ایله حضور سلطانه کیتیردیلر .

حضرت پادشاه ناصیه پاكنده نور ازلی هدی فروزان اولان
 بوملیكه عصمت ايله عبدالرحمن غازینك همان عقد نكاهنی فرمان
 بیوردی . کابین یمن واقبالی قوجه بر حصار استوار اولان
 بواز دواج، بر سور ملی شكننده کمال احتشام وطنطنه ايله بروسه
 شهرنده اجرا اولندی .

ایشته (آیدوس) قلعه سنك تاریخ فتیحی بویله بر منقبه عاشقانه
 ايله پیرایه دار لطافتدر .



« ۲۱ صفر الخیر سنہ ۹۷۴ »

۲۱ صفر الحیر سنه ۹۷۴

اوج یوز الی دردنجی سال دوریسنه ادراك ایتک اوزره
بولدیغمز شو تاریخ ، دولتمزك نقطه علیای شوکتدن قوس
متوالی انحطاطه انتقال ایتدیکی روز ماتما کی خبر ویرمکده در .
فی الواقع عهد سلطنتی شرقاً ، غرباً ، شمالاً ، جنوباً ظفر در ظفر
اوله رق جریان ایتش و سلطان سلیم اول کی بر اب جلادتک
قلمرو موروثی (ویانه) سورلینه ، ایران و هندوستان
خطه لرینه ، تونس و جزایر ساحل لرینه قدر توسیع ایله برأ احراز
ایتدیکی فتوحات عالمگیرانه به بحر ادخی بارباروس خیرالدین پاشا ،
ظورغود پاشا ، پیاله پاشا کی دکر حاکم لرینک همت عناصر
فریبی ایله بحر سفید ، بچراحر ، بصره کورفزی و بحر عمانی
برر بحیره صفاعد ایتک درجه لرنده برشوق طیران تردیف ایتش
بولنان سلطان سلیمان ۹۷۴ سنه سی صفر الحیرینک یکرمی برنجی
کونی (سکتوار) قلعه سی پیشکاهنده ، فتحدن اوج درت کون
مقدمه . وزیر ابدی الاحترام صقوللی محمد پاشانک آغوش البجائنده ،
سیاقه هرم ایله ارتحال دار نعیم ایتشد . بو حزین تاریخی
تقویم حیات سیاسی مزه مداد سیاه ایله نقش ایتک لازمدر .
اسکی تاریخلر مزك عقود افاداتی وقایع سیاسی صوک
درجه ده ظلمت آلود ایدرهك کشف حقایق پک زیاده کسب

مشكلات ايتمش اولمقله برابر بو ظلمات تاريخيه ايچنده برر
 شبچراغ دیده فروز کبی نمایان اولان بعض نقطه لر وارد درکه
 متفقاً برر حقیقت قطعیه اولمق اوزرد قبول ایدلمشدر . ایشته
 قانونی سلطان سلیمانک یوم نسیس حکومتی دوره نتمج واعتملامزک
 خاتمه سی اولدیغی ده اوصورتله متفق علیه اولان حقایق الیمه دندر .
 قرق سکرز سنه امتداد ایدن عهد ظفر پاش سلطنتی ایچنده
 قیاصره جرمان وافرنجی سرفرو برده تیغ رنجارنجی ایددرک
 شکوه و شان جهانک کافه اذواقندن دلیر اولان شو سلطان
 پیرک هنکام پر احتشام حکومتی کرک جبرون عسکرانه ، کرک
 فیوض ادب ومعرفت ، کرک هر دررلو اسباب فروزینت ايله
 مثلاً فرانسه ده اون دردنچی لویئک عصر سفاخته پک ای نشیه
 اولنه بیلیر . فرانسه نک (۱۷۸۹) اختلال عظیمی اون دردنچی
 لوی عصرینک تهیه ایتمش اولدیغی ، منابع جویای وقایع اولان
 مؤرخینک تحت اعترافده بولندیغی کبی بزم اوج درت عصر
 امتداد ایدن مصائب نکبت وخسرا نمزده قانونی سلطان سلیمان
 عهدینک افول دبده اجلانندن باشلا یور . غرائب مقدراتنددرکه
 ثروت وسعادت ، شان وحشمتک اوج بالاسنده جایگیر استقرار
 اولمق بر بخت حسودک سیئه غیرتی ايله نه اشخاص منفردیه ،
 نه ده اشخاص معنویه حکوماته نصیب اوله میور . هزاران حیف لوله
 تلقی اولنه جق حقایق مؤثره دندرکه بر سعادت پیانی خروشان
 ایچنده مست جلادت وحماست اولان برسلطان جهانکیر پیاله

اقبالك هر قطره جوشا جوشی ایله ساقیان بخته ، یعنی اولاد
باقیه ملتته بر زهرابه خمار افزا دور ایدیور !

ایشته عهد جالتمند سلیمانی ، دیدیکمز کی ، تاریکی شئون
ایچنده برر شب چراغ حقیقت تحریری ایله تدقیق اولندیغی زمان
حریم جانم زده بویله سوداوی تأثرات او یانماق ممکن اوله میور .
بر یاندن (پاوی) ده شارل کنک پنجه اسارتنه گرفتار اوله رق
والده سی ایله بر لکده حکمدار عثمانیانک سایه رایت اتفافنه
انتجا ایدن برنجی فرانسوا ، دیکر یاندن ایران ، هندوستان ،
عراق عرب ، قریم و مجارستان ملوک و امراسی موکب احتشامی
کر چکدن بر مطاع صاحبقرانه لایق صورتده مدارای خانفانه
ایله قوشادان . فضولی ، باقی و : « کچمش زمان اولور که خیالی جهان
د کر ! » مصراع مشهورینک قائل اولان خیالی کی نوادر فطرتک
اشعار سحر آفرینه کمال پاشا زاده و ابوالعود افندی کی دهاته
علمک فیوض عرفانی ذوق آور حقایق اوله رق عهد هایونی
جدا رشک اعصار اولان شو حکمدار جلیل الاقدارک دخی
پنجه نحس فلکدن تخلص کری بیان ایده میهرک بتون شعشه
سلطنت صوریه سنه رغماً عادتاً بر زوالی ، بر بدبخت اولدیغی
دوشونمک تأثرات قلبیه یی بر قات دهافزون ایدیور .

اوت ، زوالی سلطان سلیمان ! اون اوچ دفعه بالذات
اجرای سفر ایده رک یتیمش درت سنه لک حیات دلیرانه سی ایچنده
هیچ بر دفعه مرارت مغلوبیت ایله تلخکام اولیوب شان و ظفرک

محبوب دلپسندی اولدینی و صوڪ نفس مقدسنى بر اردوگاهده ،
سو کیلی عسکرلرینك صفوف جلادت و شهامتى آره سنده تسلیم
ایتدیكى حالده و احیفا که صحائف خصوصیه قلبی همان سراپا
سطور سیه رنگ ماتم ایله شائبه دار المدر . پدر آتشمزاجنى :

شیرلر پنجه قهرمدن اولور کن لرزان

نى بر کوزلری آهویه زبون ایتدی فلک !

نوحه عاشقانه سیله التهاب قلبندن شکوه خوان ایدن جلوه
قدر سلطان سلیمان جهانستانى ده فرانسز تاریخلرنده (روقتلان)
نامیله مشهور اولان «خرم سلطان» نامنده کی حرم دل آشوبنك
زنجیر کیسواننده دربدر ایتمشدر !

بو مکار و فتنه کار قادینك بو قوجه پادشاهك ، بو بیوڪ
آدمك سینة تاابد سوزاننده ایجاد ایتدیكى سلسله جروح (۹۶۰)
تاریخنده وقوع بولان شهزاده سلطان مصطفى فاجعه سندن
باشلايور .

هند سفرندن سیاست خائب ، فقط ادخار ایتدیكى نقود
رشوت ایله داعیه نمای مناصب اوله رق عودت ایدوب فی الحقیقه
بو سایه ده وزارت عظمی پایه سنی احراز ایدن سلیمان پاشادن
صکره - بو سلیمان پاشا ایله وزیر ثانی خسرو پاشایی بر کون
دیوان هایونده بر برلرینه خنجر کشیده ایده جاك درجه ده یكد-
یكرینه دوشیره رك - صدراعظم اولان رستم پاشا کریمه پادشاهی
مهرماه سلطانك زوجی یعنی خرم سلطانك داماد ملتفتی ایدی .

بيوك شهزاده سلطان مصطفىانك و برادري سلطان جهـا .
 نكرك والدеси آري اولوب خرم سلطانك اوغللري ده سلطان
 سليم ايله سلطان بايزيد ایدی .

سلطان مصطفىاي وراثت سلطنتدن نزع ايله سلطان بايزيدي
 ولي عهد ايتك ايجون رستم پاشا ايله خرم سلطان آره سنده
 عقد ايديلن دولاب مفاسد سلطان مصطفىانك مجزومي اولمق
 حسييله آره لرنده عداوت شديد جايكير ایدی .

ايران سفری مناسبتيه رستم پاشانك آناتولي يه مروري
 اوزرينه بحق دوچار خوف اولان سلطان مصطفىانك دركاه
 پدره التجا كنان اطاره نامه ضراعت ايتسي هنكامنده رستم
 پاشانك اثر تشويقاتي اوله رق عسكرمياننده پادشاه زمانك آرتق
 اختيار ورتق وفق امورده بي اقتدار اولمسي حسييله بيوك شهزاده يه
 تسليم اورنك حكومت ايتسي مناسب اوله جنج طرزنده شايعه لر ظهور
 ايدوب (صولاق زاده) نك قولنججه : « بوقيل وقال وزير
 ارسطو تدبير جانبنه منعكس اولنججه بلا تاخير بومساوينك عسكر
 ايجنده شيوعني فقير وقطميز بر كاغده تحرير ايدوب اول حينه
 ابناء سپاهياندن آغا اولان شمسى احمد پاشا و چاوش باشى على آغا
 ايله على الاستعجال آستانه طرفنه ارسال ايلدى . »

پادشاه بو خبر عجيبدن همان تهور ايتمه رك اختيار حزم وتائى
 ايلدى . و شمسى احمد پاشايه بونك مستبعد اولديني يولنده اداره
 لسان ايدرك رستم پاشانك ، عسكرى قشلاقلره توزيع ايله

عاجلاً عودت ايتمىنى امر ايتدى . مقصدك يارى يارى به حصول بولىغنى بود عودتن تفرس ايدن رستم پاشا استانبوله وصولنده خرم سلطان ايله همزبان نفاق اوله رق غمزكىن آلودينه كرمى ويردى . نهايت پادشاه ايلك بهارده يينه ايران سفرى بهانه سيله حركت ايدەرك قهرمان اركلد سینه واصل اولنجە سفر هايونه اشتراك مأموريتيله سلطان مصطفى اورايه دعوت اولنوب بچاره كمال صفوت ايله اجابت ايدلى . ظاهراً ناز و نعيم ايله قبول ايدلى ايسه ده يد جلادك كند جانستانى ايله على الغفله شهيد ايدلى ! زواللى شهزاده ، بو آردەلق آجى آجى فرياد ايله پدرندن استمداد ايدىيور ، پدرى ايسه وراى سرا پرده دن بوفاجعه دلسوزى تماشا ايدىيوردى !

بو تاريخده شهزاده مظلوم قرق ياشنده اولوب بروسه ده كى صبي اوغلى دخى عين تاريخده والده سنك آغوش نياز واشتياقنده قربان خنجر ستمكار اولدى !

ليكن بو وقعه خردك داز عسكـره پك زياده سؤ تأثير ايدەرك شجاعت ، نزاكت ، فطانت و كياسـت كـي عطـايـاي كـزـيدـم فطرت ايله مجبول اولان اويله بر قهرمانك رستم پاشا كـي بر منفعتپرستك شهيد مكر وسعايتى اولمى پك سوزناك شكايـتـلـره سـبـبـيت ويرمى اوزرينه كويا تطيب عسكـر ايچون رستم پاشا عزل ايدلى . نه چاره كه خرم سلطانك محمىسى اولمق و آنك فساديله برايكـنـجـي (دوزمه مصطفى) وقعه سى ظهور ايتك آره سى

چوق کچمه دن استرداد قوت ایتسنه بادی اولدی .
 شعرای زمانه « مکر رستم » و « قد قتل شهیدا » و « قتل
 اولدی سلطان مصطفی » تاریخلریله بوجیعه یی حافظه تأثر ابدی یه
 نقش ایتملردر .

ذاتاً اولجه شهزاده سلطان محمدک ادرنده حلول اجل
 موعودی ایله ارتحالندن پر تأثر اولان قلب پادشاهی شوایکنجی
 ضربه افتراق سرمدی ایله پر خون اولمق طبعی ایکن بوندن ده
 جگر سوز برهائله، سلطان بایزید هائله سی مستغرق اشعه اجلال
 اولان سلطان سلیمانک دل پدرانسنی کیم بیلیر نه درجه داغدار
 ملال ایتدی !.. آره نقده، سوکیلی برادرینک ماتم قیامت پیوسته
 هجرانه طایانه میان سلطان جهانگیرک دوا ناپذیر بردرد ایله اسیر
 فراش اوله رق آز زمان ایچنده افول ایتسی کبی بر اوچنجی
 ماتم ظهور ایلدی . کوکبه اقبال پادشاهی بوضربات ایله معنی
 متزلزل اولیوردی (شهزاده جامعی سلطان محمدک و جهانگیر
 جامعی سلطان جهانگیرک ناملرینه اوله رق انشا ایدملشدر .)

سلطان بایزید هائله سنه کلنجه: سلطان مصطفی فاجعه سندن
 متولد تأثر عمومی اوزرینه ترضیه مقامنده عزل اولتان رستم
 پاشایه طمشوار فاتحی احمد پاشا خلف اولمشدی . « دوزمه
 مصطفی » غائله سنک ایقاعی آنک اثر تصنیعی عد اولنه رق خرم
 سلطانک سعایتی ایله عزل و قتل اولندی . حال بوکه شهزاده

بایزیدك مصطفى پاشا نامنده بر لالاسی واردی که احمد پاشانك پرور دکانندن اوله رق رستم پاشانك منفوری ایدی .

بو تاریخلرده بیوک شهزاده سلطان سلیم مغنیساده ، سلطان بایزید ایسه کوتاهییهده اجرای حکومت ایتمکده ایدی . پدر - لرینك شیخوختی فراوان اولدقجه بونلر آره سندهده داعیه تاج و تخت ایله آتش محاسده کوندن کونه افزون اولیوردی .

وقتا که ۹۶۶ تاریخنده ینه بر سرای انترقه سی نتیجه سی اوله رق شهزادكانك ایالتلری تبدیل اولنق ایجاب ایتدیکی کبی مؤخرأ قبریس فاتحی اولان لالا مصطفى پاشا دخی رستم پاشانك تدبیریه معیت بایزیددن آلنه رق معیت سلیمی یه نقل ایدلك آرزو اولندی .

رستم پاشانك امید، لالانك بایزیدی اولق حسیله معیت سلیمیده عزتیباب اوله میه جنی وارکج برهاتی ظهور ایدمرك تیغ سلطان سلیم ایله وجودینك اورته دن قالقه جنی احتماله مصروف ایدی . حال بوکه تاریخلر مزك « شیربچه وضا » تسمیه ایتدکاری بولالا مصطفى پاشا رستم پاشادن دهامکار اولدیغندن آکا رغماً سلطان بایزیدی فدائیمکه قرار ویردی . بایزید، لالاسنك کندی معیتدن آلنه رق معیت سلیمی یه نقل ایدلیدیکنی خبر آنجه یولنی کسهرک مأموریت سابقه سنه اعاده سنی پدرندن نیاز ایتمکه عازم اولدی ایسه ده خیالخانه دسائس پناهنده بر بیوک جنایت پلانی تصمیم ایتش اولان لالا :

— سلطانم ، سز بوجهتدن هيچ اندیشه ايتمك . سزك
تأمين قوت وسلطنتكز ايجون معيت سليميده اتخاذ تدابير بنجه
دها آسان اولور . هم شيمدي ذات شاهانهدن بني طلب ايتمك
اراده پادشاهيه قارشى بر نوع عصياندر . هيچ موافق
دكلدر . امين اولمكزكه بنم كوكلم دائما سزكله برابر در ! .
كبي بعض مواعيد خاطر فريب ايله سلطان سليمك معيته جان
آتدى .

تبدیل ایالت هنكامنده سلطان سليمه قونیه حكومتى توجیه
اولنه رق امثالاً للامر همان اوجهته كيتمش ایدیسه ده سلطان
بایزید آماسیه حكومتنه تعیین اولمسنی قبولده بر مدت تعلل ایلدی .
نهایت اوده عزیمت ایتدی . نه چاره كه واقف دلخواهی اولان
لالا مصطفى پاشا آنی راحت براقمدی . تفصیلاتی تاریخلرده
مندرج اولدینی اوزره بنجهفتن ابلیس پسندانہ ایلہ بیوک برادری
سلطان سلیم علیهنه آچیقدن آحیقه قیام ایتدیردی . لالانك واقف
مکرو فسادى اولان رستم پاشا طرف سلطانی به کشف حقایق
وادیسنه سلوک ایتدجكه اول باول سلطان مصطفى فحیعه سی ایلہ
سیهروی تهمت اولدینی کبی بایزیدك بدایت عصیانده لالانك :
« بتون بومصائب ، رستم پاشانك اثر تزویر ایتدر ! » طرزنده کی
اشعاراتی ده پادشاهی کندی حقنده سوء ظنه دوشورمش
اولدیندن شهزادکان احوالنه دائر فك دهان ایتسنه مساعدہ
اولمازدی . نهایت قوه عسکریه ایلہ سلطان سلیم طرفی تقویه

اوله‌رق ایکی برادر آرد سنده قونیه صحرا سنده وقوع بولان محاربه خونریزانه ده سلطان یازید احراز غلبه دن نا امید اوله‌رق اون ایکی بیک قدر قپو خلقی ایله برابر اولادینی مستصحباً اختیار فرار و طوغریجه کسری ایران شاه طهماسب نزدینه التجا ایلدی.

« قوسقونه قوت، قامچی یه برکت! » صورتنده وقوع بولمش

اولان بو فرار قهقه‌ری (روان) شهرنده نهایتندیر اولدی . فاکتورده، اورادن پایتخت ایران اولان « قزوین » دعوت ایدیلرک کمال دارات واحتشام ایله قبول واعزاز اولندی . فقط شاه بو ملتچی نا کهظهوردن آغیرنجه آلتون صورتنده مستفید اولمهی دها ایلاک ملاقاتده ضمیر منفعته کیرنده تصمیم ایتمش ایدی . شهزاده‌نک فرار والتجاسی سلطان سلیمان قانونینک واصل سمع تهوری اولنجه حیا و یا میتاً اله کچیرلمسی ایچون سریر شاهی ایله آستانه دولت آرد سنده اوچ درت سنه قدر تعاطی مکاتیب وسفرا اولندی . بونا مه‌لر « منشآت فریدون بک » ده مندرج ایهده زمانک انشای معقدندن استخراج مال ومعنی ایچون انسه‌نه حقیقه دستبرد حیدرانه لازمدر !

اوکجه‌لری طرف شاهیدن پک زیاده مظهر ناز ونوازش اولان شهزاده‌نک ساعت اضمحلالی تقرب ایدیجه بر بهانه ایله معنی خالی طاغیدیله‌رق کندیسیده بردائرة خصوصیه‌ده تسجین اولندی . کرك سلطان سلیمانک، کرك سلطان سلیمانک اطماعیاتنه طیانهمیان شاه کرسنه چشم نهایت ۹۶۹ سنه‌سی محرم الحرامنک

اون بشنجی کوئی بیچاره یی درت نفر اولادی ایله برابر «قزوین» ده قتل و شهید ایلدی . و بو هائله یه بتون «قزوین» اهالیسی آغلادی . جنازه لرینی سیواسه نقل ایتک اوزره کمش اولان سفرای عثمانیه دخی صوگ درجه ده شتم و تحقیر اولندی . آز قالسون ، بو جنایت ، شاهک تاج و تختی دخی زیروزبر ایده جگدی ! ..

بتون بو فجایع الیه شعشعه سلطنتی درت عصردن بری عیون جهانی فاشدیران بر حکمدار معظمک کتاب حیات خصوصیه سندن بر صحیفه درکه نفاق و تزویرک جبلت بشریه ده مکنوز و سعادت مطلقه نک بو خا کدان محتده نوع بشره غیر مقدور اولدیغنه دلالتی اعتباریله موجب عبرتدر .

ایشته (۲۱ صفرالحیر ۹۷۴) تاریخنک سال دوریسی بو وقایع فحیه نک یادینه و سینه اولدی . بو آلام ایچنده نو عما تشیط خاطر قیلندن اوله رق شو حکایه یی ده علاوه ایده لم :

سلطان بایزیدک ، بو عقوبت نردن اول هنوز ایالت کاهنده صفاران حیات ایکن ، تبریزی برهمدمی وارمش . کونک برنده مملکته عودت ایچون شهزاده دن نیاز مساعده ایدوب یاد کار اولق اوزره طبع شاعرانه سی محصولا تندن بر ائرده رجا ایتمش . سلطان بایزید اکا سانحات غضنفرانه سندن بر غزل فارسی اهدا ایش . مصاحبه ده بو غزلی متشکراً حرزیمین ایده رک مملکته کیتمش . سنیلرک مداوم اولدیغی بر خانه نازل اولمش . تصادفاً

بر آزمان صكره وفاتى وقوع بوله رق غزل بايزيد دخی اشياسى
 میانندن ظهور ایتش؛ مؤداسی شاه طهماسبه عائد اولدیغی جهته
 همان قاپوب کوتورمشلر. شاه بونی اوقویوب سلطان بايزيدك
 زاده طبعی اولدیغی آكلایه رق برکوشه ده حفظ ایتش. مؤخرأ
 سلطان بايزيد کندیسنه التجا ایدینجه آره صیره بو غزلی - که
 شاه طهماسب حقنه ده هجو و تحقیری متضمندر - شهزاده دردمنده
 کوستره رك زواللی بی دلریش حجاب واضطراب ایدرمش !!
 غزلک باشلیجه ایکی بیتى شونلردر :

ا کر تاج جهاندارى میسر میشود مارا
 که تیغ قهرمانی بر کشایم روی دنیا را
 سر طهماسب از تن بضرب تیغ بردارم
 بزیر حکم خویش آرم سمر قند و بخارارا

فی ۲۴ شباط ۳۲۴



جم سلطان

﴿﴾ جم سلطان ﴿﴾

نه حزين ، نه سوداوی اسم ! موجد شاهدارو اولمق
اوزره معروف بولنان شاه شهيم ايران ايله التباس نامی، اسلاف
شعرامن عندنده پك قيمتدار وجوهرين اولان « جام جم » ی
همان خاطره کتیرهرك زواللی شهزادهك پیمانه مقدراتی ايله
جشميدك پیاله یاقوت رنکی آره سنده کی فرق الیم خاطره لرده
برخمار یأس آلوده باعث اولیور .

تاریخ عثمانینک شهزاده لر فصلی همان سراپا دلسوز اولدیغی
کبی جمك طبع شاعرانه سی ايله غرائب نصیبی احزان عمرینه
بالخاصه برطور سوداوی بخش اییدیور . استانبول کبی برآشیان
صباحتی صدر اسلامده کی برمعجزه نبویهك تجلی خارق وصادق
اولان همم خرد فرسا ايله - قره لرده کیملر یورودهرك - فتح
ایدن برووجود ذی جلادتك شو نور دیده سی پدر فاتحنك زوال
عمری ايله برابر طربخانه جهانی بر پرده سیه پوش ملال آلتدن
تماشایه باشلامشدر . شهزادهك صحنه تاریخنده نشأتی پدرینک
اوزون حسن ايله واقع اولان (اوتلق - بلی) محاربه مشهو -
ره سنی متعاقب ، قره مان حکومتی مقده عهده نجابته نفویض
ایدلمش بولنان شهزاده مصطفانك (ارمناق) حوالیسنی فتح

ايله (دوه لی قره حصار) قلعه سنی ضبط ایتک اوزره ایکن وفاتی وقوع بولسی اوزرینه ایالات مفتوحه والیکنک کنديسنه توجیهی تاریخندن بدء ایدیور .

(ژونکیهر) کقولنجه بوتاریخده «اون سکرز یاشنده بولنان شهرزاده، جنکاور بر قومی تسخیر ایده بیله جک مزیات و خصائلک کافه سی ايله مجبول ایدی . مستثنی بر قوت و مهارت بدنیه مالک اولدینی جهتله هر درلو افعال و حرکات جسمانیده موفق اولیوردی . ملوک سلجوقیه دن بیوک علاءالدینک قونیده ده محفوظ بولنان کرز کراتی جنکاورلردن پک آزی یرندن قیملداته بیلدیکی حالدده جم سلطان آتی غایت خفیف برسلاح ایمش کی ایدی صلابتنده بازیجه ادمان ایدرمش . فنون ادبیه یه پک زیاده رغبتکار وبالذات بر شاعر بدایع نکار اولدیغندن - خورشید و جمشید - عنوانلی قصیده فارسیه یی ترجمه ایتمش وزاده قریحه سی اوله رق پک چوق غزلار تنظیم ایشدر . دور حکومتده قره مان قطعه سی تماماً مظهر امن و آسایش اولمشدر .»

بو اوصاف ، شهرزاده نك عهد عنقوان شابه عائد اولوب مؤخرأ ، محصول طبع حزینی اولان « بسرگذشت نظر کن ز سرچه باگذشت ! » نداسنک ایماء ایتدیکی مصائب حیات ایچنده استعداد شاعرانه سنک بحق کشایشپذیر اولدینی آثار باقیه حزن انکیزینک دلالتی ايله آ کلاشلدینی کی بر سلطان متبوعه لایق خصائل فطریه کار آشنایسنه نظر آده پدرینک وفاتی متعاقب

صدراعظم قره‌مانی محمد پاشانك قانون وراثتی اخلاص ایدهرك
بیوك شهزاده سلطان بایزیدی اسقاط ایله‌اریكه سلطنته جم
فطانتندی اصعاد ایتك خصوصنده کی آرزوسنه - عندالمقایسه -
حق ویرمك ایجاب ایدیور . یکیچریلرك مخالفت جاهلانیه سی
ایله حصولپذیر اوله‌میان بوامل ، زواللی صدر اعظمك مقتولیتی
ایله استانبولده مناسبه‌سز بریغما کرلکی انتاج ایتدیکی کی
تاریخاً بی فروتاب وعاقبت زور بازوی سلیمی ایله صورتیاب
انقلاب اولان عهد بایزید ثانی‌یه فرصتبحش جریان اولمش
و زواللی شهزاده جمی جهانکرده محنت و هجران ایشدر .

واقعا بویه‌مستثنی استعدادلرك ، سوداوی فطرتلرك بر ، حیات
یکطراز ایچنده دمکدار اولمقدن زیاده بویه بر عمر خلجان
آلودایه فجایع عالمدن نصیبه‌دار اولملری ذوق خیالپرستانه‌لرینه
دها موافق ایه‌ده بیچاره جمك اوروپاده صفحات الیمه کونا
کون ایله اون اوچ سنه تمادی ایدن اسارتدن بحق بیزار اولدیغی
آن بآن عتبه برادره اطواره ایلدیکی ضرر اعتنامه‌لرك سوزش
ومرارت افاده‌سندن استدلال اولونیور . حتی (منشأت فریدون
بك) ده مندرج بولنان بو حسرتنامه‌لرك برنده شکوای قلبنه
مساعدت تاجریان ویره‌رك :

سلیمان راچه پروا از غم مور ؟

فریدون راچه باك از ضعف زنبور ؟

هر آن که در لب دریا مقیم است ،

چه باک از يك غريبي ميرد از دور ؟

تفحص کن ز حال زیر دستان ،

درین کنبه چه خاقان و چه فغفور !

نوحه سنی بر آورده زبان سرزنشکاری ایدیور .

ذوق جمشید پسندانه تمایل عظیمی ایما ایله برابر هر درلو
استعداد فطریسی تسلیمده (هامر دخی داخل اوله رق)
بتون مورخینک متفق الکلم بولندقلری شهزاده سیه بیختک
ارتحال پدری متعاقب بر یاندن مزیات شخصیه سینه ، بر یاندن
هوسگذاران اقبالنک تشویقانه فریفته اوله رق پایتخت اجداد
اولان (بروسه) اوزرینه یوریوب ایاس پاشا یکیچریلری
مغلوب ایتدکدن صوکره اعلان سلطنت ایله - نامه خطبه
اوقوتمق ، سکه ضرب ایندیرمک کی افعال سلطانیه مه مسارعندن
خالی قالمق سزین فلکدن اغتصاب ایده یلیدیکی اون سکر کونلک
نشوه اقبالی سرمدی بر خمار المیه تحول ایتشدیر .

شهزاده لرك كمال صفوتله دلبسته امنیت اولدقلری لالاری
یوزندن اوغرادقلری محن ومصائب دخی تاریخ عثمانینک بشقه
بر حیفه سوزنا کی اولوب جم سلطانک ده یکیشهر جوارنده پادشاه
اردوسی ایله وقوعه کلن مصادمه سنک انهرام قهقههری ایله
نتیجه لنسی لالاسی یعقوب چلینک سیده اهاتی ثمره سیدر .
شهزاده نك ، برادر اکبرینه قارشی قلمبنده بر خصومت جبارانه
پرورده ایتدیکی ، شو مصادمه نك وقوعندن اول مطارحه سلطنت

ایچون نزد پادشاهی یہ مأمور لر کوند رمه سندن استدلال اولونیورکه
 بوده رویت و فطانتک نشانه دیکریدر . علی الخصوص بوهیت
 سفارتک ریاستنده جلبی سلطان محمد اولک کریمه سی و فاتحک
 خاله سی ، یکی رقیب سلطنتک بیوک خاله سی اولان (سلجوق
 خاتون) ک بولمنی شهزاده ده کی تمایلات صلح پرورانه یہ دلیل
 ساطع ایسه ده نه چاره که لالا یعقوب بکک اولجه مواعید
 پادشاهی ایله خفیاً تسخیر ایدلمی و تکلیف شهزاده نک اساساً
 بر مقتضای حکمت حکومت شایسته قبول اولمامسی بایزیدک
 [لارحام بین الملوک] جواب متجلداسنی محق کوستریور .

یکشهر مصادمه سنده مجروح و مغلوب اولان شهزاده بی
 نصیبک ، حتی اویلغنده کی جریحه سنی صارمغه وقت بوله میهرق
 و ، ارمنی بوغازنده برترکان چته سنک پنجه استراقتدن کوچ حال ایله
 قورتیلهرق ، افغان و خیزان ، اسکیشهره و اورادن قونیسه یہ
 عزیمت ایله اوچ کون استراحتدن صکره والده سنی و منسوبات
 حرمی ایله سائر آدملرینی مستصحباً سوریه یہ طوغری حرکتی
 بالضروره برقرار سرسریانه اولوب انحق ابتدا حلب و شام
 بکک بککری طرفدن و مؤخرأ قاهره ده سلطان (قایتابی)
 جانبندن مظهر اولدینی اعزازات و اکرامات بومتاعب وجود
 فرسانک تخفیف آلامنه خدمت ایتشدرد . درت آی قدر قاهره ده
 آرامکزین اولدقدن صکره بواسطراحت مجبوریه طبع جواننه
 یک کران کلن شهزاده ایفای فریضه حج ایچون بوفرستی فوت

ایتمه مک ایستدی . اولاً مکّه مکرمه یه ، بعده مدینه منوره یه
کیده رک شبکه رسول الله روسای نیاز واستغفار اولدی .

خاندان سلاطین عثمانیه ایچنده بالذات شرفیاب حج اولان
شهزاده جمایله برده چلی سلطان محمدک برکرمه سی اولدیغی
(هافر) بیان ایدیور .

سلطان جمک حیات بدبختانه سی اصل حجب دن عودتی متعاقب
باشلایور . دولته سنه لرجه بلاندر بلا اولمش اولان قره مانیر
بقایاسندن اوله رق سلفه مکیه صیغمنمش بولنان قاسمک ايله آنقره
سنجاق بکی محمودک وباب عالینک جزیه کذارى اولان دها بر
طاقم امرای پراکنده زواللی شهزاده یی سلاح بختی برکرمه
دها تجربه یه تشویق ایدیورنر . بو تشویقات منفعتکیرانه یه
یکى باشند فریفته اولان شهزاده ، والده وحررم واولادینى
مصرده ترک ايله ، آناتولی یه کیدیور . بادرده دن خبردار اولان
پادشاه اردوسى دخی آیدوس اووه سنده تحشد ايله علی التدریج
ایلر یلیور . محمودک آماسیه والیسی اولان سلیمان پاشا الله
مغلوب ومقتول اولدیغی کبی شهزاده نک ، تقرب کتیبه پادشاهی
خبری ايله دوجار مخافت اولان قطعات عسکریه سی دخی آنقره
جوارنده پریشان اوله رق کنیدیسی ده معقبى اولان اسکندر
پاشانک - کیجه لین یولی بعض بطاقلقره مصادف اولمق حسیه له -
غائب ایتدیکی زماندن بالاستفاده کمال مشکلات ايله بتکرار قره مان
طاغلرینه فرار ایدیور . و آرنق بوطور اقلرده کندوسنه جای

کاین واستراحت بولنه میه جغنی تیقن ایتدیکندن بینه قاسم بکک
توصیه سی اوزرینه ردوس شوالیه لرینه التجایه مجبور اولیور .
شهنزاده نك بوزمانه قدر اولان سرگذشتی « تاریخ » اولدیغی
حاله بوندن صکره سی حقیقی بر « رومان » در .

آطیه هجرت ایتمه دن اول شوالیه لرك استمزاجی ایچون کوندردیکی
فرنك (سلیمان) نامنده کی ندیم محرمنك عودتنه صبر ایده میه ررك
کدك احمد پاشانك تعقیباتندن ره-ایاب اولمق اوزره قره مان
سواحلندن برقره مان سفینه-سینه راکباً جزیره یه جان آتیور .
ایرتسی کون ، عودت ایتمکده اولان سفیرینك کشتی استقبالی
ایله (آنامور) خذالرنده تقابل ایدیور . فرنك سلیمان هر نه
قدر شهنزاده یه شوالیه لرك لساننده موجب خیر وسلامت نشانه لر
کورد مدیکنی اشراب ایله بو هجرتدن صرف نظر ایتسنی اخطار
ایدیور-سده شو احوال ایچنده برادر اریکه نشیننه عرض
مطاوعتی شان وقار و حیثیتنه اصلا یدیرمه یین بیچاره سرکشته -
نه اولورسه اولسون - بر اجنبی طویراغنده اختیار مأوایی ترجیح
ایدیور .

شوالیه لرك شهنزاده یی صورت قبولی مظنطن بر سور شادیدر .
حتی کندی سفینه-سندن ساحله قدر وضع اولن-ان بر کوپرینك
(رامپه نك) اوزرینه پك زیبا پر نیانلر فرش ایدلیدیکی و شهنزاده نك
بو کوپری یی بتون تجملات سیم وزر ایله طرازیده بر اشهب
مخاشه-سوار اوله رق نقاره لرك آهنگ دورا دوری و مزین

توانتلر ایله بتون زقاقلری ، طاملری ، پنجره‌لری اشغال
 قادین ارکک اهالی جزیره‌نک انظار مسحوری آردسندن عزت
 واقبال ایله مرور ایتدیکی کتب توارینخده تماماً بررومان نشئه‌سی
 ایله محکیدر. شهزاده جزیره برمدت کشت وکذار وصيدوشکار
 ایله مشغول اولدی ایسه ده برآز صکره درسعادتن تکلیف
 مصالحه ایله وارد اولان برهیئت سفارت، شوالیه‌لری شهزاده‌نک
 حیاتی خصوصنده اندیشه‌یه دوشوردیکندن و ردوس
 حکومتک عثمانلیله قارشی بقای موجودیتی نامنه برنعمت غیر
 مترقبه کی اله کچمش بولنان بو ضمان صلحی هیچ بروجه‌له‌دن
 چیقارمق ایسته‌مدکاری کی محافظه حیاتی ده یک زیاده ملتزم‌لری
 اولدیغندن طرف پادشاهیدن مصرف نامیه سنوی قرق بش
 بیک دوقه آلتونی ویرملک شرطیه شهزاده آواره‌نی فرانسه
 طوپراغنده شوالیه‌لر مستملکاتندن بولنان موقعده محافظه‌نی
 درعهده ایتدیلر. شهزاده‌نک بوصیره‌ده دردوانته ایصال ایتدیکی
 فارسی‌العباره ضراعتنامه‌سی ایله جوابی (فریدون بک) منشأ‌تندم
 و آندن اقتباساً (خبر صحیح) ذیلنده مندرجدر. بونلرک فارسی‌لسانی
 ایله محرر بولنمی غرائبدن اولوب انجق ملک اترک داخاندم
 اوزمانلر لسان فرسک لطافت ادبیه‌یه ده‌ا مساعد عد ایدلدیکی
 احتمالنه عطف ایدیه بیلیر. هر نه اولورسه اولسون شهزاده‌نک
 استعطافنامه‌سنده کی : [امید دارم که قطره برای محو کردن
 سیاه رویی این کهنه‌کار بیچاره و درد مند آواره از سحاب

مرحمت برین خاک پر خجالت چون دانہ نیسان بچکد [کبی
تضرعات ادیبانه ورقت انکیزانه سی پک محرقدر ! نہ چاره کہ بو
واسطہلر ایله ایکی برادر آرسہ سندنہ اعادہ صلاح امکانی آرتق
مفقود ایدی . نہایت شہزادہ آوارہ ، اوتوز نفوس قدر معیتی
خلق ایله برلکده (شوالیہ دوبلانشفور) قوماندہ سندنہ برسفینہ یہ
راکباً کاه بحر سفیدک تلاطم امواجی فرقت وطن ایله
متہیج اولان قلب ملولنہ هول افزا ، کاه (اتنا) وولقانتک
اشعہ آسمانفروزی دودیدہ کریاننہ حیرتبخش استغراق اولہرق
صبحاحلرہ قدر شب زندہ دارتحسرا ولدینی نیجہ آقشاملرنیجہ سوزشلی
غزللر انشادی ایله خاطر محزوننہ رشحه ریز آرام اولمش و آغوش
کبود دریادہ آلتی ہفتہ چالقاندق دمنصکرہ (نیس) لیاننہ مواصلت
ایلمشدرد ...

لب دریادہ بر پیغولہ صفا اولان (نیس) شہرینک لطافت
مناظری طبع سوداویسنہ پک زیادہ جوشش آور اولدیغندن یاد
وطن ایله متمادیاً شعرلر تنظیم ایتمکده بولندیغنی صیرہ دہ شوالیہلر
طرفندن اعدام ایدلمک ایستہ نیلن ندیم خاصی فرنک سلیمانی
بیگ درلونا زونیا زایله اللرندن تخلص ایدہ رک بر مدت خزینہ سندنہ
حبس ایتدکن صکرہ متیکراً (روما) یہ قاچیرمسی زادہ
قریمہ سی اولان :

کراز جفا بمیرم بعداز ہزار سالی
از خاک تربت ما بوی وفا بر آید

بتي ايله افاده ايتديكي وفا كاري خلقتك برهانيدر .

شهرزاده نك يدي سسنه سي فرالسه ده اولق اوزره بر مرغ
رميده كي قفسدن قفسه نقل صورتيله كذران اولان مدت
فجيعة اسارتى ايچنده بر آره لق دوق (دوساواوا) ايله ملاقاتى
واو تاريخده اون درت ياشنده بر نوجوان اولان پرنسك
كنديسنه عطف نظر ترجم ايدرك تخليصنه چاره جو اوله جنى
وعد بيهوده سي اوزرينه زوالى جمك شوريدة سرور وابتلا اولوب :
جام جم نوش ايله اى جم بوفر نكستاندر
هر قولك باشنه يازيلان كلور دوراندر
مطلعلی و :

يورى واراى بايزيد سن سوره كور دورانكى

سلطنت باقى قالور ديرلر سه بو يالاندر !

مقطعلی قصيدة مشهوره سي ايله تسكين آتش اشتياق ايتمى
ومؤخرأ (ساسناره) قصبه سنه نقلنده (فيليپين الن) اسمنده
برفرانسز دلبرينه عشق ايدرك مكاتبات عاشقانه ده بولمى كى
بعض احوال قليه دن بشقه شايان نظر بر حالى اولمىوب نهايت
شواليله لر طرفندن (روما) ده سكزنجى « اينوسان » نامنده كى
پاپايه تسليمى ايام اسارتنده يكي بر صفحه كشاد ايدىيور .

شهرزاده مختزده بوراده دخی اوچ سنه قدر بر حیات جفا
انکیز کچروب بومدت ظرفنده ایرکچ اهل صلیب اردوسنه بر
سلاح تهدید اولمى اندیشه سي ايله بر آن اول قتلى ایچون

در سعادت و روما آرمه سنده مذا کرات خفيه جريان ايتديكي
فرانسز تاريخلرينك جمله رواياتندندر .

(اينوسان) دن صكره پاپلق مقامنه كلن (آلكساندر
بورجيا) سيأت غليظه اصحابندن بر مرد مردودالاخلاق
اولديغندن زواللى جم آنك پنجه حرصنده يكي باشدن وسيله
تجارت اولدى . بو پيشوای حريص نصارا ، سلطان بايزيدى
شهزاده نك مادام الحياه محافظه سى شريطيله سنوى قرق بيك دوقه
آلتونى وير مك ، يا خود بر دفعه ده اوچ يوز بيك آلتون ويره رك قتل
ايتك شقلرندن برينى قبول ايتك خصوصنده تخيير ايتدى .
بو مقاوله معيوبه اثناسنده فرانسه قرالى سكرنجى (شارل)
ايتاليايه هجوم ايله پاپاي (سنت - آنز) شباتوسنده محاصره
ايتمشدى . زيرا (طوماس پائولوغ) ك بر اوغلى آكا بيزانس
تخت حكومتنده كي حقوق وراثتى ترك ايتمش اولديغندن بو مقصدك
استحصالى امرنده بك اى بر آلت تجاوز تشكيل ايده جك
اولان شهزاده جمى الدن قاجيره رق پاپايه قاپديرمش اولديغنه قرال
بك نادم ايدى ! پاپا چار وناچار قرال ايله مصالحه يي اختيار
ايدرك بيوك بر فسادك اساسلى مذا كره اولندى : ردوس
شواله لر ينك رئيسى اردو قوماندانلغى در عهده ايدرك و محارستان ،
لهستان قرالارينك معاومتيله آرناوودلق (ناپير) وماكدونياده
براختلال ايقاع ايديله رك جم سلطان بر آلت فساد اولق اوزره
استخدام ايديله جكدى . حال بو كه شهزاده نك ، ولو ايمما طريقيله

اولسون، بو درلو تسکیفاتی نه درجه تهوور وجلادت ایله رد
ایتدیکی واکر وطنه قارشى ملوک نصارا ائنده بر بازیچه انتقام
اونه جق ایسه بر آن اول روحنک قبض ایدلسنی جناب حی
قدیردن نه صمیمی سوزو کدازلر ایله تضرع ایلدیکی معلوم اولوب
صلابت دینه وحمیت وطنیه سنک ابدی التذکار دلائلندردر.
بعض تاریخلرک قولنجه بو بادردهن وندیکیلر واسطه سیله
خبردار اولان سلطان (بایزید) همان (بورجیا) نک تسکیفات
آنفه سنی قبول ایده رک شهزاده نک بهای خونی تماماً تأدیه
اولندقدن صکره ناپولیده مسموماً وفاتی وقوع بولدی. بو
تسمیم کیفیتده ایکی روایت واردر: بری (بورجیا) نک
بتون ظلمدیده لرینه اعطا ایدوب نهایت کنديسنک ده واسطه
اتحاری، اولان غبار هلاهل نثاردر. دیگري ده اوتاریخده
قبوچی باشیلردن اولوب سلوری قپوسی قربنده جامع ومدرسه سی
اولان قوجه مصطفى پاشانک متکراً ناپولی یه عزیمت ایده رک
برطریق ایله شهزاده خدمتنه فرصت بولوب ییچاره یی زهر آلود
استره ایله تراش ایتدیکیدر؛ (روضه الابراز) بویکینجی روایتی
تذکار ایدیور.

سلطان جمک شهادتی متعاقب، فرانسه قرالی طرفندن تحنیط
ایدیلهرک وصیتی وجهله بروسه یه نقل اولنسان جنازه سی ایله
برابر محلفات موجوده سی ده مصرده کی والده ومنسوباته ایصال
ایدلمک اوزره خطیب زاده (نصوح) بکه تسلیم یوله چیقارلمش

ایدی. غریبدرگه کشتیٰ نصوحه شرطهٔ توفیق رفیق اوله میهرق
اشیای متروکه مصره کیده جک یرده دربار سلطنته کلدی !

بواسیا میاننده شهرزاده نك [ادينصر السلطان جم] زمزمه
دعائیه سی ادمان ایتش اولان برطوطی قوشی وارمش. سرای
قوسندن ایچری کیررکن [اه یرحم السلطان جم] دیمش
اولدینی مرویات تاریخیه دندر !

ایشته بو شهید فرقتر سیدك اجمال سرگذشت حزینی بو
صورتله اولوب همان کافه سی میل شاعرانه ایله مفطور اولان
سلاطین عثمانیه ایچنده :

نیست بهوده سفرها و فرس رانی ما

بهر جمعیت دلهاست پریشانی ما

کبی حماسیاتك قائل اولان سلیم اول و :

اولیه دولت جهانده بر نفس صحت کبی


* *

هرکسك مقصودی بر اما روایت مختلف

طرزنده امثال عثمانیه عدادینه التحاق ایتش اولان بعض
بر جسته آناری حکمت پروری فکرندن نمونه اولان سلیمان
اول ایله برلکده عرش کزین شاعریته اعتلا ایدلردندر. لیکن

قوت طبعی ترکیه دن زیاده فارسی اشعارنده کوریلیمور. بو، نالشکار
 سوداوینک جودت قریحه سی و سوزش اداسی حقنده بر فکر
 ایدینمک ایچون یالکز « خرابات » ده مندرج اولان بعض
 سنوحتنی مطالعه کافیدر .

۱۷ مارت سنه ۱۳۲۵



انتباه تاریخی

انتباه تاریخی [۱]

کچن هفته نك رونق نادیده شادمانیسی جباه لامعه عثمانیه به یکی بر آب و تاب جلالت نقش ایتدی. آلتی عصر دن بری عثمانی نام حماسه شکاری ایله شهرت یاب و طوفان حوادث ایچنده غرب و رطه لره سینه کشای اضطراب اولان دولتمزك صوك بر قالج عصر ظرفنده کی تاریخ کشا کشتی تدقیق و محاکمه ایدن ارباب حکمت، موجودیت تاریخیه مزى عادتا عملیاتخانه تشریحک فرات سنکینی اوزرنده کی قدیدك اسباب مرض و موتنی تحقیق ایلین بر مشرح کی بیشتر عرفان و بصیرت ایله تحلیل ایلهرک : « ایشنه بو اسباب شو اعراضی و شو نتایجی تولید ایدر. » دیه کمال اعتدال دم ایله تصویر آفات ایلور لر .

فقط حیات دولی حیات خصوصیه اشخاصه تمثیل ایدنره تماماً حق ویردیرن احوال دندرکه نرده بر طاقم مصائب و احوال صورتمای انفعال اولورسه الك زیاده اوراسی بر کیرودار اغراض اولور .

احباب! شیوه یغماده مبهوت ایلر اعدایی

خدا کوسترمسون آثار اضمحلال بریده !

بيت حكيما نه سنك حكم عاقلانه سي شخصلره اولديني قدر
حكومتلرده عيماً قابل تطيقتدر . بو خصوصده فريفته خيالات
اولوبده هيچ بروقت حيز حقيقتده چهره نمون اولميه جق آمال
يهوده يه دوشمه مليدر . شخصلر نصل كه بتون موفقيات حياتيه لريني
مساغي ذاتيه لرندن بشقه هيچ برجهندن انتظار ايمه مكله مكلف
و مجبور ايسلر حكومتلرده ساحه سياسيانده كي هر درلو فتوحات
سطوتلريني انجق كندى شمشير همت و تدبير حكمتلرندن
بكله مليدرلر .

افكار متبسمه اجتماعيه نك بتون ترقيات و تعالياتنه رغماً
انسانلري حياتيه ربط ايدن اك مؤثر قوتك ازلدن ابده قدر
(لاروشفوقو) نك ديديكى كى [منافع شخصيه] اولديني
تضييه سندن بر لحظه جك ذهول ايتك پك چوق ساعتمرك تعمير
ابده ميه جكي زيانلره باعث اوله جغنده هيچ شبهه ايمه مليدر . بر
شخص كى بر حكومتده نه زمان كندى منافغي كندى سلاح
شجاعتى ايله مدافعه دن - نه درلو اسباب و موثرات سائقه سيله
او بورسه اولسون - عاجز قاليرسه اطرافنده يابر طاقم بي انصاف
يغما كرلر ، يابى تاثر سير جيلار ، يا خود محقر ناصحلر بولور !

بو حقايق بسيطة ابتدائيه تاريخك هر صحيفه فلا كتندن بتون
مرآتى ايله هويدا اولديني كى فرداى انقلابمзде وقوع بولمش
اولان هجمات حقوق شكنانه دخى بونك اك يقيندن واك زياده
جالسوز اوله رق حس ايتديكمز تطبيقات اليمه سيدر .

اوروپا تاریخ سیاستی ایچون پکده موجب شرف اولیان بو یولده کی خجیعه لر اولجدهده وقوع بولورکن ، بشقه لرینک حساب ا کدارینه کهانته و شلق ایدن بعض مؤرخلر بونی پک طبیعی ، پک ضروری بولورلردی .

بوندن ایکی عصر مقدم ، اون بشنجی « لوتی » نک دور سفاهتده ، ۱۷۳۳ تاریخنده مارکی (دارژانسون) :

« اوروپاده محتمل الوقوع اولان الکیوک اختلال ترکیه نک فتحی ارله جقدر ... عثمانلی ایمپراطورلغ نک هر طرفی حال عصیان و غلیاندهدر : مملکت نک شهسال موجودیتندن هر کون برتوی قوم مقدهدر ... » دیمش ایدی . ایشته بوقول کهانانه پیدرپی تحقق ایدیوردی . تاریخ ، فجایع مستقبله یی کشفده کی بهرّه رسوخنی اثبات ایتشدی . ارباب محاکمه واستنتاج ایچون بوقدری کافی ایدی . حقیقت حالدهده زواللی مملکتیمز بونی رحم وتأثر سیرجیلرک قهقهه کهانتلرندن اصلا عبرتیاب انتباه اولیه رق کنیدی کرداب هولناک انقراضه تودیع ایتمش کیدیور ، کیدیوردی . بزه متعلق استکشافاتده اک بدینلردن اولان مشهور (تالیران) ک : « عثمانلی حکومتی بر آینه در که کونک برنده دوشه جک ویک پارچه اوله جقدر ! » قول مشئومی ده همان همان واقع اوله جق ایدی .

ایشته چکن هفته ایلک سنه دوریه شرف واجلالی آقشلا دیغمز فتح مبین حریت آرتق بو کهانتلری تزییف وتهزیل ایتک عزم

حميت پرورانہ سياه اجرا ايدلمشدى . سال نخستين مشروطيتك آفات
ومصائبنه كلنجه : بونلر مشهور (پترو) نك وصيتنامه سى
اقتضاسنجه هر اون بش يكرمى سنده بر كره وطن معزز مزي
كرفه سيلاب آلام ايدن قهرياتك قبضه انتقامزدن قاجير لمقده
استعجال ايديلان - صوك ضربه لريدر .

ايكى اوچ عصر دن برى تاريخمزمع التأسف جريان پر هول
وهوانى ايله بو بد بين كاهنلرى تكذيب ايده بيله جك ماهيتده
دكلدر . فى الواقع هر اون بش يكرمى سنده بر كره باشمزه
بر درد دوا سوز آچيلدى . بونلرك فراش اضطرابندن تخلص
كريبان ايدنجه اعضاى مقدسه وطنك بعض جزء لرى خراشیده ،
شكسته ، معلول بولدق .

فقط جسم نازنين وطن بو آفات هائله دن ينه آز چوق
رونق شبانى محافظه ايتك اوزره لبريز اميد ، سرشار حيات
اوله رق قورتيلدى . بتون بونجاتلردن صكره تقويه حياتى اسبابنه
اهميت فوق العاده ايله عطف دقت ايتيلدى . هيات :

كوپر ييلردورينك شعله موقته سى استثنا ايدلدىكى حالده ،
سلطان احمد اول زمانندن برى دول مجاوره ايله عقد ايديلان
معاهداتك هر برى دولتمرك فلاكت واضمحلالنى رفته رفته
تختيم ايتمش اولوب نهايت عبدالحميد اول دورنده كى [قينارجه]
معاهده سى بونلرك اك مخرب ودلسوزى اولمشدى ...

اوروپا فلسفه پردازان تاريخندن [آلبر واندال] نه كوزل

سویلیور : « تاریخ ، بیوک براعتدال دم معلمیدر . تاریخ تبع
ایدلجکه هیچ بر حادثیه نه تعجب ، نه ده تهور ایتمه مک مالیکسی
اکتساب اولنور . زیر تاریخ ، دیده عاقبت بینی ایله هر شیدی
رؤیت و تفرس ایلشدر . بو کونکی افعال و حادثات هان بر عصر دن
بری منتظم فاصله لرایله شرقک ساحه مشوش و هیجان آلودنده
ظهور ایدن وقایعک تکررندن بشقه برشی دکلدرد . بو
ساحه مقدراتده تفرعات تحول ایدیور ، اشخاص دکیشیور ،
فقط اجرا ات پارجا اولیور . یکی بر فاجعه وقوع بولمقدن زیاده
عین فاجعه نک وظائفی دیگر اشخاصه تودیع ایتک کی بفرق
تظام ایدیور . خلق ایسه ، فرقنده اولقسزین ، عین فاجعه نک
زمان زمان یکیدن ساحه تماشایه وضعنده حاضر بولونیور ! »
« آلبرواندال » بوملاحظه لری بلغار استقلالی ، بوسنه -
هرسک الحاقی مناسبیله سرد ایدیور . و بونلری تاریخک متنع
التغیر نتایج ضروریه سمندن عد ایدرک دیور که :

« بلغار استقلالی ، رومانیانک مظهریت صحیحه استقلالیه سنه
قدر تعقیب ایتدیکی منازل و تحولات متوالیه تماماً تابع اولمشدر .
بویکی استقلالک تکاملی آره سنده مشابهت قطعیه موجوددر .
نصل که بالاخره بلغارستان امارتی ایله شرقی روم ایلیدن
مرکب ایکی بلغارستان حادث اولمش ایسه کچن عصرک واسطه
طوغری ده افلاق و بغداد نامنده ایکی رومانی امارتی واردی ؛
هرایکیسی ده دولت علیه نک زیر متبوعیتنده ایدی . بویکی

توأم امارت بر مستقل رومانیہ شکنندہ توحید مقدرات ایتمکہ حسرت چکیوردی . قریم محاربہ سی ایله پارس قونفرہ سنی متعاقب اروپا آنلرک یکدیگر ندن فرقلی اولمقه برابر بعض روابط ایله اتحاد ایتملرینه مساعده ایلمه رک ایکی باشلی برنوع حکومت احداث اولندی . اعضای مشترک نك یانی صیره ، حق امارتی ذات شاهانه دن آلان ایکی پرنس (هوسپودار) ، ایکی مجلس ، ایکی حکومت موجود بولنه جقدی . آرمه سی چوق کچمه دن خواهش ملی بو ترتیب مخلوطی اخلال ایله افلاقلیلر و بغدادلیلر کندیلرینه شخص واحدی (میرآلای قوزای) پرنس انتخاب ایتمکده اتحاد ایلمه رک وحدت شخصیه یی وجوده کتیردیلر . دول معظمه ایله باب عالی اول امرده پروتستو ایتمکه برابر بر ترتیب مخصوص ایله شکل ظاهری یی محافظه ایدره رک روی قبول کوستردیلر . ذات شاهانه (قوزا) یی تصدیق ایتدی ؛ لکن ید امارتنه بری افلاق ، بری ده بغداد ایچون ایکی فرمان ویردی . ایسته بویه جه دیپلوماسی منتخب پرنسی ایکی یه تقسیم ایدره رک شخص واحد دن ایکی (هوسپودار) وجوده کتیرمشدی ! اوج سنه صوکره ایسه ایکی امارت یکدیگرینک آغوش اتحادنده تماماً یکو وجود اولوب چیقدی . بو طرز اداره اروپا طرفندن تجربه نوعدن اوله رق قبول ایدلمشدی . (۱۸۶۶) ده یکی بر حادثه انقلاب ! افلاق و بغدادلیلر - امارت قرنآ بعد قرن اولادینه انتقال ایتک اوزده - (شارل دو هنرولرن) نامنده

براجنی پرنس اختیار ایدرک وحدت سیاسیہ فی تشدید ایلدکاری
 کی - سلطنت سنیہ نیک متبوعیت صوریہ سی باقی قالمق اوزره -
 برخندان حکومت ده وجوده کتیر دیلر. اوروپا « امر واقع » ی
 حقوق بین الدول ایله بر کره دها تألیف وترویجه قانع اولدی .
 (۱۸۷۷) سال فلا کمتده ایسه رومانیا نصیب تکاملنک مرحله
 سلامته رسیده اوله رق پرنس (شارل) باب عالی ایله اولان
 بتون علائقه تیشه زن استحقاق اولدق دن صکره تبعه سنک استقلال
 تامنی اعلان ایتدی .. همراه آتییی اولان بلغار چارینه بر نمونه
 عزیم وتشبث کوسه تره رک هامة مباحاتی افسر حکمداری ایله
 تنویج ایلدی !

احوال حاضره ، ۱۸۷۵ و ۷۶ تاریخنده روسیه محاربه سی
 ایله برلین قونفره سی انتاج ایتمش اولان بحر انک مبادیسی دها
 عمومی بر شکل غریب ایله اخطار ایدیور. ولوله یی ایقاع ایدن
 ینه بر عثمانلی ایالتنک عصیانیدر. اوزمانلر هنوز ما کدونیا سوزی
 یوقدی . (۱۸۷۵) ده ایلاک عصیان هر سه کدن ظهور ایدرک
 عقبنده (بوسنه) ده التحاق ایتدی. آلمانیا ، روسیه ، آوستریا -
 مجارستان قابینه لری استانبوله اخطارات متوالیه ده بولنه رق
 ممکنه یی مذکور تینده تأمین آسایش ایتک ایستدیلر که او اخطاراتک
 برنجیسی مشهور (آندراشی) مخرطه سی اولدی .

دولت لک عملی وموضع ی اولان بومطالب اصلاحیه سنه دولت

علیه و اسع بر مقیاس داخلنده اصلاحات عمومی لایحه سی عرص
ایدیوردی .

استانبولده بر غلیان افکار ایله تمایلات مظننه ملیه رونمون
اولیوردی . تخمین ایدلیکندن دها کنج اولان « کنج ترك »
پارتیسی دولته بر قانون اساسی ایستیوردی . بونلرك فیکری
ترکیه نك، قطعاً اوروپا مداخله ایتمکسزین کندیلکندن رهیاب
صلاح و ترقی اوله جنی زمیننده ایدی . بوپارتینک رئیس صاحب
العزمی مدحت پاشا اولدی . انکلتره ، آنف الذکر اوچ دولت
قابینه سی بر هزیمت سیاسییه دوچار ایتک ایچون ترك ترك شو
حرکت صلاحجویانه سی حمایه ایدیوردی .

حال بوکه پادشاه وقت اولان (سلطان عبدالعزیز) سفاهت
واسراف ایله مألف بولندیغندن براختلال ایله اریکه سلطنتدن
تبعید ایدلدی . (سلطان مراد) حکومت یکر و زده سنده سکره
(عبدالحمید ثانی) جلوس ایتدی . مدحت پاشا ایله طرفمکیرانی
موقع اقتداره کچهرك قانون اساسی و مشروطیت اداره ایله دولت
علیه نك بر دوره شبابه کیردیکنی اعلان ایتدیلر . اوروپا ،
بر مواعید اولان بو حکومته چهره امنیت کوستردرك اجراءات
مداخله سازینی تعلیق ایتدی ...

بوصیره ده صرب بلیه استقلالی ظهور ایتدیکی کی قره طاغده
تک طورمدی . بلغار بلده لری ده یواش یواش قیملدامغه
باشلا یوردی . عثمانلی اردوسی صربلره سلاح سسقوطی ابراز

ایتدیکی کبی بلغارلری ده تسکینه غیرت ایلدی
 مابعدی معلوم . ایکی عصر دن بری درلو بهانهلرله بزی
 آزمایش سالاخندن برآن خالی براقیمه رق آناً قاناً عهد
 خرایتمیزی تسجیل ایتمش اولان همسایه شالیمزك صوك ضرباتنه
 کرفتار و (براین) معاهده سی ایله وطن عزیزك یاد ایللرده
 تارمار اولدیغنی کورمکله دافکار اولدق . بو معاهده ، آرتق
 بزه ایچون ماضینک تلافی خسران امید ایله اولمسه دخی
 هیچ اولمازسه آتینک محافظه حیاتی عزیزله بردستور انتباه
 اولق لازم ایکن تاریخمزه [دور استبداد] دیه برباب مناسد
 ومظام آچمش اولان عهد حمیدی حتی آنک یاد عنوانی بیله
 برجنایت وطنیه شکلنه افراغ ایتدی . کوزلر کرفته عما ، وجدانلر
 اسیر پنجه اذا اوله رق مستبد مخلوع کیف مایشاء اجرای مظالم
 ایدوب کیتمکده ، وطن معززه برزخ انقراضه طوغری
 یوارلمقده ایکن ملت محکومه ، آتینک مهالکینه قارشی بی حرکت
 طور دینی کبی ماضی قریبک نشیثات نجات پرستنه ، مدحت پاشا
 ایله رفقای حمیت وجلادتک همت جانسپارانه سنه قارشی پک زیاده
 خجالت آور برکفران نعمت ابراز ایدیوردی ...

ایشته مملکت بوظلام ایچنده ایکن روم ایلی افقلرندن برنور
 فیاض طوغدی ... سنه لردن بری پک الیم ضربه له چاربان
 سینهلرک زنک قسوت و مرارتنه برصیقل روحانی چکیلیدی .
 معشوقه حریت و مشروطیت هر وجدان پک و صافک ندیمه

حياتی اولدی ... آرتق ، بوندن افتراق حیاتدن افتراق اولدیغنه
هرعثمانلی - برایی خذله ضالنهك لوٹ نفاقی بو آهنگ اتحادی
اخلال ایتمکدن پک اوزاقدیر - اوت ، هرعثمانلی قناعت صحیحه
وجدانیه ایله اعتماد ایتدی . فردای انقلابده حادث اولان مصائب
ایله آلان یورکلر مزی اوزن مسائل معلقه (برلین) معاهده سندن
صکره فوت ایتدی کمز اوتوز سنهك دور مساعینك مجازاة
ضروریه سیدر ...

(قینارجه) معاهده سندن صکره سلطان سلیم و سلفطان
محمود ادوار تشبیه سی ایله « تنظیمات خیرییه » همت مجددانه سنك
اهمالاری نصل برر برر عقوبات الیه لرینی استجلاب ایتمش ایسه
خاقان سابق ایچون الی الابد باعث شین و لغت اولان اوتوز
سنهك ضیاع تاریخیمزك مرارت خسروانی ایله تلخکام اولمغده
مجبور ایدك . پک مجددانه ، پک عالمهمته نه مساعی به مصروف اولمی
ضرورت تاریخیه ایله لازم کلش اولان بو اوتوز سنهك ضیاع و فته
قیامته قدر یانسه ق روادر .

مدحت پاشا ایله مجاهدین سائر نهك همت خلاصجویانه سی
فتیله شوق لمعات واپسینی کی تاریکی بخت وطنی پک سریع الزوال
دقیقه لر ایچون تنویر ایده بیلیمش ، عقینده شو وطن مقدسك
پیرامن میناسی ینه ظلمت آباد اولوب کیتمش ایدی . چونکه
اوزمان کینج ترکلر (آلبرواندال) ك دیدیکی کی پک کینج ایدی ..
شمیدی ایسه اختیار دکل ، فقط تجربه دیده اولدی لر ... بوندر ك

اندیشه ماضی و آتی ایله بیدار اولان ذکای نواری وظائف مقدسه وطنپرورانه سندن بحق خبردار ، شانلی براردونك حمیت وشجاعت آهندستانه سی ایله مؤیددر . وطنك بو مظهریت مشتر که سنی انتباه تام ایله نظر شکران وابتصارمزده ایجه تجسم ایتدیررسهك وقت عزیزك قیمتی ده اوילה جه تقدیر ایدهرك جبر مافات وتأمین ترقیات خصوصنده کمال شوق وشادی ایله دست بدست اتحاد وترقی اولمه یی اقدس وظائف عدایدرز .

ایشته کچن جمعه ایله اقشامنك سورمستئناسی قلوب خالصه امتده بویمانی تشید ایتدیکی جهته ایام تاریخیه مزك اك فیوض آوری ایدی .



تاریخده تصویر و تحلیل وقایع

تاریخده تصویر و تحلیل وقایع [۱]

کتابخانه لر مزده موجود اولوب تقلبات اجتماعی و سیاسیة مزى
 حاکی اولوق حیثیتیه اک جدی رهبران انتباهمز اولوق لازم کال
 مدونات تاریخیه نك ملل سائرۀ مترقیه عننده کی مصنفات مماتده
 طرزنده پیرایه دار جدیت و حکمت اولیه رق مشوش و مغلق بر
 سلسلۀ وقایعدن عبارت بولمسی تاریخدن مطلوب اولان نتایج
 فکریه و عرفانیه نك استخراجنه مانع بولندیغی ایچون آوروپاده کی
 نمونه لرینه تمثیلاً مفصل و مدلل بر « تاریخ عثمانی » ترتیب
 حقنده کی تشبث عالیهمتانه معلومدر. بوتشبتک ایلک لمعه اخطاری
 مقام بالای سلطنتدن انفلاق ایتمسی مملکتیمزک احوال بحر
 روحیه سنه نظراً بالنسبه سریع بر موفقیتک براعت استهلالی
 اولدیغی کبی شرائط حاضرۀ اجتماعیة مزک مساعداقی ده بوکا
 منضم اوله جغندن یاد مظالمی پک داسوز اولان نیجه مشقت
 و محرومیت سنه لرندن بری دلبستکان معرفتک خاطره آمانندن
 عادتاً بر تهمت وضع لرزانی ایله کچن همتمزک ساحۀ نورانی
 حقیقتده وجود پذیر اوله جغنی برشوق جذبه دار ایله امید
 ایدیورز .

دور استبداد افراد معززه ملتك تنوير فكر و وجدانه از
 بوق خدمت ايد جك اولان هر درلو آثار جديه و مؤلفات
 نادره يي آشكده اعتسافنه قربان ايتديكي صيره لرده دكانچه
 عصمت و قناعتلر نده قوت لاييموتى بيك محنت ايله قرانه بيلهرك
 خيازه كش توكل اولان زواللى صحافلردن نصلسه مؤلفات عتيقه
 تاريخيه مزى اغتصاب ايتمه مشلردى . اوزمانه نظراً امتك اثر
 باورى طالبى اولان بومساعده دن استفاده ايله ليال مظلمه
 استبدادى ماضينك چراغ خاطرات و مفاخرى ايله تنوير ايتمه
 جالیشانلر ايجون او مؤلفات دورودراز - بتون قصور و محدودلرى
 ايله برابر - اك قيمتدار ، اك اميد آور برر دستور نجات
 واستخلاص ايدى . حقيقه معارف بورسهنك اودوره عطالت
 و افلاسنده بهاي ارتفاعى بيك زحمت ايله محافظه ايده بيلهرك ،
 جهره ملول ميانهلرينه رغماً ، قدر شناسان معرفته بر آرز فيض
 آير حيات اولان اثرلر انجق او كتب معطله تاريخيه ايدى . آتيدن
 قطع اميد ايدنلر ايجون ماضينك صفحات رنگارنگ انقلابنده
 مكنون اولان دواى سلامته نصب نظر اشتياق ايتمكدن بشقه
 ذريعه تسليت يوقدى . زيرا « او كوست قونت » ك ديدىكي
 گي : « ديريلر كيت كيده بالضروره اولولر طرفندن اداره
 اولنه جقدر . »

هيچ شبهه يوق كه استقبال ، ماضينك جنين تكامل پذيرى
 اولاجقدر . ماضى ، مقدرات آتیه مزك مادر منطقيسى اولوق

حسیله آندن وجوده کله جک اولان استقبیل تاریخیده هیچ بر معلولیت عضویه بولنماق ایچون بوماضی نی دست حاذق تحلیل ایله جانکاهنه قدر تشریح ایدرک اسباب محتمله معلولیتی ازاله و وسائط تکاملی تهیه ایتک لازمدر .

تواریخ عتیقه من ایسه مع التأسف بو قدر من محرومد .
آنلر بو کونکی نقاط نظره کوره ملته بخش ایدک ایستینن
« وجدان اجتماعی » یه رهبر اوله ماز . تاریخ ملیتمیزی ایوم محاط اولدنی سحائب تعقید و ابهامدن قورتاروبده النظام ، وضوح ، منقحیت ایله تدوین ایتدکجه قناعت وجدانیه و تربیه اجتماعیه منی تأمین ایدمیز . وقایع سالفه دن واسع برملیکه تحلیل و انتقاد ایله افکار اصلیه و ملاحظات عمومییه استیجاب واستدلال ایتلیز که تاریخ ملی بتون استقبال عثمانیلری ایچون - نصب بشرک احکام جریاننه طبعه موافق - بر مجله سیاسی شکلی آله یلسون . حال بو که کتب تاریخیه مزده ماهیات وقایعی تحلیل ایله اذهان ملی ارشاد ایدرک « افکار و مضامین عمومیه » همان معدوم حکمنده در . پک شان آور ظفر . یا خود پک مشقت انکیز هزیمتار صیره سنده بر رشوت قلمیه کی تذیل اونان بر نغمه نشاط و یابر ناله انحطاط فلسفه تاریخیه دن بکله نیلر « حکمت سیاسییه » عد اوله ماز . اسلاف حقنده کی بتون تعظیلات قلییه منی محافظه ایتکله برابر دییه بیلیر که مؤلفات تاریخیه لری بوجه ترجمه پک بیوک نقیصه لری حاویدر . واقعا

يکله رجه صحيفه لری حائر درلر ؛ فقط اکثري : « بيهوده سخن
 دين درازی ! » مدلوانه ماصد قدر . وقایعک او ازدحام نکمفر-
 ساسی آرسنده قناعت آور وجدان اوله جق حق-ایقک کشفی
 طلمات ایچنده آب حیوان تحریسندن مشکدر . بواز دحام ایسه
 غالباً سال بسال ، حتی ماه بماء ، همان همان روز بروز قید وقایع
 اعتیاد سخیفندن نشأت ایدیور . مؤرخ بوساعات زائله ایچنده
 مطلقاً برشی ضبط ایتش اولمق ایچون ملکات ذوقیه رنجش
 آور اولان بر « حلوا صحتی » نک تفصیلات خاییده سنه قدر
 تنزل ایلور . بوندن طولای حیات دولتمه بر قیمت تاریخیه
 طائر اولان کونلر ، آیلر ، سنه لر دخی اوطوفان ایچنده غریق
 حیه نسیمان اولوب کیدیور . البته بردولتک حیات سیاسیه سی
 هر آن ضبطه شایان وقایع خارق العاده یه مجلای ظهور اوله ماز .
 العکس اکثر اوقات بر سکون مضرده ایله جریان ایدرده آره صیره
 بر سکونی اخلاص ایدن ولوله لر حادث اولور . حکیم طیبی (ژان
 ژاق روسو) بونقطه ده بتون مؤرخینی تخطئه ایدهرک تاریخک
 اصل شایان ضبط اولان ایامی دغدغه سر ، ولوله سر کچن آسایش
 و سکون دملری اولدینی ، حالده مؤرخلرک بونلری مسکوت عنه
 کجه لری بیوک نقیصه اولدینی سویلیور . تاریخک ادوار
 اختلاجیه سی حقیقه جسم اجتماعینک ساعات مرض وفترتی
 اولدینی قبول ایدیله بیلیر . (ژان ژاق روسو) کبی انفراد رأی
 اید ، برابر نوعنده یکانه بر حکیم کاملک بوملاحظه سننده کی اصابت

مؤلفین تاریخچه دن مثلاً (سه نیوبوس) کی استادلرک اخیراً
 اثرارنده اوساعات آسایش وسکونه بخش ایتدکاری صحائف
 التفات ایله دخی ثابتدر . تاریخچی یالکز ادوار اختلاجیه سنده
 دکل ، ایام تمدن ورفاهنده دخی تصویر ایتمک متأخرین عندنده
 برمسلك مرغوب اولدی . مع مافیه شبهه یوقدرکه بتون ادوار فنون
 و صناعی اداره ایدن اسبابی ، تاریخک ایام سلم وصلاحنده دکل ،
 بلکه هنیکام شعورش و نزاغنده آرامق لازمدر . کرک ادبیات
 ملیه مز . کرک ملل سائر ادبیاتی تاریخچه بر عطف نظر بو حقیقت
 مؤسسه نی میدانه حیقاریر . باقی ونفی شعرلرینک ، ندیم ویحی
 ترانه لرینک ، سنبلزاده و عزت منلا افسانه لرینک حکمت سنوحنی
 تعین ایچون تاریخمیزک صفحات اختلاجیه سنی دوشونمک
 مجبوریتنده یز . بتون فنونی ، صناعی ، ادبیاتی .. هر شیئی
 حافظه تاریخک بالضروره کمال اهمیتله ضبط و تحلیل ایتمک
 ایستدیکی اوادوار اختلاجیه نك مشیمه اضطراربنده آرامق
 لازمدر . هر درلو ترقیات مدینه نك مادر ولودی قرون معاداتدر ،
 بونک ایچون حیات ملتیه تأثیر ایدن ایام صفائی اهل ایتمه مکه
 برابر وجدان ملتی یاقان مصائب هولناکی قوه انشائیته نك الك
 بلیغ و مطمئن جزالتی ایله - یورکرده جهنمی بر عذاب او یاندر -
 نجهیه قدر - تصویر و تقییح ایتلیدر . استقبالک انظار بیداری
 بوعو حش فلاکملر اوزرینه بالخاصه جلب اولمق لازم کلیرکه
 « تاریخ بر تکرردن عبارتدر . » قاعده استقرائیه سنك منقاد حکمی

اولوبده توارد وقايعده تسليميتكارانه ، مذبحانه انتظاردن
زياده اووقايي سلامت مليه خادم مجروره تحويل ايده بيه جك
قوتلر توليد اولنه بيلسون !



مؤرخين عتيقه من كندى زمانلرينك ذوق ادبيسنه كوره
واقعا بتون بضاعة انشائيه لرني بذل ايتملردر . بوندن طولاني
شمدي بزم ايجون آنلك بعضيلردن حتى استخراج معنى بيله
خيلى مشكلدر . فقط بوجهتمدن كنديلرني مؤاخذه حتمن
يوقدر . بر « تاريخ » البته مضبوط وادبي برلسان ايله يازمليدر .
بولسان ايسه بالطبع زمان ايله غير ايدر . برلسان عتيق بعدبعد
تقليد اولماز . ليكن مزيجي زمانه كوره دوشونيلدر ك تقبيح ده
ايدلر . بومطالعه منصفانه نظرآ تواريخ سالفهك اسلوب
افاده سني مناقشه ايتك بجا اولماز . يالكن بر نقطه شايسته نظر در كه
بوده هان هيسنك طرز بياننده بر عطات روحانيه محسوس
اولميدر . نه بر شوق خروشان ، نه بر دمه سوزان ! . انفاوى ،
مسترخى ، بى تأثر ، منجمد ، لك بر افاده ! .. حميت وطنيه
سائقه سيله روحكزى نه قدر جبر ايتسه كز افاده دن بر هيجان ،
بر انفعال ، بر اشتياق ، بر جذبه اقتباس ايده مز سكر . دينه بيلير كه
بزم مؤرخلر من (فنه لون) ك مشهور : « اى بر مؤرخ هيچ
بر زمانه ، هيچ بر مملكته منسوب اولما مليدر . وطنى سومكله
بر ابر هيچ بر يوزدن آكا بر حصه ستايش آيرما مليدر . بر فرانسر

مؤرخانی فرانسه ایله ادبکتره آرد سنده تماماً بی طرف بونه رقی (دوکه قلن) ه دائر نصل ستایشلرده بولنورسه (تالو) حقدنه دخی عین وجهله مدیحه طراز اولمیدر . « قول غریبنه تماماً متابعت ایتمشلرده . بیللمه یزکه تصویر ایتدکاری وقایع مختلفه قارشی اوشایسته حیرت برودت قایمه بی طرفانه بی نصل محافظه ایده بیللمشله؟ .. حال بوکه تاریخ متضمن اولدینی حکمت سیاسیله تریه اجتماعیله مزه خادم اولدینی قدر تنزیه فیکر مزه ، تمیه حس و خیال مزده دلالت ایتلیدر . بونک ایچون مؤرخ ، تصویر وقایعه ملکه خیالیله سنده - حتی وسعتلی بر مقیاس داخلنده - مساعده انشراح ویرملیدر . انکلیز مؤرخ شهرری (ماقوله ی) ک اصابت نظر و صلابت بیاننه (میشله) نک روح رقیق شاعرانه سی آهنگ بخشای لطافت اولمیدر که روح مزخینک الحان شئونی ایچنده رفته رفته تأثر یاب اولورکن طائر فیکر مزده غدای حیات و نماسی اولان چینه حقیقتدن وایه دار لذت اولسون .

بوامل مضاعفک تحقیق ایله وقایع بتون تفرعات صحیحه سی ایله جانلاندقدن صکره بر آرز کهواره خیال ایچنده تهزیز ایدملکه حاصل اولور . حقیقی و طبیعی بررومان اولان تاریخ هر صحیفه سنده عین اسلوب ایله یازیلماز . اسلوب تنويع اولمقله برابر زمانک طور ادبیسنه کوره سماحت الفاظ و لطف خیال ایله جانجا ترین اولملیدر .

تاریخده محاربات وحسیات

تاریخده محاربات وحسیات [۱]

افرادندن هربری حیثیت نوعیه وقومیه سنی بحق مدرک
بر ملت متمدنه وجوده کتیرمک، ایچون نشر وتعمیمی وجوب
قضی ایله لازم اولان اقسام فنون ایچنده «تاریخ» ک بر
کرسى امتیازی اولدینی حقایق بدیهه دندر. وضع محیط تاریخیندن
غافل اولان بر ملت ایچون موجودیت سیاسیه ومدنیه سنی -
آفاق مدیده استقباله نصب نظراستکشاف ایدرک - بر مجرای
سالم احتیاطکاریه سوق ایتک مستحیل اولدینی کبی خطیئات
ونقایض ماضیه سندن عبرتین اوله رق احتیاجات حاضره سنی
تعقل ایتک ده ممکن دکلدز .

ملل مترقیه نك هر درلو مؤسسات علمییه وسیاسیه سی حوایج
تاریخیه لری سائقه سیاه وجود پذیر اولان اسباب تکامل
وتعالیدن بولمق حسیله بر ملت افرادینه او مؤسساتی طوعاً
قبول وتحسین ایتدیرمک ایچون هرشیدن اول احتیاجات تاریخیه یی
پیش انظار انتباهه آچق ، یایمق لازمدر . بزه نظراً بو
احتیاجات تاریخیه ندر ؟

هیچ شبهه یوق که بر قومک تجمع وتشکلی ایله خریطه علمده
بر خطه استقلال احرارینی تأمین ایتک اولان اسباب نه ایسه، ادامه

موجوديت و محافظه حريتي ايجون ده عين اسبابك تقويه سنه
لزوم تاريخي واردر . بزرگ ، عثمانليک حيات تاريخيه سي نه
ايله باشلايور ؟

جنکيز استيلاسندن بيزار اوله رق اختيار هجرت ايدن
« سليمان بن قيا آلپ » قبيله سنک يدي سنه قدر ارضروم و سوريه
حوالي سنده مسافرت آسايش پروريسي متعاقب جنکيزک وفاتي
اوزرينه مأواي قديم لرينه عودت ائناسنده سليمان شاهک « جعبر »
قلعه سي قربنده فراقی چکرکن مغروفاً ارتحالندن صکره بيوک
اوغلي ارطغرل بکک يکی بر نشيمن آرام تدارکی ايجون آساياي
صغرايه طوغري حرکتنده ايکی محارب اردويه تصادف ايله
طرف ضعيغه معاوتی مقتضای شعاع مردانکی بوله رق
بومظاہر تک، شان غالبیتی، سلطان علاءالدين سلچوق عسکری
اولان او کتیبه هزيمت رسیده تا مین ايتمی منقبه مشهوره سنندن
دکلی ؟ بو صورته باشلايان موجوديت تاريخيه مزک قرناً بعد
قرن ضرب بر خط اعوجاج ترفع وتدنی ابراز ايتمی ده - بر
طاقم اسباب فرعيه اداريه دن زياده - هپ محاربات متواليه
نتایجی دکلی ؟ .. بو حالده خط حرکت تاريخيمز غایت بسیط
اوله رق کندی کندنه تظاهر ایدیور : بز بردولت مساحه يز ؛
حرب ايله باشلاق ؛ حرب ايله بيودک ؛ حرب ايله کوچولدک ؛
حرب ايله يشايه جغز !

بو بر حقيقت ساطعه تاريخيه درکه هان فجر صادق نشأتمزدن

اعتباراً بتون شعشعه سی ایله تجلی ایدیور. غربب جلوۀ تاریخیه-
اوله رق کمال فخر و شرف ایله یاد اولنه جق مظهریتلردندرکه
صورتا حکومت سلجوقیه نك محمسی اوله رق تشکل ایتدی کمز
حالده حقیقتده بالعکس آنک حامیسی ، منجیسی بز اولدق .
تاریخ مللده برفئۀ محمیه اوله رق باشلا یوبده آن با آن کسب
سطوت ونهایت احراز استقلال ایدن نیجه دولتلرک ، حکومتلرک
هیچ برینه مقیس اولیه رق هیچ بر وقت بر قوت غالبه نك
حمایت ومظاهرتی آلتنده یاشامدق. همان کهواره تاریخیه طوغار
طوغمازا عجاز مسیحی کبی برالتفات طالع ایله ناطقه پرداز استقلال
اولدق . بزه بونا طقیتی بخش ایدن سلاح شجاعت وصلابت
هیات که عصرلر کچدکه پولاد شکن پنجه لردن لرزان وترسان
الره دوشدی .. بوسقوط ، برخارقه تاریخیه کبی تشکل وتوسع
ایتمش اولان قوجه دولت عثمانیه نی ده کندی ایله برابر
سور وکلدی .. سور وکلدی .. برزخ انقراضه طوغری هبوطنه
رمق قالمش ایکن ینه بر معجزۀ تاریخیه ظهور ایدهرک عروق
عثمانیه ده کی خون حمیت و بسالت یکی باشند فشقیردی : برفواره
شفقرنك عزم واجتهاد اوله رق انظار حیرت جهانیه قارشى اعتلا
نمای جلادت اولدی . عثمانیلر ۱۱ تموز انقلابی ایله حیات
عثمانیه دن شکسته امید اولان بتون بد بینان سیاسته : « خایر ،
عثمانیلر محکوم زوال وانقراض دکلدنر . عثمانیلرک خریطۀ
عالمده الی یوم القیامه بر موجودیت مستقله اثبات ایتمک ایچون

حق تاريخيلری واردر. بو حَقْکْ معالی کمالی ان شاءه یقین و قتمده
ظهور ایدیه جکدر. « دیدیلر. بو عزیم اسکندر پسندانہ ، عاشق
خریت و قهرمانی اولان ملئک آوازہ ہیاہای تصفیحاتی ایله
استقبال اولندی .

۳۱ مارت افتتاح نا کھانیسی اک سفیل و خسیس مقصدلر
ایله بر آن ایچون بو شوق آسمانسای نجاته یأس آور ملال
اولق مسکنتنہ تنزل ایتدی ایسہده مقدرات ازلیہ وابدیہ مزک
نکھبان ذی نجاتی اولان سلاح ظفر ، امید بستہ ملتہ تکرار
کشایشبخش اقبال اولدی .

ایشته شمدی بودور سکون و امید ایچنده آسوده بال
اولدق موجودیت تاریخیه مزک اقتضای منطقیسی اولان اسباب
تکامل و تلافینک تحریرسنہ باشلادق. عروق سطوت و اخلاصندہ
خون حیات جائل اولان هر عمانلی ، وطنک سلامت و سعادت
مستقبلہسی ایچون عہدہ غیرت و کفایتہ مودوع خدمت و وظیفہک
ایفاسی ایله نصیبہدار مفخرت اولمور. اخلاصہ مقرون اولان
مساعینک موفقیت ایله تتوج ایدہ جکی شہسز بولندیغی ایچون
عثمانلیلک شان آتیسندن امید وار ابتہاج اولمقده کیمسہک
ترددی یوقدر .

آتینک بوشان و فیضی ماضیدن استنباط ایدیلہ جکی ایچون
ظفر و انہزام شغلرینی جامع اولدق سراپا مناقب حربیہ ایله
طرازیدہ اولان شوماضی آرئق مجاعت عرفان و انتباء ایچنده

قیور نان بیوک کوچک بتون افراد ملته کافه اصول وقواعد مضبوطه سی ایله مکملأ تعلیم وتشریح ایتلیدر .

ایشته بووظیفه عالیہ « مفصل تاریخ عثمانی » نی تحریر وتدوین ایدہ جک اولان هیئت محترمه علمیہ به ترتب ایدیور . تاریخ ملیمیزک صفحات اساسیہ سی محاربات و آنلرک نتایجی اولان معاهداتذر . ہر فردی سہجیہ حرب آزمای ایله مجبول اولان عثمانیلری تاریخ ملیلرنده ایجہ قاندرہ حق وفیوض آتیہ ملتک استحضاری مساعیدسنہ تشویق ایدہ جک بحث ، عسکر لیکدر .

الیوم عناصر غیر مسلمہ یہدہ تسمیل اوٹان بوشرف جلائلنروزی افرادک انظار اشتیاقندہ بتون لمعات حماسہ فزاسی ایله پارلاتہ بیلمک ایچون تاریخمیزک جہات حربیہ سنہ احمیت عظیمہ عطف ایتلیدر . محارباتمیز بالکمز تلفات و ضایعات و غنائم و استیصالات کبی نتایجی اعتباریہ قید اولمیزہرق ازمنہ مختلفہ یہ نظراً فن حربک دقیق جہتندن محاکمہ اولنمق اوزرہ بتون ادوار و صفحاتی ایله تفصیل اولنمق ؛ پلانلری ، خریطہ لری ایله عادتاً برسوق الجیش و تعییہ درسی تشکیل ایتلیدر . کتب عتیقہ تاریخہ مزیدہ جانباً کوریلن : « نسیم ظفر بحکمة الاله تعالی طرف اعدایہ ہبوب ایتمکہ » کبی جملہ لری کیمسہ نک فیکرینہ اسباب غایبت و ہزیمت حقندہ قناعت آور اولہ میہ جنی کبی یورکدہ بر حس و ظنرورینک غلیانی دہ تأمین ایدہ مز . حال بوکہ تاریخندن بکشدکمز خدمات حقیقیہ نک انک بیوکی « وطنرورلک » حس

مقدسنی اویاندرمق ویشاتمقدر . وطنپرورلك ایسه عسکرلكدن
هیچ بروقت آریله میه جنی جهتله مفصل بر «تاریخ» ده محاربات
عثمانیه یی بتون تفصیلات و مناقشات ایله کورمك ایستیر .
اوروپا مؤرخین عسکریه سی دخی بو نقطه ده متفق اولوب
دولتلك سرحدات ماضیه و حالیه سنی آنجق عسکرلك سیوف
شجاعتی تعیین ایتدیکی ایچون بونلك هر درلو التاعات فیه لری
تاریخك مجلای حقیقت و عبرتنده منقوش اولمسنی ایستیرلر .

اسکی تاریخلر من ایسه بوجهتدن پك بیوایه در . نیجه خرد
معلومات و - قرائت تاریخیه یه نمك پاش لذت اوله جنی ایچون
قسماً محافظه لری مناسب کی تأمل ایدیلن - نیجه فکاهات
آره سنده محاربات دخی برر وقعه عادیه کی جریان ایدیور .
حال بوکه او محاربه لر ... بتون کیزی ، اینجه نقطه لری اوکر نمك .
بو کونکی قواعد حرب ایله مقایسه ایتك احتیاجنده بولمیدیمز
او محاربه لر درکه تحت روان اقبالیزی شرقدن غربه ، شمالدن
جنوبه کوتوردی ؛ صالادی ؛ صارصدی .. صارصدی ...
عثمانیلرک تاریخنی اخیراً بعض آوروپا مورخلرینک دوشوندیکی
ویایدینی کی صرف «تاریخ مدنیت» ، «تاریخ تکامل انسانی»
اوله رق یازیله ماز . بزم تاریخمز اك زیاده «تاریخ حرب» در .
بونك ایچون «تاریخ عثمانی» هیئت محترمه سی میماننده عناصر
عسکریه نك زیاده جه بولمسنی آرزو ایدرز . برده بتون بو
احوال و حادثات تاریخیه - که اسباب قاطعه موجودیتدز -

عجبا بر هندسه و یا جبر کتانی کیمی یازملى ، یوقسه
 اوقویانلرک قلب حساسنده شوق و محبت ملیه یی ، مفتونیت
 وطنیه یی ایقناظ ایده جک حسیات رقیقه ایله مزج اولنه رق
 جاذب و سحرار بر نشیده صورتنده می تصویر اولنمیدر ؟ .. دقت
 بیوراسون که « تاریخ » زمینی اعتباریله سرنوشت انسانی اولمقدن
 قورتیلماز . بونک کولنه جک ، بونک آغلانه جق نقطه لری
 واردر . ایشته بورالرده خامه تصویر بتون سحر بیانی ابدال
 ایتلیدر . قلمه بوقوتی افاضه ایتک ایسه روحک وظیفه سیدر .
 بواعتبار ایله مؤرخ تصویر ایده جکی وقایعدن روحاً متأثر ، قلباً
 متحسس اولدقدن صکره صحائف بیاننه روحنندن ، قابندن قوپان
 ازهار اشتیاقی ریزان ایتلیدر . افسرده بریورکدن پارلاق بر صحیفه
 تاریخیه طوغه ماز . نه معلومات ، نه ده اصول فنیّه تدوین
 بوخصوصده کافی دکلدر . دولته عادتاً رسمی عداولنه جق بر
 « تاریخ مفصل » ی واقعا « اوراق پریشان » کی تماماً ادبیات
 تاریخیه دن نمونه نمای اعجاز اولمق تمنی ایدیله مسه بیله آتق شو
 اشتیاق عرفان دورنده بر هیئت متازنه نک اقلام متعاونه سمندن
 ظهور ایده جک بر اثرده عشق وطن احتیاجزی تطمین ایده جک
 هیجان آور صحائف ادبیه آرامق حقمزدر . یوقسه مؤرخ استاد
 (ارنست لاویس) ک دیدیکی کی بریغین حادثات تقویمه ایله
 نسل عثمانیک شجره سنی بکله میورز . هر عضوینی بر موجودیت

كزیده نك تشكیل ایتمی مأمول اولان تاریخ هیئت علمییه سنك
 بزده اك زیاده حب ملی ، عشق وطن و جلالت عسکریه
 حسلرینی تمیه ایده جك آتشین صحیفه لرله تشجیع قلوب و ترصین
 افکاره غیرت ایتمه لری تمیاتنده یز .



ادبیات اطفال

ادبیات اطفال

— ۱ —

قدرت فاطره هر درلو استعداد عمران ایله خلق ایتش
اولدینی حالدہ عصرلردن بری امتداد ایدن بررخاوت عاقلانه دن
طولانی شمعی مع التأسف مرحوم معظم کلاک دیدیکی کبی
«عجز بشردن نمونه» اولمقدن بشقه امارات سعی وتکامل ابراز
ایدهمین مملکتیمزک فیوض آتیه سنی تخیل ایتدکجه بتون انظار
امیدمن بالطبع چو جقلمرزه ، آمال کزیده ملت اولان سوکیلی
معصومین وطنه توجه ایدیور . بونلرک بر همت معالیجویانه
ایله تعالیم و تربیه سی ، حیاتک - علی الخصوص بر نخبه املی تعقیب
صبره سنده اوغرانیله جق - مشاق ومصائبه خروشان ذکالر ،
متین فیکرلر ، پاک عزملر ، پولادشکن بازولر ایله مقاومت
ایده بیلملری ایچون قوای مادیه ومعنویه لرینک تمیه سی بوکون
بوکون یرس-تشکاران وطنک ، ابتلا پروردان ترقینک اعز آمالی
اولدینی حالدہ عجبا او زواللی یاوروجقلمرک جهان عرفانه ایلاک
تلاقیلری دیمک اولان تربیه ابتداییه خصوص سنده ارباب علم
وادبمزل فصل بر غیرتده بولونیورلر ؟ بلاتردد دییه بیلیرزکه هیچ !
بوکون مکاتب ابتداییه من صیره سیله تقیتش ایدیلوب ده او

نورسیده ذکالک تربیه و تقویه سی خصوصاً نصل حرکت ایدلدیکی
ویاورو جقلرک الازنده کی کتابلرک نه مقوله شیلر اولدیغی تدقیق
ایدیله جک اولسه دلخون اولماق قابل اولماز . چوجغت هر
درلو معالی افیکاری، فقط کندی ذوق سننه کورده، قبوله مهیا
برحیمة پاك اولان ساحه ذکاسی نه قدر عبث، نه قدر آرزو شکن،
نه قدر فتور آورشیلر ایله ازعاج اولندینی کوریلوب ده . بو اداره
سقیمه فکریه نك بتون او استقبال وطنپرورلرینک امان
و وجدانده حاصل ایدیکی تعب بیسود تأمل اولنجه شو
معصوملرک اک قیمتدار بردور لطیف حیاتلری هدر ایدلمکده
اولدیغنه حکم ایدلمه مک قابل اولماز .

مقصد من ، تفرعاته کیریشمیه رک اس الالاس عرفان اولان
لسان بختی - فکر قاصرانه مزجه - مناقشه ایتک اولدیغندن
سوکلی یاورو جقلر مزک بو خصوصده کی فقر مظهریتلرینی کمال
تأثرله ایضاح ایدلم :

هر درلو آمال عرفان لسان ایله باشلار . انسانک حیوانات
سائر میاننده مابه التماری ناطقیت اولدیغی جهته محافل
انسانیه ده حالاً و آتیاً آز چوق مهم یرعضو تکامل اولمق لازم
کلن هر فردک اول باول قوه ناطقه سنی تنظیم و تربیه ایتک لازمدر .
قوه ناطقه نك تجلی خارجیی، نوع شفاهی و تحریری سنی محیط
اوله رق، لساندر . مطلقاً هر تربیه لسان ایله باشلار و لسان برچوق
صور تربیه نك هم موضوعی ، هم غایه سی اوله بیلیر .

حال بوکه چوجقلرمزك تربیه ابتدائیة فکریه سنده همان اک
زیاده اهل اولنان،ینه بالتردد دینه بیلیرکه، لساندر، زوالیجقلر،
سقیم بر صورتده باشلا دقلری تحصیل لسانه (لسان اجنبی دکل ،
آنا بابا لسانی ، وطن لسانی) همان درجنک اول دشمن اوله رق
آرتق معارف متنوعیه موقوف اولان سنین مدیده تحصیل
ایچنده ده بررغبث مشتاقانه ابراز ایده منزلر .

لسانی بتون دقایق لطافت و زاهتی ایله اوکره نمک
و بوتلم صرده سنده روحه نشاط ، فکره کشایش ، وجدانه
انبساط ، عقابه قوت ، حاکمیه مقانت ، قلبه شجاعت ، حسیاته
رقت ، کلامه نزاکت و یره جک نیجه لطائف و بدایع تحصیل
ایتمک نه بیوک بر نعمتدر ! هیجات که بزم چوجقلرمز بوندن
خرومدر . یچون ؟ چونکه چوجقلرمز ایچون بر « ادبیات » مز
یوق . اعظم ارباب قلممز نصلسه بو خصوصده پک زیاده
تکامل و اهل ایتملر ؛ ادبیاتمزک ، هر درلو اسباب منعیه و زجریه
رغماً ، هله شو صوک یکر می اوتوز سنه ظرفنده کسب ایتدیکی
رونقذر ، لطافتذر ، شیوهر ، ایجه لکلر غیر قابل انکار اولمقه
برابر نه بونلری حاصل ایدن دهات فطرت ، نه ده آنلرک
پروانی بر کره جک اولسون مینی مینی یاور و جقلرمزک احتیاج
ادیسنی شایان تأمل بولما مشلردر . بو کون حالا بوتون مکاتب
ابتدائیة عثمانیه ده نودمیده چوجقلرمزک استفادۀ لسانیه
و فکریه سنی تأمین ایده جک شرائط نفع ولذتی حاوی بر « قرائت

کتابی « یوقدر. حال بوکه تحصیل عرفانه بالضروره قرائت
واملا ایله باش-لایان ، بش آلتی یاشندن اون ایکی اون اوج
یاشنه قدر ، چوجقلره بو ایکی درسك سایه صحابته نه
رقیق ولطیف افکار انسانیت القا ایدیله من ؟

لکن ، علی الاکثر بتون مدت حیات انناسنده رهبر
ملاحظه-اتمز اولان افکار جیددی ، نو باوه ذکالره قابل تلقین
اولان فلسفیات بسیطه بی ادبای عظامنك لطفاً تألیف ایده جکوری
مؤلفات بدیعده بوله بیلمنی یرکه چوجقلرمزه آنلرک دلائی
ایله پیدر پی تفهیم ایده بیله لم . زیرا هر قرائت واملا معلمی
اصول تربیه اطفاله بحق واقف ، علی الخصوص درعهده
ایتدیکی وظیفه بی - که ظاهراً پک بسیط وعادی کورندیکی حاله
حقیقته ایجه مغلق ومشوشدر - حسن ایفایه مقتدر عدا اتمک
صفوتی اظهار ایدرسه کندی کندیمزی آلداتمقندن بشقه بر
شی یامش اولمیز .

شوخالک مدور اوزرنده همجنسمز اولان اقوام فاضله مدنیه نك
صباوت اولاده کی چوجقلرک تربیه فکریه سی ایچون بذل ایتد-
کلی هممات عالییه باقوبده بزم بو خصوصده کی اهلزلله
مقایسه ایدنجه ، آنلرک هر خصوصده محیرالعقول اولان ترقیات
عظیمه لرندن قیاساً ، بو اهللک پک نابجا اولدیغنه حکم اتمک
ضروری اولیور . کرام ادبامزه بلکهده بر تنزل کی کلن شو
« ادبیات اطفال » مسأله سی آنلرک اک مقتدر ارباب قلمی ایچون

موجب افتخار اولیور؛ علی الخصوص بحق بر وظیفه و ظن پرورانه
عدا یدایمور .

همین وجدانمزه مراجعت ایله سویلیه لم . صباوت اولاده
قرائت و املا درس لرندن آلدیغمز نتیجه معرفت و حکمت نه دره ؟
هیچ .

لذت آور ، منتظم بر طرز تدریس تعقیب اولغیمه رق هیچ
تلذذ ایتدیکمز ، روحمزه هیچ بر تجسس و تاثیر براقق سزین
او یوب سچدیکمز ، یازوب بیرتدیغمز او قرائت لر ، او املا لر
نقش بر آب منزله سنده بیله اولمدق لری حالد ، براز صکره
او قود یغمز ، یازدیغمز مثلاً (لافونته ن) ك « قوزی ایله
قورد » . « قارغه ایله تلکی » حکایه لری آلآن جانشین حافظه مز
اولدینی کبی ، حتی - علی الاحتمال - مسلك حیاتمز ایچون بزه
خبر مز بیله اولقسزین ، برر دلیل فلسفی اولمشلردر . محتملدر که
بر حقوق افعال حیاتیه مزده کیزلیدن کیزلییه آنلرک بر دلالت
فلسفیه سی اولمشدر . بز ایسه هیچ آنلرک حکمت شمولی ،
تواضع معناسی دوشونمه مش ، مجرد کولمک ، اکلنمک ایچون
اوقومش ، از برله مشدک .

اوج عصر دن بری فرانسه کبی بر طربکاه بدایعه ده بتون
جیادت و طراوتی کوندن کونه مزاید بر قوتله محافظه ایتدکه
یونان او مجموعه قصص کبی بر بدیعه نك - که نفی بتون انسانلره
شامل اولدینی . متفق علمیدر - بش آنی یوز سنه لك کتابخانه

ادبیاتمزده بر نظیری بولنماق جای تأسف دکلیدر ؟
 ظن ایتمهزکه بوکون بر پارچه ذوق آشنای ادب اولانلر
 ایچون او اثر کر انهنانک تقدیر مزیاتنده اشتباه اولنسون و حیواناتی ،
 مزاج و طبیعتلرینه کوره تصنیف و انطاق ایله ترتیب اولنان
 اوافق تفک ، فقط پک جامع الحکم قصص خوش آینده یی یاوه
 عد ایده جک متصلفین بولنسون . شاید بولنورسه آنلرک ذوق
 ادبن قطعاً نصیبه دار اولمدقلرینه بلا تردد حکم ایدیله بیله چی
 کبی یاوه اولان بر اثر ایچون « بیپولیت تهن » کبی بر ادیب حکیمک
 اوچ یوز الی صحیفه لک بر مطالعه عنیده تألیف ایتک کلفتی
 اختیار ایتمه چی ده سرد اولنه بیلیر . حال بوک « تهن » آنلری بتون
 قوت محاکمه سی ، منانت انتقادی وزقت نفائس حیوانه سی ایله
 آلقشلا یور ، عمیق تقدیره اعلا ایدیور و خاتمه ملا-ضات
 اوله رق دیور که :

« انطاق حیوانات صورتنده اولان قصه لره دائر قوجه بر
 جلد وجوده کتیرمک بلکده استکثار اولنور . انواع ادیه نک
 اک ناچیزی عد اولنان بوقصه لر قوجه بر مشجره ایچنده نظر دن
 نهان اولان کوچک نباتلره بکیزر . نظر ، مشجره نک درختان
 آسمان ساینه منعطف اوله رق انلراهمال ایدیلیر ؛ شاید عطف نکلام
 ایدلمش اولسه بیله بر اثر ناچیزدن عبارت کوریلور . حال بوک
 اعضا سنک انتظام داخلیمی تدقیق ایدمک اوزره کشاد اولنجه
 آنلر دده اک بیوک میشه لرک ترتیبات مغلقه سی باصره اتباهه

چارپار . و بونلر دها سهولته کشف و تحلیل اولنه رق نهایتده
 بیوک کوچک هرنباتک رکن حیات و قوامی اولان قوانین
 عمومیتهک آنلر دده موجودیت تامه سی مشاهده اولنور .
 ایشه مدقق حکمیات بو حکمی نسله شعرای اسلاف
 و اخلاقنرک شرفیاب خامه رغبتی اولنه مامش بولن ان بونوع
 ادبیک ، بونوع حافظه پیرانک قدر بلندینه سند قویم
 اولنور . بونلرک اک بیوک اضافتی اصل مقصود اولان
 حکمت اخلاقیه نی بر درس خشین صورتنده اخطار
 ایتمه مسنده در . فی الواقع (لافونتن) عندنده فقرهک اک
 زیاده شایان دقت و اهمیت اولان جهتی بالذات فقره ، حکایه در .
 او . درس اخلاقی نی همان هیچ قید اتمز کبی بر عدم تکلف
 ایبه نقل فقره ایدر . آنک ایچون قصه نی خوش آینده بر شکه
 صوqq حکمت و حقیقت اخلاقیهک اک امین طریقدر : « سز
 حکایه کنزی ذهنلره ، حافظه لره نقش اولنه جق بر طرزده تصویر
 ایکنر . درس اخلاق کندی کندینه استنباط اولنور ، مفکره نی
 کاملاً استیعاب ایلر » دیر . پک طوغری دکلی ؟ . خوشمزه
 کیمه نی حقایقه قارش کوزلرمزی قیامغه طبعاً میال دکلی یز .
 اقتضای ضعف بشر بو ، دکلیدر ؟ . اعترافی الیم اولمقله برابر
 حقیقت اکثراً خوش کورونمز . بونی کورمکدن توقی ایتدیکمز
 کبی بر موعظه ، بر نصیحتنامه شکاننده کوسترماک ایسته یلردنده
 قاجرز . اوله بر ادای خشین حاز بولنمیوبده کلندیرن

لطیف حکایه لری ایسه کمال حفظ ایله استماع ایدرز . بونلردم
مندج اولان درس اخلاق ، پند حکمت ایسه هیچ خبرمن
اولمکسزین افکار و قلوبمزه نفوذ ایدر . بونک فرقه واردیغمز
زمان آرتق مقاومت ایله رد حقیقت امکانی قالماز . ایسته بویه
اکندیره رک ارشاد ایدن درس لک بالخاصه هر درلو تأثیرات
تربیه یی قبوله مستعد بر جیادت ایله آماده بولنان چوجق ذکرینه
نه قدر موافق کله جکی کلفه اثباتدن وارسته دکلیدر ؛ باقیکر ،
بونک ایچونده (لافونتهن) نه دیور :

« مثلاً بر دشمن اولکه سنده حرکت ایتمکده بولنان بر
قوماندانک عندالایجاب نصل رجعت ایده جکنی هیچ دوشو -
نمکسزین آنلک مملکتیه کیره رک بالآخره عودت ایتک ایسته -
نجه ، بتون مساعیسنه رغماً ، کندیسنک ده ، اردوسنک ده
پریشان و محو اولدیغنی بر چوجغه سویلیکر . ینه عینی چوجغه
تایکی ایله کچینک تسکین عطش ایچون برقیونک دینه ایندکری
وتلکینک رفیقنک بوینوزلری ایله اوموزلری مر دیون کی
استعمال ایدره رک یوقاری حیقدیغنی ، کچینک ایسه آرقداشی قدر
عاقبت اندیش اولدیغنی ایچون اوراده قالدیغنی ، هر شیئده
ملاحظه عاقبت لازم کلدیکنی حکایه ایدیکر . شمدی بو ایکی
مثالدن هانکیسنک چوجغک روحی اوزرینه دها زیاده تأثیر
بخش اوله جغنی صورارم . فقره ثانیه چوجغک فیکر نو تشکلی
ایله دها زیاده متوافق اولدیغنی ایچون دها زیاده قرار گیر اولمازمی ؟

چو جغك، افكار و تصوراتى حد ذاتند پك طفلانه اولدينى
 اچون يكيدن يكي يه بويله بر طاقه مالايغينلر علاوه سینه حاجت
 اولمدينى درميان ايدلمسون . بونلر ظاهرأ مالايغنى كې كورو .
 نيورلر سده حقيقتده پك متين مغالري حائر درلر . و نصل كه
 نقطه نك ، خطك ، سطحك و بونلره مماثل غايت عادى بر طاقه
 حقايق ابتدائيه نك تعريفى ايله نهايت ارض و آسمانى اوچوب
 چين معلومات واسعه ي قزانيور سهق بو اوزق ، بو خفيف
 قصه لردن استنباط اولنان ملاحظات و نتائج ايله دخی قوه حاكمه ،
 معالى اخلاق ، حاصل بيوك بيوك ايشلر كورمكه قابليت كسب
 اولنور . »

نورسيده روحلرك تربيه ابتدائيه سنى خيابان اشواق اوزرنده
 صاف و نظر فريب ازهار عبرت و حكمت ايله تمهيه خدمت
 ايدن قصه لره دائر ، بو قصه لرك عادتاً ، « ازوپ » كې اسلاف قديمه سنى
 قاله آلمديغمز حالدده . موجودى عد ايدم بيله جگمز بر اديب خو -
 شنویش قلمندن صادر اولان شو مديحه لر بحق محلنه مصروف
 دگمدر ؟ . . . على الخصوص كه بو قصه لر زمانمرك حقيقيون ادبا
 مسلكينه تماماً موافقدر . حتى ابدان بر قسمى بو بابده حقمز
 حكملر و ير مشلر در . مثلاً « قوزى ايله قورد » حكايه سنده
 « قوت حقه تقدم ايدر . » حقيقت ازليه و ابديه سنك تمهيدى
 چو جملر اچون نفعدن زياده مضرتى موجب اولدجغنى ادعا
 ايتملر در . حال بو كه (لافونتهن) بونكه بزه نه قدر عجزه وضعفا

المنزه کچرسه سؤ معامله ایتمکله کمزیمی توصیه ایدیور؟ او،
بر حقیقت مطلقه یی بر تمثیل ایله کوستریور.

یا کلش کورمکده، یا کلش دوشونمکده اولدیغنی کیم ادعا
ایده بیلیر؟ آنک دیدکارینی تجارب حیاتیه مع التأسف هر لحظه
تأیید ایدیور. تصویر ایتدیکی بتون مساوی منافع
پرستانه ایله بزه: «سزده بونلری تقلید ایدیکز!» دیمک
ایسته میوریا! بلکه «ایشته حقایق احوال بو مرکزده در؟
آرتق عقلمیزی باشکزه طویلایکده آکا کوره حرکت ایدک»
دیور. بتون طبعیون ابداده بویه دیمیورمی؟ نزاهت
اعتباریه بو قصه لک یرده بیرونان طبعیون آثاریه نسبت قبول
ایتمه جک درجه ده بالا کیر ادب اولدیغنده شبهه ایدیه بیلیرمی؟

قصه لک اطفالک تربیه فکریه سی خصوصنده کی تأثیر عظیمی
حسیله «ادبیات اطفال» د متعلق بر مصاحبه ده بونلردن بحث
ایتمک ضروری ایدی. تربیه فکریه اطفال ماده سنی لایق اولدیغنی
اهمیتله تلقی ایدنلرک بو تفصیلاتی مغفوکوره جکارینی امید ایدهرک
ملاحظات خالصانه مزک نتایجنی ومکتبلرده کی لسان، از جمله
قرائت واملا درس لرینک صور اصلاحیه سنه دائر مطالعاتی
ایکنجی بر مصاحبه یه ترک ایدیورز.

ادبیات اطفال

— ۲ —

وطنمزمك هر درلو فیوض بازعه سنی بوعهد لطیف حریتده
سن ادرا که رسیدده اولمقدمه بولنان سوکیلی یاوروجقلر مزمك بر
تربیه نزیهه فیکریه ایله پرورشیاپ عرفان ایدلمه لرندن انتضر
ایتدیكمز ایچون مکاتب ابتدائیه درسلرینك احتیاج زمانه موافق
صورته تدعیل و اصلاحنی لازمه مقدسه وطنپروری عدایدیورز .
روح تربیه چوجغك مغنویاتی تقویه ماده سی اولوب مکتبلر مزده
مع التأسف شمدی یه قدر بوماده لیاقت واهمیتی نسبتنده منظور
التفات اوله مامشدر . اخلاق نامیله اسماً موضوع اولان درسلر
هله اداره سابقه زماننده چوجقلری اخلاقمیز ایتمکدن بشقه
بر مقصده خادم اوله مدیخی کبی علی القرض بویله اولمیوبده جد
واعتمایله تعلیم ایدلمش اولسه لر بیله فیکر و طبعلری هنوز
جدیات غنیفه و عقیمه ایله يك قابل ایئتلاف اولمیان نورسیده
یاوروجقلری ولو « احیاء العلوم » دن اجمال ایدلمش اولسه بیله بر
طافه خام ویابس حقایق ایله اتعاب ایتمکده فائده ملحوظ دکلدز .
حال بوکه چوجغه علی الخصوص تحصیل ابتدائی هنکامنده افاضه
ایده جك الك معزز علم و عرفان ، فضائل اخلاق و مکارم تربیه

اولدینی ایچون بو مقصد عالینک استحصالی ایله برابر شوق و انشراح
اطفالی ده جریحه دار ایتمه مک ایچون اک زیاده قرائت و املا
درس لرینک تهذیبی لزومی حس ایدیوروز. اعتقاد منزه بو ایکی
درس (پداغوژی) دینلن علم تربیه اطفالک مواد اساسیه سنه
واقف اولماقله برابر وظیفه سنی استحقاق ایتیوب ممنونیت قلبیه
ایلها یقابه چالیشان مستعد و حیثی پرور معلم لر انده مینی مینی جکر
پارده لر منک سعادت حال و آتینسی تأمین ایده جک محاسن جیده
تلقینی ایچون پک کوزل برر واسطه اولور . فقط هر ملتک
اطفالی ایچون فاتحه معرفت حکمنده اولان بو ایکی درسی اول
باول چو جقلر ایچون برر سرمایه نشاط حانه قلب ایتک هنرینی
یلملیدر . یدی سکز یاشنده ، کولمک ، اوینامق ، اکلنمک ،
هله خشین جدیتلردن ممکن مرتبه دور اولمق ایسته ی چو جقلر
عبوس بر چهره ایله عبث شیلر اوقودوب یازدیر ماملیدر .
اویاشلرده کی چو جقلرک سومیه رک ، ایسته میه رک ، زبون پروا
اوله رق اوقودقلری ، کویا اوکر ندکاری شیلردن قطعاً خیر
مأمول ایتمه ملیدر . بالعکس بونک بیوک بر محذوری واردر که
اوده زوالی جقلری دهاسن طفولیتده دشمن معرفت ایتمکدر .
بو حالد چو جقلری اکلنیدر دک مستفید ایتک هر ابتدایه
معلمنک دستور حرکتی اولملیدر . بو کلمه لری یازار کن پیش
نظر خیالده نیجه کروفولی معلملر کوریورم که مغیر بر چهره
ایل « اوخ ، تمام ! باجاق قدر چو جقلری اکلنیدر جک زدی

هم اضاعه اوقات ایدلم، هم مسخره اولهلم! . « دیه سرزنش ایدیورلر. بونلر شو نقطه ده آلدانیورلر که چوجقلری اکلندیرمک اصلا مسخره اولمق دکلدر؛ بلکه روح تازه لری بر مرغ نوطیران کبی هوسکار ابتسام ونشاط اولان یاورو جقلرک مواجهه شائقه سنده برطور متجلدانه آلمق انسانی، احتراز اونان اوکریوه تمسخره سوق ایدر. انظار صافیة اطفالک انعکاسکاهی اولان چهره معلم شاد ومنبسط برمرآت مصفی اولمق لازم کلدیکی کبی چوجقلره حب فضائی تلقین ایده جک اولان قرائت ابتدایه کتابلری ده آنلر ایچون برر زهتکجه ذی صفا اولمیدر .

چوجوق او قودیغنی اول باول آکلاملی، صکره بونکجه اکلنملی، آز چوق کولملی، کولمک ایچون بردها او قومق احتیاجنی حس ایتلی، نهایت نقش آرای حافظه سی اوله جق اولان بو قرائتدن قابنده بر حس، روحنده بر لذت، فیکرنده بر عرفان قالمیدر. بونک اکلندیرمه طریق شیهه یوق که قصه لر، حکایه لردر. لطیف، تزیه، مؤثر، خوش آینده، عبرت آمیز، حکمت آور کوزل کوزل حکایه جکلر.. متضمن اولدقلری حقایق عالیه کیتدکجه بیوین، ایجھلشن، دها زیاده عمیق وفاسفی اولان، فقط لقای شادانی هیچ بر وقت غیب ایتمین روح فریب وخاطر نواز حکایه جکلر... لیکن بونلرک بحق کزیده اولمه لرینه وچوجقلره علوجناب، فدا کارلق، مرحمت، نزاکت، حب حقیقت، شجاعت، وطن پرورلک، غمت واستقامت.

سعی و همت ، اشتیاق تعالیٰ کی فضائل راسخہ فی غایت شن و شاطر براسلوب ایہ القا ایدہ بیلیمہ لرینہ صوک درجہ دہ دقت اولمیلیدر . ایستہ انکلیزلر ، فرانسلر کی پیشوایان مدنیتک کتب خانہ عرفانندہ منشور و موزون اولہرق « ادبیات اطفال » ی ، بونلر نشکیل ایدر ، و بونلرک ایچندہ یالکز حافظہ صغاری دکل خاطرہ کباری دہ قتلذ و مستفید ایدہ جک نیجہ بدایع ثمنیہ بولنور . مثلاً فرانسدہ ، کچن مصاحبہ مزک قسم اعظمی اشغال ایتمش اولان (لافونتن) و (فلوریان) ک قصص خوش آیندہ لرندن بشقہ متأخریندن (اوژن مانوئل) و (لوئی راتیسبون) و دہا نیجہ پیرولرینک بو یولده کی سنوحت لطیفہ لری چوجقلرک ، بلا تعب ، تربیہ فکریہ و تہذیب جبلتلی ایچون پک سویملی واسطہ لرذن ، ہاہ (راتیسبون) ک « مضحکہ طفلانہ » عنوانی مجموعہ اشعار داپذیری حقیقہ بر درجہ لالی حکمت و ظرافتدر . اورالردہ تربیہ اطفال ایہ مشغول اولانلرک قرائت و املا درس لری ایچون اک قیمتدار مأخذ لری بودرلو اثر لراولدیغی چوجقلرہ مخصوص غزتلرینک دلالت ارشادیہ سی ایہ آکلا یورز . بونلرہ دہا بر طاقم وطن پرورانہ آثار ایہ « ووقابولہر » نوعندن ثروت اصطلاحات و اسامی ، بردہ تماماً آکلا یہ بیلہ جکلری طرز دہ معلومات نافعہ علاوہ ایدیورلر . بو معلومات نافعہ مسئلہ سی دہ مینی مینی اطفال وطنک تربیہ حقیقیہ سی تأمل ایدنلر ایچون بر جریحہ در . و قیلہ کویا بو مقصدہ وفا ایتک

ایچون پروغراملره ادخال اولمش واربابنه تألیف ایتدیرلمش
اولان «قرائت فنیه» رساله‌ری ظن ایدرم که چوجوقلرک
قابله برخصومت فنیه تخمى ا کیمکدن باشقه فائده‌نی منتج دکلدر .
دائرۀ ادبیاتدن چیتما مق ایچون ینه تکرارایدلم که مکاتب
ابتدائیّه مزه مخصوص اوله‌رق بر آز ایضاح ایتدیکمز ضرزده
و «ادبیات اطفال» ی تشکیل ایده‌جک صورتده قرائت
کتابلر مز مع‌التأسف حالا مفقوددر .

ادارۀ سابقه‌ده احتمال که بو کتابلر دخی یازیله‌مازدی . مثلاً:
«باشقه‌لرینه فنالق ایدنلر کندیلرینه‌ده باللق‌باله فنالق ایدیلر
قورقوسیه اصلا مستریح اوله‌مازلر . حیاتلری وهم و خلیجان
ایچنده کچر !..» حقیقتی چوجوقلره تمهید ایله بالذات نائل
لعمت حضور اولمق ایچون کیمسه‌بی رنجیده ایتمه‌ک لازم
کلدیکنی اثبات ضمننده برحکایه ترتیب ایدرسکمز . وبالغرض
دیررسکمز که : «کونک برنده بر قورد ایله بر چکی آرقداش
اولدیلر . برابرجه کیزمه چیمقدیلر . چونکه قوردلرکده نادراً
زیانسر حیوانلر کبی الفت و محبت ایتلری واقع اولور . دره‌دن
تیه‌دن صحبت قویولدیلر . شووقدرکه قوردک مکالمه‌سی هر دقیقه
سکته‌دارا وایوردی . اوقاجق بر کوردی اولسه ، مثلاً بریاپراق
دوشسه ، یاخود یرده بر قوشک کواکسی کورنسه قورد همان
کج خوف ایله قولاقلرخی قباردیوردی . بردوزیه غوغا

ایتمکے ، یا خود کیزلمکے حاضر لانیوردی . بواطواری کورمکدن
بیزار اولان کچی نہایت دیدی کہ :

— برادر ، سن نہ قدر اندیشہ ایچندہ یاشایورسک !
بردقیقہ راحت یورودیکچی ، راحت قونوشدیگی کورمیورم .
بونہ حال ؟ بواوہامدن وازکیچ ، راحت راحت یورویہلم ، غمسز ،
قساوتسز قونوشہلم ، اکٹہلم ..»

» قولانگی کیریشده اولان او یرتیجی حیوان ، یعنی قورد
ایسہ شو جوانی ویردی :

» برادر ، دیدیکک کچی یاشامق بکا نصیب دکندر ؛ ہرکس
نم دشمنمدر !»

» بوحواب اوزرینہ کچی حقیقت حالی آکلایہرق :
— اوت حقک وار ، سن ہرکسہ فنالق ایتدیکک ایچون
ہرکسدن ہر آن فنالق بکلمکدہ معذورسک ! .. دیدی .»

ایشہ بویلہ محض حقیقت اولوب ارباب سیئات وجنایاتک
عذاب روحانیسنی بسیط ، فقط مؤثر بر طرزہ مصور
اولان بو حکایہ جک استبداد مشئوم زمانندہ یازلمش اولسہ ایدی
جلاد مطبوعات بوندہ نیجہ تلمیح ، تعریض ، کنایہ ، ایہام ،
حاصلی بتون صنایع بدیعہ بی کشف ایدردی دہ بوبدیعہ عبرتی
محکوم اعدام ایدردی ! فقط شمدی نہ مانع ! .. محترم ادبامن
سوکیلی یاور جقلرمزک روح وفکری اوزرندہ پک ثمرہ دارایزلر

براقعی ضروری اولان بودرلو آثار جیده یی - منظوم و منثور -
تیچون وجوده کتیرمه ملیدر ؟ .

ادبیات اجنبیه بودرلو آثار ایچون دخی قعر بی پایاننده
ایستیمیکمز قدر التماس جواهر ایده بیله جکمز بردریای شفاف
اولدینی کی بزم مال حالمز اوله رق مع التأسف شمیدی غبار
آلود نسیان اولان « هایوننامه » ، « نوادر سهیلی » کی بعض
آثار نادره مز واردر که بو کونکی شیوه بیانمزه نظراً بلکه
بر آرنک وریک اولان اسلوب افاده لرنده تعدیلات و تزینات
جزئیّه اجرایی ایلدیک حالوتلی بر « ادبیات اطفال » ه زمین تتبع
اولدیلیر . یالکمز بونلری حقیقه چو جقلرک تلذذ و استفادیمی
نقصه نظرندن کمال اخلاص ایله دوشونوب محو و اثبات صورتیه
یازمق ، ممکن مرتبه ادای تصلفدن قور تارمق لازمدر .

ادبیات اطفال خولیاسی ایچنده ماضی شعرو انشامزه ارجاع
نظر ایدنیجه ایکی اثر منظوم خاطر دکلیور : (خیریّه نانی) ، (لطیفه
وهی) .

آه ! بونلر شمیدی الم حسرتی چکدیکمز ادبیات اطفالک
نه کزیده نمونه لری اوله بیلیردی . فقط هیهات ! . هرایکیمی ده
موضوعلری ایله متناسب نفع ولدندن محروم . بعض نقطه لر نجه
مضر ، هر حالده پک بی نمکدر ! .

بو ایکی نصیحتنامه منظومک مقایسه می حالنده « لطیفه »
نک تاریخاً مؤخر بتمه نظراً هیچ اولمازسه سلفک نقائصندن معری

اولمسی ایجاب ایدرکن مع التأسف « خیریہ » یه نظر آ کر لہ قیمت
ادبیہ ، کرک ماہیت حکمیہ جہ پک دوندر . « خیریہ » دہ ہیچ
اولمازسه ناظمک سرمایہ علم و فضلہ دلالت ایدن بر ثروت الفاظ
وترا کیب واردر . وجابجا معانی عالیہ یی محتوی پک چوق
ابیات نظر د پیرای انتخاب اولہ بیلہ جکی کبی سراپا ، حتی « مطلب
لازمہ حسن و جمال » بخشنده بیلہ نزاحت ادبیہ محفوظدر . ہاہ
« لطیفہ » نک :

اعتبار ایلہ پک هندسہ یہ
دوشمہ اول دائرہ وسوسہ یہ
باقوب اشکالہ مقرنس دیہرک
یا مربع ، یا خمس دیہرک
دوش اولوب دائرہ افکارہ
ما حصل دونمہ سک پرکارہ
خط واضلاع سوزی داعیہ در
صائمہ کیم کلنہ جک زاویہ در !

§

نایہ تضییع نفس ایلہ لی
اوفلیوب یعنی آنی نیلمہ لی
چالمہ اویلہ دودوکی مولانا
کہ دینہ آدیکہ نیزن منلا

کبی صریح هذیانلرینی (خیریہ) ده بولمق ممکن اولمقدن
 بشقه جکر پاره سی اولادینک تهذیب اخلاقی و تزکیه افکاری
 ایچون اجاله قلم حکمت ایدن بر پدرک کندنجه موافق احکام
 فضیلت بولدیغی نصایح عالیہ میاننده « قصه کیمیاجی » کبی
 بر ذالننامه نی کالبد نظمه فراغ ایده جک درجده ره بوده شطحیات
 اولمنه تعجب ایدیلر !. حاصلی بوکون ادبیات اطفال نامنه ایدی
 حرمت مزده برر یادکار اولمق ایجاب ایدن برایکی اثر دخی موضوعی
 ایله متناسب بر قیمت عملیه ابراز ایده مهمک حسیله محروم
 اعتباردر .

اطفالک تنشیط قلوب ایله تشحید اذهاننه دها زیاده خادم
 و تماماً تشخیص و انطاق حیوانات صورتنده منظومه لر ترتیبه
 متأخریندن شناسی مرحوم غیرت ایتمش ، فی الواقع بو وادیده
 خیلی دلپسند اثر لر وجوده کتیر مشدر ؛ (اشک ایله تالکی)
 حکایه سنک :

کلام اولمازمی حضوره آبنم آرسلا نم ؟
 تا یقیندن باقه یم حسنکزه حیرانم !
 دایم اولسون بکمک سایه لطف و کرمی ؛
 کل بتر باصدیغی یرلرده مبارک قدمی !
 ایلر عرفانی ایماء اوسختکو کوزلر ؛
 یاقیشور آغزینه موزون و مقفا سوزلر !

کبی بعض خوش آئنده ایـآتی ایله دیگر قصه‌لرینک **ڪرڪ** موضوع، **ڪرڪ** طرز تصویرجه منقحیت و متانتی احترام و تقدیر ایله تلقی اولمیه بحق شایسته‌در. نه چاره‌که اوداهی مرحومک محصولات ذکای خارق العاده‌سی هم - فطرت بلندینه نظراً - **پک** آز، هم‌ده شتیه‌در. کنندیسنک سائر آثار ادبیه‌سی کبی بوقصه‌لر دخی آنحق برر نمونه عد اولنه بیلیر.

صکره بو طرزده استاد نراهتپرور اکرم **پک** افندی قیمت بخشای التفات اوله‌رق (لافونته‌ن) **ک** کزیده قصه‌لرندن بر قاجنی **پک** لطیف و بدیع صورنده نظاماً ترجمه بیوردیلر. بونلردن حیات تدریسیه عاجزانهم اثناسنده کوچک‌شا کردلره از برلندیردیکم پارچه‌لرک آنلرده حاصل ایتدیکی کشایش قلبی، سرور و حظی کوردجکه کویا کنندیم نظم ایتشم کبی سونینور، افتخار ایدیورددم. آثار منتخبه ادبیه‌نک چوجقلره از برلندیرلمه‌سی جلای ذهن و ذکاری ایچون **پک** مفید اولدینی غیر قابل انکار اولوب بودرلو اشعار منسلطه ایسه آنلر طرفندن **پک** صمیمی برهوس و شوق ایله نقش حافظه ایدیلیر. هیاهات که بویله اثرلرمن **پک** نادر در. هپ طبقات عالیه حس و خیالده شهر کشای اعتلا اولمق ایسته‌ین ادیبلرمن، شاعرلرمن بویولده‌کی آثار طفلانه‌نی **پک** حقیر عد ایدره‌ک دستکاه ادبیزی آنلره تزیننه تنزل ایتیمورلر. حال بوکه اعتقادمنجه ملتک روح

ترقیاتی ہو، ابتدائی ظن اولنان اثر لرد در . شیخ سعدی
 مرحوم کستانی ایلہ بوستانی و دہا بعض آثار فارسیہ یی آریجہ
 موضوع مقال ایدہ جکمز ایچون یو بحثہ تعلق عظیمی ایلہ برابر
 شمدیلک قالہ آلدق .

فی ۱۰ شباط ۳۲۴



پارناسیہ نثر

پارناسیه نلر

— ۱ —

فرانسه ده صوك اوتوز قرق سنه دن بری «ویقتور هوغو» نك دبدبه خیال آشوبنه حیران اولمقله برابر صحائف ادبی بشته بر طرزده و بحق نوتراشیده جواهر بدایع ایله ترصیع ایتمش اولان ملاحیپرستان شعرك، یعنی «پارناسیهن» دینیلن زر کران محاسنك نصیبه نشاتی همان تماماً ممالکتمزده اون اون بش سنه مقدم «ده قادن» عنوانیه ظهور ایدرك شعر عثمانی اوزمنه قدر نظرلرك مألوف اولمדיنی بر آب و تاب ایله رونقیاب ایدن مجاهدین ادبك دغدغه انفلاقی آتدیر مقده در .

«پارناسیهن» نامی طبق بزده کی «ده قادن» عنوانی کی غیر متزلزله بر خنده استخفاف ایله تلقی اولنور و معنادن مجرد اولان بولفظك عاشق محاسن طبیعت کنج بر ادبیه اضافه سی قهقهه لاله کولدره جك بر لقب هجو و تهکم عد ایدیلردی . هیچ شبهه یوق که بونلره اسباب خنده لری سؤال ایدله ایدی جوابدن تماماً عاجز قاله جقلردی ؛ بزده ده قادنلر ، فرانسه ده پارناسیه نلر بویله بر سؤاله تنزل ایتیمورلردی . امین ایدیلر که زمان بونك پارلاق، پك دیده فروز بر صورتده جوابی ویردرك متعرضاری مجبور عجز و حیرت ایدرجکدی .

مسلک ادیبانه لرنده کی اسمک غرابندن طولای غرضکار -
 لرینک ملکات ضحکیه نی تهییج ایدن بو کنج شاعرلرک عفو
 اولماز بر قصوری واردی : [اشیاده جستجوی محاسن]
 و بو محاسنه قارشى : [حیرت مفرطه] . بو تحریرات ، بوتحریرات
 آنلرک روح بدایعپرستنده میلاد آدمدن بری « شعر » عنوان
 جانفریبیلله یاد ایدلمکده اولان کریمه محاسن طبیعته قارشى بر
 ابتلاى آرامسوز حاصل ایتمش ایدی .. اوت ، بتون بو آتشین
 روحلرده و اعمه فروز بر حسن و آن ایله تمثیل ایدن شعرک
 شیرای نالانی اولمشردی . بو ندیمه دلارای کندی زمانلرینه
 قدر لایق اولدیغی تجملات نزهت و ظرافت ایله بز نمش
 کورمه مدکاری ایچون عادتاً بتون لوازم جمالی تزئیده غیرت
 ایتدیلر .

صنعت ، پیش نظر حرمتلرنده بشقه برسهای نورانی آلدی .
 بو بلند و معظم صنعته اتحاف ایدیلرک ال رقیق و نزه جمیله
 تکریم لسانی ، اسلوبی ، شکل سانحاتی تنظیم و تزین ایتک اولدیغی
 حسن ایدلدی . آرتق تمیزده اعصار ادب اولان کوزلرمن یکی
 بر انجلا ایله رونقدار اولدی . ولسانمک مستعد اولدیغی بتون
 کوزلرک او زمانه قدر متواری اهل اولدقلری سه حائب
 فتور آلتندن پیای لمعه پاش تبسم اولسی اوزرینه احتمال که
 بتون دلمردکان فطرته دخی - عدم اعترافلرینه رغماً - برانجذاب
 شباب آفرین اویاندی ! فرشته الهام صحرای ادبه بو ازهار

نادیده نی طرف طرف ایثار ایتدکجه شیدایان ملاحمتک غرور
محقی حضـ وورنده قیورانا نلر آرتق ثمره عجز واسـ بترقاب اولان
مجادلات قلمیه لرینی اگ غلیظ کلمات ایله شائبه دار اسائت ایتمکدن
بشقه چاره تشفی بوله مدیلر . آنلرک غیظ دمام فزودینه
رغمأ فرانسه ده (پارناسیه ن) لک ، بزده (ده قادان) لق ایلر یلیوردی !
بر زمان اولدی که بو کتابه لر ایله یاد ایدمک عادتاً شرف انسانی یه
تعرض ایدن بر دشنام اولدی !.. لیکن حقایق علویه وصنایع
نفیسه نلک خاق عندنده مظهریت معقاده سی بودر !. مطلقاً
منتظم ، مرتب بر مدافعه اعتراضیه ذکأنک هر درلو انفلاق
خرقنه حیلولتساز اوله رق مقدرات ازلیه سی آن بآن تعالی اولان
بشری بر مدت ایچون پستی اعتیادی ایچنده او یوشدیرر ! ..
ادبیات .. آم . سـ عادتلرک اگ رایکان واک بی بهاسی اولان بو
ندیمه روح شو قهر و تعذیبک اگ زیاده قربانیدر . بهای صنعتی
وباحاصه صنعت اشعاری خلقتک عیون تقدیر و ابجانه عرضه
ایتمکله مکلف بولنان دقایق سنجان تنقید بیله بعض کره خدمت
لطیفه زننده قصور ایدرلر ، تخلیلات خارقه صنعتی خاقتک حس ،
فکر ، خیال نامنه تربیه سی ایچون لایقیله وصف و شرح
ایتمزلر ؛ حال بوکه علائق خسیسه منفعت و خاطر کیریدن تماماً
آزاده بولمق لازم کان ارباب تنقید افراد ملتک روحنی نفخ
سماوی شعر ایله ترویج و تلذیز ایچون بدایع حس و خیـ الی
یورولمق ، اوصافق بیلمه یین بر عزم صنعت پرستانه ایله آنلره

ترتیل و اطرا ایلمیدرلر .. ملتک روحی ندرمان اشتیاقات شعر
ایله مشبوع اولورسه لذا نذ حیاتیة اوزمان بتون صاف و دجو
نزا کتلیری ، نفاستلری ایله تجلی ایدر . زیرا شعر بتون انواعی
جامع اولدوق حسن و لطافت نامنه رکیز اولنمش بر آبدء صنعتدر !
طبیعی سراپا محیط اولان حسن و لطافت قارشی افسرده ،
لاقید بر روحك هیچ بر وقت خارجدده بر لمعۂ فیضانیض
ایله اثر نمای کمال اولمی ممکن دکدر . واقعا معرفت حسن ،
تعلیم ایله القا اولنه ماز . مش و درد که (آرسطو) یه « حسن
نادر ؟ » دیمشیلر : « بونی آنحق کورلر سؤال ایدیلیر ! »
جوابی ویرمش .

بو حالد کوزل بر اثر صنعت حضورنده دمبسته حیرت
اولمی بیلمه یین بر روح منجمده اك لایق معامله ، محرومیت
حسیه سنه قارشی مرحمت اولوق ایجاب ایدرسده نفائس آشنایان
صنعت مناقب حسنی اهان ایتدکجه بزده وهان هریرده اولدی
کبی کیت کیده جرات افسردکان آرتار و بر آن اولورکه « شعر »
نام بدیی لسان تجیل و پرستشه آلیر آلمانز : « شعر می ؟ .
آرتق شمیدی شاعر اولمیان وارمی ؟ .. » فیکاهۂ ظرافت و شهنشاهی
آوردۂ زبان تهکم ایدیلیر ! ..

خصومت عجزدن بشقه برشی اولمیان بودردک دواسی اول
بالذات شاعرلرک ، ثانیاً حذاق تنقیدک ید مهارتنددر .
شاعرلر روحلرمزی سماوات حس و خیاله اعلا ایدن سائنحات

لاهوئیانه ایله بزى مستغرق سوذا ایدرکن ارباب تنقید دخی
 بو سحر آفرین ترانه لرك ، بو وجدانی افغانلرك آهنگ جیدینی
 بزه برر لوحه زرین ایچنده برقات دها اسماع ایتلمیدرلر ...
 مست الهی طبیعت اولان شاعرلرك بعضاً حزین ، بعضاً طرب
 آکین زمزمه لری سامعه ملته ابدی عکس لرله ظنین ساز اضاقت
 ونزاهت اولمیدرکه روحلرك شوق ابداعی او یانسون . روان
 ملتک اک موثر مریلری شبهه یوق که شاعرلر اوله جقدر . فقط
 شاعرلر شعری تماماً پارناسیه نلر طرزنده لطیف ، نزه ، مطبوع
 بر حیادت ایله رونق دار ایتدکجه تربیه ملیه مادیون اولدقلری
 وظیفه علویت آموزی ایفا ایتمش صایلمازلر ...

بزده کثیرالاثار بر محررك فصلسه « ده قادن » عنوانیه
 تلقیب وتهزیل ایتک ایستدیکی ادبیات حقیقه مفتونلری ، دها
 زیاده ، اوروپانک پارناسیه نلرینه تشبیه اولنه بیلیر . چونکه
 ده قادنلر مزک ادبیات مزه ایتدکلری اک غیر قابل نیسان خدمت ،
 نزه کلمات ، اسلوب وشکل سانحاتده تجلی ایتکده در .

حقیقه نزاهت کلمات دستور اعظم ادب اولدی . خیال خا-
 نه مزده اک خفیف ، اک کریزان بر کراحت وزشتی او یاندر مق
 احتمالی اولان الفاظ ، منعه قبولدن طرد ایدلدی . حسن الفاظی
 محافظه غیرتی علی الاکثر حسن معنایی ده تأمین ایتدی . کوزل
 معناری اولان کوزل لفظلر بالضروره دلفریب خیاللرك یاد آور
 استغرافی اولدی . بویله اعتدالره حجره ادبه ایصال ایدیلن نو

عروسان سخن کر چکدن حسرة القلوب اولان برر پری دلارام
کبی زو حمزی تسخیر ایتدی .

لسانمزی تماماً ترجه اشدير مك خصوصنده کي غيرتك سائقة
حميت مليتپروري ايله تقدير اولمسي طبيعي ايسه ده — کثرت
الفتدن طولاي اولسه بيله — عربي وفارسي کلماتک نزاهت
واطرافت افاده يي تأمينه مدار عظيمي اولديغي قطعياً انکار
ایدیله مزه . غریبدرکه ایکسی عین معنای افاده ایدن ایکی کله دن
بری بعضاً طبعه ده ملامت کایور . عربي ویا فارسی دیه بونی
آتوبده بالنسبه ده زیاده چرکین کورون لفظ ترکیبی اختیار
ایتمکده بز — کندی حسابمزه — افراط غیرت کورمکده بز .
آرتق بوندن صکره عربي وفارسی یی لسان ملیسزک خارجنده
عد ایتک پک غربی اوله جنی کبی بتون عطا ایلر مزه و محکو .
میلر مره رغماً بر وجود علمیسی اولان آلتی عصرلق ادبیا .
تمزی یوشیده اهل واستقال ایتکده روا اولماز !

بک چوق شیلرده اولدینگی کبی بو خصوصده رهبر
عرفتمز اولان اوروپا یلره عطف انظار عبرت ایدرسه ک آنلرک
آناز فرسه وده ماضیه قارشى بویله حرکت ایتیه رک باعکس
اومحترم یاد کارلره آن بان اعاره فیض شباب ایتمه چالشدق لری
کوریرز .

فرانسه ده کی پارانسیه نلر کبی بزده کنج شعرا مزک (ایجاد
وترویج الفاظ) صنعت ضروریه سنه بخش ایتدکلری وسعت

وانبساط نه سایه ده حصواپذیر اولدی ؟ بتون عربی وفارسی
 الفاظک یکی یکی ذوقنله بربرلرینه ربط واضافه اولمهلری
 سایه سنده دکلگی ؟ وبوسایه ده اونازنین وروحپرور لفظلر
 سنهلردن بری دوش تعبلرنده بوانان ثیاب فرسوده یی آتدوق
 نوزمین وزمین جامهلر ایله طراوتنما اولمیلر می ؟ عجبا کلمات
 ماثوسه یی محافظه ایدرک یالکز طالعک شمدی یه قدر یکدیگرندن
 مهجور ایتدیکی بعض الفاظ متحسره یی بربرینه عقد ایله جامه
 خواب الفته سوق ایتک ، بلکه ده بونلرک برکات تناسلندن
 مستفید اولوق اخیای لسان ایچون ده اترقیجویانه برهمت
 صایلمامز می ؟ . الفاظک بواز دواج نویی اک زیاده شعرامزک
 غیرت حیات افزاسی ایله وجوده کلش دکلیدر ؟

قدمای شعرامزدن (نفی) نك ایجاد وترویج الفاظ
 خصوصنده کی ده ای حیرتفرماسی پیرولرنده اوفیض جوشان ایله
 منجلی اوله میهرق اوچ عصرلردن بری ادبیاتمز هان هان عین الفاظ
 ایچنده پویان اولمش ، حتی کیت کید ، تحصیل علمه طریان ایدن
 نقائص حسیله غلطاتک تحکمی کورلمشدر . حال بوکه کنج
 شعرامز بولازمه ادبه رونق و آرایش ویردکلرندن طولانی
 لسانمز ضررمی ایتدی ، کارمی ؟ معلم ناجی افندی مرحومک
 همت لسانپرورانه سی الفاظک سلامت صوریه سنه منحصر قالمش
 ایدی . ملاحت معنویه یی بطن حاضر ادبانه نك زاده حسن
 طبعی عد ایتک ضروریدر .

فصاحت الفاظی تهذیبیدن صکرده اسلوب کلیر. بوراده نظر
تحقیقی بر آرزوهای ارجاع ایله شناسی ، کمال ، حامد ،
اکرم ناملرینی کمال تعظیم ایله یاد ایتمک ایجاب ایدر . شو قدر که
شناسینک بتون متانت و منقحیتی ایله « قلاسیق » ، کلاک بتون
سلطنت و احتشامی ایله « رومانتیق » واکرمک بیوک بر قدرت
هنروری ایله شاعرانه اولان نثرلرینی ، شعرلرینی تجدیدات
ادبییه مزک رهبر هادی ابدیمی اوله رق تجیل ایتدکدن صکرده
نظر تجدید پرست بالضروره حامدده وقفه گیر حیرت اولور .
کمال بالخاصه کندی تعبیر دلنشینی اوزره « معشوقه وجدانی »
اولان سیاسیات ایچنده دهای خارق العاده سنی بر خورشید معلی
کی افق سرمدی انسانیتیه تعلیق ایدرک انسال آتیه نی صباح
حشره قدر نور فیاضی ایله پیرایه دار معالی ایده جک بر موجودیت
نادره درکک تتبع ایله ، تقلید ایله آنک کعب والانشیننه یتشمک
ممکن دکلدر . آنک ایچون کندیسینی حتی استاد صفتک فوقنده
تلقی ایدرک نصیبه معلمیتی حامد ایله اکر مده کوریرز . وبوکون
طوتیلان طریق شعر و انشا هانکی نام ایله یاد اولنورسه اولنسون
بوایکی استادک ثمره فیض متجددانه سی اولدیغنی تسلیم ایتیمه جک
منصف یوقدر صانیرز . مقدرات مجهول اولمقله برابر دینه بیلیر که
ادبیات عثمانیه حامد نام بلندنندن محروم اولسه ایدی احتمال که
بوکون « رباب شکسته » یه نائل اوله مازدق . نثر مزک طراوت

حاضرہ سی دہ « طارق » ک بعض پارچہ لری ایلہ « مقبر » مقدمہ سندن باشلایور .

شو قدر کہ پارناسیہ نلرک مطالعہ آناری ایلہ لبریز نفاست و ظرافت اولان متأخرین شباب اسلوب افادہ دہا زیادہ افصہ خفت و شوخی ممکن اولدیغنی دوشونہرک نثر دہ ، نظم دہ بر شیوہ روان اتخاذ ایتدیلر . . آرتق سہنوحات قلبیہ و طولوعات فکریہ نقوش کونا کونا ایلہ و پر تکلف و تصنع دیبہ لار ایچندہ دکل . . نازک ، رقیق ، شوخ ، نرمین ، خفیف تولار ، دانتلار ایچندہ بر پر رقصان کی اوجوشمغہ ، اثری بر ماہیت آلمغہ باشلادی . اشکال سانحات دخی طبیعتیلہ هر جائی اولمغہ میل ایتدی . . آرتق بونلر ساحلری منتظماً اورکولو ، شال خرقہ لہ بورومش وقور ، متعظم بیوک قادینلر دکل . مست غرام ، شوریدہ خرام ، طناز و یقارار دلبرلر ، فرشتہ لری ایدی . . . آہ ، ایشته بعضلرک اغبراری بالخاصہ بونقطہ دہ باشلایور . عجبا نثر و نظم مزی بوقدر سربست و هوا پرست ایدوب ماضی ادبیات مزہ بوس بتون وداع ایتک موافقمیدر ؟ . برده بتون کنجیلر ایچون یکانہ نمونہ بونلرمی اولمی ؟ . اوت ، ایشته بورادہ اختلاف نظر واردر . مثلاً شعردہ قطعہ ، غزل ، قصیدہ . مثنوی بالکلیہ ترک اولنوب دہ ہب اوروپا اشعارى طرزندہ کی اثرلر دمی رغبت والتفات ایدلمیدر ؟ . . . ہیچ شہہ یوق کہ خیر . کمال ، حامد ، اکرم

بونلره پك اعلى تمايل ايتمشلر و بو واديلرده پك لطيف و دانشين
بديعه لر و جوده كيتيرمشلر در . صكره آنلرده بر شكل مليت
واردركه اوروپاي ، مطلقا ، تقليد هوسى ايله فدا اولنق كناهدر .

ترتيب نظاملرى بو كونكى اشكال شعرييه موافق
اولمديغندن طولاي فضولينك ، باقينك ، صبرى ، شاكرك ، نديمك ،
شيخ غالبك غزللرينى اونوتماق و اونوتديرمه چاليشماق موافق
انصافيدر ؟ .. نفعينك « چوراق يرده آقوب كيتمش اولمغله
برابر » قصيده لريني نظر استخفاف ايله تلق ايتمك جرأت ايدجك
برعقل تصور اولنورمى ؟ .. كمالك نشيده ابدى الاشتهار حريتى
ايله حامدكده « حمله سى » ودها نيجه منظوماتى هپ قصيده
واديسى دكميدر ؟ قصيده اولملرى لطافت و عظمتلرينه هيچ
خلل ايراث ايديه ورمى ؟ اما قصيده دينجه تبصير وريا
اوزرينه مؤسس بر بناي اكاذيب تصور اولنورسه البته آنندن
نقرت ايديلير .

» یار ناسیه نلر «.

« پاراناسیه نثر »

— ۲ —

فرانسه ده کی مقتدا بهلری ایله مقایسه حالنده « ده قادن » عنوان سرزنشکارندن زیاده « پاراناسیه ن » تعمیر شاعرانه سی ایله تسمیه بهلری موافق اولان نسل جدید شعرانک لسان ادبمزده حاصل ایتدکاری فروتباک مفیض حقیقیسی روحانی بر نظر پرستشکارانه ایله تلقی اولان « محاسن و بدایع طبیعت » و بوکا « افراط مفتونیت » اولدیغی کچن مصاحبه مزده بیان ایتمش ایدت. طبیعتک کافه الواح و مناظرنده مکنون اولان اشعاری پایانی جستجو اشتیاقی بونلره مرآت تصویر اوله حق سنوحات بدیعه نکه ده شکلاً بحق صاف و مجلی اولمنه ابتلائی انتاج ایتدی . بوندن طولانی صیقل بیان ریزه ریزه مجوهرات الفاظ ایله درجه لسانی لبریز نفائس ایلدی . بو فیض ادب آرتق بوکون غیر قابل انکاردر . لکن بزده کی بوفیضه شعرای غربدن رهبر اولانلار (لوقونت ده لیل) ، (تئودور دوبانوئل) ، (شارل بودلهر) ، (فرانسوا قویه) ، (سوللی پرودوم) ، (پول ودرلن) و (قاتول مندهس) کی نازک سخنان فطر تدرکه بونلرکده مسملک ظرافت و نفاستی « پاراناسیه ن » عنوانیله یاد اولنور .

بونلردن مثلاً (فرانسووا قویه) یی بر آرز تتبع ایتمش
اولان بر مفتون ادب «رباب شکسته» یی وجد واستغراق
ایله اوقورکن همان هر نشیده دلاراسنده او متحسس رقیق-
البیانک عکوس آهنگنی استماعدن سامعه روحنی آله ماز .
بو ایسه «رباب شکسته» ایچون بر نقیصه دکل ، بالعکس بر
فیض تا ابد خروشاندر . نقیصه آنحج نسل جدیدک ان بیوک
شاعری اولان او فطرت نادره یه «دهقادان» کی بر عنوان
اضافه ایدنلره توجه ایدر . چونکه شاعر شهید (اسماعیل صفا)
ایله باشلایه رق معقبیری اولان بر آووج ، اوت ، مع التأسف
بر آووج مجاهدین ادبک سلسله اجتهاداتی ایله شاهقه کیر اعتلا
اولان مسلک نزاهت ولطافتک «دهقادانلق» ایله هیج مناسبتی
یوقدر .

شعر مزده بو انقلاب علوی یی -- زمانه کوره - ابتدا
وجوده کترین طبع لطیفی نام عقیقندن ده صاف ومعلی اولان
مخرجوم «اسماعیل صفا» در .

فرانسه ده پارانسیه نلر اک خفیف ، اک غیر محسوس بر هجنت
ولیکتدن بیله آزاده برلسان واک جمید ومطبوع بر کسوه ایله
ترجمه محاسن اشیا ایتیکده ایکن «مذبوحانه کریه لر» ایله «خلیع
العدارانه قهقهه لر» یی جلای ابدی یه محکوم ایتشلر ایدی .
کرک حزین وسوداوی ، کرک شن وشوخ اولان بتون بدایع
طبیعت تصویر وبتون سرائر قلبیه تشریح اولنورکن شاعر تماماً

بی‌خرف بر مثل حقایق ، بر پرستار ظوامر اولوب قاله جقدی .
 زبونه اینلر ، اشکابه‌لر . . . کده‌رت بر اندازانه خنده‌لر ،
 مستیلر ، پارناسیه نلرک اعتقاد و جدانیلرینه کوره شعره مسکنت‌بخش
 اولمقدن بشقه بر فائده‌سی اولمیان عوامپس‌نندانه دغدغه‌لر
 ایدی . یالکنز (قوپه) بو نظریه‌یه تماماً اشتراک ایتیموردی .
 آنک رقت فطریه‌سی محنت آلود حیات اولان بر روح مجروح
 ایچون هر نه شکل و صورتده اولورسه اولون آه و فریاد ایتیه‌ی
 بر حق طبیعی اوله‌رق قبول ایدیوردی . سرکشته آفات سودا
 اولان بر فکر و ذکاکنک نوحات کریه فشاندی کی طبیعت
 و خاجانی ان خارق‌العاده مصنوعات نفیسه‌یه ترجیح ایلیموردی .
 آه و فریاد بر کره هر دل مضطربک حق صریحی اوله‌رق قبول
 ایدیلنجه آرتق معروف و ناچیز شیلرده دخی چینئه شعر و خیال
 بولمغه امکان حاصل اولیموردی . و بویله‌جه « توفیل غوثیه » نلک
 مملترمی اولان [صنعت ایچون صنعت] قاعده مشهوره‌سی
 خلیله‌لر اولمقسزین حقیرلر ، ضعیفلر ، زبونلر ، عاجزلر ایچونده
 بر یری تسلیمکار شعر طوغیموردی .

غایه خیالی درجه‌سنده بر مکملیت شکلیه‌ی حائر اولمق‌له
 برابر روح شاعرک عدم تأثرینی اشراپ ایدن اشعارایله بالعکس
 ایلاک ضربه عشقات خاجانی کی طاقتشکن برلرزش درونی
 حاوی آثار ی مقایسه ایدرکن (قوپه) دیورکه : « حیجاق
 بر لیونلرده نیجه نیجه آشیلر ایله تشدیلمش و [هارلام]

یاخود [روتردام] باغبانلرندن برینک خرده بینی آلتند
 بیودمش اولان اک خارق العاده بر لاله نك بنجه شویله زقاقدن
 بر ایکی غروشه آانوب جاکتک ایلکینه ایلشیدیرلن ومشام
 روحکزی بتون کون تعطیر ایدن ناچیز بر منکشه دهی
 درجه سنده قدر ومزیتی یوقدر. « اشته » قوپه « نك بوتنه بی
 نفائسجو نظرلرک انعطافه تنزل ایتیمه جکی سفالت کوشه لرده ،
 نیجه محقر ومهجور کلبه لرده دخی پك عالی ، پك حزین ،
 پك سوداوی شعرلر مندمیچ بولنه جغنی وبونلری عمیق بر رقت
 بال ایله تماشا ایدرک متحس اولق و دیگرلرینی ده احساس
 ایدمک صورتده جامه رنگین شعر ایله آرایشپذیر ایتک
 شاعرک وظیفه طبیعت پرستی اولدیغنی ایماء ایدیور . بزده
 « قوپه » نك شا کرد نزاهت ورقتی اوله رق بووادی طبیعی به
 ابتدا سلوک ایدن ، اولجده سویلدیکمز کبی ، زواللی
 (اسماعیل صفا) در :

مخاطب اول بکا ای بدر آسمانپرا ،
 مواجهه کله سنک شعرلر طوغار زیرا
 بوشب سنکله منور شوحنه تاریک
 نم بو منظره سودامی ایلور تحریک
 کفمنیر کبی کاهی محاط ابر اولمه :
 شو خسته روحه ظلمتای قبراومله !

کبی روحزی بر پنجه الم آلتنده ریزه ریزه ایدن نوحه

سوداویسی طبع متورمنك اعراض حزن انگیزی اولان او
 شاعر مادر زاد بر یاندن بو درلو سنوحاتی ایله مادر حقیق
 شعر آه و فریاد اولدیغنی اثبات ایتدیکی کبی بر یاندن ده ا
 ساده ، ظاهرآ اک اهمیتسنر خاطرات صباوتی ، مشاهدات
 روزمره سنی الواح صحیحه حیات شکلنده نکاشته صحائف
 تصویر ایدرک عادیاته تنقیح معالی ایتک هنر بدیغنی اظهار
 ایشدی . یالکز بو عادیاتک مصور جمال نهفته سی اولان
 الفاظک انتخابنده شاعر شهید افراطکارانه بر مشکلا پسندک
 ایتوردی . واقعا آنک صفوت ورقه بیانی بعض الفاظک
 شائبه ابتدائی بر دود سحر آمیز ایله ستر ایدیوردی .
 لیکن پک یقین افقلرک سینۀ درخشانندن طوغان بر مهر دمام
 متعالی صنعت او دود سحاری ده ازاله ایتک مقدر ایدی .
 فی الواقع تقریباً اون بر ، اون ایکی سنه مقدم واقع اولان بر
 طلوع فیاض ایله ناطقه ادب پک سامعه نواز بر حد تصفییه
 نائل اولدی . محققدر که شاعرلرک دست مصفا سنده یالکز فیکرلر ،
 معنالر دکل ، کله لر . لفظلرده کریوه ابتدال دن منصفه نجابته تعالی
 ایده بیلیر . بوده شاعرلرک ثمره صباحت طبعی اولان بر
 سحر در . مثلاً فرهنگ لسانی همان کاملاً الفاظ کریده ایله
 نفاستفشان اولان « ندیم » کبی بر نازده جوی بیان :
 کوه و دریا ایکی جانبدر در آغوش ایش
 صانکه دریادایه سی ، کهسار ایسه لالاسیدر !

کوه صاقتمقددر خسارین طوغار کوندن آنک

بحر ایسه آینه‌دار طلعت زیبا سیدر .

یولانده کی بعض روح‌فریب نشیده لرنده « دایه » و « لالا »
 کبی پس پایه کله لره بر نجات لطیفه اعاره ایدر که محاط اولدینی
 تجملات ظرافت ایچنده مشاهد اولنجه ماهیت فرومایه سندن
 همان هیچ بر شیء حس ایدیله من . فقط بو بدعت شعریه
 آز چوق تهاکلی اولدیغندن « رباب شکسته » شاعر
 افسوسنکاری ایله رفقای صنعتک حسن انتخاب الفاظه
 اعتنائری حسن خیالی درجه سنه اعتلا ایتدیکی کبی حامد ایله
 باشلا یوب صفا مرحومک توسیع ایلدیکی « تقیید قافیه » ماده
 شکیه سنده پک زیاده همت اولندی . وبتون بو ضوابط
 شکیه یه الفاظک ، کچن مصاحبه مزده سویلایکمز کبی ، سنه
 لردن بری یکدیگرینه عاشق و متحسر اولوبده بر دست دل
 آگاهک مروت عقدینه دیده دوز اشتیاق اولان الفاظک یکی یکی
 املار حتی بر استادک قولنجه مؤبد دکل ، موقت نکاحلر ایله
 ترکیبی سایه سنده منضم اولان برکت معانی شعر مزک حدود
 لطافت و نزاhtنی بحق توسیع ایلدی . هیچ شبهه یوق که [سیس]
 منظومه خجسته سنک :

ای کهنه یزانس ، ای قوجه فرتوت مسخر !

ای بیک قوجه دن آرته قالان بیوه باکر !

حسنبنده هنوز تازه لکک سجری هویدا ،

حالا تیتتر اوستکه انظار تماشا !

بیتلرنده کی رقت خیالی اک زیاده « بیوه باکر » ترکیبک
تضمن ایتدینکی لطیفه تضاد تأمین ایدیور . خاطره محترمه سینه
هیچ بر فکر تجاوز من اولمق سزین کمال بیطرفی ایله دیه
بیلیر که بویله بر ترکیب بدیع معلم ناجی افندی مرحومک
خیالندن قیامته قدر کچمک احتمالی یوق ایدی ! برده عین
گمک دیکر بر استادک شو جمله سنده کسب ایتدینکی حسن و آن
صنعتکارانه یه باقیکنز :

[قویه سندن جدا « سارا » بیوه قافیه بر شعر صنعت
قالدی .] نسل جدیدک اک بی نظیر نثری اولان جناب استاد ،
« فرانسوا قویه » نک و فائیدن صکره صنعتکار خیال آشوب
« سارا برنار » لک اوغرا دینی ضربه فرقتی تصویر ایدیور .
« بیوه قافیه » ترکیبک نظر خیال اوکنده تجسم ایتدیردینکی
الم رقیق دورا دوری نیجه محشم و مطمئن مرثیه لرده حس
ایده میورز . ایشته بو صنعتدر . بتون نزاکتی ، بتون رقتی ،
بتون خرافت حسنی ایله بالانشین ظفر اولان پری دلارای
صنعتدر . بوده ذوق ایله ، خیال ایله ، حس ایله تقدیر اولنور .
طبایع بشریه نک اختلافات کلیه سینه بناء شو « بیوه باکر »
و « بیوه قافیه » ترکیبلرینی بر هذیان محومه کی تاقی ایده -
جکارک بولمندی ده احتمالن بعید دکلدر . فصل که بروقتلر ،

بی-سوک حامدك « ادبیات عمیقہ ایلہ ادبیات جدیدہ آردہ-سندہ کی فرق بر آدمہ سن دیہ-جك یرده سز دیمك کیبدر . » قول مشہور ظریفانہ سنی بعض کرائجوان منقدرلہ تہزیل ایتمك ایستہ ۔ مشلردی ! بونوعدن اولان افسردہ لره قارشى بلا تاثر سکوت صدقہ بلاغت اولور .

الفاظك بر ذوق نزیہانہ ایلہ تصفیہ سى ونادیدہ جسارتلرلہ اجتماعلرندن متولد برکت فائضہ ومعانی لطیفہ اساتمزہ کرچکدن بر ثروت کرانبہا قپوسی کشاد ایتمش اولدیعی جہتلہ نسل جدیدك پیشوایان ادبنہ بویوزدن نہ قدر عرض تمظیم وتشکر اولنسه لایقدر .

شو قدرکہ کرک نثر مزده ، کرک شعر مزده [چونکہ بر کیم نہ دیرسہ دیسون نثر بشقہ ، شعر بشقہ قاعدہ سنہ سلوک ایدنلردنر .] معقبلر طرفندن اسلوب اعتباریلہ طورملینك کوندن کونہ فدا ایدنلکده اولدیعی کوریلیور . ادبیات اجنبیہك وسعتی ، عظمتی ، دقایق حکمت و ظرافتی تماماً تسلیم ایتمک و بونلرک عمیق و معالیجو نظرلرلہ تتبعی سایہ سندہ ادبیاتمزك بہرہ یاب رونق اولہ جنی اساسی قبول ایلککہ برابر بتون اقتباسات فکریہ و خیالیہ مزى کسوة ملیت ایلہ توشیح ایتمک لزومنه وجداناً قانعز . نصلکہ جہانك اک پارلاق آثار معماریہ سنی مملکتیمزده تقلید ایتمك ایستیوبده اومودلارہ توقیقاً کنڈیمزہ بر مسکن انشاسنہ تشبث ایلسہك برنجی اندیشہ مز بنانك

تقسیمات داخلیه سنده حرم و سلاملق جهتلرینک تأمینى ماده سی
اولور ، بتون تفرعات زینت بو اساسه تابع بولنورسه آثار
ادبیه مز ایچونده بویله بردستور ملی اولمق بهمه حال لازمدر .
ویایدار اوله جق اثرلر فطرت قومیه مزده مکنوز اولان ذوق
ایله تعارض ایتمیلردر . شوخ بر فرانسزک قلعندن چیقمشه
بکزه ین هر جائی اثرلر برمدت ایچون صحنه رغبتده پویان اولسه
بیله عاقبت نسیانه محکومدر .

بو ذوق ملی مسئله سی شعرده دها زیاده کوزه چاریمقده در .
اشکال نظمک موسیقی ملیمزه تعلق عظیمی واردر که بوده ذوق
ملیمزه راجع بر کیفیت اولدیغندن استخفاف ایله مز .
بسدتون ترک اولنه ماز .

خیال رقیق ، لطیف .. فکر متین ، سلیم .. الفاظ مستحسن ،
کزیده اولمقله برابر برده ملی جامه لر مز ایله ترین ایدرسه
روحزى دها زیاده تسخیر ایدم جکنده شبهه یوقدر . فصل که
بر آرنالوودی ، برچرکسی ، بر زیبکی آنجق قیافت ملیه سی ایله
کورنجه تحسین ایدر وبتون آب و تاب حسنئی تقدیر ایلرز .
کسوه ملیه لرینی تبدیل ایدنجه نظر مزده کرک صوره ، کرک
قیمة پک زیاده تنزل ایدرلر .

برده بویله لسان ادب مزده هر آن شرقیلقدن تجرده
چالیشیرسه ق — طبعی عربلی ده اوله میه جغمزدن — موقعمز
نهایت اعراف حیرت اولور ! . . و امین اولملی یز که توفیق

فکر تیر ، جناب شہاب الدینار ، فائق عالمگیر و دہا برابکی ہمراہ صنعتگری کبی اساتذہ شعر و انشا ، طبقہ اولی رجال سخنی ہپ اشکال مایہ نظمیں کچمشلر ، ممارسہ شعریہ لرینی اورالردہ تقویہ ایتدکدن صکرہ بو شہاہقہ کمالہ اعتلا ایتمشلردر . حالا « سیدس » منظومہ ہایوندمی ایلہ « نفی » و « ندیم » تصویرات خارقمہی مثنوی طرزندہ اولمقدن طولانی ہیچ بر شی غائب ایتدکدن بشقہ بالعکس ید احترامزدہ ہانروحزی تلطیف ایدن - بر قیمت مایہ ایلہ دخی والا قدر اولیورلر . ایستہ بونلر ، بو سرآمدان ادب اطوار مایہ دن استغنا کویستہ میورلر؛ حال بوکہ پیورلر ، بو اک صوک ذکالردہ ذوق ملیدن بر آز فضالہجہ تباعد حس اولونیور .

لیکن مثلاً « حمداء صبحی » بکک [کیجہ لر] ی ، بو روحفریب وسوداوی لیلال غرام اسلوب مثنوی ایلہ تجلی ایتیوب دہ دہا سربست وخفیف بر کسوء نظامہ بروشمش اولسہیدی مطابقا روحزدہ بو نلذ متاثرانہی حاصل ایدہ مزدی . واقعا (حمداء) بک کبی بعض مستثنی خلقتلر ہر طرزندہ سہولتہ موفق اولورلر . فقط بونلر قاعدہی تحکیم ایدن استثنالردندر . ہر مفتون شعرك دل محروری اویلہ بر فوارہ نور اولورمی؛ فی ۳ مارت سنہ ۱۳۲۵

ادبیاتدہ وطنپرورلک

ادبیاتده وطنپرورلک

عصرلردن، حتی فجر خلقتدن بری عمله انانیتک عرقدانه جینی ایله ساحه کشف و حقیقته نهاده اولان بونجه فنون و صنایعک غایه الاجتهادی شبهه یوق که زواللی انسانلره کینه بر حقه سعادت بخش ایده یلمکدر . بتون خونریز مجادلاتک ، بتون طاقت شکن اقداماتک ، بتون امللرک ، حرصلرک ، تعبلرک سبب حقیقیسی تأمل اولنسه هر کسک کندی استعداد واشتیاقنه کوره تأمین ایتک ایتدیکی جزیه مسعدتن بشقه بر شیء اولمدیگی کوریلور . لیکن عموماً خاقت بشریه همان همان عین آماله منهمک اولدیغدن بونلرک تصادمی بالضروره ایقاع رقابت و معاداة ایله برابر اشیای محترصه یه ، احتمال که ماهیت حقیقیه لرندن قات قات فضله . قیمتلر اعاره ایدر . بو جهته دیانت و مایت کبی بعض اسبابک تأثیری ایله توحید آماله موفق اولان بر قسم ناس کندنجه سرمایه عزو مسعدت عد ایتدیکی و بو خیال ایله بتون سودای کامرانسنی تطمین ایدن بعض مودوعات و موروثاتنه بر حب پرستشکارانه ایله مربوط قالیر . شو مودوعات حد ذاتنده نه اولورسه اولسون آنک نظر ابتلاسنده زوال ناپذیر بر حسن و آن ایله محترم و معلی بولنور .

روح بشرده مکنون اولان غیر قابل ترجمه و غیر قابل تسکین
 بر اشتیاق سعادتک داروی استلذذنی انجق بومودوعات ایچنده
 آرایه رق و بهمه حال بولمق ایستیه رک فلسکۀ بختی کنیدیسنی آن بآن
 دریا نورد حرمان ایتدکجه یکی بر حرص مفتونیت ایله دوزر ،
 دوزر ، آتش سوزان قلبنه اومودوعاتک تماشای حسن دلاویزی
 ایله رشحه ریز تسلیت اولور ... بو تسلی ایچنده شبهه یوق که
 خیالات و حسیاتنک اعانۀ کلیه سی واردر . فقط شو حیات فنیه
 ایچنده خیالدن محروم اوله رق بر دقیقه عمر کذار اولمق احتمالی
 وارمیدر ؟ غملمر می ، محتملمر می ، اندیشه لمر می بر آز
 اویوتان و بو خواب نسیان ایچنده اک بدبختسزی بیله بر آز
 کامیاب جهان ایدن هپ خیالات مغفله دگیدر ؟ . شو قدر که
 زاده طبیعت اولان هر شیء تربیه نامیله ایدی بشرده براستحاله یه
 گرفتار اولمق ضروری بولندیغندن خیالاتمزی ده تربیه ایدن
 استادلر واردر که ایسته شاعر لر بونلرک صف اولنده جانشین
 لطافت و عظمتدر . آباء واجداد مزدن روحلرمزه انتقال ایدن
 مودوعات آنلرک طبع حسن آشناسی دمادم فیوض نوبها ایله
 ترین ایدر ؛ بو صورتله وجدانلر مزک اشتیاقات خیالپرستانه سی
 نجیب و معزز غزالر بولور .

خیالی و حقیقی سعادت مزی تأمین ایدن بو مودوعات قلبیه
 ایچنده اول باول « حب وطن » ودیعه وجدانیه سی واردر .
 غالب بتون اسباب نیل و ظفرینه ، مغلوب بتون انقاض خسار

وهزیمته بر آشیان مصون بولمق اضطرارنده اولدیغی ایچون
« احتیاج وطن » لوازم بشریه نك اشیدر .

« وطن بر بی وفا نازنده طنازه دونمش کیم
آیرماز صادقان عشقنی آلام غربتدن »

نوحه دلسوزنده « خارج وطن » ترکیبی ایله ترجمه ایدیله .
بیله جك اولان « غربت » کله سنك حریم جانمزده نه قدر حزن
والیم بر مرارت حاصل ایدیکی محتاج تفسیر دکلدیر . عاجز بر
گویلودن اعتباراً مراتب صوریة احتشامك ذروء علیانسنده
جانشین ذوق وصف اولان بختیاره قدر هر فردك دل و وجداتی
تسخیر ایدن بو ابتلای وطن بر حس خود کامی ایله تفسیر
اولنسه دخی معزز و مقدس اولدیغنده شبهه یوقدر . بر مملکت
خالقنی تشکیل ایدن افرادك هر بری کندی لانه حضورینت
حارس و نگهبانی اولمق حرصی یورکارده نه قدر آتشنیر و نه
قدر موانع بر انداز بر امل متحکم شکلی آبرسه لوازم وطنپر-
وریدن اولان اسبابه اهمك، طبیعیدرکه، اوقدر افزایش بولور .
ایشته بونك ایچون مربی اخلاق ناس اولانلر وطنداشلیرنک
روحلرنده هر شیئدن زیاده بو امل غنوده یی او یاندر ملیدرلر .

مربی اخلاق ناس اولانلر کیملردر ؟ : موکب عرفان
و حیلملرنده دها بر چوق همره فضائل آشنالری ایله برابر اول
باول شاعرلر !

حال بوکه حب وطن و دیعه مقدسه سنک یقین زمانلره قدر
 قلوب شعراده انحق بر سودای خوابیده کبی پنهان قلمش اولمسندن
 طولانی ساحه اشعارمزی بوجهتدن پک فقیر و بیوایه بولمقده یز.
 اساتذۀ اسلاف شعرامزک ، فیض و برکت قریحه لرینه رغماً
 « وطن » حس مقدسی ایله اصلاً رقت یاب تأثر اولمقدلری
 آثار باقیه لرینک دلالتی ایله آکلاشیلیور. نه فضولی و باقی کبی
 دور استیلا پرورده لری ، نه ده تاریخ سطوتمزک پیدری گرفتار
 اولدیغی تقلبات اضمحلالک شهود مصائبزده سی ترنمات ونوحات
 قلبیه لرنده پری نازنین وطنک شریک اذواق و آلامی اولما-
 مشلردر. ستایش سلاطین و کبرایه عائد اولان قصیده لری ایچنده
 گاه و بیگاه نفهی طرزنده وصف محاربات کبی حماسیاته اجاله
 خامۀ تصویر ایدنلر « دین و دولت » کلمه لرینه جزیه کذار منقبت
 اولمشار سده ده بو کونکی طرز تفکره نظراً « وطن » مفهوم
 عالیه نه قطعاً تقرب ایده مه مشلردر. غرامیاته منحصر اولان
 اشعار سائرۀ لرنده حسن و عشقک هر درلو تجلیاتی ، حتی
 بعضاً پک رقیق و دلفریب خیالات ایله ترین ایتدکلری حالد
 هیات که حسن و عشق وطنی آکلایه مامشلردر .

اسلافی بوجهتدن شدتله مؤاخذه ایتمه پک حقمز
 یوقدر. کجاوه غیرت و جلادتلری برتخت روان اقبال و اضمحلال
 کبی چار اقطار عالمده سرسریانه تک و تاز ایدن ملتارک شاعرلری
 باضروره :

« ملت نوع بشر در ، وطنم روی زمین ! »

ترانه سنک نوعاً ترجمه سی اولان « قوز موپولیتیزم » مسالکینه
 ذاهب اولمق ایجاب ایدر . اسلاف حقنده راستکویانه بیان
 مضامنه ایتک ایسته نیجه آنلرک بعض اشعار کجروانه لرینی بر آرز
 معذور کورمکلکمز لازم کلیر .

صوک زمانلره ، معاصرینمزه توجیه نظر ایتدیکمز حالده
 دخی ادبیات وطنپرورانه ده قحط عظیم کورییورز . یالکیز .
 مع ... کمال مستثناسنی اثبات ایتمش اولان معظم
 (کبر) پیشکده حرمتنمزه بتون اجلال فیکری وسالطنت
 کلامی ایله تجلی ایدیور . کندیسنک « وطن » بند مخصوصی
 اوزمانه قدر مثلی وجوده کتیرلمه مش اولدینی کی الان نظیری
 یازیله مامش بر محصول وجداندز که همیزک احرفیاً آرایش حافظه
 تکریمی اولمیدر .

واقعا « وطن » فیکر مقدسی اوروپاده دخی آنجق فرانسه
 اختلال کبیرندن صکرده وضوح تام ایله تعین ایتشدز . لیکن
 استلال ایله کمال آرمسندن بر عصرلق زمان گذران اوله رق
 بو مدت ظرفنده هیچ بر عثمانلی :

« انسان وطنی سور ؛ چونکه مواهب قدرتک الک عزیز
 اولان حیات ، هوای وطنی تنفسله باشلار ؛ انسان وطنی
 سور ؛ چونکه عطایای طبیعتک الک رونقلسی اولان نظر ، لمحہ
 افتتاحنده خاک وطنه تعاق ایدر ؛ چونکه ماده وجودی وطنک

بر جزئی‌در؛ چونکه سبب وجودی اولان اجدادینک مقبره
سکونی و نتیجه حیاتی اوله‌جق اولادینک جلوه‌گاه ظهوری
وطن‌در الخ» کبی بر اشتیاق صمیمی وطن‌پرورانه اظهار
ایده‌مه‌مشدر.

انجق حب وطنک ساده‌جه بویله احتیاسات مجرده نوعندن
حکایه‌سی روح‌لرده بو انجذب‌ی اویندیرمق ایچون کافی دکلدی.
وطن دینان قلمرو سعادتك تصویرات مادیه‌سی ایله دخی
مفتونیتیزی جلب ایتک لازم ایدی.

مثلاً «حب وطن» ی غایه خیالی درجه‌سنه اعلا ایتمش
اولان فرانسه‌لرک عمان ادبیاتنه عطف نگاه تتبع ایدیلنجه
کوریلورکه «فرانسه» دینان وحدود سیاست ایله محاط اولان
قطعه زمین آنلرک نظر‌نده عادتاً خلد بریندر؛ همان هر قبضه حاکمی
ایچون بر شعر غر اوچوده کتیر مشلدر.

فرانسه‌نک مشجره‌لری، نهرلری، طاغلری، طاشلری آیری
آیری بتون شاعرلرینک برر الهام‌گاهیدر. فرانسه‌لر ایچون
بتون کوزلا‌لرک جلوه‌گاهی آنجق فرانسه اولوب آنک سرحد
سیاستی خارجنده قالان قطعات ارضک دوزخدن فرقی یوقدر.
(ویقتور هوغو) یی آچیکیز. دینه بیلیرکه شعرلرینک،
او معظم و مطمان فریادلرینک همان نصفی فرانسه‌نک مدح
و ثن‌سنه، جابجا تصویراتنه متعلقدر: [فرانسه! ای لطیف
وطن! ای شایان پرستش قطعه خاک! ای مقدس بقعه شان

وطنپر ! .. [کي آوازهلر وبونلری تعقیب ایدن مفردات تصاویر اوقونورکن انسان بو حسیات عالیة وطن پرستانه حضورنده لال حیرت اوله رق حقیقه " روحنده رعشه لر طویار ؛ دنیانك الك لطیف وشاعرانه مملکتی فرانسه اولدیغنه قناعت حاصل ایدر . بودرلو اشعار وطنپورانه ده (هوغو) استادکل اولمقله برابر بتون فرانسه شاعرلرینك آثارنده مطلقا فرانسه نك ستایش حسن ولطافتنه متعلق بر ایکی پارچه یه تصادف ایدیلیر . حتی فلسفه پرداز غرامیات اولان « آفرده دوموسه » نك بیله عشق وطنپورانه یی مصور پك دلربا ساجمه لری واردر . بو ، پك طبیعی بر احتیاج دکلی ؟ .. وطنمك محاسن طبیعیه سی الواح بدیعه وحسیات پاکیزه ایله پیشگاه اشتیاقزده تصویر اولنلی که روحمك تمایلات صمیمیه سی مهیج اولسون .

ایشته ادبیات وطنیه نك بو طرزنده دخی بیوک (کمال) نمونه آفرین معالی اولموز :

[تختگاه سلطنتك آق دکنزه قارشى اغیاره سد اولشمش بر باب آهینی دینامك شایان اولان قلعه سلطانیه بوغازندن کیریلیر ور ساعت قدردها بری کلنیرسه قدرتن نمونه لطافت اولمق ایچون پاپش بر حوض بهشتی کوریلور .

انسان بر قاچ کون اودریای صفانك کنارنده تماشای طبیعت ایتمیدر که خزینه بدایعنك ابدانده قیاض قدرتك نه کریم اولدیغنه ذهندنه بر مطالعه حاصل ایده یلسون [مقدمه خلاوت

آوری ایله باشلا یه رق کیتدکجه طروات و ظرافتی افزون اولان
 « کلیبولی » مقاله مشهوره شاعرانه سی نظر سطحی ایله باقی نیجه
 بر اثر ادبیات دن عبارت ظن اولنور سده حقیقته اونه بیوک ،
 نه معزز بر بدیع و طنیه در ! هیچ بر ترك تصور اولنه ماز که او
 مقاله بی بهایی اوقوس سوزده کلیبولیده بر غروب تماشایی
 آرزوسنه مجلوب اولسون ، لطائف طبیعتک بوقدر شاعرانه
 تجلیزاری اولان بر پیغوله وطنی عشق محاسن پرستانه ایله سومسون .

ینه مرحوماک « چاملیجه » تصویرینی اوقویوبده :

[استانبول بر مالک : دریای لطافتدر که یالکز حزین حزین
 ساحلارینه یوز سوردرک پیشکاهندن آقوب کیدن دریانک صفایی
 موقعنک بتون جهان ایچنده اقرانسزلغنی اثباته کفایت ایدر .
 استانبول دینلن مجموعه بدایعک حاوی اولدینی هر درلو
 نوادری بر باقی شده کوستردجک نقطه ایسه چاملیجه در ! ... الخ]
 یولنده کی الحان مصورانه سنی ترتیل ایدرکن سودای وطن ایله
 غشی اولیه جق بر ترك وجدانی قابل تصور میدر ؟ ..
 اسلاف شعرا ایچنده لاله دورینک مرغ آشفته سی اولان
 ندیمک کاغد خانه طربزارینه دار :

باق ستانبولک شو سعد آباد نوبنیانته
 آدمک جانلر قاتار آب وهواسی جانته
 ای فلک انصاف ، ای مهر جهان آرا امان
 بر نظیری وارا ایسه سویلک قونلسون یانته !

کچی بدیعهلر ایله باشلا یوب حقیقهٴ بر برندن شوخ و آبدار
ایات لطیفه ایله تمادی ایدن بعض قصیده لرینی کوکل سودای
وطن سانحاتندن عد ایتک ایستور سسده نه چاره که هپسندده
سفیه ابراهیم پاشامدیحه لری تغلب ایتدیکنندن بتون اونرم ولطیف
بدایع صرف شعر اولمقدن بشقه برماهیت حمیتپروری اثبات
ایده میور .

ایشته استاد معظم (کمال) طر زینی تعقیماً روحلرمزده
حب وطن حسیاتی توسیع و تلطیف ایده جک و حقیقتده جاججا
وطنمزک تصویرات شاعرانه سنی حاوی آثار عالییه پک زیاده
احتیاج جز واردر . وطنمزک مع التأسف تخریب اعصار ایله
شمذیلک آثار معموریتدن محروم اولسی لطائف طبیعیه سنه
قطعیاً خلل ایراث ایتمز .

هم وطنمز مادر مهربانمزددر . بزده هر زمان قیمتلیدر ؛
هیچ والد سنی چرکین کورده جک اولاد وارمیدر ؟ بالعکس
والده لرمن نظر لرمزده شباب ابدییه مظهر در ! .

اوتوز سنهدن بری « وطن » زمزمهٴ مقدسه سنی لساناً
تهلیل ایده مزددر . وطنمزی آچیقندن آچیه سوده مزددر .
فقط شمدی ؟ او آرتق بزم ایچون او قدر سووکیلی ، او قدر
معزز و قیمتدار بر نونهال نازنده در که اک نرم و نزار کلبرک
چیده سنی بیله غبار تجاوزدن قصقنیر ، سینۀ مشتاقزده ناز و نعیم ایله
صاقلارز . فقط سنهلردن بری بو حسلر جامه خواب جانمزدده

خوابیده اولدینی ایچون شمدی بونلری بیدار ایده جک اشعار
مهیهجه یی دینه حسرتله بکلپورز .

هم اویله نحیف وشکسته اشعاره دکل ، عادتاً سماوی
صیحه لرکی روحمزی ، اوتوزسنه دن بری ایجه معصیتکار اولان
روحمزی تتره ته جک ، کوزلریمزی دموع تأثر ایله یاقه جق
بلند ومحتشم نفخات وجدانییه منتظرز . افسوس که شعرلرمزده
هنوز قوه عصیه نك بتون تهور وجالادتی ایله طنان اولان
بوسیه لر ، زنکزدای قلوبمز اوله جق بورعشه آور نفخه لر
استماع اولنه میور . لیکن آرتق افق وطن سحائب نجات وظفر
ایله مشحوندر . هر شیئی امید ایده بیلیرز .

« ادبیاتدہ عسکرلک »



« ادبیاتده عسکرلک »

بتون صنایع نفیسه ایچنده الیاف وجدانی تهیز ایله
 حیاتی تربیه، اخلاق تهذیب و افکاری تنویر جهتمدن ادبیاتک
 بر گری صفوت و احتشامی حائر اولدیفنده هیچ شبهه یوقدر.
 مشیمه طبیعتدن آز چوق احتراصات بهیمیه ایله طوغان
 موجودیت بشریه یی ممکن مرتبه محاسن ملکاته ایله آرایشاب
 تراخت و علوت ایدن ادبیات، بو اعتبار ایله، جمعت انسانیته ک
 اک پاکیزه مربی روحیدر. عادتاً دینه بیلیرکه انسانلرک وجدانی
 شاعرلرک، بو پیشه وران ادبک دارالعملیه نجاتنده تحلیل
 اولنه رق تمایلات ذمیمه نری احما، قابلیات علویه لری توسیع
 اولنور؛ پاک و مصفی بر حالده، لذاذ حیات مسعودانه یه
 ترک ایدیلیر... بو حالده ادبیاتک تهذیبات روحپرورندن
 محروم اولدقجه لذاذ حقیقه حیاتدن نشو و یاب اولق مستحیل
 اولور. لیکن، عجیباً بو لذاذ حیاتیه ندر؛... ماهیت انسانیته یی
 اک پاک و صاف بر نظر و وجدانی ایله تأمل ایدنلرک عمومماً
 مسلمیدرکه دنیاتک بتون ثروت و سامانی، بتون اسباب ذوق
 و صفایی نهایت بر شبع دل آزاره منجر اولور؛ هر درلو مستی
 اقبالک بر خمار غم افزایی واردر؛ هر شیئدن بیقلیر،

اوصانیلیر ؛ اڭ حریصانه املار . مظهریتدن صکره ، برهیچی
خولیاشکنه تحول ایدر . یالکنز طویمق ، بیقمق ، اوصانمق
بیلمهین بر اشتیاق روح واردرکه مادام العمر تازه ، جید ،
پر حرارت ، آشیندر . ایشته بو ، مکارمه ، محاسنه ، معالییه ،
نفائسه قارشى اولان مغلوبیت قابیه ومفتونیت ازلیه در ، شاید
بو اشتیاقدن محروم ، شاید بو جذبه ایله رعشه دار استغراق
دکل ایسهک حیات بزم ایچون بر تعب بیهوده وبتون لذائذی -
پک چابوق اوصاندران ، ییقان ، ازن - هوسات حیوانیه دن
بشقه بر شیء دکلدر . حال بوکه روحنر آنک مصدر تحسباتی
ایسه ، تربیه ذوقیه من بیدرپی تعالی ایتدجکه کامران بدایع
قدرت اولورز . هدیه بهار اولان بر چیچک کوزلرمزی
ساعتلرجه فریفته نقوش زیبا ایده چکی کی ایکی یشیل یا براغ
آغوش نرمینده غریبانه اوتن بر قوشک ترانه تزاری ده کوش
رقتمزی ساعتلرجه تهزیز ایدر . طبیعتک آغوش فیاضنده بیتمز
توکنمز اولان بتون بو بدیعه لارک عکوس لطافتی روحزده آن
بان پک نازک ومطرااحسلر اویندیره رق نهایت تربیه ذوقیه من
بر درجهیه واریرکه بدیعه الروح برشاعرک بر کوزل نشیده سی ،
حتی بر بیت دلاراسی بزى بر خزانه ثروت درجه سنده
وایه دار نشاط وسعادت ایدر . ایشته تربیه ذوقیه وحسیه یی
تأمین ایده چک اولان بو آثار عالیه شاعرلرک طبع پاکندن
عادتا بر چشمه خروشانک آب حیات بخشاسی کی طلوع

ایتملیدر؛ روح ملت بو حسیات صافیله ایله مشبوع اولمالیدر. ادبیات، ترتیل بدایع ایدرکن طبیعتیله تعین وظائفده ایدر. کوزل شیئلری تصویر واطرا ایدن بر شاعر بالضروره بو کوزل شیئلره بر انهماک وجدانی اوایندیرر. هر تلذزیمه حال بر اشتیاقی تطیب ایدر. ایشته بو جهتلهده شاعرلرک انتخاب موضوعده بیوک بر دقت رقیقه‌لری بولنقی ایجاب ایدر. موضوعلر نه قدر آزاده خساست اولور ونه قدر متمایل عظمت وعلویت بولنورسه بالطبع اثرلر دده او قدر احتشام وادافت کوریلور. بو نقطه نظر دن تفکر ایدهلم که عجباً عسکرلک قدر بلند و محتشم بر موضوع اوله بیلیرمی؟..

حرب، احتمال که حد ذاتنده بروحشتدر. لکن اولابونی اجرا ایدنلرک نه قدر شایان حیرت بر حماسه وفداکاری ابراز ایتدکاری، ثاباً نتیجه — که حفظ و توسیع وطن ایله تأمین حق ونشر عدالتدر — تأمل اولننجه نه‌عالی بر واسطه منیتدر. عسکرلک حب و حراست وطنک اک مقدس ومشعشع هیولا - سیدر. عسکرلک ایله وطنپرورلک بربرندن تفریق ممکن اولمیان ایکی همشیره توأمدر. دوشوعلی که هر درلو خدمات ووظائف اجرت ایله ایفا اولنه‌بیلیر. یالکیز عسکر اجیر اوله‌ماز. جان بهان ایله صاتیلماز. بر عسکرک وجداننده سائقه وطنپروری ایله حاصل اولان معالی شجاعتی دنیانک بنون خزان سعادتق تولید ایده‌مز. احتمال که نارینخک مناقب

جلادتنه رغماً حقایقجو اولمان نظرلره قارشى عسکرلک شمدى يه
 قدر لایق اولدیغنى درجه حرمى احراز ایده میوردی .
 فقط شمدى ؟ . . تاریخ مسعود انقلابزدن ، ۱۰ تموز فتح
 مینندن برى عسکر وعسکرلک بستیون بشقه بر اقبال ورونق
 ایله معزز اولدی . بو کون «اردو» کله مجله سى تلفظ اولننجه
 روحى بر لرزه تکریم واعزاز ایله اهتزاز ایتمین هیچ بر
 حمیتلى عثمانلى تصورى ممکن دکلدرد . آرتق عسکر بو کون
 ملتک بر جزئى دکل ، بتون ملت ، ملت مسلحه در . وملت مى
 جان و دلدن مسودک پک عالمی کوردیکمز ایچون مربى ملت
 اولان ادبیاتمزدده عسکر لکدائما بدستاویز حب وتعظیم ، بر حصه
 تبلیغ وتفخیم آیرمى آرزو ایدیورز . واقعا عثمانلیر ، « هر برى
 جنسکاور وذاتاً عسکر اوغلى عسکر اولان » بو ارلر نشئیاب
 قهرمانى اولق ایچون شاعرلرک شوق آراتراندلرندن مستغیدرلر .
 لیکن آنلرک بو استغالی شاعرلى اتحاف بدایعدن وارسته
 قیلماز . آنلر ، شاعرلر اردویه اولان دین و داد و حرمتلرینى
 سنوحت مهیجه ایله ادا ایتلیدرلر . ظن ایدرم که بو ، پک
 مقدس وظیفه لریدر .

عسکر بر ملتک هم قوتى ، هم زینتیدر . بو قوته حرمت ،
 بو زینته مفتونیت هر معالى پرستک میل طبعى اوقشایه جق
 بر حسدر . آنجق بو حسی مفتاح فیض وبرکتى یالکز شاعرلرک
 ودیعه ذوق سلیمى اولان خیالات والفاظ بدیعه کنجینه سنک

لآلی شمنه سی ایله دونادهرق سباط فخر و ابتهاجه ایشار ایتک
 اهمالی جائز اولیان الطاف شعرانددر . مادام که آرتق عسکر
 دینجه آلت قهر استبداد اولهرق علی العمیا یاقوب بیقان ، قیروب
 کچیرن بر هیئت ظالمه دکل ، بالعکس بتون معانی عالیه سی ایله
 حامی عدالت وسعادت اولان و بو امانی علویه سنه حائل اولق
 ایستیندره قرشی جداً بر قوه قاهره کیلن قوجه بر ملت
 مسلحه دوشونیورز ؛ ایله ایسه آرتق شاعر لر مزدن بر
 « ادبیات عسکریه » ایسته مکه یالکز بر صنف مخصوصک مروج
 آمالی اولیورز . مادام که « ادبیات » عمومی . انسانی بر بدایه
 روح پرورد و مادام که عسکرلک بر فضیلت شامله در ؛ ایله ایسه
 ادبیاتک چوق چوق . . بول بول عسکرلکک صفحات کونا
 کون عظمتته معرکه تصویر اولماسنی آرزو ایتک هیچ نا بمحل بر
 اصل صایله از : علی الخصوص عسکرلکک ال بیوک مشوق
 جلادتی . ال پرتوانداز سلاح ظفری « قوه مغویه » اولدیفی
 مسلم بولمسنه نظراً عسکر یورکارنده بو قوتی دمادم افزا -
 یشدیر ایدم جاک نشاند عالیه نک نظر ملتده نه قدر عالی بر
 موقع تکریمی اوله جقدر !

ای دوشونهلم ؛ ارتق افراد ملت نوبت بنوبت بو شرف
 عظیم ایله مباهی اوله جقدر . ذاتاً بر مکتب ادب و عرفان اولان
 اردو آرتق تماماً عمومی بر مشقخانه کالات اولهرق ملتک
 بتون ذکالری آنک سینۀ سطوت و حمیتته سر پیله جکدر . حقیقه

« عسکر » لفظ جاہلی ، مادی معنوی بتون کمالات انسانیت
نصیبہ دار شرف بر نخبہ خلقی کوز اوکنہ کتیرہ جکدر .
ایستہ بو نخبہ خلقت و آنک اجرات قهرمانیسی ایله معالیٰ
وطن پرورانه سندن لطیف و بھیج بر موضوع شعر اولہ بیلیرمی ؟
عجبا حفظ وطن ، نشر عدالت و حریت ایچون آنالیرنی بابالیرنی ،
زوجه لیرنی ، همشیره لیرنی ، اولادلیرنی ترک ایدرک سرحدہ
قوشان عسکرلرک ، و اختیار ایتدکاری حربک یاد آور مصائب
واہوالی اولہ جق بر نشیدہ قدر قلب امتدہ آہنک ہیجان
بولہ جق بر اثر ، بر شعر قابل تصور میدر ؟ . . عجبا سینہ
جلادتئ اک رستمانہ آمال جنک واستیلا ایله مشحون اولان .
بر عسکرک یالکز وطنک بعض اجزاسنی یتیم ایتیمک ایچون
یوزلرجه دشمنی بی محابا قهر ایتدیکی حالده بر یتیمک
محزونانہ بر نظری حضورندہ تیرہ دیکنی ، آغلادیغنی مصور
بر بدیعہ خیالیہ کی رقت آور قلوب اولہ جق بر شعری کیم
سومز ، کیم وجدو استغراق ایله او قوماز ؟ . . و بویله بر
شعر اکر وارسه عسکرلرک درشتی فکری و خشونت طبی
حقندہ کی ظنون سقیمہ نی نہ قدر تعدیل ایدر ! عسکرلرکده
بتون نجیب الطبع انسانلر کی خصائص نزاکت و ورقیدن
محروم اولمادقلیرنی ، ناموس و شرف وطنک مدافعہ سی امرندہ
بر آتشبارہ عالمسوز کسیلن بر نفرک عاجز نوازلقده پک چوق

ابنای نوعنه سبق آموز رحم وشفت اولدیغی نه حزین
صورتده تصویر ایدر !

مع التأسف ادبیاتمز هنوز کړک و ظنپورانه ، کړک عسکرانه
آثار عالیله ایله لزومی قدر وایه مند اوله مادی . مثلاً فرانسیز
وطنپورلرندن مشهور (ددروالد) ک « عسکر شرقیلری »
طرزنده بر مجموعه اشعارمز اولمامسی ملت مسالحه نامنه بر
نقصاندر . حال بوکه او یولده سانحات جلیله یی نه قدر اشتیاق
ایله او قویوب نه صمیمی حرمت ایله حرز یمین ایده جکیز !

اسلاف کرام ایچنده انجق « نفی » نک بر آرتماس ایتش
اولدیغی بو مناقب عسکریه منظومه لرینک بر قاچ نمونه دلپذیری
چکن یونان محاربه سندن صکره کوردک . (سرورینک - عریش -
فتیحی حقنده کی منظومه تاریخیه سی بر ملعبه صنعتک قربانی
اولدیغی جهتله روح و مزیتدن محرومدر) او نمونه لر ایله
برابر (رباب شکسته) ده کی « قلیج » و « عسکر کچرکن »
بدیعه لری ، شاعرلرک نفخه اقبالنه مظهر اولدیغی تقدیرده
عسکرلککده نه قدر واسع بر زمین دلنشین ادبیات اوله -
بیله جکی حقنده کی امیدلرمزه قوت ویردی .

بونلر ، بو غزا ترانه لری بعضاً موسیقینک رفاقت سامعه
نوازی ایله دخی رعشه دار آهنگ اولنجه آرتق بوندن طاتی
نصل بر ضیافت روحانیه اوله بیلیر ؟ وجدان ملیمزک حسیات
صمیمیه سنه مراجعت ایده لم : دنیانک بتون فصول موسیقیه سی

ایچنده « هی غازیلر . . » نغمه مقدسه سی قدر صمیم روحزی تهییج ایده جک بر بدیعہ لحنیه بولنه بیلیرمی ؟

چونکه او ، ملی بر آهنگک اهتزازات عشق آفرینی ایله وطنپرورلک کبی ، عسکرلک کبی مکارم عالیهنک اک نفیسنه ، اک اصیل بر اشتیاق روحانییه ترجمان حزین اولیور ! . .

کمال زاده اکرم بکک بونجه آثار منظومه سی ایچنده هانکی بری مشهور « وصیتنامه » قدر اصالت وعلویت حقیقیه اثبات ایده بیلیر ؟ روحپرور و دلسوز اولمقده او منظومه عسکریه درجه سنده پک آز اثر درخاطر ایتیمکده اولدیغمزی اعتراف ایدرز. نه حاجت ؟ احمد مدحت افندینک ، ابوالآثار وصفنه بحق سزاوار اولان بو پیر قلمک یوزلرجه بیکلرجه صحائف هزار لونی آره سنده انحق بش اون سطرلق بر پارچه سی « تعلیم ادبیات » ده جای قبول و تعظیمه مظهر اولمشدرکه اوده جنکدن ، فضائل عسکریه دن باحث بر مقاله جکیدر . نیچون ؟ چونکه عسکرلکک جزالت و عظمتی هر درلومعالی حسیه و فکریه یه مساعد درده آندن ! . .

حاصلی مادام که مربی ملت ادبیاتدر و مادام که تربیه ملیهنک اک عالی مظاهری وطنپرورلک ، عسکرلکدر ؛ او یله ایسه قلوبم زده شوق عسکرانه یی اعزاز و تهییج ایده جک کرک عسکری رومانلر ، کرک نشیده لر شکلمده سنو حات عالیهن ادبیاتمزی محروم کوردکجه محزونز ، دلخسته یز ! او یله بدایع جنکاورانه یه محتاج دکل ، مفتونز ، مبتلایز !

كوچاك حكايله روبر نمونه

کوچک حکایه لر و بر نمونه

بر قومک اطوار و اخلاقی . . . مخصوصات و مستدرکاتی
انک زیاده تصویر ایدن ادبیاتی اولدینی ایچون روح ملی تدقیق
ایتمک ایستین حقایق جویان فطرت هر شیدن زیاده ادبیانده
جستجوی تحسینات ایدر . بو خصوصده ادبیاتدن دها بر اق
وجللی ، دها مصوّر مضمرات بر مرآت کشف بولنه ماز . بو
حرآته عطف نگاه ایدنلر آنک سینئه بلورنده مبدعنک بتون
خیالات . تمایلات . احتراصات و اشتیاقات الواح دیده قریب
ایچنده او قورلر ، حس ایدرلر .

بری جهتمدن ، ملتک افراد ممتازه سی اولان ادیبلر ، شاعرلر
آثار سانجه لرنده یالکیز کنیدیلری ایچون ، کندی ذوق ترنملری
ایچون ایجاد بدایع ایله اکثفا ایتمه رک او بدایع فکریه
و حسیه نک ضمیمه . منسوب اولدقلری قومک تزکیه اخلاق
و تربیه افکارینه معنوی بر خدمت و معاونتده درعه ده
ایدرلر . بو مقصده وفا ایدمک اثرلر آز چوق - نصیحت
آمیدر - حکمنه تابع اوله رق تلخ و درشت اولمقدن
خاللی قالمیجی ایچون ، تراحت و سعادت بشریه یه خادم اوله جق
افکار و حسیات پاکیزه لرینی پری خیالک شهبال ترعه سمته

تودیع ایله وقایع حقیقه شکلنده تصویر ایدرلر . ذالاً قارئلر
بتون او الواح تزییه شعره کوره تربیه ذماغ ایچون بر
میل خفی ایله مجبول اولدقلرندن-چونکه طبع بشر سفالت
وخساست خلقیه نك اڪ مظلّم وعمیق چاه مساویسنده دخی بر
اشتیاق نهانی نجات ایله میل معالی اولدیغندن-پیدرپی روحلر-
نده کی تمایلات مبهمه اشکال حقیقه ایله تمثیل ایدر : یغنی
انفعالات وتأثرات نفسانیه شکل صحیحی او اثرلردن اقتباس
ایدهرك بر زمان اولورکه بر قارئ اڪ زیاده هانکی مؤلفك آثاری
ایله اشباع روح ایدرسه آنك شاگرد افکاری ، آنك پیرو
حسیاتی اولور .

شو بر قاچ سطر ادبیات ایله ادبانك بر قومك تربیه
وجدانیه سنده نه درجه حائز تأثیر بولندیغنی جملاً تعیین ایدر .
بر دیگر جهتدن ، علی الخصوص چشمان حقیقت لفافه
آشرنك شباب ایله حیاتی بر کلزار ذوق وشغف کوردیکی
زمانلر ، تمایلات مزعجه نفسانیه اڪ زیاده کیف وهوایی مضیب
ایدهرك تجلیات خفیه شو خانهیه منهك اولدیغندن اوروپاده
بر قسم ادبا-عیناً تعقیب وترجمه طبیعت کی برمسلك مفرط حقیقت
پرستانه داخلنده-تصویر احتراصات اصولی احداث ایتشدرکه
بولنرك ایچنده سامعه نزاهت وعفتی چا چاك ایدن تفصیلات
برهنه یی حائز شعرلر ، فقره لر ، حکایه لرده واردر . حال بوکه
معایب بشریه نك بویله پرده بیرونانه ، حتی اشتها فروز بر شیوه

عربان ایله تصویرنده اکثرینک ینه بر قصد اخلاقیسی، تعریض و تنقیده متوجه برنخبه املی واردر .

هرمسلكك بر طاقم عجمیلری، مقلدلیری، افراطپرستلری اولدیغی کی بو مکتب طبیعتكده غریب طفیللیری یوق دکلدر. هواپرستلرک، آفتهلرک ادبیاتی اولان بو اثرلر، ضوابط اخلاقیهده مماشاتپرور اولان مملکتلرده بعضاً رسمی اوله‌رق نشر ایدیلیر؛ آرتق اوستی بوبرلی برر تصویرنامه ذائل اولور! اخلاق فاضله اسلامیه و مکارم راسخه ملیه من بو درنو مطبوعات ردیلهیه، حمد اولسون، مساعد اولدیغندن او لوثنامهلرک چرکاب سفیلندن دامن ادبمز مصوندر .

آنحقی نوع حقیقی اوزره اولان ادبیات طبیعیه تمایلات بشریه‌نک نیک و بدینی نشریح ایله تنزیه و فایته‌یکندن کوندن کونه منتشر واستقبالک ادبیات صحیحه‌سی اوله‌رق آن‌آن ترقیه متمایلدر . بو نوعده کی کوچک حکایه‌لر، بالخاصه، حقیقت پرستان ادبک مرغوبیدر . بونلر بالنسبه پک محدود بر زمین و محیط ایچنده پک الیم حقیقتلر، پک فجیع عاقبتلر، پک سوزشلی ندامتلر تصویر ایدرک اوزون اوزون ادب و اخلاق خطبه‌لرندن زیاده رقت بخش وجدان اولورلر . بزده بو کوچک حکایه‌لرک، طبیعیون ادبا مسلکینه کوره اک شایان دقت اولانلریخی ایلول مؤلفی یازی-ور . فقط . . . اوت، پک مهم بر فقط وار ! بویله حکایه‌لردن مقصود اولان نفع حقیقی یی

کلیاً اہمال ایدہرک بالعکس افساد اخلاق ایدہجک تصویرات شو خانہ ایله اکتفا ایدیور . خفیف موضوعلر ایچور پک طباتلی اولان او نزار ویران ، چست وچالاک ، زم ونازنین اسلو بک چشم روحی آغلا تہجق ، وجدان انسانیتی لرزان ایدہجک الواح مؤثرہ لسان تصویر اولمامسی زیان ، پک بیوک زیاندر : ناموس لانه یی تزییف ایدن ، عفتسزلکنی زرین کلملرک حسن مغفلی ایله فاش ایدن (نویر) ک بر آلفتہ ازقہ کرد ایله فرقی . . . بونک کیم بیلیر نہ کبی سوائق ضرورت وسفالت ایله کرداب لوئہ دوشمش بر مغدورہ نصیب ، قانون اجتماع بشریدہ بر جریحہ خون افشان ، دیکرینک ایسہ ہر درلو اسباب عزو بختیاری ایله محاط اولدینی حالده حیاتہ کفرایدن بر سفیلہ فحش آلود اولمسندن عبارتدر . قانون اخلاق آکا ترجم ایدرسہ ، بونی تلعین ایلر .

ادبیاتمزک ادواق نفسانیہ دن ہیچ بر شیدئی تصویر ایدہ میہجک صورتدہ (پرود) اولمسی طرفداری دکلز . لیکن بویله فحشیات قصیدہ لرینی تر وتازہ ، صاف و پاک قیزلر مزک ، کنجلمزک نظرکاه عصمتہ عرض ایتہ یی فضائل اخلاقیہ ملیہ مزہ موافق بولہ مایز . مقدس عائلہ نک حریم عفتی بو صحیفہ لره مسدود اولمیدر .

دیدیکمز کبی ، اوروپا ادبامی دہ بویله اثرلر یازارلر ؛ فقط الک پردہ بر انداز اولانلرینک آثارندہ دخی همان دالما سوزش

آور بر درس ادب و اخلاق وارد ر . شیمدیلک بونلردن بر
نمونه ترجمه ایدیورز . همده بونی فرانسه ده اک پرده بیرونانه
اترلر یازمقله معروف بر مؤلفدن ، (قاتول مندهس) دن انتخاب
ایتدک . بوده بر آلفته یی ، بوده فحشی تصویر ایدیور .
لکن باقیکنز ، نصل :

« اسکی سس »

بتون قهوه لر ، بتون میخانه لر قیاندینی حالده ، درونلرنده
نوش باده ایدلمسینه یولیسک اغماض ایلدیکی مردار بیرخانه لردن
برینک زیر زمین قاتنده ایدی . غازک غبارات زرینی آلتنده ،
تخته صه لرك اطرافنه غذای مستیلرینی بیترمش اولان سرسری
کیجه قادینلری ایله آقشامدن بری آنلری بکله مش بولانان بر
قاج ارککک متاعب مستانه سی اتکا ایلمشدی .
قادینار دوزکونلو ، ارککک عجمی او یونجیلرکی پرداخت
تیراشلی ، غایت صولغون بکزیلی ! . . .

مراقزی تطمین ایددرک متنفر بر قلب ایله چینه جغمز
صیره ده آرقداشم : « باق ! » دیدی ، بکا سالونک ایچ
طرفنه تک باشنه او طور مش ، غایت ایری ، غایت شیشمان . . .
اورکولو صاحب لری توپاو بر شاپقه نك خارجنه سرپیلوب
چیقان بر قادینی کوستریوردی . اختیار اولمقدن زیاده یورغون
وکردنی قورسازینک بول ایپکلیسی اوزرینه طاشقین بولانان

بو قادین مطلقا وقتیه پک کوزل ایتمش! شمدی بیله جلدینک
 سوت کبی بیاضلغی . . بلاهت نکاهی آره صیره بر بقیه تفکر
 ایله جانلانا ایری، سیاه، عمیق، ثابت کوزلری ایله کوزل
 ایدی. شبهه سز، اطرافنده کیار کبی بر آلفته! پوتینلرینک
 اوکچه سنده، اتکلکنک کنارلرنده قالدیرملرک قورومش چاموری
 کورولیوردی؛ لیکن پک ایری، پک معظم بر بت پرستیده طور
 کرانی ایله اوطورمش اولدینی ایچون بو آلفته قوجه بر نسل
 سفیهک انموذج مبالغه نمودی، عادتا محتشم بر هیکل مشخصی
 کبی کورونیوردی.

بز، تعجب ایدهرک، یاقلاشدق.

قیصیق، لیکن اطرافنده یواش سسله جریان ایدن مکالماتک
 هپسنه حاکم اوله جق قوتلی بر صدا ایله بزدن عشرت ایتک ایچون
 پاره ایستدی. درت قدح راقی کتیره رک دروننده بر آریرا
 آرتینی اولان بیوک بر بارداغک ایچنه بوشالیدی و بر صولوقده
 هپسنی ایچدی. صکره بر قافه قونسر شرقیسنک نقراتی ترنم
 ایتکه باشلادی. بو ترانه سرخوشلرک اینن مخنوقی. . لیکن
 آلود بر صدا ایله سوروکلنن بر خرخره مذبحخانه اولدی.
 قهقهه ایله کوله رک: «های اه راضی اولسون!» دیدی.
 صکره، بزمله تکلیف سزجه کوروشدی: «بنم کبی ایچکی
 ایچجه جک کیمسه یوقدر؛ اون ایکی بارداق بیرادن صکره بر

شيشه راقى بنى اوركوتمز ؛ هم ده هيچ بر وقت سرخوش اولمام .

بعض قادينلر طانيرم كه هر آقشام مست لاي عقل اوله رق زقاق
 گوشه لرندن قالد ير لر ؛ بن ايسه ميخانه دن چيقد يغم زمان دها ديك
 يوريرم . عشرت بنى خفيقله تير . ليكن كيغم ايچون ايچديكمي
 ظن ايتمك خطا در . آه ، اوت ! بن نه بيرايي ، نه آبستني ،
 نه ده قونياق وراق يي سوم ؛ اويله زمانلر اولور كه بوغازمي
 اوقشايه جق ، معدمي سرينلته جك بر بارداق صاف ، براق
 صو ايچمك ايچون نه ايستسه لر ويررم . عشرت ايديشم بشقه .
 لريني اكلنديرمك ايچون ده دكلدر ! خير ، قدحي اوچ « سو »
 يه اولان راق يي غير تلاغمه قيدر طولدير مه يي اعتياد ايديشم
 بشقه برسيدن طولاييدر ؛ بوده كيسه نك وظيفه سي دكلدر .
 شمدي حزين بر خاطره ايله متأثر ايمش كي يواش
 سويليوردي ؛ بر آزيان طرفه دونه رك باشي ايري ، شيشمان
 اللري اراسنه آلدی ؛ و بر صاغه ، بر صوله اكدرك ناصيه سي .
 خسته بر چوجق نصل صاللانيرسه اويله جه تهيز ايتدي .
 صوكره بز كنديسندن سوال ايتمش اولمامقله برابر يوزمزه
 باققسر ين سوزينه دوام ايتدي :

« اوت ، بر بشقه سبیدن طولايي ! . . سز بو سبدي
 آكلامق ايسترسه كز بن ده مع الممنونيه سويلرم . اولجه سزه
 بر شي ايضاح ايدهم : بنم تعقيب ايتديكم حيات بتون

کونلر ، هله بتون کیجه لر شن و خندان دکادر . آقشامک
 ساعت طقوزندن صباحک ساعت ایکینسه قدر چامور
 ایچنده یووارلانمق ، خانه لرینه عودت ایتمکده بولنسان آدمیره
 سوز آتمق ، نشئه سی یرنده اولمیان یوجیلرک دیرسک ضربه لر
 ایله رنجیده اولمق ، درونلرنده هر زمان آتش بولنمیان کراق
 اوتلارک اوطه لرینه چیقماق ، یوکسک مردیونلردن تکرار اینوب
 یاغور آلتنده جولانه باشلامق . . بتون بونلر کمال ممنونیتله
 ترک ایده بیله جکم اکلنجه لردر . هله ابتدایری پک مشکل ایدی .
 بولوارلره کیده جکم ائنده پنجره دن آنایوب چیقماق آرزولرینی
 حس ایدیوردم . لیکن نه یاپارسکز ؛ نه چاره ؟ قارن طویمق
 ایستر ، دکلی ؟ . دروننده بولندیغم جرکابه بر کره دوشیلنجه
 آرتق بوندن قورنگه چاره یوقدر . بو ، ایرمق کنارنده کی بالچیق ،
 صیم صیقی طوتان اوکسه در . نهایت ، یواش یواش ، آلیشدم .
 هر صنعتک ناخوش جهتلری وارددر . شیمیکی حالده بن کندی
 صنعتمه ایصندم . شاید بکا ایرادلر ویرسه لر ، شاید بنی مفرو-
 شاتمک اورته سنه اقامد ایتسه لر ، آرتق زقاقه اینک مجبوریتنده
 بولنیه حق اولسه م احتمال که وقتیمی فصل کچیره جکمی بیله م ؛
 یاغور ایله ایصالناماق ، چامور ایله ملوث اولماق ، روزکارک
 ضربه لرینی بیسه مک ، ارککلرک قاقه لرینی طویمه مق بنده بر
 اکسیکاک اولور . حاصلی ، دیدیکم کبی نصیبم ایله الفت ایتدم ؛
 مادام که مقدر ایمش . . . نه چاره ، بلاده اولسه وارسون

اولسون ! . آه ! یالکیز برشی وارکه آکا بردرلو آلیشه مادم .
 کیجه لین ، ارککلرک سزه دقت ایتسی ایچون آنلره لاف
 آتمق لازمدر ، دکلی ؟ ایشته نه زمان بر ارکی قولندن
 چکوبده کندیسنه — بیلیرسیکیز آ . مألوفز اولان کله لر ایله
 — خطاب ایده جک اولسه م قلبی ، صانکه اوله جکشم کبی ،
 شدتلی ، مزعج بر اضطرابه کرفتار اولمقدن . . نه یاپیم ،
 المده دکل ... بر درلو منع ایده م ؛ ووجودمک بتون کریه لری
 ایله آغلاماق ایچون کمال زحمت و مشقتله جبر نفس ایدرم .
 بو اضطراب سـ و یلدیکم سـ و زلردن طولای دکدر ؛ اوخ ! .
 خایر ، یاپدیغم شیک محجوبیتندن ناشی ده دکدر . — امین
 اولک ، او قدر احق دکم ! — دردمک سـ بی ، ایشـ تدیکم
 کندی سـ مدمر . ایجه استراحت ایدر ، بتون کون راحتجه
 اویورسـ هم سـ م قیصیق و پلتک دکدر ؛ بالعکس آنی وقتیه
 قیرده . کندی خانه مزده بر یاراماز چوجق اولدیغم زمانکی کبی
 پک لطیف ، پک صاف و پک اوله رق ایشیدیورم . ایشه بو
 سس بی قهر ایدیور ! آنی طانیرم ؛ وقتیه سـ و یله مش اولدیغی
 سوزلری بکا خاطر لاتیور . اویمزی ، بابامی ، آننه می ، بنم
 کبی پارسه کله مش ، کندی مملکت مزده از دواج ایتش بولنان
 کوچک همشیره لری در خاطر ایدیورم ؛ بو سس بکا دمیرجینک
 اوغلی ایله چالی آرقه سنده کی موعد تلاقیلری ده اخطار ایدیور ؛
 بی قوللرینک بتون کشایش لوندانه سی ایله صاران ، آغزمدن


بر بوسه ایله اوپن — بیلیرسیکیز ، بزم مملکتده انسانی ساده
 دوداق اوجی ایله اوپیزلر — محقق یک سودیکم و بنی ده
 یک سون کوزل بر بابا یکیت ! . . . وقتیه آنه مه : « بو-
 ثرور ، آنه جکم ! » دیمش اولن سس ، وقتیه عاشقمه
 کندیسنی ابدیاً ترك ایتیه جکمی عهد و پیمان ایتش بولن-ان بو
 سس ایله شمدی : « اوطمه قدر چیقمازمیسکیز ، کوزل
 قمرال ! » دیه بر ارککه یاوارمق بنی چیلدیرتیور ! کندی
 کندیمی طویمامق ایچون یواش سویلکه ، یاخود سویلرکن
 قهقهه لرله کولمکه چبالایورم . بوده فائده ویرمیور . اسکی
 وقتیک سسنی ینه طانیور و باشمی آوجلرم آرمسند صاقلایه رق
 آرتق حرف واحد تلفظ ایتمیور ، تعقیب اولمقدن ، بنی تعقیب
 ایدن ارککه جواب ویرمک مجبوریتمده قالمقدن قورقه رق
 قاچیورم . »

مایوس قیزجغز ، ایری کوزلری کریه لرله مش-جون
 اوله رق ، بر شهیق ملال ایچنده سکوت ایتدی . اطرافزده
 هییچ کیمسه بو فلاکت یأس آلوده اهمیت ویرمیوردی ؛ هییچ
 شبهه یوق که سرخوش اولدیغنه حکم ایدیلیوردی .
 آغیر آغیر سرگذشته علاوه ایتدی :

« ایشته بونک ایچون کوچم یتدیکی قدر عشرت ایدیورم .
 آبسنت سسی قیصیور ؛ راقده اوله . ایچنجه ، آرتق اسکی
 سوزلرمک آهنک جیدندن محروم . بوغازی قوروتان ، یاقان

نه وارسه هپینی ایچه ایچه ، آرتق زقاقده کی ارککلرک قوللارینی
 چکرکن ، وقتیه آنه مه خطاب ایتمش وایلاک عاشقمه کند-
 یینی سومکده بولندیغمی سویله مش اولان صدای ملیحی اصلا
 ایشتمیه جگمی امید ایدیورم . »





صبریٰ شاہ کو



صبریء شاکر

سلطان مراد رابع دور حکومتی نسل حاضرک سینہ خون
آلودندہ خاطرات فجیعہ سی محکوک اولان تعدیات ظالمانہ جہتندن
عهد مخدول استبدادہ مشابہ اولمقلہ برابر پادشاہک اجرای
مظام تنکیلیہ دہ عسا کر عاصیہ رؤسانہ بہت آورہ راس اولمغہ
باشلادینی تاریخن صکرہ کی فتوحات خارجیہ سی ایلہ شعشعہ
سطوت کوسترہ رک ادارہ حمیدیہ ایلہ مقایسہ سنی تخفیف
ایتمکدہ در . رأس جلادتندہ بالذات پادشاہ بولنہرق اردونک
ایکی دفعہ زمین ایرانہ استیلا سی۔ بوشناق خسرو پاشانک لسان
الغیب عشق اولان قوجہ حافظ شیرازینک مصلا ی شیرازدہ کی
مقبر محترمی لزومسزیرہ تخریب واشعال ایتمی کی تعدیات حجاب
افزاسی ایلہ برابر۔ بغدادک فتح قطعیمی ایلہ نتیجہ پیرای موفقیت
اولق سلطان مراد رستم نہادہ صحائف مظفریات عثمانیہ دہ
بالضرورہ بر حصہ شرف و حماسہ افراز ایدیور۔ غرابنددرکہ
تساح قبول ایتمہ جک بر شدت خونریزانہ ایلہ توتون یساغی
درجہ سندہ کی زجریات کیفیہ یہ رغماً پادشاہک بالذات تخریب
وجود سلطانی ایدرجہ سنہ مغلوب ذوق وشغف ودمساز کیف
وہوا اولمی عهد خونفامی نشوہ شاعرانہ جہتندن بر فیض

آتشینه مظهر ایتمشدر . طبع هجاوانه سنک عاقبت فحیعه سنه .
 مدھش بر صورتده کرفتار اولان زواللی نفی . . معظم ،
 بیھمتا ، یکانه روزکار نفی ایله :

حذر ایت سنک جفا سندن او شوخ دیر ایدک
 عاقبت کادی بنم باشمه یحی دیدیکک
 بیتک قائل ظریفی شیخ الاسلام یحی افندی وصبری
 شا کر اونشوه روانک اک روحانی مستان درخشانیدر .
 ینہ بو دوره احتشام ادبک سرافراز سندن نثرده ویسی ایله
 ترکی وشعرده :

بھاری نیلرز اول کلعدار غنجه فمک
 کولوب آچیلیمسی بیک نوبھاره دکزمی ؟

طرزنده فرانسلرک (پیتورسک) تعمیر ایتدکلری رونق
 صورت آفرینی حائر اشعار استادانه ک قائل مشکلیپسندی نائی
 قدیم و :

واردی ناز اویقوسنه حالمی عرض ایلر ایکن
 دردم اول شوخ جفا پیشهیه افسانه کلیر .

کبی ، احوال حیاتیهده یک چوق موارد انشادینه تصادف
 اولنان ، بدایع سرزنشکارانه ک ناظم هنروری عزمی زاده نشئه سنده
 سخنپوران بولندینی وبونلردن ارباب تبیع اوزون اوزون
 بحث ایتدکلری حالده - اعتقاد عاجزانه مزجه - بو صکره کیلرک

هېښنه فائق اولان صبری شاکر عادتاً بر مهجوریت نښه ايله دوچارغدر اولمشدر . عينيه نفی کې سلطان مراد رابع ندیم وملتقی اولان بو استاد بلاغتپورک تاریخ ولادت وارتحالی بيله غیر مضبوطدر . دیوانی مطبوعدر . اون بر پارچه مکمل وحتشم قصیده ايله حروف محاصیره سنحه مرتب غزلیات وبعض رباعیات وابیاتی حاوی اولان بو دیوان ظریف ورنکین کنديسنک قدرت علمیه وذوق شاعرانه الی الابد بر هان میندر .

قصیده لری احتشام الفاظ وآهنک سلاستجه نفی آتشفشانک قصیده لرندن پک ده دون اولماقوله برابر نزاکت واطافت معناه هان هان آنلره فائقدر دینیه بیلیر . هله غزللرینک نفعینک غزللرینه فائقیتی غیر منکر اولدقدن بشقه همعصری اولان یحیی وآرلرنده بر عصرلق فرق زمان بولنان ندیم غزللرینه بيله شیوه تحدی کوستره جک درجه ده ظرافت معنی ورقت حس وخیال ايله پیرایه دار اولدیغی مسلمدر . شوخی طبعی واحتساسات غرام پرورانه سنک نزاکت ممتازده سی درت بش یوز سنه لک ادبیات عثمانیه ایچنده کنديسنه بحق بر منصه دانشین تأمین ایتمش اولان ندیم تر زبانک اک مصورانه واک دلربا آثارنده جابجا کهنه تعیرات وادواته ، حتی اوافق تفک امالات وزحافاته تصادف ایدلیدی حالده صبری شاکرک اشعاری هان سرایا بو نقائصدن معرادر . شو قدرکه ندیم . طبع

هوسناکی شوریدہ ایدہ جک بر جذبہ خارق العادہ ایلہ مفطور
اولدینی ایچون آنک خیالات روحفریبی ایلہ مست اولان
ذائقہ ادب ارتق الفضاظ مہجورہ سنی ، امالات وزحافاتنی تأملہ
تاب آور اولہ ماز . مثلاً قبودان مصطفی پاشا باغی وصفندہ
اولوب طرب آشنایان ادبی لال ومبہوت ایدہ جک بدایع نادرہ۔
سندن اولان :

قنی ساقی اول جام فیروزہ رنگ

دکدر، دکدر زمان درنک !

مطلعلی قصیدہ دلاراسنک مشہور :

| | |
|---------------------------------|--------------------------------|
| بو کون بر کلستانہ دوشدم یولم | خوشانزہت آباد جنت سرشت |
| کہ اولدی شعورم تحیرلہ کم | کہ خاکندہ مدغم مزاج بہشت |
| نہ کوردم کہ بولمش جہان زیب و فر | چمنی بو ، یا خود کلستانمیدر ؟ |
| دکل بو جہان بر جہان دکر ! | دکان تبسم فروشانمیدر ؟ |
| بنی آلدی حیرت ، بو کلشن نہ در ؟ | بہار اویلہ ایتمش فضا سندنہ جوش |
| بو زینبدہ معشوق پرفن نہ در ؟ | صانورسک کہ کردونہ ایرمش خروش |
| کیم ایتدی بو کلزاری رشک بہشت | دیزلمش نہالان کل سو بسو |
| کیمک حاصلیدر بو کارو بو کشت ؟ | قطاریلہ کلش مکر رنگ و بو |
| ندر نامی ، کیمدر طرازندہ سی ؟ | اب حوضی ماہ نوک پارہ سی |
| کیمہ آچیلور روی نازندہ سی ؟ | ثریا فشان آب فوارہ سی |
| اولورکن بو فکر تلہ ہر سو دوان | ایدر طبعی فوارہ سی درکنند |
| بو ایاتی کوردم یازلمش عیان : | اورر موجی عمرک آیاغینہ بند ! |

ابیات معجزہ سی میانندہ :

رخامندہ اول دکلوار فرو تاب نہ دیسہم کر کدی اونو تدم سوزم
کہ یانندہ چون شمع روز، آفتاب قیلوب خاک پاییکہ بن فرش یوزم
ہاندم کہ دوش اولدی سا کہ کوزم فدا ایلیم ہم یولیکہ اوزم !

کبی الفاظ کہنہ یی و تجبرات نظمہ یی حاوی آثارینہ دہ تصادف
ایدلیکی خالدہ سلیقہ صاف و پاکی شایان حیرت بولنان صبریء
شا کر - بر عصر اول - بو زلہ لردن تنزیہ لسانہ ہمت ایتشدہ
نامی ابتداری یالکز سید شریف صبریدن عبارت ایکن مؤخرآ :

بو دمده یوسف اقبال دوران کار فرمادر

بو دمده چشم یعقوب تمنا نور پیادر

مطلعی حاوی اولوب انافس آثارندن عد ایدیلن قصیدہ سندنہ کی :

خداوند ستم فرسای عالم کیم زمانندہ

کریبان فلک مہجوردست آہ شکوادر .

بیتک فصرع نانینی نفعینک « الیاس پاشا » وصفندہ کی

او محتشم قصیدہ تنظیریہ دہ :

بحمداللہ زمانندہ بقول صبریء شا کر

کریبان فلک مہجوردست آہ شکوادر .

یولندہ تضمین ایتسی اوزرینہ « صبریء شا کر » عنوان

ابدی الشانی ایلہ فائقہ یاب اشتہار اولمشدر . عظمت طبع

فخورانہ سی معلوم اولان بیوک نفعینک بو تضمین ایلہ صبریہ

التفاتمائی تقدیر اولمسی کندسی ایچون بر مزیت قدر آشنایی
اولدینی کبی صبری ایچونده اوילה بر استاد اعظمک بهره یاب
توجهی اولمق باعث فخر ابدیدر .

ضیا پاشا مرحوم (خرابات) مقدمه سنده نفی دورینه
کلنجه :

هم صبری خوش ادای شاعر بر وادی خالصر او وادی
نفی ایله اولدیلر معاصر کیمسه سوزده ویرمدی اودادی
آثاری لطیف ، لیک آزادی بر مطلعی وار غزلده حتی
بر بر جسته قصیده یازدی معجز دیدی آکا اهل معنی
اما نه قصیده پای تاسر الحق اوسخن کوزل سیخندر
صان سبجه در وعقد کوهی نفی دخی آکا غبطه زندر
گویا که صیقوب بتون خواصن پیرو لیکن التماس ایلر
جمع ایش آنده هپ قواسن اول نظمندن اقتباس ایلر .

بیتلریله بو تضمین فقره سنه تلمیح ایتیش اولدینی کبی بین
الادبا معجزیتی متفق علیه اولان مطلعی ده شودر :

ویرر صبره درنک سایه طورسه سروبالادر

آلور چشم قراری کیتسه جوی سیم سیادر

یا لکنز بو مطلع ایله قصیده نك علو لطافتی تقدیر ایتک
مکن ایسه ده استادك او نشیده ولهفر ماسنده کی قدرت و سهولت ،
ذوق ونفاست و آهنگ سلاست ایله نشئه یاب اولمق ایچون وجد

عمیق ایله مکرراً ترتیل ایتمک لازمدرکه او طبع فیضا فیضک
جوشش کالنه اطلاع میسر اولسون .

کمالک «تخریب خرابات» ده او مطلع معجز حقننده کی
تنقیدات استخفافکارانه سنی مطالعات صائبه دن اولمق اوزره
قبولده معذورز .

سمای شعر عثمانینک انجم دل افروزی اولان بو اسانده
محترمه نی سحاب نیسان وخاموشی آلتنده براقق موافق انصاف
دکلدر .

بالجمله ترقیات مدنیّه ده ، هله معارف ادبیّه ده رهبر اتخاذ
ایتمکده اولدیغمز اوروپا لیلرک کندی اسلاف علم وادبلی
حقننده رایگان ایتمکده اولدقلری احترامات قدر شناسینک
بزم ظرفزدن ده کندی اسلاف عرفامزه بذل ایدلمسی فرائض
وجدانیه دندر .

حقیقت ! مثلاً آتی عصر اول ایتالیا دن کلوب کچمش
اولان « مضحکۀ علویه » عنوانلی اثر مشهورک مؤلفی
(دانتۀ) نك خاطره سی الآن جابجا نامنه هیکلر رکز اولانه جق
بر توقیر مخصوص ایله حفظ و تکریم اولندیغی حالده آب و تاب
بیانی اشعارجیده سنک شهادت ابدیه سی ایله ثابت بولنان (صبری
شا کر) ک ودها بر خیلی امثالک -- احتمال که نسل جدید
ایچنده نامی بیله معلوم اولمیه جق قدر -- متواریء اهل او سی
دلسوز بر فضیلت ناشناسلقدرد . تشکر اولتورکه صبریّت

دیوانی (الجواب) مطبعه سنده بالنسبه نفیس بر صورتده
طبع ایدلمشدر .

یحی افدینک دیوانی بو شرفدن آلآن محروم اولدینی کبی
قوجه باقینک مجموعه اشعار مخلصه سنک طالسز بر لیطوغراف
باصمه سندن بشقه نسخه مثله سی یوقدر .

بر سندهن بری مطبوعاتک های وهوی ولوله پردازی
آراسنده مع التأسف معارفزه شرف آور اوله جق هیچ بر اثر
همت رونمون اولمادی . هله غزته لرك ۳۱ مارت فضیحه سندن
اوج درت آی اولکی مصایحه شتوم دور مشئومی تاریخ
عرفان و تربیه مزده بر لوث الیم اولسه کر کدر ! فردای انتقال
بمزده هر درلو امیدلر خلافتنه اوله رق کرفتار اولدیغمز فقر
ادبی قلبمزده بر درد محکوک اولدینی ایچون نهدن بحث ایدلسه
سوز اورایه منجر اولیور . . .

ینه موضوع بختمز اولان استاد شعرده ارجاع کلام ایچون
دییه لم که حشمت کلام و حماسه معنی خصوسنده نفی بحق
استادکل اولدینی کبی صبری شا کرده نزاکت تصور و حالات
ادا جهتدن شعرای عصری میاننده مظهر تمایزدر . کنیدینک :

کچدی قیلجدن فتن روز کار

سیف یداه اولوب آشکار

مطلعی دیگر بر قصیده نفیسه سنک آهنگ طربزاسی ، هله

بو نشیده منسجمه نك :

خط رخن تازه تراش ایتدی یار
 کچدی قیلجدن فتن روز کار!
 غنجهٔ کل کیبی شکسته کلاه
 شاهد مل کی فروزان عذار
 طره لر اجزای امیدم کی
 گاه بهم جمع وکهی تارمار

غزل رندانه سی، کیم بیلیر، برعصر صکره سعد آباد چراغانلرنده
 ندیم ذوق آ کاهک قاچ کره لر ورد زبان شائقانه سی اولمشدر!



تزیین لسان

و

اسلوب بیان

لسان عثمانیک ساده لشدیرلمه سی والفاظ عربیه وفارسیه دن،
على الخصوص معانی خصوصیه قصد ایدلمک اوزره بو الفاظک
مزجندن حاصل اولان ترکییلردن تجرید ایدلمسی حقنده بر
مدتدن بری صحائف مطبوعاته بر بحث غریب دوران ایتمکده در.
لسانی لسان اسلافک عقود رکیکدسندن تخلیص ایله ربط افکار
ومقاصده بالسهوله مساعد بر حبل متین ودلنشین حالته افراغ
خصوصنده کی بو تشبث مجددا نه ثلثان عصر قدر بر زماندن بری ذوق
آشنایان ادبی اشغال ایدمکده در . مسأله نک بو مدت ظرفنده بر
جریان طبیعی وضروری ایله کسب ایتدیکی صفحات تکامل ،
حقیقت انقلابک نهدن عبارت اولدجغنی پک روشنا بر صورتده
ابراز ایدوب طور مقده ایکن مدعیات غریبه اربابی بو
حقیقتدن تعامی ایله لطیف بیان ایچون کندیلرینه من کل
الوجوه مربوط ومحتاج اولدیغمز کلمات عربیه وفارسیه یه نظر
خصوصتله باقهرق زواللی لسانمزی یکی باشند سفیل وعریان
ایتمک ایستورلر . غیری شوکه بو بحث ارتجاعکارانه یه برده

« حمیت ملیه » شیوه سی اضافه ایدرک حسن و آرایشک قوت
 واستقلاله منافی اولمدیخی اعتقادنده بولنانلری - ظواهر بینان
 حمیت طرفندن معاتب اولمق اندیشه سی ایله - محکوم سکوت ایتمک
 کیاستنی التزام ایلورلر . حال بو که مسأله یی ، دیدیکمز کی ،
 جریان طبیعی تکامل کندی کندینه حل ایتشدر .

اسلاف قدیمه نك کمال واجلالی بو بچشدن خارج طورسون .
 فقط مشیمه تجددن طوغمش اولان نسل حاضر عا کف پاشا
 ورشید پاشالردن اعتباراً شناسیلرک ، کمالرک ، حامدرک ، اکر ملرک
 رحله فیضا فیض ادبلرنده پرورشیا ب نزا کت اوله رق فیکر تلرک ،
 جنابلرک ، خالد ضیالرک ، سلیمان نظیفلرک ، فائق عالیلرک ناطقه
 فصاحت و بلاغتنی سوکیلی لسان عثمانینک - او محترم استادلردن
 بو کزیده شا کردلره منتقل - میراث لطافت و نزا هتی اوله رق
 قبول ایتدی . ایشته بتون جهان بر آرایه کلسه لسان ادبمز
 حقنده کی بو اعتقادی ، نفائس ادبیه مفتونلرینک وجدانندن طی
 ایتمک ممکن دکلدر . اما بر طاقم قلوب قاسیه اربابی دون شا کرد
 بو کون آرتق استاد اولان شو ، مدار افتخار ملت آباء ادبک
 نزا کت و ظرافت لسانی حس ایتمک ایسته میهرک کویا « تورکلک »
 نامه التزام ایتدکلری کریوه باطل ترقی شکنانه ده ثبات ایده -
 جکلر مش ! امین اولسونلر که هر درلو منابع الفاظ و اطوار بیانه
 مراجعتله سوکیلی لسانلرینک حسن و آیی تأمین و بویله جه
 قوت و جلادتخده تأیید ایتمک ایستین عشاق ادبه آنلرک سنک

تعريض اصلاً پابند همت اوليه جنی کبی بتون سانحات
لطیفه لرینی کمال اشتیاق ومفتونیت ایله اوقویوب آرایش حافظه
لذت وحرمت ایده جك قدر آشنایان تلامیذ دخی اكسيك
اوليه جقدر .

لسانمزی درت بش عصری کری یه کوندر و بوقدر خواجکان
ادبک سینه لردن بری مصروف اولان هممات عالیة مجدانه سنی
تعقیم ایتمک ایستین نمکبحرامان لسان نه غریب دعواده بولونیور!
متلا (سلیمان نظیف) بك افندی کبی اك بيوك محرومیت و
اسفمزی یکانه لکی تشکیل ایدن و هر صباح (تصویر افکار) ك
صحائف داپسندنده بزه ، خطبة سیاست وحیت شگلنده بر
ضیافت ادبیه اکرام ایلین منشی فاضلك لسان معلاسی عوامك
درجه ادر اکنندن بالاترین ایتمش ! . . قباححت (سلیمان نظیف)
بکیمکی ؟ . . برده مطلقا هر کس عوام ایچونمی یازملی ؟ . .
وارسون ، عوامك آکلایه بیله جکی صورتده سهل وبسیط
لسان ایله اداره افکار ایدن محرر لر مزده بوانسون . آنلره
هیچ بر وقت : « سز پك عادی ، پك بیاغی یازیورسیکیز !
بر آز ارباب کمال آثارینه باقكده آنلردن اقتباس لطافت
واحتشام ایدیکیز ! » دینمز . زیرا سوزك مخاطبه نظراً سویانه
جکئی کیمسه انکار ایتمز . [کلموا الناس علی قدر عقولهم]
من الازل الی الابد رکن رکن بلاغتدر . لیکن ساحه لسانی
بتون عناصر فیضندن محروم ایده رك بر شوره زاره چویرمك

افکار و تصورات عالیّه تخمیرینی دها تراب عمرانه دوشمه‌دن
محکوم عقامت ایلکدر . اعتقاد مزجه معانی عالیّه کنندی
ایله برابر الفاظ جمیله و محتشمه‌یی ده دعوت ایدر . - حریبان ،
مظروفنک لطافت و احتشامدن هیچ بر وقت مستغنی بولماز .
لسانمزدده ایسه بو لطافت و احتشامی آجق کلمات عربیه
و فارسیه ایله آنلرک مزجندن متحصل تراکیب متنوعه تأمین
ایدر .

عوام ، الفاظ و تراکیب مطنظنه‌یی آکلایه‌مازسه امین
اولمیدر که آنلرک تضمن ایتدیکی معانی عالییه‌یی ده - نه قدر
آچیق و بیانی الفاظ ایله سویلنمک ممکن اولورسه سویلنسون
- ینه ادراک ایده‌مز ، ینه ادراک ایده‌مر ! عوامک سویه
ادراکی ایله متناسب مباحث بسیطه ذاتاً کنندی بساطتی
ایله متوازن الفاظ ساده و خاییده ایله قناعت ایدر . فقط افکار
بلند حکمت و سیاستی او الفاظ خاییده ایله ادایه قالدشمق
موضوعک علویتنه قارشی اهانت فضحه‌در !

ظن ایدرم که بتون ادبیات جهان تدقیق اوانسه بو
مطالعات قاصرانه‌نک خلافتده بر حقیقت کشف ایدیله‌مز .
مثلاً (و یقتور هوغو) - قصه اعصار - نامنده‌کی بلندواستوار
مجموعه اشعارنده هیچ بروقت عوامک سویه ادراکنی دوشونمکه
بر محکومیت نفسیه حس ایتمه‌مشدر . اما «بزم دها او یله آثار
ایچون زمانمز کلدی» دینورسه فیاض ازلک علی العموم «تورک»

خیره فطرتی مستتی بر قابلیتسزلك ايله مایه دار عجز و مسكنت
ایتمش اولدینی کبی بردعوای غریبه دوشولمش اولور. حال بوکه
علی الخصوص شهره ابدیه بزمده پک زیاده شایان دقت و حرمت
ارباب کلامز واردر. بونلره: « فطرتک سزه بخشایش نجابت
وعلویتی اولان لسان پاک و بلیغکزی بتون تجملات لطف
وعظمتندن تجرید ایدیکزده اک سفیل وعادی بر طور پثرمرده
ایله تصویر عادیات ایدیکز: « دیمک آنلری تذلیل و تزییف
نفسه دعوت ایتمک دکلیدر؟ بونی اک پست و فرومایه خلأقتدن
هانکی بری قبول ایدر؟ . .

اعصار سالفه رخاوتک تلافی مافاتی مقصدیله عوامه بر
تربیه عاجله فکریه ویرمک ایچون اسباب تلقیندن اولان
لسانک ساده لشدیرلمی بشقه، اجله ادبا لسانی کوکندن
قلع ایتمکه اوغراشمق بشقه در. بو قصد اخیر بتون اقوام
فاضله عنندنه حائز شرف و قیمت اولان « ادبیات عالیله » یه
تجاوزدرکه تأسفلر، استغرابلرله تلقی اولنمه یه شایاندر.

اهالیز جاهل و کلمات عربیه و فارسیه دن استطلاع ماله غیر
مقتدر اولدیغندن طولایی اوکلمات بدیعه و تزییه یی قدیم یونانیلرک
(اوستراسیسم) قاعده سنه محکوم ایتمک نه عظیم کناهدر .
اهالی بر یاندن او قوتدیرلسون، یازدیرلسون . . ان شاء اه بر
کون کلیر که ادبای عالیله آئانندن اقتباس معالی ایتمک اقتداری
آنلرده حاصل اولور. بونی هر ترك جان و دلدن تمنی ایدر.

اما خواصی عوامك زنجیر جهلنه باغلا یوبده کرداب اضمحلاله
 طوغری چكوب سوروكله مك وبوكا « حمیت ملیه » عنوانی
 ویرمك اولسه اولسه عوامفریبانه بر سوء قصد ادبیدر. عربی
 وفارسینك ماشطه لطفی ایله آرایشپذیر جمال اولان لسان
 لطیفمرك كرك مفرداتی، كرك شیوه اداسنی، دكل آسیا بیابانلرینك
 لسان خامنه بکزه تمك، حتی برایی عصر اولکی کندی عثمانلیجه من
 کی تلفظ و تغلیظ ایتك بیله حسن طبیعت و ذوق سلیم اربابی دلخون
 ایدر. لسانمز بعضیلرینك اسامی محترمه سنی یوقاریده درج
 ایتدیكمز مهره ادبك میزاب خامه سنده رونقیاب تربیه اوله
 اوله بو کونکی شکل دلفریبی آلدی؛ مادام که بو آب و تاب
 دلار کلمات عربیه و فارسیه دن استعنا دکل، یالعکس آنلره ده
 لطافت سنجانه بر ارتباط ایله حاصل اولدی، دیمك که زینت
 لسانیه مرك مقدراتی بو کلمات و تراکیبک آغوش و فاسندن
 افتراق ایتك دکلدر. بو ضرورت طبیعیه یه عرض
 تسلیمیت ایله لسانمرك کمال رونقنی اساتذه فصاحت و بلاغتک
 هلمات نفائس پرور یسندن انتظار ایتلی یز.

مقصد من بیان آمال و حسیات اولدینی ایچون تشریح
 مفرداته کیریشمک ایسته میورز. فقط حسن و طراوت الفاظک
 افکارده نصل بر نزاکت و اصالت بخش ایده جکی بیان
 ایچون اوافق بر مقایسه دن واز کچمه مدك. مثلاً بزده مشهور
 مثلد: (ایصیره مدیغک الی اوپ !) دیرلر. ایشته بو، تماماً

عوامك آكلايه بيله چكى بر سوزدر ، فقط رجا ايدر ، كرك
 ادباً ، كرك اخلاقاً ، كرك لفظاً نزاهت و لطافتدن ذره قدر
 نصیبی وارمیدر ؟ . . اولاً ایصیرمق طبع بشرده یوقدر ؛ بو
 بر خصلت سکانه در ؛ بونی ماهیت انسانییه اسناد ایتک بر
 بهتان قبیحدر . ثانیاً بویله بر خصلتمز اولسه بيله کوز اوکنه
 کتیردیکی منظره نك کراحت عفو نتسازی دوشونیلسون . ثالثاً
 ایصیرمغه استحقاقنمون اولان بر الی اوپمك نه بیوک ذلتدر !
 بونی (حكمة العوام) اولان بر مثل شکننده اخطار ایتک
 عزت نفس ملی یی نه درجه استحقار و تربیه ملیه یی نه چرکین
 بر مجرایه سوق ایتکدر . ایشته قویاً ظن ایدرم که مآلک
 بو خاستی الفاظك ابتدالنندن تولد ایتکدر ؛ شمدی شو
 فکری یعنی (کوچك یتیمه چك اولان ايله جنك ایتمك . قالمشمه ،
 سن ضررلی چیقارسك !) پند عاقلانه سی بر شاعر حکیمك
 لسان بدیعنه تودیع ایدرسهك :

هر که با پولاد بازو پنجه کرد

ساعد سیمین خود را رنجه کرد !

شکننده بر لوحه نفیسه حقیقت تظاهر ایدر . شو بیتك
 مآلنده کی لطافتی الفاظ محتویه سنك حسن و آنی ايله متضمن
 اولدیغی اطوار بدیعیه نك اعانه سی تأمین ایتدیکنی انکار ایده چك
 بر ذوق آشنای سخن بولندیغنی طن ایتم . ایشته بز بویله
 بدیع و اصیل طور لرله تصویر ایدلمش حقایق عالیه و محاسن

فکریه ایستزکه بونی ده فصیحای لسان وبلغای بیانمز آنجق
دیناً وادباً غیر قابل انفکاک بر رشته صمیمیت ایله مربوط
اولدیغمز عربی و فارسی لسانلرینک جواهر کزیده الفاظ واثمار
بر چیده معانیسی ایله تأمین ایدیبیلیر . بو حقیقت ساطعهیه
اعتقادمزی نه قدرت ادبیه ، نه ده حمیت ملیه لری قطعاً جای
اعتراض و مناقشه اولمیان عظام ادبامزك آثار جیده سندن اقتباس
ایتدیکمز فیض روحانی حاصل ایدیور . و بو ادبانك سربلند
مؤبدی اوله رق کمال بك افندی یی کوریورزکه علویت فکرو
خیالی نقش آرای بیان ایتك ایچون کلمات عربیه و فارسیه نك
بتور شعشعه طلاقندن استفاضیه لزوم قطعی حس ایتشدیر .
بویله یاپدیغندن طولانی کمال بك وطنك سلامت و سعادتنه
خدمت ایدمه دیمی ؟ یوقسه ضیا پاشانك :

کل و بلبلدن اوز که کیمسه ده یوقدر زماننده

کرك فریاد و افغاندر ، کرك چاك کرییاندر

یتتی مؤاخذه ایتدیکی صیره ده : « بو بیتده نه عجب شیوه
لسان اختیار بیورلش ! او قودجه کندیمی علیشیر زمانی
بخاراده و یا فضولی وقتی بغدادده ظن ایدیورم . » دیمکه
(ملیت تورکیه) نامه بیوک بر حمیت سزاسکمی اظهار ایتشدیر ؟
لسان عثمانیده استقلال آرایانلر بو لسانك نه عربجه ، نه
عجمجه ، نه فرانسه زجه ، نه ده چمتایجه اولسنی آرزو ایتیلردر .
بو لسان ، ایجابنه کوره ، بونلرک هپسندن مخلوط ، کندی ذوقنه

کوره بر اسلوب افاده‌ی حائز، اقتباسات گزیده‌سی ایله کوندن
 کونه کوزلشمکه مستعد بر لسان لطیفدر . بونک کنندینه
 خاص بر طورملیسی اولمسی کیم آرزو ایتمز ؟ اما بوطور ،
 لفظاً ومعنی چغتایجه‌دن اقتباس ایدلمکه قیام اولنورسه بـتون
 حسن طبیعت اربابی عصیان ایدر . آرتق (نوزاد) گله‌سی
 وارکن و مال مشروعمز صایله بیلیرکن آنک یرنده (طونغیج)
 استعمال ایتمک کمز توصیه اولنورسه ذوقمز رنجیده اولور !
 آسیای وسطی ادبیاتنه بر تجاوزمز یوقدر . لسا -
 نلرینک ذوقی حس ایده بیلسه کمال لذتله اوقورز . فقط
 شمایلک بوکا احتیاجمز یوقدر . بزم بر « ادبیات عثمانیه » مز
 واردر که افاضل ادبمـزك سایه بلند همتده بو کون خیلیدن
 خیل یه لطیف ، یاخود بزه بویله کلن برکسوه زیبا ایله رونقیاب
 کمال اولمشدرد . . بز بونک حسن و جمالنه عاشق ، بونک بکر
 خیال و مالی ایله فریفته حیاتر . بونی بزم آغوش غرام و
 اشتیاقمزدن آلوبده آسیا هامونلردن بزه عادتاً غول بیابانی
 کی کلن اعاجیب ادب اکرام ایتمک روحمزی تعذیب ایدر !
 آنلرک - اکر وارسه - حسن و آنی اورالرده تقدیر اولنور .
 بزم بو کونکی ذوقمز ایله اواذواق آرمسندده تعارض قطعی
 واردر .

شعر و نثرک کوزللیکی

فرانسوزجه بر مصاحبه ادبیهده کورمشدم : نثرک تعریف .
 طبعیسی ایچون تهکما داهی ابدی الاشهار مضحکات « مولیهر » ک
 - کبار تاجر - عنوانلی اثر نفیسنده تخیل ایتمش اولدیغی مشهور
 موسیو [ژوردهن] کبی « هر کس آفاق مصاحباتده ، محاورات
 روز مردهده ، مباحثات ادبیه و غیر ادبیهده ، نطقلرده ، تعلیم
 وتدریسده ، حاصلی معاملات حیاتیهسی ایچون نه زمان فک دهان
 ایده جک اولورسه ، فرقه بیله وارمقیزین ، آثار منشوره تألیف
 ایدر ! » دینلمشدی . مزلقه سفلیتدن نشأت ایله طالعک مظهر
 التفاتی اوله رق زمره اغنیایه التحاق ایدن موسیو (ژوردهن)
 محافل کباره دخول ایله شرفیاب قبول اولمق ایچون یالکز
 ثروت وسامانک کفایت ایتدیکنی تفضن ایلیه رک تربیه رفتار و
 گفتار ایچون کندینه آیری آیری معاملر تخصیص ایدر . علی
 الخصوص حسن تکلم ایله املا اوکره نمک ایچون بر فلسفه معامی
 بولور ! بوخواجه متفلسف آکا شعر و نثرک فرقی آکلامق
 ایچون نثر حقنده بالاده کی تعریفی اتیان ایدیجه موسیو (ژوردهن)
 قرق سنه دن بری - فرقنده اولمقیزین - بدایع نثریه تألیف

ایتمکده بولندیغنی آکلایهرق مدهوش حظ وافتخار اولور !..
 ایشته موسیو (ژوردهن) کبی نائر طبیعی اولمهی مدار فضیلت
 عد ایدنلراچون بوتعریف وتصویر حقیقه دلفریسدر !.. بروقه
 نقل ایتمک ، بر فیکری تشریح ایتمک ، حاصلی مخاطبه - هر نه ماده
 حقنده اولورسه اولسون - فهم وقناعت و یرمک ایچون سبیل
 بیانده موجه ساز اولان کلمات مفیده نک مجموعی بر صغیفه منوره
 تشکیل ایدر . وامور عادیّه حیاتیّه ده بوندن بشقه بر طرز افاده
 ایله بسط مافی الضمیر غیر طبیعی ودشوار اولدیغندن «نثر» لسان
 عقل وحکمت اولق ضروریدر .

فقط ، فیاض قدرت انسانلرک درجات ادراک وعرفاتی
 متخالف بولندیر مق حسبیلله لسان عقل وحکمتک ده بکرنک
 ویکپایه اولمامسی طبیعیدر . ایشته بوندن طولای موسیو (ژوردهن)ک
 سلسله کلامنی نمونه نثر بلیغ اولهرق تلقی ایتمک ممکن دکلدیر !..
 امثالی الآن ساحه علمدن نابود اولمیان (ژوردهن) لرک مدعیات
 ابلهانه سی ایله دهها زیاده مشغول اولمهرق وادی هزلدن شهراه
 جدیته انتقال ایچون دیهلم که فی الواقع نثر ، دایه عقل وحکمتک
 پرورده عرفانی اولان لسان طبیعی الجریاندر . بر فکر ومعنای
 مفید اولوبده قواعد صرفیه ونحویه متعلق عیوبدن وارسته
 بولندجه [نثر عادی] منزله سندن بالایه ارتقا ایده مز . بونک
 خطایای صرفیه ونحویه دن برائی یکنانه مزیتیدر .

بوندن بر درجه دهها ایلری اولهرق [نثر فنی] واردر .

طبیعت اساسیه سی وضوح و منتهجیت مطلقه اولان بوسلسبیل
بیانک چشمه انجلاسی ده طب ، حقوق ، ریاضیات ، منطق ،
صرف و نحو کتابلریدر .

بونلرک فوقده و بر موقع معالای ابدیده [نثر ادبی] واردر .
نوعین اولینک کافه مزیات و محاسنی ایله برابر بونده آریجه بر
قیمت فائقه بولور که اوده پیرایه دلارای صنعتدر ! ادیبک ،
خطیبک ، مؤرخک ، فیلسوفک ، منقذک لسان و قلمنه شایان
اولان ایشته بو اسلوب رعنا در . ثروت الفاظدن ایستدیکی
کبی استفاده ایدرک بتون صنایع بدیعیه ایله متحلی اولمقده
مختار بولنان بونقدر نمکین بلاغت ، کسب ایله آرزوق استحصا
اولنه بیلیرسه ده اک زیاده خزانه غیب قدرتک احسان
وعاطفیدر . بو ، بر کوثر فصاحتدر که منبع فطرتدن زلال
روان کبی جوشان اولور . بر یاندن سامعه تلذذ آنک رشاشه
ظرافتشاری ایله مست حظوظ اوله رق بر یاندن ده قوه مدرکه
و متحسسه محتاج اولدینی معالی فکریه و حسیه یی التقاط ایله سهارواز
فیض واستغراق اولور . بونثر لطیف اک کزیده کله لرک ، اذطاتی
ادالرک . اک روحنواز طورلرک تعاون ذی آهنکی ایله رفته رفته
یست و تیز اوله رق مفکره یی جوشش بدایع ایله مفتون ایدر .
بونک روشننده بشقه بر حسن و آن ، بشقه بر آب و تاب ، بشقه
بر سربستی ، بشقه بر صفوت و اصالت واردر . کاه [جزمی]
مقدمه سی ، بو خارقه بلاغت کبی بتون شعشه داهیانیه سی ایله

تجلی ایدہ رک انظار و قلوبی مجبور حرمت ایدر . کاه [اوراق
پریشان] مقدمہ سی طرزندہ حلاوتمای ناز و نیاز اولہرق روحی
مجلوب صفوت و طبیعت ایلر . کاه جناب شہاب الدینک
[جلوسیہ] سی کبی صدای رعودہ خشیتفرما بر طراقة هولکذار
اولور . کاه [تفکر] ک رقیق و دلسوز تصویرات حسیہ سی
کبی عصمت الفاظ ایله حکمت افکارہ شایان مفتونیت بر منصہ
روحنواز تشکیل ایدر . حاصلی ادبیات ، سیاسیات ، حکمیات و
اجتماعیاتدن نہیہ ترجمان اولسہ روح مآلہ فیض بدیعی نلقیح
ایدہ رک بر سانحہ جانفزای صنعت شکنندہ تسخیر نکاہ استغراق
ایلر .

لسانمزدہ بو نثر لطیفک صورت آرای کمال اولسی ایچون
الکزیادہ محتاج اولدیغمز شی طباع جیدہ واذواق سلیمہ اربابنک
پذیر فتنہ انتخاب و تحسینی اولان الفاظ نزیہہ درکہ بونک ایچوندم
عربی و فارسی کبی ادباً الکزیادہ توانکر والکزیادہ سخا پرور ایکی
لسان سامعہ نوازک مفتقر عاطفتی یز . لسانمزی عربی و فارسینک
لطف ترینندن محروم ایتمکے تشبث ایدنجه زواللی بی پک خشک
و خشین بر بیابان ریک آبادہ آتمش اولورز . حال بوکے حب
لسان ایله اسیر ادب اولانلرک وظیفہ سی بو پری نازنینی ،
بو محض حیاتمز اولان کوزل لسانمزی شان حسنہ شایان بر
چمنزار ذی صفای فصاحتہ الکدلاویز و خوشبو ازہار الفاظک
عطر بدیعی ایله مست شوق جاودانی ایتمکدر

شعره کلنجه : او ، کرک افکار ، کرک اشکال و اضوار
جهتیه نژدن کلیاً فرق ایدن دها بشقه ، دها نازنین و پری ادا
بر بدیعۀ روحانیه در . شعر ، عقل و حکمته بسبتون معارض
اولماقله برابر ماهیه هیچ بروقت [نثر عادی و فنی] درجه سی
ایله قناعت ایده مز . آنک بر روحی ، بر روح شاد و کریانی
واردر که اوده عادتاً جماداتی جانلاندیران ، امواتی انطاق ایدن
حس و خیالدر . اشیای کونیه یی انوار کونا کون ایله برر لوحه
نفاس تسمون حالنده تصویر ایدن قوه خیالیه نک شعر دن نزع
اولمق احتمالی یوقدر . بو حیثیتله و حیثیات سائر ایله شعر ،
نثر ادبینه قات قات فوقنده بر مصنوعه ادب . سرود بهازی
لب بسته اعجاز ایدن بر ترانه بی بهای حسن و طربدر .

شعر ، هیچ بر وقت نثر کی عادی ، عمومی بر لسان ایله
متکلم اوله میوب آنک کندینه خاص بر شیوه تلفظی ، کندینه
خاص لغات کزیده سامعه فریبی واردر . واقعا حقیقی بر شعرک
قیمتی افکار و حسیاتک اصالت و علویتی ایله قائمدر . لکن بو
محاسن نژدهده پک اعلی تجلی ایده بیلیر . نصل که [مقبر] انتشار
ایتدیکی زمان آنک بر نوحه جانشوز اولان مقدمه محشمه سنک
نثر می شعر می اولدیغنده ادب ادوچار حیرت اولدی . بو حیرت سامی
پاشا زاده سزائی بک افندینک [سرگذشت] ی - که زماننده
حقیقه بر حادثه فوق العاده ادبیه ایدی - نشر اولندیغی زمان
دخی تجدد ایتدی . حتی معلم ناجی افندی مرحوم [مجموعه

معلم] ه درج ایتدیکی [نظم و نثر] مقاله سنده شعری بتون محاسن ادبیه عنوان عمومی اوله رق قبول ایلدی . استطراداً شونی سویلیه لم که ، قبری منور اولسون ، مرحوم - زمانه کوره کجرو دنیلیمه مک ایچون - شبان ایله همر فتار اولمهی آرزو ایدردی ! فقط شبان ، مرحومک اجتهاد معلمانه سنه الک خفیف و کریزان بر اماره عصیان کوستره جک اولورسه در عقب بتون منویات ماضی پرستانه - سنی اظهار ایلردی ! حاصلی ، بر زمانلر افق ادبمزده شعر و نثرک فرقنه دائر بویله بر سحابه تردد جولان ایتمش اولمقله برابر هر حالده شعر ، کنیدیسنی وهله نظرده نثر دن تقریق ایدن بر شکل مخصوصی حائر در . و بو شکل سایه سنده بشقه بر نشئه یی ، بشقه بر جذبه یی ، بشقه بر قوه ساحره یی حائر در . اسمانمزده اوزان فارسیه نك و دیعه ربابی اولان آهنگ بوشوق جیدک اک بیوک سببیدر . فکری ، سامعه یه بر زمزمه روح پرور حالنده ایصال ایدن او آهنگ موزوندر . وزن آهنگدار فکره هیچ بر یوزدن ضیق و قسوت کتیر میهرک بالعکس علو و لطافت فکر او آهنگ لطیفک تاثیر سحر آمیزی ایچنده دها روشن و سحر اوله رق حس ایدایر . شعرده - الفاظ بلوریه نك حسن انتخابی سایه سنده - معاینک کمال وضوحی عادتاً « جسم شفافک ایچندن کچن نور » کبی رنک رنک ، لمعه لمعه محسوس اولمیدر . بو درلو شرائط جیده یه موافق بر شعر دایمیر عادتاً بر حوض پاک و صافه مشابه اولوب افکار علویه آنک سینته سیمینندن نظر فریب رنگار ،

عیون آرا لمعه لرله بر فواره نور کبی تلاءؤ ایدر . . .
 واقعا شعرك بو حلو طبیعت آراسی وزن وقافیه ایله حاصل
 دکلدر . لکن وزن وقافیه آنک غیر قابل تجرید بر کسوه
 عروسانه سیدر .. هیچ بر وقت وزن وقافیه عبث بر کریوه ،
 فیکرک انشراح تامنه مانع بر زنجیر ، بر قید نظریله باقیله ماز .
 بو ذهابه دوشنلر قدرت فاطردنک استعداد معلاى شاعریتدن
 محروم ایتدیکی بدبختلردر که جمعیت بشریه نک زینتی اولان او
 کزیدکان خلقی استرقاب یوزندن قواعد صنعتی تخریبه اوزه -
 نیرلر ! شعر یالکز افکار علویه ، حسیات و خیالات بدیعیه
 مصور بر لوحه ، بر رسم اولمیوب عین زمانده بر موسیقی ، بر
 آهنگ ، بر بسته در .. شاعر بر بسته کار محاسن و بدایع در ! ..
 ترنمات شعریه نک هر درلو علویات وجداننوازینه منضم اولان
 وکاه بر سرود ، کاه بر افغان شکننده سامعه انسانیه عکوس
 ابدیه تودیع ایدن بو آهنگ جذبه فزودی سایه سنده در که «لسان
 ملکوت» تعبیری آنک بر وصف پر ابجالی اولمشدر !...

شعرده ، نثر ادبیدن قات قات فضله اوله رق ، اوصاف
 تحسینیه تکثیر ایدیلهرک التفات ، رجوع ، تردید ، قطع کبی
 صور بدیعیه اختیار .. تشبیهات ، استعارات ، کنایات کبی اطوار
 بیانیه ایشار اولنور . حتی دینله بیلیر که بتون بو لوازم صنعت
 شعردن نبعان ایتمش ، شعر ایچون ابداع اولمشدر .. کوزل
 بولدیغمز هر هانکی بر شعرك اسباب حسنئی تحری ایدرسه ک

هنمه حال بو تجملات بیان و بدیعدن برینی بولورز .
 طبیعت دنیلن لازمه اسلوب ایسه بتون بو اسباب زیتک
 فوق معلاسنده دره التاج صنعت اولمق اوزره پرتو نشاردر . شبهه
 یوق که یالکز نثر و شعرده دکل ، بتون صنایع نفیسه ده جبر
 طبیعت واختیار کلفت اک روح فرسا بر دشمن مغفلدر !

شعر بر ادیب حکمیه : « امان نه کوزل شعرلر ، عادتاً نثر
 کی !! » دیدیرتن وضوح ، موافقت ، منقحیت کی مزیات عمومیه
 ایله برابر بالخاصه طبیعتی تماماً حائز اولمیدر . واقعا بو مزیاته
 اقتراان ایله نثر ادبی دخی بعض کره شعر درجه سنده اعتلایاب
 اعجاز اوله بیایر ؛ و بر خطیب بلیغ موعظه حکمتی اک پارلاق
 تشبیهلر ، اک بدیع استعاره لر ، اک حیرت افز اطورلر ایله رتبه
 بالای بلاغته اعلا ایده بیلیر . فقط ینه شعر شعر ، نثر نثردر .
 و ، آره لرنده طی ایدلمسی پک مشکل بر کرداب عمیق واردر ! .
 بونی اثبات ایچون اک مقتدر واستاد نائرلرک اوفاق بر نشیده
 وجوده کتیر مکده کی عجز مضطربانه لرینی .. او زحمت مزعجه نی
 تیقن ایتک کافیدر . هرایکی قوتی مزج ایدنلر ایسه بختیاران
 فطرتدر !

« شعر منشور » دنیلن نوع مصنعه کلنجه : هیچ بر طرفه
 شمه تعریض اولمق سزین بیطرفی ناقلا نه ایله خبر ویره لم که بالطبع
 غربدن اقتباس ایتدیکمز و غربده پک کوزل نمونه لری بولنان
 بو اسلوب مدعیانه حقنده غرب خواجکان بلاغتی پک توجه کار

دکدر . آنی ذوقه رنجش آور اولان ، فکری اتعاب ایدن ساخته ، تصنع پردازانه برطور بیان اولمق اوزره تلقی ایدیورلر . لسانمزرده دخی صوک زمانلرک مدونات ادبیه سندن اوله رق بویولده برخیلی نفیس و مستثنی اثرلر واردر . لیکن بلاغتپروان غرب بو اسلوبی شائبه تصنع و تکلف ایله لیکه دار کوریورلر ویدیورلرکه : « بونلرده نه ناثر آرادینی جد و حکمتی ، نه شاعر اومدینی خیال و طراوتی بوله بیلیر . ید قدرت نصل که بتون مکوناتی بشقه بشقه رنگار ، بشقه بشقه زینتلر . بشقه بشقه لمعه لاله حصه دار محاسن ایتش ایسه محصولات فکریه یی ، محسوسات وجدانیه یی دخی اوילה جه رقت و جزالت .. خشونت و نرمی .. نزاکت و درشتیلری ایله متناسب تجملات شکلیه ایچنده تشهیر ایتک مقتضای ذوق سلیمدر . بروقت لاتینلر نثره [لسان راجل] عنوانی ویرمشلردی . بو تعبیر حقیقه بر جسته در ! چونکه نثر ، نه اولورسه اولسون ، راجلانه طی منازل ایدنجهیه قدر شعر ، سماوی قنادلری ایله عالم ملکوته عروج ایدوب کیدر »

فی الواقع (مقبر) مقدمه سی پک محاشم و بالا برنوحه سوزان اولمقله برابر :

اولسون سکا روح ازلی شمعۀ تربت

ای صف ملائک یا قیدشان قبرینه دیوار !

مجرهء اعجازی آنی بوی اخرویسنگ دود مشکینی ایله
بوغهرق زمین حیرتده براقیر .. بیت معمور جبروته طوغری
پرواز ایدوب کیدر



Rāsim, Ahmet

مختار خالد کلبانی

Tārīh ve muharriri

قسم تاریخی و اجتماعی

عدد : ۳

تاریخ و محرر

محرری

احمد راسم

صاحب و ناشری

مختار خالد کتابخانه سی — استانبول

۱۳۲۹

مختار خالد كيتابخانه سى

سلانيك مطبعه سى

لسان - تاریخ

بش قطعۂ ارضك الكاويناعی ، الكزیده آثار تلاش و فعالیت
کوسترنی . شبهه سز ، اوروپادر . ازمنۂ قدیمۂ تاریخیہ دن بری
بوقطعہ اوزرنده وقایع مهمۂ انسانیہ یکدیگری ولی ایتمکدن
خالی قلمامشدر . آسیا ، آفریقا صیرمسیلہ استیلا اردولری
یولایہرق اشغال و تخریبی ایلہ اوغراشدیغی کی بالذات کندی
سککنہ سی دخی بواسطیلاردن متولد عکس العمللرہ تابع اولہرق
آسیا و آفریقایہ . حتی آمریقایہ اردولر، دونانلر کوندرمشدر .
آسیادن کلن استیلا اردولرینک الک مهملرندن بری ده
عثمانی ہیئت حماسیدر . فقط اسلام ونصرانیتک آره سنده
ظہور ایدن عداوت کلیہ، بزم استیلامزده کی مقصدی تغیر
ایدہرت حکومتیزی اورویایہ بسبتون یبانجی تلقی ایتدیرمش ،

مثلا اسلاو پولتیقه سی ، استیلاسی ده عین صورتله واقع اولش
ایکن ضربک تمایلات و تعصبات دینه سی آنی بزمکنه نسبتله عادتاً
مهمل براقشدر .

طرز استیلامزه براز دقتلیجه باقائلر دیورلرکه :

(ترکلر فتح ایتدکلری مملکتلرده درین کوکلر صالما دیلر .
دیگر صرقلره منسوب اولان اقوامی تحت انقیاده آلدیلر ،
فقط محو ایتدیلر . وطنلرندن طرد ایله مدیلر . خلفای عباسیه
خدمتمنده بولندقلری (قرون وسطی) ده آناتولینک هانکی
یایلارلنده آرام کرین اولملر ایه یینه اوراده آرام ایتدیلر .
حالاده اکثریت آنلرده درلکن (بالقان) شبه جزیره سی خرسیتیا-
نلرله مسکون قالدی . زیرا ترکلرک استیلازلرنده هنوز حلیه
شان و معرفتدن معرا اولمیان بریونانس-تاندن باشقه برزمانلر
قدرت عسکریه سی (استانبول) قبوللرنده کوس-ترمش اولان بر
(صربییه) ایله بر (رومانیا) ، اون اوچنچی عصر میلادیده
(روم یزانس) ایمپراطورلغی یرینه اهل صلیمک قوردقلری (لاتین)
ایمپراطورلغی محو ایده جک قدر صاحب قوت بر (بلغارستان)
موجود ایدی . ترکلرک استیلاسی بوکنج حکومتلری بش عصر
نشو و نمادن محروم براقدی که عین حال (مغول) استیلاسیله
روسلمرده عارض اولمشیدی . سلاطین عثمانیه نک زیر حکومتلر-
نده یونان ، صرب ، بلغار و روملر محافظه مذهب و دیانت
ایتدیلرکه بو کیفیت بیوک برحریت موضعیه در . آنلرک محافظه
دیانت ایتملری تکرار میدانه چیقه جقلری حقنده برامید

وائق ایدی .)

شوطر ز مطالعه دن دخی آکلاشیلیور که ترک لک استیلا لر نده غایتله درین بر محافظه کارلق وار ایمش . شو حالده بزم (ویانه) قبولری اوکنده کورینیشمز، یاخود روسیه و لهستان ایچریلرینه طوغری صالدریشمز زمانک الجآت سیاسیہ سندن باشقه برشیلہ تفسیر اولنه ماز . اردولر مزده کی فعالیت مخصوصه دخی البته بویله بر پولتیقه نک تحریریکدر .

بز ، اوت ، محافظه کارانه یوریدک . اجانب ایله عادتاً کوروشمده . مناسبات اجنبیه لازم اولدیغی قدر اهمیت ویرمده . داخلده حکومت و اداره بی تنظیم ایتدجکه بوزدق ، بوزدجقه یامغه چالیشدق . بوحالک اک صوک نمونه سی سلطان غلوعک زمانده آشکار کوریلیر . بر عثمانلی فردینک شهر مزده مملکتندن فضله امتیازه مالک اولان بر اجنبی ایله کوروشمه سی ، حق سلام ویرمسی نفی واعدامی موجب بر جنایت اولمق اوزره تلقی ایدلدی ایدی . بوضعف اداره ، حکومتده کوریلن جبره توسل ایتمک حکومتسزلیکی، ملتک محکوم انقراض اولدیغی اعلان ایدیوردی . آنک ایچون قومشولر مزید ، دهادون زیر تابعیت مزده بولسان کوچک حکومتلری ده حقلی اوله رق شمارتدی . بز تاریخ مزید ده اونوتمش ایدک . نه مقالات سیاسیہ . مزده . نه ده مباحث عادیہ مزده عثمانلیلغک دور کالنه . زمان انحطاطنه ، تشکیلات اداریه سنه دائر حرف واحد یازمه مازدق . افسوس که اوآنه قدرده یازمامش ایدک . اروپا واقطار مدنیہ ده

بولسان علما وارباب تتبع بالذات تحريات وتدقيقاته بولنه رق
بزم تاريخ خصوصيمزى يازديلر. فقط نصل يازديلر؟ ايجلرندن
بر قاج منصف ظهور ايتمش اولديغى جهتله يازديلر ديسوب
كچيويه لم .

اسلاولر بويله ياماديلر . عين بزم بويون اكديكمز استبداده
محكوم اولدقلى حالد تاريخلرينى آراشديرديلر . اون يدنجى
عصرده يعنى (كوپرىلى بيوك محمد) پاشانك زمام اداره يى اله آلدغى
زمانلرده روسيه ده (تى يورى قرى پانيچ) نامنده بر قاتولىك
راهبى توره دى . بو ذات خروا استانده طوغمش بر صربى
ايدى . روماده كى (يونان قوللر) نده اكالم علوم ايتمش وكوچك
روسيه ده كائن (نى يه زين) شهرينه كلوب ١٦٦٠ تاريخلرنده
(كوچوك روسيه ليره نطق) نامنده بر رساله نشر ايله مشيدى .
حكومات مستبدانك شعائر مخصوصه سندن برى ده طوغرى
سويلينلى ازمك دكلى يا . (قرى پانيچ) ده شدت لسانيه .
سندن طولايى ياقه لايوب سيبرياده كى (طوبولسق) شهرينه سورديلر .
اوراده آلتى سنه قالدى . فقط بوش طورمادى . كتيخانه سنى
كتيرتدى . (روسيه) ديه بر تاريخ يازدى . چار (آلکسى)
وفات اينجه قورتولدى . قورتولدى اما روسلره (پانسلاويزم)
ديديكمز فكري ويردى .

(قرى پانيچ) اسلاو عنصرى اتحادينك برنجى مروجيدر ،
بو فكري ، او ميدانه قومش ، اولنجه يه قدر آنك تعمى ايجون
اوغراشمشدر . اسلاولره آره لرنده كى مناسبات صهرية وجنسيه نك

بقای موجودیتلری ایچون اڭ بیوک ضمان اولدیغنی سوبله مش
وبوسکه برابر دها ایکی مهم توصیهده بولمشدر .

بو ایکی توصیهدن بری : اسلاو لساننک اصلاح واکلی ،
دیگری اسلاو تاریخنک جمع و تلفیق و اتمامیدر . حق اسلاو
تاریخندن بحث ایتدیکی صیرهده دیورکه :

(اسلاو عنصری هنوز بر مؤرخ یتشدیرمه مشدر . آلمانلر
بو عنصر علییه ، بالخاصه روسلره قارشی بیک درلو افتزالر
یازمقدن خالی دکلردر) .

(قری پانیچ) بو توصیه لریله نه یایمق ایستوردی ؟ نه ایستیه جڭ ؟
اسلاو عرقنی شمالده آلمانلردن ، جنوبده ترکلردن قورتاروب
(لسان و تاریخ) سایه سنده مستقل بر قوم حالنه کتیرمک . فقط
عین زمانده بو عنصر ایچون حمایه سنی طلب ایتدیکی (چار) لڭ
ائف تکبری ده قیرمه چالیشیوردی . دیسوردی که :

(حکومتلر حکمدارلر ایچون یاسلاما مشدر . حکمدارلر
حکومتلر ایچون مقام سلطنته کتیرلشلردر) .



آز بر دقت نتیجه سنده آکلارز که بزده کیزی ، مبهم ،
فقط اولدجه مقنع برشی وار . حکومت ذاتاً استیلا پولتیقه سنی
ایکنجی (ویانه) محاصره سندن صوکره بر ایش ، یالکیز (عسکرک
بورتی حرب قرار) ویا (عسکرک کوزینی حرب آچار)
صورتلرنده اوله رق اختلالات داخلیه یی باصدیرمق ایچون
قولاندیغنی اساسسز پولتیقه یی - چونکه عظام اسلافک عسکری

عسکر ایدن انتظام وتر بيه در فکر عاليه سنی اونو تمشیدی - کنديسيه
برابر سور و کله مکّه باشلامشیدی . بز نه يادق ؟ هيچ . بزده
مورخ اوله رق کيمسه کوسه تریله مز . تاريخلر مز ميدانده .
لسانمزه کنگجه حالا بوزوق دوزن .

ايسته بو ايکی خزينه مليه دن محرومیت مز حسيله حالاتی
دستز . ایچمزده کی کیزی ، مبهم اولان شی ده بو محرومیتک
ویردیکی بر حس استرقا بدر . ملل متمدنده لسان ، تاريخ
دینلیمی ییغین ییغین مجلدات نفیسه چیقاریلیور . حتی « دولت
ومعرفی » منقرض اولمش اقوام آره سنده بیله تاريخی ، لسانی
موجود اولانلر واردر .

ایچمزده کی کیزی ومبهم اولان شی یالکمز حس استرقاب
دکلدر . بز مهاجمات استبداد ایله بر حاله کلش ایدک که حدود مز
محافظه ایتمکدن ، سیاست مزی آکلاتمق دن بیله عاجز ایدک .
کچمش زمانلرده کوکلر مزه طولمش اولان بوعجز ، بلمزی قالدیرمغه
باشلامیغمز شو زمانلرده بیله حال بز ی ترک ایتمیور . اوروپایی ،
آمریقایی براقلم ، قومشولر مزه باقلم : بلغارستان ، رومانی ،
صربییه ، قره طاغ ، یونان ، آوستریا ، روسیه ، ایتالیا بونلرک
جمله سی توسیع ممالک و منافع اغورنده کیجه لی کوندزولی چالیشیورلر .
هپسنگ ده چالیشمه سی - وقوع بولان ادعاره کوره - ایستیه رک
ایسته میه رک آزچوق بزم ضرر مزه وقوع بولیور . بز کیرپی کی
بوزولمش طور ییورز .

قیز میه لم ؛ حد تلن میه لم ، بویله یز .

(ذوق آنک مرصاد حکمتدن تماشاسنده در .)

کندی کندیمزه مع التأسف اعتراف ایتدیکمز شو حقایق
سیاسیه واجتماعیه دن حصه آلمورمی یز ؛ آلیورز . تشبثات
جدیده مزك خیرلی و نافع جهتلری یواش یواش کورینیور .
بوکا شکر ایتلی . فقط ادوار سالفه نك بالخاصه جهت مساعیه
معطوف اولان (وقف و سکون) احساساتی دها لایقیله
اوزرمزدن مندفع اوله میور .

بونک اک برنجی سببی اوقومادیغمزدر . برملتک تزايد
عرفان و مزیتنه صورت دائمده (مطبوعات) شهادت ایدر .
مطبوعاتدن مقصدم غزته ، رساله ، مجموعه موقوته ، کتاب
وامثالی تربیه ذهنیه واسطه لریدر . ایکی سنه ظرفنده کتابجیلق
بلکه بش اون ورطه افلاس آتلاتدی . آثار منتشره یه رغبت
چو غالمدقجه بزده کی غفلت و سکونده آزالماز . کرچه پک محق
اوله رق سویلندیکنه کوره بو آثار آرمسنده شایان مطالعه
اولانلر نوادر دن معدوددر ، لکن :

(معرفت التفاته تابعدر)

حکمتی ده قارئین اونو تاملیدرلر . بز آثار منتشره یه رغبت
ایتدیکه (تاریخ) و (لسان) بختلرینی ایلری یه کوتوره بیلیرز .
بو ایکی بحث که بزم حیات ملیه مزه طوغریدن طوغری یه
متعاقدر ، تألیفات جسیمه شکننده عرض اندام ایده جک محصولات
وتبعاتدن اولمق حسبیله بونلری درلیوب طوپلایدرق جمع ونشر
ایتمکده وقتک ، نقدک ، رغبتک تأثیرات کلیه سی اولدیغنی اصلا

ذهندن چیقار ماملیدر . ملت (خصوصی تشویق اعانه) لر یله بو کی
آثار مفیده نك میدانہ چیقمه سنہ دلالت ایدہ بیلیر . باشقه ملتلی
صاحب نفوذ و مدنیت ایدن بو کی تشبثات خیریہ دن اك زیاده
بزم عبرت آلمقلمغمز - حال وزمان ایجاباتندن اوله رق - لازم
کلیور .

ملاحیة تاریخیه

بزده لمیات

۱۱۷۲ تاریخنده (سلطان مصطفی خان) ثالثك « هبة الله »
سلطان نامیله بر قیزی دنیا یه ککش و بو مناسبت ساره ایله پای تختده
اون کون اون کیجه شنك ایدلمش ایدی . تاریخلر من ایجه
مطالعه ایدیله جك اولور سه عمومی شنك و دوناتمارك یا فتح
و ظفری متعاقب ویا خود ولادت ، ختان ، ولیمه و ازدواج
مراسمی وقوعی اثناسنده اجرا ایدلدیکی آکلاشیلیر . حتی
« هبة الله » سلطانك ولادتی حسبیلله اجرا ایدیلن سمر عمومی
« ولادتنامه هایون » عنوانی آلتنده و بر رساله شکانده قلمه
آلمش اولان شاعر مشهور « حشمت » مقدمه سنده :

« بر مقتضای حکمت کامله حضرت جهان آفرین ، امامه
سبحه هزار دانه سنین اولان سنه سنه هجرت علیه نك ۱۱۴۳ نجی

تاریخندن یتش برسالنه کلاجه مدار قوام سلطنت و شعار دوام
دولت اولان سالله سلسله عثمانیه نك عدم ظهوری نوبنو
تخدیش دماغ عاقبت اندیشان ، بیاکه تشویش دل عالمیان ایدوب
کرك مرحوم رحمت آلود سلطان محمود حضر تترینك وك ك
مغفور جنتمکان سلطان عثمان حضر تترینك لوله سر چشمه
رجولیتلری اساله سلسال تناسل ایتهدن خشکیده وعاطل و جناب
پادشاه عالیجاه «لم یخذ ...» سرینه واصل اولمغلهذ کور و ناندن
نه بر ورد مطراونه بر فدان دل آرا یتشدرمك روضه پیرای
تیسر و امکان اولدی)

دیدکن صکرة اودورده خلقك مأیو-یتنی تصویر وبر از
آشاعیسنده دخی :

(از جمله عالی و ادانینك مقدمه ایسکاری و مطمح انظار
انتظاری اولان امر ولادتك ترقب و تحسری ایله عالم داغ بردل
و خواب، راحت دیده اولی الابصاردن مضمحل ایکن ظهور
مترادف السرور عطای واهب الآمال ایله سبحة دردانه کسسته
تار نسب عثمانیه واسطة العقد اتصال اولان باعث آرایش عالم ،
بادی آسایش ندام ، قره عین سلطان جهان سعادتلو میمنتلو
هبة الله سلطان افندمز حضر تلری آغوش پیرای قابله شهود
ومهد آرای عالم وجود اولدقلری ..)

زمیننده اظهار مسرت ایلیمرك (عادت دیرینه شان وشوكت
دولت علیه اوزره تدارك لوازم شهر آیین و اوتهدن برو اقتضا
ایدن محللر زیب وزیرور دوناما ایله تزین اولمغه فرمان شوق

رسان پادشاهی صادر بیورلمغله « قیدینی علاوه ایدیور .

وقعه نویس « احمد واصف » افندینک ۱۱۶۶ دن ۱۱۹۳ سنه سنه قدر یازدینی تاریخده دخی بووقعه ولادت امثالنه نسبتله مفصلاً مبسوطدر . « تاریخ واصف » ده لعبیات حقمنده یالکیز برایکی فقره نصلسه محرردر . بوققره لر :

« هرکوشه ده صدای طبل وسورنا وهرطرفده نوای چنک وششتا صفا بخش قلوب پیر وبرنا اولوب شعبده بازان سامری حرفت، اظهار صنایع غریبه الاشکال ایله هوشربای نوع انسانی ورقاصان متناسب الاعضا تحریک اندام دلکش خرام ایله دلمر-دکان انامه افاضه روح ثانی « جمله لریله « پاشا قپوسی دخی رنک آمیز قندیلرر و هیاکل غریبه و تمایل عجیه ایله آراسته اولمش آویزه لرله زینت یاب وباخصوص درون ویرونی قنادیل مختلفه الا-لوان ایله نیکارنده بر جامع لطیف اختراع اولوب صراح دلفری حیرت رسان اذهان اولوالالباب اولوب خاتمه ایام دونماده اولان اصناف آلایلری دخی ترتیب وتنظیم وهر صنف، حرفتی اقتضاسنه کوره آلائی کوستروب بوندن صکره دخی دکیز دونمائی تنبیه اولتوب صالرر اوزرنده صور عجیه ایجاد و انواع بحری وپوسکورمه وچرخ فلك رسمنده مصنوع نوپیدا فشنکار محل بمحل ایقاد اولتوب هراوجاغ برکیچه اجرای صنعت ایله دونمائی غایت ویرلیدکندن بشقه...) جمله لرندن متشکلدر که بونلردن منفهم ولان شکل وصورت غایتله مهملدر . مع هذا جناب حق « حشمت » دن راضی اولسون . رساله سنده بو عظیم دونمائی بزه همان اطرافیه

بیلدیریور . باخصوص اون ایکنجی عصر هجری اثناسنده پای
تخت احوال معیشتی حقنده پک معنای معلومات ویریور .
احوال سابقه اجتماعیه مزه دائر الله ایدیلن بونوع معلومات
ایسه تاریخ ملیمنز نقطه نظرندن مهمدر . بودونانما مناسبتیه
وجوده کتیریلن آثار صنایعیه واصناف آلائی کچیدنده منظور
اولان قیافتلر دخی بواهمیتی قات قات آرتیرر . تاریخ شناسانمزک
بو کبی مواده پک زیاده کوجاسکله دسترس اولدقلری معلوم
واوروپا مؤرخلرینک تدقیقاتی ایسه کوردیکمز نمونه لره نظراً
غایتله ناقص اولوب وحقی اکثریسی ده موهومدر . بناء علیه (تاریخ
واصف) ده کوردیکمز پارچه لر ایله «حشمت»ک تصویراتی قسماً
اختصار و قسماً عیناً درج ایلیورم :

هبة الله سلطانك ولادتندن اوتوز قرق کون مقدم بدستان
کتخدالرینه خبر ویرلمش . دکانلرده نه قدر آویزه و تزینات
وارایسه احضارایدلمش . شهر آیین اربابندن اولان رجال و اوجاق
آغلاری ده داعیه رقابت ایله کیزلی کیزلی تدارکاتده بولمشلر . فقیر
وغنی هرکس قبولرینی ، پنجره لرینی قندیلارله دوناتمغه آماده
اولمشلر . زورنالر ، داوولر ، چنک ، ششتا دینیلن ساز اربابی ،
کوچکلر خبردار . اودورده آویزه و آینه مودا اولدینی ایچون
تجملات عمومیه ده ک زیاده بونلره اهمیت عطف اولیور . (حشمت)ه
کوره : طوب قبوسر اینک (باب هایون) ویا (باب السعاده) دینیلن
قبوسنک اوکنه درونی « نیجه کرانها آویزه قندیل و آینه لرله
تزین و تنویر ایدلمش برطاق قورولمش . بوطاقلک صاغ طرفنده

« طاهره » خزینه‌سندن « خاص فرون » قپوسنه وارنجه‌یه قدر
 « خسته‌لر قپوسی » و « دوزمه قپو » تعبیر اولنان محللر وصول طرفنده‌کی
 اودون انبارندن خاص آخور قپوسنه قدر « جبه‌خانه اندرون »
 ضربخانه و شهر امینی انبارلری قپو و دیوارلری سیم وزردن
 « مصنوع و مطلا ، اشکال خورشید مثال » آغیر پارلاق قاشلرله
 دونادلینی کی « فلاندره » شکننده بایراق‌لرله ده آیرنجه تزین
 و قندیللر ایله تنویر ایدلمش . (اورتہ قپو) دینیلن ال‌بیوک
 قیونک ایکی طرفنده کیر آینه‌لر ، نادید آویزه‌لر تعلیق و سرای
 هایون داخلی ، کیلارلی ، سفرلی ، خزینہلی ، خاص او طہلری ،
 سرای دروننده کی قصر مکملآ تزین و باخصوص اندرون
 هایونده کی صفہ‌یه فلاندره‌لر کشیده‌سی ایچون ستونلر رکز
 اولنه‌رق ستونلرک باشلرینه « مبارک‌باد » رسمنده ماهیه‌لر ترتیب
 قلمش .

« تاریخ واصف » ده بوجہت شویله تصویر اولنیور :
 (سرای هایونده دخی ترتیب لوازم سرور و شادی قیلنوب
 خانه خاصه و کیلار و سفرلی دائره‌لری آویزه‌لر یا پیکر و انواع
 زر و زیور ایله تزین اولدیغندن باشقه طوپ قپو و انجولی آغا
 باغچه‌سی کوشک‌لری و باب السعاده و ادرنه قپو و سائر محللر
 نمونه نمای نکار خانه چین و باخصوص باب هایون اتصانده‌زر
 دوز بر قطعه سایبان نصب و عمارت دیوارندن سرای میدانہ
 طوغری ایکی یوز مقداری و باب هایون درونندن باب السعاده‌یه
 وارنجه‌یه دک درت یوز مقداری مشعللر . . . و قپو آرالری بلور

آویزملر و بحساب قندیللر ویمین ویسارده شمعدانلی برقاچ یوز
کییر و صغیر اندام آینه سی الخ . . .)

و کلا، رجال، امر او علما صنوفنک خانه لریله سوقاق، چارشو
و بازارلرک تزیناتی حقنده صرف تزینات لفظیه دن ماعدا برشی
کور نمور سده «حشمت» بوجهته اصابت ایدن تصویرنده: (ولیلأ
ونهاراً قبولین مکشوف و مفتوح ایدوب حولیلری درونترینه
برز سریر و سمیع الصدر اختراع و ایجاد و کیمی فوارملی رخام
تراشیده دن مطروح صادر و ان فسقیه لر و اطرافنده نشیمن
و مقصوره لر احداث و بنیاد ایلوب)

دیور، مفروشاته و مصارفه کلنجه: (سندسی قماش (و) عبقری
نقوش) و (دیبا (و) زر بفت (و) استوفه) و هر خانه ده ایکیشرا و چر
فلاندره رسمنده بایراق بولندیغی، صدر زمان (راغب پاشا)
مرحومک تزینات و فیره دن ماعدا یکرمی بیک «اسدی» صرف
ایلیوب دونما مدتجه (بش بیک قیه روغن زیت هضمکرده
حوصله قنادیل) اولدیغی، حشمت اقرانی اول نلرک بیله بو
اغورده بیک، بیک بش یوز غروشدن نقصان صرفیاتده بولمقدقلری،
پادشاهک ایسه دونماک بدایتدن نهایتنه کلنجه بش یوزاللی کیسه
آچقه سی کیتدیکی آکلاشیلور .

شهرک تزیناتی حقنده ینه (حشمت) :

(جواهر بدستانک درونی طاق سقفندن زمینه وارنجه
دیباى زرتار زیبا ایله در و دیواری کسوه پوش زر بفت زیننده
نقوش اولمغله برابر از جمله کموش تلدن برقفس دروننه ایکی اوچ

بیك كیسہ لك مجوہرات وضع اولہرق كیتخدا دولابنك اوكنہ
وضع ایدلیكنی (حكاہ ایدیور .

ہبہاہ سلطانك ولادتنی تبشیر ایدن منادیلر شہرك ہرطرفی
طولاشدقدن ومراسم تبریکہ اجرا قلندقدن صكرہ شہر آیین
اجرا ایدلمشدر .

حشمت بوشہر آیینی معلوم خواص وعوام اولان مشرب
شوخی پرستانہسنہ موافق اولہرق یازیور . تصویراتندہ بربر
منظور اولان فقرات لطیفہ بروجہ آتیدر :

— رقاصانك كیمی طائفۂ نسایہ مختصہ البسۂ شہوت انکیز
ایلہ وکیمی قامت رقصہ مخصوص قیافت قیامت خیز ایلہ خانہبخانہ
جنبش ومحل محل نمایش ایدرك . . .

— ہربر اصناف صنعتلرینہ مناسب وملایم رنگارنگ البسۂ
نقش بوقلمون برلہ نیجہ اطوار غریبہ ومضحکہ ونیجہ اشكال
قہقہہ فرما اختیار واختراعیلہ برقاعدہ آایلر ترتیب ایدوب مثلاً
مجلدین وكاغدجیان الوان كاغدلدن جبہ وشیکلاہلر وباشلرندہ
عجیب الہیکل قلنسوہلر ودرلو درلو بایراقلر وفنرلرلہ وخفافان
دخی سختیان ومشیندن لباسلر ایلہ وكوركییلر كونا كونا پوستلر
ایلہ كیمی آیو شكلنہ وكیمی قورد وكلاب ہیئتنہ تشكیل ایدوب
وسائر اصناف دخی صنیعہسنہ متعلق اشكال عجیبۂ التمثال ایلہ نادیدہ
صورتلرہ كیروب . . . (آلائی كوشکی) تعمیر اولنان قصر پر نصر
ہایونك آلتندہ گذران

— سرای والای صدر اعظمیدہ رسن باز جانبازلروزور .

بازلر پیوسته جنك و چغانه و کیچه لرنده خیال بازلر وساز و سوز
و پیدرپی مهترخانه ایله غاغله سرور و شادمانی عکس اندازطاس
آسمانی اولوب رامشگران خوش الحان و مطربان موسیقی شناسان
ضرب اصول اغانی و غوانی . . .

— و هر بر خانه نعم ذوق و صفا ایله بیت معمور اولوب ترسانه
عامرده و طویخانه معموره ده و آغا قپوسنده وجهه خانه ده و کمر-
کلرده دوام اوزره قول قول چنکیلر . . .

شو تصویر اتدن دخی آ کلاشیایور که لعبیات هر طرفه
هان یکدیگرینک عینی اولوب اورته او یونی ویا خود
آنی آ کدیره حق تماشاالر مفقوددر . فقط مسخره لغه کلانچه
صاحب رساله بوبابده بزه برایکی نمونه کوستریور. آنک روایتنه
کوره: شقاچی بری باشنه بردستار ، صیرتنه هزار رنگ بر فراجه
کیه رنک اکر ویا سمرنده کی غریب و تحف نقوش ایله خر دجاله
دوندر دیکی بر مرکبه بینمش ، یانسه اللری دکنکلی اون بش
یکرمی قدر ظییر حریفار آلمش ، بو حریفارک باشلرنده کاغددن
یا پلمش ، یکی چری کچه سنه مشابه کلاهلر وار ایمش . بونلر
ایکیشر ایکیشر رکابنده کیتمکده لر ایکن او کده بری ترازو چکمکده
و آرقده دخی دیگر بری فلقه دکنک کو تورمکده اولوب کویا
دونا نما محتسبی ایمش کی اطرافه آهسته آهسته سلام ویریر ،
طرف طرف طولا شهرق دکانلر اوکنده توقف ایتدجه اکشی
بر صورتله خطاب ایدم رک علی قول حشمت دیر ایمش که :

— « باقک آدملر ، بن محتسب دونانمایم و حوایح اصلیه

دو نمائک نقصان و قصورینی تجسس و تفتیشه اقدام نمایم . بن
سزک ایچون خواب و راحت می ترک ایتدم . کیجه و کوندوز آت
واشک بویننه دوشدم . باقهیم ذوق و صفا کر تمام می؟ زنهار
ذوقیاته متعلق بر نسنهیی اکسیک ایشله میک . صکره پشیان
اولورسکز . اولا قرمان قیونی کی دنباله دار کورپه قوزییه
بکزر محبوب دل آشوب تازد لر قناره آغوش کزدن اکسیک
اولسون . دم بدم غلی باغلی الفته و لب و لب طاتلی صحبت
قوام و یروب بووقتی غیری وقته قیاس ایتیموب صرتکزده کی
لباسی اوجوز بها ایله صاتک ده ذوقیاته ویرک ، تک همان ذوقکر
تمام اولسون . کورهیم سزی . بن سزک ایچون سعی ایدرم .
مراد و مقصودم بو ایامده ذوق و صفایه آلدیروبده دو نمای
هایون ختامندن صکره سزله خاص الخاص طباق ییدیرمه در
دیوبسط مقالات نظام شهر آیین ایدرکن محتسب مزبور «سنجیده»
ترازوی چشان نکه سنجانی اولان جبهه سی پر نور ، دیده سی
نخور . کردنی کافور ، ساعدی بلور ، کل یناقلی ، کراس
دوداقلی ، انجو دیشلی ، درلو درلو سویلیشلی ، بالاقد ، رعناخد ،
مهوشان و پری طلعتانه ده جلوه یز خطاب اولوب «دیرکه :

— باقک ای گروه نازنین وای چراغان شبستان شهر آیین
اولان چلبیلم و قوزولرم ، سزه بندن تنبیه و نصیحت ، اولا
عاشق بیچاره لر کزه کندیکزی درهم درهم صاتمیک و افتاده لر کزی
آلداتمیک . علی پاشا ترخنه رعایت ایدک . و پیران هوایه حرمت
ایدک ، میوه وصلی ارزان و شفتالوی رایکان ویرک و ایشکزی

باعدن صاغه کوروب بر برلریکزله قوری نزاع ایلک .
 حشمتک هوادارانی اوتهدن بری مشهوردر . شهر آیین
 صیالاتنده ایسه بونک قدماً مستهجن انواعی وارددر . فقط
 مانک اهویات و مطایباتی حقنده بر فکر مخصوص ویردیکی جهته
 نه بر درجهیه قدر قیمتدار صایلیر .

بالادهکی توصیفک نرملره قدر اینهجکی قارئنه البته معلوم
 و ملشد .

« رمال مضحک المقال » دیه تصویر ابتدیکی مسخره دیه
 لایحه :

بو حریف باشنه اوزوم کوفه سندن مصنوع قفس بردستار ،
 سرته بزم قومشو چاتلادان دیدیکمز بیک برپارهلی برخرقه
 کیش ، بلنه قلمسز ، مرکبمز بر دیویت طاقش ، قوینده
 غنچه یازچهلری طولدیرمش . بوده چهارسوار . بونک یاننده
 ازمهلی بش آلتی ایرغاد . آتی یدی نفر « کورک بردوشان
 کوه اندازان » وار . چارشو بازار طولاشیور . نروده مرمر
 وشهلی برحولی ، سوسلی ، منتظم بردکان کوررسه اشکی او طرفه
 چویروب یاننده کیلر قازمه کورکلرینه طیانقلری حلاله خطاب
 یدیور .

دیورکه :

— بنرمال ، نروده بردفینه وارسه کشف ایدرم . بوراده
 ردهانه وار . فقط اوتهدن بری « خلقت خیشه مز مقتضاسنجه
 آباواجدادمدن واقربا واستادمدن کسب ایشدیکم یعنی آلتونه

ياپيشورسهك طوپراق اولسون ديو آلدیغ دغانك اثری همه
بنده جلوه كردد ، لكن هله باقهلم دفينه بو محله نره لرده در
ديه قلميله كاغدر اوزرينه نقطه لر آتقدن صكره حولينا
ويادكانك اك كوزل دوشه لی محله رینی قازدير مغه قیام ایدیور
بونك اوزرينه ینه توصیف «حشمت» اوزره سکان خانه ودكا
دخی برطور رمال

— چلبی، نه یاپیورسك؟ خانما نیزی خراب و قالدير ملر من:
رخنه یاب ایتدك . دیدكارنده رمال طرفه مقال دخی :
— بهی جانم ، نه طوره یم؟ بو خصوصه هیچ صبر و قرا
اولنور می؟ زو كوردلك جانمزه كار ایتدی. كچه سنك خانه ك
ییقیلور اما بز یاسیلوروز.

وامثالی سوزلر سویلدكن صكره آچه آیوركه بو مناسبت
خاطر مه بزم دور سابقده کی شهر آیین مخبرلرینك حاللری كادی
اوزمانك نیم طولاندير ییغیلغه بکزمین تحفله قلدن برینی د
«حشمت» دونما ناظری حکایه سنده آکلادیور :

(مهیب اللقا ، عریض القفا ، دراز ریش ، بذله اندیش
کران رفتار ، اندك گفتار ، مجسم و مشکل ، عجیب هیکل
باشنه منظار شککنده بردستار پریشانه و ظهرینه سمور و نافه
بکزر برفروء فراجة کبارانه کیوب منتظم الشکل والقیافه بردابه
سوار واون بش یکر می نفر چوقدار هیئتنده قلاشان چاپك
پایان) بولندیغی سویلدیکی بو حریف اوکده ایکی بیوک فنسار
چکر دیگر بر حریف اولدیغی حالدو دونما ناظری یم دیه کزیور

رکن بر بر دکانک اوکنده طور یور ، دکان صاحبی
اغیرتیور ، مؤاخذه یولنده :

— شورایه کل . سن نه شکل بر بر سک ؟ هیچ سن باشکدن
ر قامیسک ؟ قی سنک سیننه سی آینه دن صاف ، کردنی نور
جردن شفاف ، بازولری ، بیلک لری سیمین . غمزه لری استره وش
سکین ، ابروانی تیغ و خنجر ، مژکانی برر نیشت ، سروسیم
دام کی محبوب دلارام شاگردلرک نزهیه کیمدی ؟ بویله آینه سز
بر دکانی اولورمی ؟ اولاباشدن کلن مشتریلر نیه باقسون ؟ ونقدینه
مانی نزهیه براقسون ؟ شمدی سنک صاچک و صقالک تراش
دوب ترسانه یه کوندرسه م بنم قیل قدر جرم وارمیدر ؟ سویله
قیم باری هیچ اولمازسه بر ایکی محبوب خط آور تدارکیله
طرافه صقال باشی طاغتمیوب بو اوقات فرح انکیزی باشدن
ماومق لازمیدر ؟ وبوندن بشقه سن نیچون قندیللرینی روشن
لبریز روغن ایتمک وشو محله یکرمی بش قندیل آویزان اولمی
کن نیچون اون بش قندیل فروزان ایلدک . و قیللرینی نیچون
رتبه ایجه یاپدک

وامشالی تهدیداتده بولنیور . آندن صکره عونو سنک رجاسیله
قوایدیورده « هله بو کیجه لک خوش کچسون اما طاقه مزه
مقدار خرج ویرده عرضکی صاتون آل . »

دیوب بر قاچ پاره قوپارییور .

حشمت بونی تحفلق اولوق اوزره یازمش ایسه ده بزبونک
شال عدیده سنی مقتول فهیم پاشا وعونه سی ایله مقلدین ارکانی

آدم لرنده کوردیکمزی الآن تخطر ایله بیلیرز .

کله لم بچمزه : دیمک اون ایکنجی عصر هجری اواسط
واواخرنده دخی لعیبات عمومیه من مارالذکر تفصیلاتده مندر
متفرق واکثریسی سازه سوزه وبر قسمی صنایعه عائدشیلرد
عبارتدر . مع هذا « رساله حشمت » ده بر فصل مخصوص د
وارکه آنی ده اهمیت اجتماعیه منه مبنی آریجه یازده جغز .

— ۲ —

المزده بولان برقاج اثره نظراً اون برنجی ، اون ایکنجی
عصر هجریده لعیبات نامنه موجود اولان طاقمر : خواننده
مطرب ، مقلد ، رقاص ، خیالی ، قوقله باز ، حقه باز ، جابجا
والحاصل آخرینه « باز » کله فارسیه سنک علاوه سیله خاص
اولان: زور باز ، کوزه باز ، چناق باز ، سینی باز ، کاسه بز ، ای
پرنده ، شیشه ، قدح ، بیضه ، کاغد ، کوله ، یوارلاق ، آینه
چرخ ، شمیر ، مایمون ، کوپک ، آبی ، حمار ، ییلان با
وامثالندن عبارتدر .

بوعصر لرده تربیه حیواناتک براهیت مخصوصه کسب ایتدی
مایمون ، کوپک ، آبی ، اشک اوینادیله سندن آکلاشیلور
شرقه اوده دن بری خروس ، قوچ ، دوه دوکوشدرمک
شاهین وطوغان ایله اولامق اعتیاد اتدندر . مایمون ایله آبی
اویناتمق بلکه نادرأ کورلمشدر . اوروپادن کله قومپانیاز بالطن
بچمزه داخل اوله ماز . خواننده و مطرب حقنده دسترس

اولدیغمز معلومات ده پک ناقصدر .

« نعمان » اون برنجی عصرک اوائلنده (۱۰۳۲) جالس
تخت عثمانی اولان (سلطان مراد رابع) دن بحث ایتدیکی
صیرده : (کندولری تازه لکندده اورنک نشین خاقانی اولوب
هوا وهوس زمام اختیاری الدن آلوب سوء قرین امدادیه
رتبه لرینه لایق اولمیان نیجه اموره مصدر اولدیلر . محبتلرنده
ابتدا اهل کمال اولسه سلف پادشاهلرینی اونوتدیرلر ایدی .
باین جمله زمانمزه آنلر قدر برپادشاه عالیجاه کورلمدی . قوت
ید و شدت بطشده یکانه واستعمال سلاح و آلات ضرب و حربده
مفرد زمانه ایدی . (موسی) پاشادن منقولدرکه حرم هایونده
ساحدارلقلری خدمتده ایکن نیجه دفعه : کل ساحدار دیوب
المریله قوشاغندن قالدیروب ساحدار دخی برجسیم وعظیم پهلوان
یکیت ایکن برالمریله باشلری اوزرنده طوتوب خاص اوطه یی
دور ایدرلردی . نیجه رفع ایدرلر ایسه ینه او یله قالدیروب
قوللرینه قنور گلزدی . و اوق و حربده و جرید ایل برقاچ قالقانی
دملک و براوروشده مرکبی ایکی یه بولمک و ایکی یوز قیه کرزی
صالمق کی زور آور هنرلی واردر . اسکی سرایدن آتقلری
جرید سلطان (بایزید ولی) جامی منارده سی دینه و حلب قلعه سندن
آتقلری ده خندق کچوب سراجخانه اوزرینه دوشدی .
ایمینه ده نشان دیکلوب تاریخ یازدیلر . (موصل) ده هندایاچیسی
فیل قولاغندن کرکدان پوستی قاپلانمش برسر کتوروب اوق
وتفنک کارایمز اعتقادیه لاف اورمش ایدی . قارشولرینه کتوروب

اولا قیصہ برال مزرعا آتوب دلایلر . ثانیاً براوق صالیدر دیلر .
اودخی بی تردد کجدی . بعدہ سپر مزبوری «فلوری» ایله طو لدیروب
ایلیچی به کوندر دیلر . (دیور که ترجمه حال مشار الیه مصروف
اولان بوجل توصیفیه ایچنده ایلك جمله لر شایان دقندر . هوا
وهوس تعبیری خاقان مرحومك خواننده ، مطرب و رقاصه
میلی اولدینی حقنده کی روایتلری تأیید ایدیور .

« اولیا چلبی » سیاحت نامه سنده ده میل مراد رابعی تأکید
ایده جك فقره لر واردر . از جمله خواننده « توقاتلی درویش
عمر کاشنی » حقنده یازدینی سطرلرده مرحومك « سکا »
مقامنه مائل اولدینی و خواننده « درویش عمر » كده سکا هده
نه قدر « کار ، نقش ، صوت ، ذکر ، زجل ، تصنیفات ،
قوللر ، شریقات ، ارفیات » وار ایسه جمله سنی او قودینی
بیلدیریور . بوندن ماعدا « اصناف شعبده بازان » فصلنده دخی
مشهور « سمور قاش » قولندن دم اوردینی ائنده خاتمه اوله رق
کندیسنه مخصوص طور مبالغه ایله (دکل سلطنت آل عثمانده ،
بلکه هبوط آدمدن بری روی ارضده حاکم اولان جانلرك
برینك دائره سنده بویله خواننده و سازنده کورلمه مشدر . بو
سلطنت ، بوشهرت مخصوصه مرادخان رابعدر) دیور .

سمور قاش قولی - چلمینك تعریفنه کوره - ایکی یوز
موسوی او یونجیدن متشکل جسم بر او یون هیئت اولوب حقه ،
صراخی ، دستی ، قدح ، سینی ، خیال اوینادیرلر ، آتش بازلق ،
کولله بازلق ایدرلر ، لسان عوامده « نقله » دینیلن بالمومندن

یا بلش آغاج و سائرہ رسم بلہ اکلندیر لر دی . بو طاقک چنکانہ لر
ایله آرمسی آچیق اولدیغندن دائمًا بونلره تعریضاتده بونور لر مش .
حتی اک مشهور اویونلری بر قبطی قاریسنک بر موسویله معاشقه
و معانقه ایتدیکی کورلمه سی اوزرینه هر ایکسینک طو تولدیغنی ،
هر ایکسینه اشکنجه ایدلیکی مصور اولان اویون ایمش که
نتیجه ده قاری به تمیز لنه مش بر اشکنبه کیدیر یلوب اشکه ترس
بیندیر یلیر و یهودی دیگر بر اشکه ارکاب ایدیلوب سیاسته
کوتور یلیر مش .

چلبی دیورکه : (بونلر کچدکلرنده برهای وهوی تقلید
اولورکه آدم کولمدهن قاتیلیر .)

سلطان (مراد رابع) ک حضورنده اوینایان و نائل احسان
اولان قوللردن بری ده « چلبی » قولی دیه معروفدر . بو قول
ایکی یوزکشیدن مرکب اولوب سرچشمه لری یعنی قول باشیلری
« چلبی » نامنده بری ایمش . بی چاره مالنی ، ملکنی ، واریخی ،
خاتمانی کوکلیله برابر بر دلبره ویره رک تهی دست قالمش وزمانزده
صحنه عالمه دوشمش میراث یدیلر من کبی تشبث شخصیدن محروم
اولدینی ایچون وقتک اک ماهر خواننده و سازنده سنی ،
مضحک لرنی باشنه طویلا یوب کندی باشنه بر قول دوزمشدر .

اصناف شعبده بازانک سیاحت نامه ده مندرج عددی اون
ایکیدر . بونلر ، اولجه دخی یازمش اولدیغمز و جهله سور
هایون ، فتح و ظفر وقوغنده و یاخود رجال و کباردن برینک
سور توجیه وختاننده چاغیر یلیرلر ایمش که بو عادت زمانزده

باقیدر . کیجه لکری بر کیسه یعنی بش یوزغروش اولوب
دف ایله پارسا طوپلامق صورتیله بیکه ابلاغ ایتدکری واقع
ایمش .

اوزمانر موجود اولوب پارپول ، احمد ، شهر اوغلانی ،
قیوجی اوغلی عثمان سروری ، بابانازی ، زمردچلی ، عقیده ،
جواهر ، یتاق اوغلی ، خاشونه ، سمور قاش قوللاری نامریله
اشتهار ایتمش اولان بو اون ایکی قول تدقیق ایدیله جک
اولورسه افرادی میاننده قبضی . روم ، یهودی ، ارمنی ،
مسلم افراد کورینور .

سلطان (ابراهیم) خانک پسندیدسی اولان بر قول دها
واردرکه « عقیده » قولى نامیله مشهوردر .

عقیده قولنک باشی (پهلوان ایوب) نامنده شاعر ، کاتب
عارف ، ظریف ، خواننده و سیاح بر ذات اولوب بو قولی
اوچ بیک ریال صرفیله میدان کتیرمش و عرفان و درایتی حسیله
ارباب معارفی باشنه طوپلامشدر . بو جهتله عقیده قولى اوروپاده
اولدینی کی - زماننک عرفا و ظرافتندن مرکب اولیور .

مع هذا بو قوللری رغبت عامیه مظهر ایدن تقلیددن زیاده
او دورک « کوچک اویناتمه » مراقی اولدیغنده شبهه یوقدر .
شرقد رقص پک قدیمدر . بزده ایسه بوقدم زمانمزه قدر دوام
ایدمرک عادات ماضیه مزله اویناق بر ارتباط حاصل ایلور .
هر قولده خواننده ، سازنده ، رقص بولنق شرط اولدیغندن
زمانک میل شهوانیمی اندامیله عیان اولیور . (چلی) بو

رقاصلری صایار کن عادتاً آغزی صولانیرجه سنه تمیحاتدم بولنیور .
 بعضیلرینه « آفتاب مثال » بعضیلرینه « لوندانه » کسیم چیم پرند
 مکمل ، نرکس کوزلو « دیدیکی کبی بعضیلری ایچونده » نیجه
 جانلری اسیر ایتمش « و « طاوس باغ ارم کبی جولان و رفتار
 ایتدکلرند آدم دم بسته اولوب اولدم مفتون اولور » ، « کورن
 افتادملر واله وحیران قلهرق هر گوشه دن صدای هو ایله خانه
 سور پرسرور اولور » ، « شهر استانبولی ولوله یه ویره رک
 نیجه لرینک مال و منالئی ییوب قوری حصیر اوستندده عاجز
 قومش لردر ، قیدلرینی علاوه ایلور .

تعریفاته نظراً دیبادن ، صیرمه لی استوفه دن چار قباب
 یعنی دوت قبه دنیلن اتمکلیکلر کیملر و طرز عجم اوزره دخی
 رقص ایدرلر مش . چار قباب اتمکلیکلره براز اول دخی تصادف
 اولنیوردی . بونلرک اسملرندن صکره کلن « شاد » کله سنک
 وجه اضافه سنی بردرلو آکلایه مادم . اسائی رقاصان آرهنده :
 کویله ی آیوازشاه ، صاچلی رمضان شاه ، شکر شاه ، سوکلون
 شاه . جان می شاه ، ظالم شاه ، فتنه شاه ، نازی شاه ، آرسلان
 شاه حالب نظر دقتدر . مع هذا (شاه) کله سی صرف مسلمان
 رقاصلره مضاف اولوب دیگرلری روشنفقو ، سنیور یاقو ، سمور
 قاش ، دیمترکی ، نفرکی ، ینکی دیه اسملریله یادایدلمکده در .
 تووالت حقنده موجود اولان معلوماتده ناقصدر . سوز
 آرهنده قیرمه ، قویرجق ، بوکولی ، مشک بار صاچلی ، چشم
 غزالی مکحل کبی تعبیرات عامیانه واردر .

شاعر (حشمت) ولادتنامه سنده اصناف آلائی کجیدنی توصیف
ایتدیکی صیره ده شاگردان مشتری فریبانه « چراقلر » قیرمزی
شالرو آل نیتنلر کیدروب: دستار لوندانه ، کا کل بقفاو بردوش ،
سنبل بطرف بنا کوش دیه توصیف ایلمه رک زمانک قیافتندن بر
نبذه بحث ایتدیکی حالد (چلبی) ده بوبابده معلومات مفقود در .
استطراد — [لعیاتک و آکا تعلق ایدن تفرعاتک تاریخ
نقطه نظرندن تدقیقی زمانک اخلاق وعادات و قیافت واشتغالاتی
حقنده پک مهم استخراجاته وسیله بخش اوله جفنده شبهه یوقدر .
بو کبی تدقیقاته قبایحک تظاهری هیچ بر کیمسه نک یوزینی
قیزارتماز . عصر حاضرده اخلاقیات بوندن بر ایکی عصر اولکی
اخلاقیاته نسبتله دهها زیاده پیدای نزاht ایلش اولدیغنی بو
کبی تدقیقات میدانله چیقارمقده و بوکاده هنوز یارم یامالاق
دیدیکمز معارف عمومیه نک سبب مستقل اولدیغنی ظاهر بولنمقده در .
المزده تاریخ کبی بر سند صحیح و معتبر وار ایکن آنک صحائف
عبرت نمانندن مستفید اوله مق شایان تأسف بر غیر تسزلکدر .
روما ، یونان قدیم ، وامثالی اقوامک میلیات نفسانیه سنی ناطق
اولان صفحات تاریخیه ، بزه کچمش عصر لرك اشتغالات روز
مره سی حقنده پک زیاده مفید در سلرویر مکده در . حق (حشمت) ک
ولادتنامه سنده مندرج اولان بر فقره مستهجنه دن اوزمانک اخلاق
عمومیه سنده حکم ایدن میل سفیهانه نک درجه سنی آکلامق قابل
اولیورکه ارباب فکر و نظر ایچون جای اعتبار در .
شعبده بازانک بللی باشلی اوینادقلری او یونلره کلنجه بر

مقدارینی یوقاریده تعداد ایتمش ایدك. بونلرمیاننده (باغچه و باغچوان)،
(کیمیجی) او یونلری کبی بعض قیوده دخی تصادف ایدیلور . تقلیدلر
میاننده سمیدجی ، خراججی ، کوموش آرایجی و امثالی وار .
حتی مقلدین آره سنده کوپکله کدینك ، کدی ایله فاره نك ،
کلنجك ایله ایله فاره نك بربرلریله اولان اوضاع و حالاتی ، محله
کوپکلری دالاشمه لرینی ، دوه کوکره مه لرینی ، خروس ، قاز ،
طورنا ، قارغه ، اوردك ، قره طاووق ، صاری آصمه ، سرجه
و بلبل اصواتی تقلید ایدنلر دخی مذکوردر .

(صورتا چلبی) عنوانله معروف اولان ذات «تربیاکی» تقلیدنده
بك زیاده ماهر اولدینی کبی کوز باغچیلغه دخی میل ایدمرك توتون
طوغرارکن النی یحاق ایله کسر و پارماغندن برخیلی قان آقیدیر
ایمش . بونك بر معرفت حقه بازانه اولدیغنده شبهه یوقدر .
النده دانه سی الی درهم اوتوز اوچلك تسبیح طاشیان می
ایسترسکمز ، سلطان مراد رابعك نوتون تربیا کیسینی باصدیغنی یاپان
مسخره می آراسکمز ، یوقسه «اون یدی لسان اوزره قصه
خوانمی» دیکلرسکمز ، هپسی وار . محمد چلبی ، چیقرقچی زاده
شنكل چلبی بو نوعدندر .

جانبازلر ترازولی ، ترازوسز قبادی پابوچ ایله اوینارلر ،
بونلردن بعضیلری دسقی ، بعضیلری آرقه لرنده برحمار ،
بعضلری ده یالین قلیج ایله والحاصل ایکی یوز پارچه قدر آلت ایله
میدان شعبده بازی یه چیقارلر مش .

آلات طربه کلنجه یالکمز اسملرینی یازمقله اکتفا ایده جکم:

دائرہ - رباب - نای - موسیقار - چنک - قدوم -
 روضہ - قرہ دوزن - بونقار - سوندہ - شارق - ہزکار -
 (قرق تللی، فیل خرطومی شکنندہ بر ساز ایش) - طنبور - سنطور
 عود - قانون - چارتار - ششتار - قوپوز - چوکور -
 چشده - قارہ زورنا - یلتم - موغی - تل طنبورہ - بریط
 کانچہ - قبا زورنا - جورہ زورنا - آصفی زورنا - عربی
 زورنا - عجمی زورنا - شہابی زورنا - بلبان - نفیر - نقری -
 قوال - قبا دوددوک - یللی دوددوک - چیغیرتہ - عربی دوددوک
 محار دودوکی - مہتر دودوکی - مزمار دودوکی - دانکیا
 دودوکی - طلوم - ایوب بوریسی - شیشہ بوری - درویشان
 بوریسی - ترانہ تہ بوریسی - افراسیاب بوریسی - پرنج مہتر
 بوریسی - لوطوریان، انکلیر، ارغنون بوریلری - آغیز
 طنبورہ سی - جان دونبہ کی - ایوب، یعنی، مقررہ دوبلکری
 مزمار - فنجان سازی - کرہ نای - قلا رینت - مزمر دودوکی
 قوش طاوولی - طراق مزمار - چغانہ واخ . . .

اون برنجی عصرده اک مشهور خیال باز، کور حسن زاده
 «محمد چلبی» اولمق اوزره کوستریلیه ر. (کور حسن) ییلدیرم
 بایزیدک ندمای خاصہ سندن بر ذات ایش. «محمد چلبی» ناک حضور
 مراد رابعده ہفتہ دہ ایکی دفعہ خیال ظل اوینادیغی مشهور در.
 «شب باز» اوزمان اصطلاحنجه قرہ کوزجی اولوب محمد چلبی
 حضورده او یونہ باشلامہ دن :

کر خود همه عیبا درین بندہ درست

هر عیب که سلطان پندند هنرست

دیروایشه باشلار مش، پرده ایچنده پرده قورار، دیلسنز، دیلنچی
کور عرب، آرنارود، بکری مصطفی، قادین تقلیدلری، حمام
اویونی و باصقینی، شربتچی زاده (؟) و امثالک تقلیدلرینی یاپارایمش.
چابی دیورکه :

« والحاصل خیال ظلمه اوچ یوز پاره تقلیدی واردی که
برمقد آکا نظیره وجوده کتیرمک ممکن دکدر »
بیلیم بزم قره کوزجیلر بو ادعایه نه دیه جکلر ؟

— ۳ —

دیرکلر آراسی پک سونوک . پهلوان کورشلری ده منضم
اولدینی حالد دوت بش تیاترو، ایکی اوچ سینمه ماطو عراف،
ودها سائر اکلنجه لر موجود، فقط هر نه دن ایسه طاسنز .
غالباً دور سابقده بزی بورالر س سوق ایدن اون برآی آیری
یشاه قدن متوله بر اشتیاق اجتماع ایدی . حتی برسنه صدر اعظم
پاشا ایله شهر امینی پاشامیانه لرنده بر عرضحال مسئله سندن طولانی
اختلاف ظهور ایتش ایدی ده شهر امینی : وای تیاترو جیلر
صدارته مراجعت ایتدیلر . بی صامادیلر دیه حدت ایدرک
یحاره اویونجیلری تیاترو باراقه لرینک اخشاب اولمسنی بهانه
ایدرک منع ایتش ، ده صکرملری تیاترولرده اجتماع وقوعه
کلیمور وسیله نظامنامه می ایله جمله سنی چیل یاوروسی کی طاعتش
ایدی . او زمان سورینن، بوغچه جیلق ایدن ، دلالغه باشلایان

آقتور، آقتریسلر من بودوری هنوز اونو تمامشلدردر. هر نه حال ایسه . مضی ماضی .

بوندن ایکی اوچ سنه اول « اورتی او یونلری » حقنده تحقیقات میدیده بولنه رق حتی تفرعاتی حقنده بیلر اوچ درت مقاله یازمش ایدم . بومقاله لر بالآخره حجار آقادیاسی اعضا-سندن دوقتور (قونوش) طرفندن آمانجهیه ترجمه ایدیلرک ترکلرک لعبیات مهمه ومضحکه سندن اولان بو میدان او یونی تفصیلاتی قسماً اکمال ایدلش ایدی . شیمدی نظر دقتمزیینه صحائف تاریخیه اوزرینه عطف ایدرک بزرده کی لعبیات عمومیه نک قیریندیلری حقنده بعض معلومات مضبوطه ویرمک ایسترم .

بنم مصادف اولدیغم متفرقات تاریخییه کوره شنلکله، دونا-نمار « فتح قسطنطنیه » دن صکره دها زیاده میدان آلمشدر . هر نه قدر فتح مذ کوری متعاقب اجرا ایدیلن ولادت، مظفریت شنلکله حقنده تفصیلات مهمه یوق ایسه ده بیک تاریخلرندن صکره یواش یواش معلومات آله بیلیمکده در .

احتمالدرکه وارددره بن کورمه مش-مدر ، فقط مطالعه کذارم اولانلر آره سنده تاریخ مذ کوری بزه طوغری قطع ایدن سنه لرده لعبیات عمومییه دائر اولدجه صراحت موجوددر .

سلطان محمد خان رابع وقوعاتنه احاله نگاه ایدنلر براییک دوناما فرمانندن صکره سور پرسرور ختان هایون سرنامه سی آلتنده شویله ، قید کورورلر :

— ۱۰۸۶ تاریخی —

(بر قاج آیدن برو تدارك مهمات لازمه سنه مبادرت اولئان
 سور پرسرور ختآنك شوكت سلطنت عثمانیهك اقتضاسنه كوره
 جمیع لوازمی تدارك و تحصیل و انواع اسباب طرب و نشاطی
 كركی كبی ترتیب و تكمیل اولندقدن صكره اشبو سال میمنت
 اشتمال ماه ربیع الاولك غرضی كونی ضیافتلره شروع اولتمق
 اوزره قرار ویرلمكه سرای میدانی اورتیه سنده قنادیل و مشاعل
 ایله تزیین و اول ساحه وسعت پنجاه عالی اوتاغلر و چركه لر نصب
 و تمكین اولندی. وابتدا یوم مزبورده صدراعظم و سائر وزرای
 عظام حضراتی دعوت اولنوب تهنیت سورهایون ایچون «عید
 شریف ترتیبی اوزره شرف دامنبوسی» پادشاه انام ایله «شادكام
 اولدیله» هربری معاصله» ملاطفت آیین شهریار ایله اکرام
 وبعده كندولره مخصوص اولان چركه لرده اطعام اولندقدن صكره
 لازمه جمعیت سور اولان «لعبت باز» و «صنعت پرداز» لری
 تماشا ایچون وزرای عظامه تخصیص اولئان «سایمانلی صفه لر»
 اوزرنده قلاویله ایله قرار وكونا كون اعجوبه لر تماشا سنه وقف
 نكاه اعتبار ایلدیلر.)

دقت ایدیهك اولورسه بك قولای آكلاشیلیركه «ادرنه» ده
 سرای میدانده اجرا ایدیلن سور ختآن مناسبته «لازمه
 جمعیت سور» اولان لعبت باز و صنعت پردازلرك جمعی بر تاریخ
 اولی ایما ایتمكدور. عجبا بولعبت باز و صنعت پردازلر نه درلو

تماشا ارائه ایدرلردی ؟ بونی قطعاً تعیین بنجه ممکن اوله میور.
یالکیز سور مذ کورک ایکنجی کونی تفصیلاتنده براز معلومات
وار ، تاریخ دیورکه :

(ایکنجی کونی صنف علمای گرامه ترتیب ضیافت برله
اکرام وحاضر اولان افندیلر اعداد اولنان دیوان خانه چرکه
لرنده عموماً اطعام اولندن صکره حضور فائض النور
پادشاهیده عقد مجلس درس اولنوب شیخ الاسلام «علی افندی»
حضر تتری فن جلیل تفسیردن محله مناسب بر آیت کریمه نك
معنای نفیسین تقریر و مجلس هایونی انوار معانی تنزیل ایله
تنویر ایلدیلر . بعده سلا ملیوب اذن هایون ایله خانه لرینه
روانه اولدیلر . اول کیجه دخی « قول قول چنکیلر » ک
آهنکلرندن ماعدا « باروتدن ترتیب اولنان کیلر » و « قلهلر »
طوتشدریلوب و « آیولر و کویکلر و اشکلر » هفشنکلر باغلنوب
آتش ویرلدکه جمله سی اورکوب سیرجیلر اوزرینه طوغری
هجوم ایتمکله بر های و هوی قوپوب عظیم تماشا ظهوره
کلدی .)

منظره هم نشاط آور ، هم قورقونج دکلی ؟ سورختان هایون
اولق ملاسه سیله البته بوتریک بیوک ترتیبات مضحکه دن اولدیغنه
شبهه یوقدر . شوراده شایان ذکر بر نقطه دها وارکه او دخی
وزرا و سائر نك ملاعب و مضحکاتی ایجه تماشا ایتلری ایچون
سایبانلی صفه لر تخصیص ایدلسیدر . زمانمره تطبیق ایده جک
اولورسه ق بونلرک آچیقده قورولمش برر لوجه اولدقلری تظاهر

ایدر . تفصیلات ختاتک اوچنچی ، دردنجی فقره لرنده شایان
تأمل جهتلر وار . سادات کرامه و طائفه مشایخ عظامه ضیافت
ویرلیدی کونک آقشامی حقنده مندرج سطرلرده دینیلیورکه :

(بویکجه دخی سائر ملاهی و ملاعبدن غیری برقاچ نفر
« تریاکیلر » قوشدیریلوب جنبش شتاب و بربرینی سبقت ایچون
پیچ و تابلری خنده تماشا کرانه باعث و « طولومجیلرک یاغلی طولوملر
ایله » ایلروده بولان خلقی کیرو سورمکه اولان هجوملری
سببیه سیرجیلر احترازلرندن براوزکه تماشا حادث اولدی)

بن بوراده کی « تریاکیلر قیدنن ایجه قوشقولاندم . زیرا
اورته اویونی حقنده یازدیغم مقالاتک برنده دیمش ایدم که :

(هزام می ، سکا همی ، مایه می نه اولدیغی سورناسنه کورمه تخلف
ایدن بومقاملرده برسماعی قیریندیسی ایله عرض اندام ایله یین
« پیشکار » دن صکره کورش هواسنی آ کدیران و کویا میدان
سخنده بربرندن مردانه ایکی مبارز کلام بولندیغی ایما ایدن
اسکی صاغناقلی بر ترانه حسینی ده « قاووقلی » « ویانکره » [۱]
چیقاردی .)

فقط سالدیده اورته اویونجیلرینک و مرحوم قاووقلی « حمدی »
افندیکنک نقلیاتنه کورم اوللری « نکره » قاووقلی دکل ایش . یوزی قهوه
تلوه سیله بویالی ، مسن ، اوزرنده شالدن وبش پارماقدن معمول بوی
انتاریسی . آیاغنده قرمزی یمنی ، بلنده کویلوچه یاغلی عادی

شال قوشاق ، باشنده اوجی آغزینه قدر ایگری کلاه ، النده
لوله سی قیصه ، صاپی ایپله بلنه باغلی ، اویونجه الندن دوشوب
صارقان برچبوق بولنان و نامه « تریاکی » دنیلن برمقلد چیقار مش .
بوقیافتی قاووقلی یه قلب واورته اویونتی خیلیمجه تنويع ایدن
(عطار شکری) افندی نامنده بری ایمش . بعضلر بو طرز
« کور محمد » نامنده کی مشهور قاووقلی یه اسناد ایدیورلر سده
طوغریسی افاده سالفه در .

نم شو تحقیقمله ۱۰۸۶ سنه سی سورختان تفصیلاتی
آره سنده تمام ایکی یوز اوتوز طقوز سنه کچمشدر . عطار
شکرینک اورتی اویوننده کی تعدیلات و تنويعاتی ایسه آلتمش ،
یتمش سنه یی تجاوز ایدهمیه جکدر . سورختانده « اورتی اویونی »
اولدینی محقق اولوب یالکیز تاریخ « راشد » ک (۱۱۱۵) وقایعی
داخلنده (مصطفی خان ثانی) علیمنه ظهور ایدن یکچیری فتنه سی
مناسبتیه سبکان باشینک شهادتی اوزرینه علمایه « مراسله »
تحریری مسئله سنده باغیلرک اصرارندن بحث ایدلدیکی صیره ده
شویله برقیده ظفریاب اوله بیلدم :

(اعیان واهالینک بزلرله معاً بولنوب اموریمزده معانت
و اتحادلرینه موقوف اولمغین اشبو محله دعوتلری بابنده اکید
وشدید مراسله لر تحریر و ایچنده شویله یاز بویله یاز دیو املایه
کمز وظروف حروفه صیغماز صوت و صغیر تکلیف ایدوب
بازیچه کفتکولری « یازیچی » اویونندن نمودار اولدی .)
معلوم اولدینی اوزره (یازیچی اویونی) اورتی اویونلرمنک

اك مضحك تماشاگريندندر . مؤرخ راشد مرحوم ۱۱۴۷ ده
وفات ايتديكنه ويازيجي اويوننك يالكز ۱۱۱۵ تاريخنده دكل
بلكه آندن اول اوينامش اولديني ظاهر بولنديغنه بناءً اورته
اويوني مناظرينك سنين مرقومه داخلمده شايغ بولنديني اوزاقدن
اوزاغه كسديريله بيلير .

(راشد) ادرنده تصوير ايتديكي سور ختان اون بش كون
اون بش كيجه سوردیکی حالدہ لعبیات عمومیہ حقنہ ویردیکی
تفصیلات آرمہ سندنہ « انواع ادوات طرب و شادمانی تماشایی »
و « اول کیجه انصراف ضیفدن صکره ساحه جلوه کاه زمرة اهل
کیف اولوب محاورات غریبه لریله جمله حضاره صفائر بخش
ایلدیلر » کی تعبیرات و افادات مبهمه واردر .

۱۱۲۱ تاریخنده اجرا ای دیلن سورولیمده یالکز « روی
دریاده صالر اوزرنده فشنک شنلکلیری » قیدی موجوددر .
کذا ۱۱۳۲ تاریخنده وقوعه کلن سور ازدواج تفصیلاتنده :
(لوازم سوردن اولان خواننده و سازنده لرین مهارتلی مسله
اولانلر انتخاب « و خاص بانچه » ده « یالی کوشکی » قپوسی داخلمده واقع
برموضع کندولره آرامگاه مشق و تعلیم تعیین اولنوب ورقص
ولعبده ماهر چنکیار و جانبازلر و سائر شعبده بازلر جمعنده اهتمام
و میدان سورده هجوم و زحام ناسدن جلوه کاه لعب و تماشایی محافظه
ایچون یوز یکریمی عدد (طلوخی) تعبیر اولنور اشخاص طرفه
اشکال تدارک اولنوب مشیندن شبکلاه و جیه وشلوار و یاغلی طلوم
کی کسوه و لوازماری امین سور طرفندن آماده قلمغه مسارعت

واقداق قلندی .

ایکی سور مراسمنده کوریلن بوطلو مجیلرک میدان آچق
ایچون احضار ایدیلدکری آکلاشیلور . فقط بونلرک دخی
دنیلرینه مخصوص مسخره لقلری اولدیغی عین فقره نك صوکی
تشکیل ایدن (خدمه میدان سوردن اولان طلو مجیلردن کسوه
مخصوصه لرله مهیا اولان یکر می اوتوز نفر طلوچی حضور
آصفانه لرده وافر لعباز لقلر کوسه تروب مظهر انعام واحسان
اولدیلر) تعریفدن مستدلدر . حتی جنتمکان (سلطان مصطفی)
خانک کریمه سی «امته» سلطانک موصل والیسی (سرکه عثمان) پاشایه
نزویحی مناسبتیه اوق میداننده اجرا ایدیلن سور هایون نقلنده
بونلر حقنده اولدقجه صریح معلومات مندر جدر . راشدمرحوم
دیورکه :

(دولتلو صدر اعظم حضرتلری کندو اوتاق صدارت
رواقلرینه عطف عنان وطلو مجیلر شکل عجمیلری اوزره حضور
عالیرینه کلرین فرمان بیوردیلر . طلوچی باشی نامه اولان
شخص بوالعجب هیکل باشنده بیاض یالذلری شبکلاه و آرقه سنده
صاری یالذلری جبه والنده بیاض یالذلری عصا و اوکنده ایکی
طبل وایکی سورنا وایکی نقاره و بش دف واون بش نفر صیان
آرقه لرنده یگسز و یقاسز شلوار شکننده اوچقور یقاسی بیونلرینه
باغلو آلاجه بصمدن کسوم لرله آغازه رقصه موافق حرکات
سیماب وار ایله عرض جلوه کونا کون ایلدیلر . ایچلرندن بری
اوتاق پیشکاهنده واقع بر منزل طاشنک فرازنده سرنکون

ویا بر هوا آياقلر ايله نجه هنرلر کوستروب آکا و طولومجی باشی یه احسان اولندی .

شیمدیله بزم (یاغلی دیرک) دیدیکمز لعبده وار ایش . سور مذکور تفصیلاتی میاننده تصادف ایتدیکم :

(یوم مزبورده عربیه ايله اوتوز پاره آلا ی طویلری نقل و انشاجی باشا حضرتلرینک اوتاقلرینک آلت یاننده وضع اولنوب طویلر ايله اوتاق هایون بیننه اوتوز ذراع بر ستون منها نصب و فرازینه کیم چیقه بیلورسه آنک اولمق اوزره درونی چیل آچیه ايله مملو برسیم مشربه وضع اولندی) قیدی بوندن باشقه برشی دکلدر . فقط آتی الحکایه لعبیات زمانک اختراعاتندن معدود اوله جق درجه ده غریب کورینور :

(جرید ملاعبه سی تمام اولدقدن صکره طولومجیلردن اوتوز قرق نفر آدم لباس غریبانه و شبکلاه عجمیانه ايله ایکیشر ایکیشر آلا ی ايله پیشکاهلرنده استصناع ایلدکلری غریب الشکل دوه قوشنی اویناده رق میدان بازیچه یه کلدیله . و عربیه کی تبکرلک اوزرنده بر کوشک ایچنده دستارلری عجمانه اوچ درت عدد دف چالار صورتلر و آلتی عدد اوغلان صورتی یامیشلر ایدیکه عربیه یوریدکجه دفلر چالینور و اوغلانلر اوینارلر ایدی . و بلندن یوقاروسی آدم و بلندن آشاغیسی آت شکلنده النده بر یالین تیغ اوینار بر صورت دخی یاپوب بووجه اوزره برازهنر ولعت اظهارندن صکره میدان اورتیه سنده سهپا رسمنده اوچ صیریق اوزرنده مصنوع حلقه یه آویخته قانمش کونا کون فشکره آتش ویرلدی .

بعده مصر قاهره دن کلن بازیچه کاراندن بریسی عرض هنر ایچون
میدانه کیروب ابتدا جوانب و اطرافنه تیغرباغلی اولان چنبردن
پرتاب و چشمکشای تماشاسی اولال حضاری تحیر و اعجاب ایلدی
والنه بر مشعله آلوب آغازه طبل و سورتیه موافق بر ازرقص
و شیرینکارلقلردن صکره بر آدمی باشنه آلوب اثنای پرواز
ورقصده بیره ییقیلوب و طوغریلوب باشنده اولان آدم دخی معا
اکیلوب قالقارکن دوشمز ایدی .)

سورک ایکنجی کونی دخی بودرلو مخترعات عجیبه اجرا
ایلمشدر . مورخ شهر دیورکه : (اوتاغ حضرت صدراعظمی
پیشگاهنده بر ساعت مقداری چنکیلر اوینایوب بعده مصر
زوربالرندن بریسی بر مزراق یلمانی آلتنسک اوزرینه وضع
ورقص و بر چنبرک درون و بیرون دائره سنه فنجانلر قودقدن
صکره باتق کبی درون چنبردن کچدی و بر ستون اوزرینه بر
کوچک اوغلان چیقاروب الله بر برداق ویردی و اوغلان
تپه سی اوزرندن بو برداقدن صو ایچوب بعده بر عربک اوموزینه
چیقوب باشی اوزرینه بر کوپ وضع و بو کیفیت غریبه ایله براز
جلوه کارلقلر ایلدی . و بر چناق اوزرینه بر طبله مثللو نسنه
قویوب و اوزرینه بر اوغلان صاروب باشی وزرینه یمین و یسارینه
حرکت عجیبه کوستردی و بر چنبرک اطرافنه دخی ییچاقلر صوقوب
بی محابا بر طرفدن بر طرفه پرتاب ایلدی . بعده درت کوزلو
بر چنبردها کتوروب و هر کوزدن بر دفعه کچوب بعده چنبرک
اورتاسنه بر آغاج قویوب وینه تیغرب ایله آراسندن پرتاب

ایلدی . وبر چنبرك دخی وراسنده قائماً لام الف وار بر کیمسه
ایکی تیغ طوتوب تیغلك اوزرندن کچدی وبر چپلاق دوه نك
اوزرینه بر چنبر وضع ایتدیروب بر قاچ خطوه یردن پرتاب
ایله بی محابا درون چنبردن کچدی .)

کوریلیور که بزده کی اعیات عمومیه به خارجدن ده بر طاقم
جانباز و هنربازلر التحاق ایتشلردر . مع هذا عین اصولده هنربازلر
ایدن یرلیردخی موجود ایتش . راشدر حوم مصر زو باسنك
معرفتلرینی تعداد ایتدکدن صکره شونلری دخی علاوه ایلیرور :
(از مید جانبازلرندن بری آغزینه قلیچ آلوب آیاق
اوزرنده باشی یره طوقنماق وجهی اوزره اوچ کره معلق
اندازلر صنعتن ابراز ایلدی . بعده « شیشه باز » لر بر دستی
اوزرینه درت قوللی بر آغاجه بربری اوزرینه ایچلری صو
ایله مملو یکر می عدد شکوفه شیشه لری اوزرنده بر طبله و آنک
اوستنه دخی اوچ عدد کبیر شیشه قویوب و باشی اوزرینه آلوب
اظهار جلوؤ کونا کونا رقص و بازیچه کارلق ایلدی . و بریسی دخی
بر بوش صوکوتی کتوروب باشی ایله کوپه اوپله بر طغنه سخت
اوردی که مانند سنك اول خم سنکینی پاره پاره ایلدی .
ایکی آدمک قوللرینی بر برینه کلیدلیوب و آرالرینه کپروب ایکی
آدمی فرلداق تعبیر اولسان کوی کردنده کی فرافر چو یردی
و اوچ دانه تیغ سرتیزك اوجارینی قارننه طیا یوب یردن بر بچاق
آلدی وبر آغاج پاره سنك اوزرینه طوروب تیغ قویوب اوزرینه
با صدقن صکره ینه طرز معهود اوزره اوچ تیغه قارنی طیا یوب

پردن بچاق دیوشیردی و برطاشی طوپ وارهوایه آتوب آشاغی
اینرکن گاه باشنی وگاه کوکسنی وگاه آرقهسنی آماج وار قارشو
ویردی. بعده «چنبرده فنیجان اوینامق» کبی و ادرنه قوی
چنکیلری فصل ایتک کبی انواع ملاعب و صنایع ایله امرار
وقت اولندی .)

بویله عظیم برسور ازدواجده اجرا ایدیلن لمعیاتک اکثریسی
بزم جانبازلق دیدیکمز ادمانلردن اولمقله برابر صنایع و حرفه
متعلق اختراعاتده اندر دکل ایمش. حتی عین سورده برده ختان
جمعیتی مناسبیتله برقول چنکی و خیال ظل (یعنی قره کوز)
تعیین و ترتیب ایدلایکی کبی ترسانه لیلرله طوبجیلر دخی ایکی
معرفت ابراز ایشلردر. «تاریخ راشد» بونلر ایچونده دیورکه :
(ترسانه عامره لونک اختراع ایلدکری «چسکدیری» که
کورکارینه مربوط فلنکلر ایله قارهده دریاده کی کبی سلیس
وهموار حرکت ایدوب ظاهرآ کشاده اولان بادبانلری سیبیلله
حرکت ایدر ظن اولنوردی . وزرای عظام اوتاقلری اوکنده
لنکلر انداز مرسای قرار اولدینی محلدن ایکی جانبنه تفنک
وطوپ آتورق ویشکاهنده تماشا سینه تراحم ایدن ناسی ولوله
ناگاه ظهور طوپ و تفنک ایله بربرینه قاتهرق نشیب و فرازه
باقیوب اوتاغ هایون منصوب اولدینی پشته اوزرینه صعود
ایلدی. بعده طوبجیلرک ساخته دست صناعتاری اولان «قلعه»
دخی پیشگاه اوتاغ هایونه کتوریلوب برقاعده قلعه چنکی ایتکدم
خیلی صورت نماکاری کورندی .)

ختان کونی ایسه اجرا ایدیان صنایع شعبده بازی بالاده
کیلردن دها هنر مندانه در :

(طویچیلرک اختراع ایلدکلری درت تکرلکللی عربهرسمنده
برکوشکک ایچنده بش آلتی عدد شخص مصور اولوب وبر
آدم دائره چالار و آلتی آدم دخی المرنده قلیج آت رسمنده
اوزرینه سوار اولمش وایکی رقص وبر « جمال » تعیر اولنور
شخص اعجوبه شکل رقص ایدوب وبرکوشک رسمنده نسنه نك
ایچنده دخی بر آدم آیاق اوزره طوروب « چوکور » چالارق
طبل و سورنا ایله میدان بازیچهیه کتوروب ترتیب معهود اوزره
براز رقص و جلوه دن صکره بر جالباز قیزی تماشا اربانه حیرت
ویره جک دلپسند اولور وافر صنعت کوستردی .)

جنتمکان سلطان عبدالعزیز خانک زمان سلطنتلرنده اجرا
ایدیان سنت دوکوننده بنم اودمی قوپاران ، بی ساعتلرجه
آغلادان تخته باجاقیلیر مکر بو زماندن یدکار قالمه ایمشیر .
مؤرخ دیورکه :

(وبر آدم بویی برصیریغک نصفندن یوقاروجه آیاق باصه
جق یرلری اولمغه اوزرینه بنوب آهنگ رفتار پرشتاب ایلدی .
وایکی عدد چنبرک ایچ طرفارینه دائراً مادر پچاقلر دیزوب
ایکیسنک ایچندن بر حمله ده پرتاب ایلدی .)

دها بونلره بکیزر نلر وار ، نه جانبازلقلر ، نه حقه بازقلر
وار ، بالخاصه تعریف آتی به مقارن کلن هنر شایسته دقت :
(مصردن کلن زور بازلردن بر غلام کندی تعلیمی اوزره)

ایکی ال و آیاغیه کوزلرینی محکم باغلاتوب بر زنیلیک ایچنه وضع وزنیلی محکم دیکدکلرندن صکره بر پشته مال صاردیلر. و میدانده منصوب اوچ عدد ستونک اورتیه سنده قدی اوتوز زراع مقداری اولان ستونه مقرر ایله چیقاردیلر. تخمیناً بالاسنه بر قولایچ مقداری بر قالدقه زور باز مزبور زنیلیدن طشره چیقوب ییلان کی ستونه صاریلهرق ذروه سنه صعود و بر قهوه ابریغندن فنجانه قهوه قویوب ایچمکه صنعت شعبده بازیده اثبات وجود ایلدی .

غریبدرکه مشهور (قازنوف) ک صندوق کیزلنمسی هنرینی هیچه براقان بو هنر بازلق اوزرینه ایپ جانبازلنی خلقک نظرندن دوشمش ایش .

بو دو کونده تریا کیلر،ینه موجود. بونلردن اوتوز قرق قدری ینه میدانه کتیریلهرق قه شو یاریشی یاپدیرلش . بعده حضور پادشاهیده دائراً مدار اوطورملری فرمان بیوریلهرق او ائاده سلحدارلر طرفلرندن براتک پاره سرپیلمش . بونلر قایدیشیرلرکن طرف طرف کستانه فشنکلی آتیلهرق آفیونلری پاتلادلش . آبی ، مایون ، ییلان اوینامق دخی لعیات صره سنده مذکور وباغچوان قولی ، ادرنه لی قولی وامشالی نامرله چنکی طاققلری دخی داخل سور پرسروردر . بونلردن ماعدا یقین زمانه قدر آیاغنه ایکی قلیج باغلایهرق ایپ اوزرنده اوینایان جابازلر ، یاغلی صیریغه چیقانلر ، قره ده قالیون محاربه لری ، آینه لی قواق اسکه سندن فنار اسکه سنه پالامارکره ک چارمیخ ایپلرینی ایکی قالیونه باغلا یوب یوریدیلن یکی اختراع ایدلش عربیه ورقص طبله لری ، جبه جیلرک

ایجاد کرده لری اولان آغزندن پوسکورر اژدرهالر ، خیال فنر
 کبی دون، اوکنده فیل رسمی ، اوزرنده بر چنبری بولنان قلعه
 رسمی، بیلدیکمز منزل ایپلری ؛ هوائی وچیچک پوسکورمه
 وسایان ناملریله آکیلان فشنگر، مطرقچی، کرزچی، صالیچی
 هنرلری ده یازیلی اولوب احتمالکه مؤرخ راشدک اونودوب یازمادیغی
 ویاخود آکلایه مدیغی نیجه معرفتله کوسترلدیکی ده آیریجه مجزومدر.
 ایشته نهم ۱۰۷۱ تاریخندن ۱۱۳۳ سنه سنه قدر یعنی ۶۲ سنه لک
 بردوره عائد اوله رق مطالعه کذارم اولان او یوندرک انواعی
 و تعریفاتی بوندن عبارتدر . لعیاتک احوال اجتماعیه ملیه نقطه
 نظرندن حائز اولدیغی اهمیتی بوراده ایضاح ایتکه لزوم یوقدر.

جناب سلیم ثاشه عائد

چراغان سراینک احتراقی وسیله سیله یازدیغم « بر عصر اول »
 سرلوحه لی مقاله ده سلطان « سلیم » ثالث اورویا افکار معرفت
 و مدنیاتک ممالک عثمانیه ادخالی حقندمکی تشبثاتندن بر نمونه
 ارائه ایده جکمی وعد ایلد مشیدم . محضوم تتبع دکل بایک پک
 جدی و موثوق خصوصات مهمه نک ترجمه سنه معطوف اولان
 بو وعدمی بوکون ایفایه مسارعیت ایدیورم . بوندن بر عصر
 اول طبع ایدلمش اولان Voyage pittoresque de Con-

stantinople نام اترده تصادف ایتدیکم بووقعه لر بالطبع
بزم تاریخلرده مقید دکلدر . کچن عصرک اوائلنه شدت ارتباطی
اولان بونوع خصوصاتک ایسه تدقیقات تاریخیه نقطه نظرندن
عظیم اهمیتی وارددر. اترده دینیلورکه :

(سلیم ثالث ایله همشیره سی «خدیجه» سلطانک خدمت معماریه
وترسیمیه سنده بولنمش وبو وسیله ایله هر ایکی سرائیک احوال
وعادات و مراسمنه کسب وقوف ایتمش اولان موسیو (مه لینغ) ک
ابتدای مناسبیت وترددی شو وجهله در :

«سلیم ثالث ، همشیره سنی پک زیاده سور ودائی صورتده
حقننده بذل محبت وتوجه ایتمکدن خالی قالمزدی . بوجهتله
ترکری تدریجاً اوروپا مدنیت و صناعی ایله مألوف ایتمک خصوصنده
ترتیب ایلدیکی معقول ومصیب پلاننی مشارالیه ایه آچمش واوده نیت
خیریئه برادری حسن تلقی ایلیه رک مقضاسنه توفیق حرکت
ایله مشدر . حتی کونک برنده «دانمارقه» حکومتک درس . عادت
مصلحتسکذاری موسیو بارون دو هوبش M. Le baron de
Hübsch ک «بیو کدره» ده انشا ایتدیرمش اولدینی کاشانه ظریفیه
باغچه لرینی زیارت ایتمکه بیله رخصت آلمشدر . خدیجه سلطانک
اک زیاده نظر تقدیر و پسندینی جلب ایدن باغچه لر اولمشدر .
مشارالیه بوزیارتی متعاقب کندیسینک ده بونلره بکزر باغچه لره
مالکیتنی قورمش ایسه ده استانبولده آرزوسنی یرینه کتیره بیله جک
برصنعتکاری نرده بولمالی ؟ موسیو (هوبش) ه خبر کوندرلمش

مومی الیهده موسیو (مه‌لینگ) ی توصیه ایتش . موسیو (مه‌لینگ)
ایدیلن تکلیفی قبول ایلدیکندن سراه آلمش ایسهده صنعتکارک
بر نقصانی وار ایدی . نه ترکیه سلیمر ، نه ده عثمانلی عادات و مراسمه
واقف ایدی . بناء علیه یانه بر ترجمان ترفیق ایلدی . فقط موسیو
(مه‌لینگ) سلطانک سراینده بر طاقم تعصبات فکریه ایله اوغراشمق
مجبوریتنه قالدی . حس ایدیوردی . فی الواقع بدایت کارده
قورقدیغنه اوغرا دی . آردهدن بر قاچ کون کچر کچمز سرایی
بردن بره ترک ایتدی خدیجه سلطان ، موسیو (مه‌لینگ) مفارقتی خبر
آنجه فنا حالده حدتله راک بو حاله آغلرینک سببیت ویرمش
اولدیغنده شبهه ایتدی .

بر کیجه موسیو (مه‌لینگ) سچلیتین قرالغنک در سعادت
سفیری موسیو (لوقونت دولودولف) M. Le Conte
de Ludof ویردیکی بالوده ایکن سلطان طرفدن بر بالطه جی
کلدیکی خبرنی آلدی . کلن آدم مومی الیهی تکرار سرای
خدمته کیرمکه اقناع ایلدی . صنعتکار بودفعه دخولنده فوق العاده
آثار حرمت کوردی . ذاتاً بوکی یرلرده خوف و تبصص اولمادجه
اعتبار ورعایت کورمک ممکندر .

موسیو (مه‌لینگ) امور مأموره سنه کمال فعالیتله باشلادی .
خدیجه سلطان ، سراینک تزینات داخلیه سنی تبدیل ایتک
ایسته یوردی . صنعتکار تصویر ایتدیکی تبدیل پلانی بالمومی ایله
مسنم اوله رق یا پوب تقدیم ایلدی . سلطان کوردی و ممنون
اولدی . باغچه پلانی ترتیب وجهله یاپیلدی . بونک اوزرینه موسیو

(مہ لینغ) ہ سلطان معمار لئی مأموریتی ایلہ معاش تخصیص
ایدلی . بعدہ سرایک کافہ تزینات داخلہ سنی تبدیل ایلہ
اوغراشدی . آرام بخش انظار اولیان تذهینات وتلوینات مفرطہ
یرینہ بر سادگی ظریف کلدی . معمار ، ہر کون اعتماد وتوجہ
نائل اولیوردی . بر طرفدندہ ترکجہ دہ ترقی ایدیوردی . آزمان
صکرہ سلطانہ معروضاتی یازمفہ باشلادی . سلطان برشی آرزو
ایتدیمی آغارندن برینی یوللار ، جوانی آیدردی . فقط بوخبارات
ترکجہ لسان ولاتین حروفیلہ جریان ایدردی . موسیو (مہ لینغ)
سلطانہ لاتین حروفنی مدت قلیلہ ظرفدہ تعلیم ایتمش واو کرتمش
ایدی . بوسہولت حاصل اولنجہ ترجمانہ رخصت ویریلدی .

سلیم ثالث ہمیشہ سنی صیق صیق زیارت ایدردی . بناءً علیہ
موسیو (مہ لینغ) ک وجودہ کتیردیکی آناری پک زیادہ ممنونیتلہ
کوردی . داخلی اورپا کاری تزین ایدملک اوزرد بشکطاشدہ بر قصر
انشاسنہ موسی الہی مأمور ایتدی .

خدیجہ سلطان ، برادر عالی شانک موجب محظوظیتی اولہ جق
شیلر تحریرسندن بر آن خالی قالمادیخی جہتلہ موسیو (مہ لینغ)
ایچنہ کیریلیردہ حیقلمازدینیلن «لایرنت» طرزندہ بر باغچہ انشا
واحیاسنی تکلیف ایدنجہ سلطان بوفکری تبسملرلہ قبول
وتسریع طرحنی امر ایلدی . یاپیلان لایرنتہ بودیاردہ پک زیادہ
بویلی یتیشن ومقراضک ویرمک ایستہدیکی ہر شکلہ کیرن لیلان
کل ، آقسیالر دیکیلدی . اعوجات طرحیہ اودرجہ دہ محیر زوار
بر صورتدہ یاپیلمش ایدی کہ ہر پاتیقہ مرکبہ منجر اولیورو کیرنجہ

چیمق یولی پک کوچ بولنیوردی . (سلطان سلیم) وقار و جدیت
 صاحبی اولدینی حالده بو چیمماز باغچه نك یا کیلتما چاریلله پک زیاده
 اکلندی . (خدیجه) سلطان برکون معینده کی کنج قیزلری بورایه
 صالیو یردی . ایلک اکلنجه لی دملردن صکره قیزلر حرمة کیده جک
 نخر جلری آرامغه باشلادیلر . دونوب طولاشوب دائماً عین محله
 کلمک باشلادقلرنده بر سحر باز النه دوشدکلرینی ظن ایتدیلر . فقط
 بو محبس شکوفه دار آنلره خوش کورنیور ، باغچه قهقهه لرندن ،
 رفیقهلرینی بیهوده یره چاغیرمقدن متولدالردن طنین انداز اولیور ،
 فرجه یاب خروج اولانلر ، ایچریده قالانلری مراق ایدیورلردی .
 اک صکره برر برر قورتولدیلر . ایشته بو زماندن اعتباراً
 سلطانک اک بیوک لطفی ، لایرنتده کزینمک ایسته ینلره اذن
 ویرمسی اولدی .

حرم سلطانی باش آغاسی ، موسیو (مهلینغ) ک نائل توجه
 اولمسنی چکمیوردی . هرنوع تجدات متصوره یه قارشى حدت
 ایدیور ، اوروبا اصولنده یاییلان تربیاتی مغایر دیانت کورنیوردی .
 کندیسى فوق العاده مصلی ، صوفی اولمدينی ، حتی آردهده صیرهده
 موسیو (مهلینغ) ک شرابیلهده تلذذ دماغ ایتدیکی حالده کیت
 کیده حدتی آرتیردی . سلطان علیه بیله تفوهاتده بوندی .
 بو ائنده موسیو (مهلینغ) باغچهده کزینیوردی . علیه سویله ن
 سوزلری طویدی . در عقب سلطانه یازدی . سلطانک بیله
 علیه بولنیلان وحقنده حرمتسزک کوستریلان بریده کندیسنک
 بالضبع لایق اولدینی درجه اعتباری بوله یه جنی بدیهی اولمغله

حقیق فیکرندہ اولدینغی بیلدیردی . سلطان فوق الحد غضبه
کله رک باش آغایی بوغازده کی کیلردن برینه بالارکاب بردها عودت
ایدمه جکی بردیاره نفی ایتدی . سلطان موسیو (مه لینغ) ه
سراینک یاننده کوچک بردآره دها یاپدیردی .

سفراییله خدیجه سلطان سراینک داخلنی وباغچه سنی کز مک
مساعده سنه نائل اوله بیلمک ایچون موسیو (مه لینغ) ه مراجعت
ایدرلردی . سلطان بالطبع کورونمز ، فقط زواری شکرلمه لر ،
قهوه لر ، شربت لر اکرام ایدردی . بعضاً سراینک داخلنی
تمامیله سیر ایتمه لرینی تسهیل کندیسی اک هجری بر محله حتی
حمام دائره سنه چکیلیردی . حمام دائره سی هر نوع رنگدن
مرمر لرله مزین اولوب ذوق سلیم واسلوب مزین یکدیگر یله امتزاج
ایتمش ایدی .

(سبجلیتین) سفیری موسیو (لوقونت دولودوف) بو باغچه لرک
زیارتندن حین خروجنده را کب اولدینغی قایقده عادات شرقیه
وجهله بر طاقم هدایای بهیه بولمشد . بوهدیله کشمیر شال لری ،
غایتله مزین و قیمتدار هند قاشلری پارچه لری ، صیرمه لی چوره لر ،
سرای شکر لری ، کل یاغی شیشه لری کبی نوادردن متشکل
ایدی . بونک اوزرینه موسیو (دولودوف) غایتله صنعتکارانه
ایشلمش قیمتدار اوانی مزینه و مجوهر اتدن عبارت هدیه سنی
تقدیم ایچون قیزی نزد سلطان یوللادی . مادمازل سلطان
تقدیم ایدلایکی کون (سلیم ثالث) ده زیارتنه کلشیدی . پادشاه
مشار الیه اوته دنبری اوزوبا قادینلرینک مالک اولدقلری ملکات

تزیینه حقننده بر فکر آلمق آرزو سننده ایدی. مادمازل (دولودوف) ک
برابرند فرانسه نك سابق از میر قونسلوسنك کریمه سی مادمازل
(آمورو Amoureux) ده بولنیوردی .

بو مادمازل لک برنجیسی اندام دلاویزی بر سیای دلفریب
ایله حلیه دار لطافت اولمش، هنوز میان شباننده، طور و حرکتی
ادیبانه، خلوقانه ایدی. مادمازل (آمورو) پک زیاده ذکی براسمر
کوزلی اولوب سیاننده کی علامت شوخی کوزل رفیقه سنك سکون
حالیه جداً بر تضاد تشکیل ایدیوردی . هر ایکسی ده سلطانه
تقدیم ایدلکلرند حقلرند پک زیاده نوجه کارانه حسن قبول
کوستردی ، نازکانه استفسارلرده بولندی . آنلری تبریک
وتهنیه ایدی . حتی برارغنون کتیرلمسی امرایدرک مادمازل
(آمورو) آنکله مختلف هوالر چالیدی. جدی واستادانه پارچه لر
پک آز مظهر تقدیر اولدیغی حالدده سریع ورقص انکیزاوانلر
حضاری تسحیر ایلوردی . بو ایکی کنج بالاخره برابرجه
دانس ایتدیلر. ذات شاهانه پارمقلقی برپاروانه آرقه سنه کیزلمش
سیر ایدیور . کندیسی آنلری کوردیکی حالدده مادمازل لر
حضورندن خبردار اولیورلردی . موسیو (مهلیغ) ممنونیت
حضرت شهریار یی تبلیغه مأمور اولنجه تراکت سلیمیه دن
صوک درجه ده متحیر قالمشدر. ایکی کنج حین وداعده بابالرنك
مرتبه سنه لایق هدایای کرانها ایله مظهر تلطیفات اولدیلر .

ذات شاهانه کیتدکجه اروپا صنایعنه علاقهدار اولیوردی .
موسیو (مهلیغ) بشکطاش قصرینی اکمال ایدنجه بوسنای دلنشین

صوك درجده محظوظيت سنيه يي موجب اولدى . مومى اليه
سر معمار پادشاهي عنوانى ويرمك تصورنده بيله بولندى .

براز صوكره (سليم ثالث) سراى بروننده اوروپا اسلوب
معماريسنده بر سراى محشم انشاسى نصوريى اظهار ايلدى .
اك كوزل مرمرلر معمارك امرينه حاضر بولنيوردى . دنيانك
اك برنجى موقعنده انشا ايديله جك اولان بو سراى ايچون
مصرف سوزى قاله آلميه جق ايدى . موسيو (مه لينغ) بويله
بركار عظيمى نرعهده ايتمك دن قورقدى . فرانسه سفيري قونت
دو (شوو ازل - غوفيه) نك استانبوله كتيرديكى معمار استاد
موسيو (قوفر) ه مراجعت ايتدى . موسيو (قوفر) ده خدمت
عثمانيه داخل اولمشيدى . مومى اليه بوسرايك انشاسى مسـ
بقه سنده بولمغه جان آتدى . فقط مصرك فرانسزلر طرفندن
استيلاي ناكهانيسى بو ايكي فرانسزك اميدلرني محو ايتدى .
آرتق انشا آتدن بحث بيله ايدلمز اولدى . هپ محارب سوزلري
دوران ايتمك باشلادى . موسيو (مه لينغ) ده چار ناچار سرايدن
مباعدت ايلدى .

(خديجه سلطان) سري مشهورينه كلنجه باش حرم آغاسنك اقامتنه
مخصوص اولان دائره نك چرچيوه لري پارماقلسز ، قفس سز
اولوب سراى سورينك خار جنده ايدى . باش آغانك دائره خصوصيه سى
آلت قانده اولوب برنجى قات شريف هايون وقوعنده معيت سنيه آغا
وركابدارلرني قبوله تخصيص ايدلمشيدى . آغالررركابدارلر سراى
قيوسندن ايريليرلر وذات شاهانه يالكزجه كيررلردى .

بورادن موسیو (مه‌لینگ) ك لظارتی ایله انشا ایدلمش کوزل
 قصره کیدیلیر ، قصره کنجره لری قفسلی ایدی . آچیق . اوزون
 برغاله‌ری ، اورته‌سندن پارماقلقلی و اوزرینه قوندیرلمش برکوشک
 ایله پیدای اتصال ایتش ، کوشک دکنزه موضوع ایکی بیوک تحته
 دیرک ایله طوتدیرلمشدر . برکینک آچیلنجه اولطه ایله بالق
 اولانیر . بورادن صکره‌سی سرایدیر . سرای بریرقانی ایله مکمل
 بر برنجی قاتدن عبارتدر . تقسیمات اوزونلامه‌سینه منند اولوب
 مختلف دوائر منقسمدر . مرکزده یالکز ذات شاهانه ایچون
 آچیلیر . آنک اقامته مخصوص برداره واردر . سلیم ثالث
 بوراده کونلرجه قالیردی . سلطانک باغچه‌لی سرای سوری
 داخنده ایدی . سرای ، سلطانک زوجی ، پشایه مخصوص باشقه
 بر دره‌بی تقریق ایدن دیواره قدر امتداد ایدر . یالکز آلت
 قاتده برقیو موجود اولوب پشانک دائره‌سندن سلطانک سراینه
 بوواسطه ایله کچیلیر و آنجق پاشا ایسته‌نلیدیکی زمان سلطان
 طرفندن ویریلن امر اوزرینه باش حرم آغاسی طرفندن آچیلیردی .
 پاشا دائره‌سنگ اوتیه‌سنده ایکنجی بریو کسک دیوار ایله تقریق
 ایدلمش سلطان کهایسنگ اقامته مخصوص برداره دها وارایدی .
 موسیو (مه‌لینگ) پاشا دائره‌سنده ساکن اولوردی .

سرایک اوکندده ، دکنده سلطانک بش چفته‌قایقی طورور .
 مشار الیهانک آرقه‌سنده بر حرم آغاسی . اوکندده ایکی سرایی
 قاتین . آنلردن صکره‌ده ایکی خلایق بولور ، اوچ چفته‌برقایق
 معیت سلطانی‌یه مخصوص اولوب اوکدن کیدردی . »

— ۲ —

عهد سليم ثالثه ظهور ایدن وقایع مهمه سیاسیهی و نائق
مخصوصه بناء تدقیق ایدرهك دور مذكورك معرفت حكومتہ
متعلق اجرا آت و تشبثاتی بزم تاریخلمركز هنوز هیچ برینه
نصیب اوله مش بر دقت و نفوذ ايله تحلیل ایلهین موسیو
« ادمون دریولت » کتابك بر صحیفه سنده زوال عثمانیت
حقنده :

« اون طقوزنجی عصر میلادینك باشلانغینده عثمانلی
حكومتك انقراضه دائر عمومی نه فكر وار ایدیه یکرمنجی
عصرك بدایتنده او فكر موجوددر : « دیدیکی حالد دیکر
صحیفه سنده ده :

« سليم ثالث تجددات عسکریهیه زمین مساعد احضار
ایتمك لیاقت مهمام شناسانه سنده بولنقله انقراض دولتی توقیف
وعثمانیلرک برعصردن زیاده اوروپاده پادار اولملری اسبابی
استیکمال ایلدی « دییور . دیمك که سلطان مشار الیه بر همت
واقمانه سیله بو دولته برعصرلق بر زندگی بخش ايله مشدر .
بو حقیقت بزجهده ذاتاً محسوسدر . بزی اون اوچنجی عصرك
اوانلنده اضمحلالدن قورتاران او نیم تجددات عسکریهك شو
اون دردنجی عصر اوانلنده تمامنه مالکیته نه درجه لرده محتاج
اولدیغمز وارسته ایضاحدر . امور داخلیه ده کی اجتهاداتمرك
مشر اولسنی تأمین ایدمك اول امرده عسکر لکمز اولدیغنده

ذره قدر تردد ایتمه‌میدر . دور سابقك هر که شهیه ییغدیغی
انقض اختلافاتی اورته‌دن قالدیره‌جق آنجق تکملات عسکریه
مزددر . بزبوتکملاتی‌الده‌ایتمه‌دجکه غوائل خارجه‌دن قورتوله‌مایز .
بکا اویله کلیوز که چته‌ر قانونی روم ایلیده تطبیق ایتمکده
کوردیکمز مشکلات بیله تکملات مذکوریه هنوز ای مدیکمز
دندر .

سلیم ثالث عهدنی هرج و مرج ایدن نیجه غوائل جسیمه
آره‌سنده عسکرلکه معطوف اولان همت عالی‌ده‌دن بو قدر
مستفید اولدیغمز حالدہ مرحوم مشار الیهك خصوصیات
وذوقیاتنه دائر بزه معلومات ویره‌جك آثاره پك آرتصادف
ایتمکده‌یز . کچن عصر ابتداسیله بوعصرک ابتداسی آره‌سنده کی احوال
روحیه واجتماعیه فرق‌لرینی کوستره‌جك اولان بو نوع صحائف
تاریخیه‌نك بزجه حتی شم‌دیکی زمانمز ایچون بیوجك براهیتی
واردر . بوسبيله مصادف اولدیغ صحائف مذکوریه « مصاحبه »
شکلنده اوله‌یق عرض ایدیورم .

کچنکی مصاحبه‌لر مک برنده سزه موسیو (مه‌لینغ) دن
بحث ایتمش ایدم . موسی الیهك اثر مشهورنده کوردیکمز « بحرآ
تشریف شاهانه » صحیفه‌سی کچن عصرک برکوننده بزیه‌یاشاده‌جق
درجده‌ده تصویراتی محتویدر . تاریخك احوال اجتماعیه‌یه تعلق
ایدن قسم‌لرینه خاص اولان اهمیت‌ده آنجق برحیات رجعی
ظنی احساس ایله‌مسندن ایای کلیر . « نعمای ده » « راشد » ده
و بعض خصوصی تاریخلر مزده منظور اولان بو کی صحائف

نادره دن آلدیغمز ذوق تبعده بونوع احساساتدن باشقه برشیئه
محمول اوله ماز .

موسیو (مهلینغ) بحری کیدیشی شو صورتله توصیف
ایدیور :

(ذات شاهانه بر تنزه اجرا ایتک مراد ایلدیمی آنی بر کون
اول خبر ویرر . بو خبر شایع اولنجه استانبول سرور سور
ایچنده قالیر . فقط مدھش بر استبدادک حکم فرما اولدینی
بویرلرده کی سرور بزم (آوروپالیرک) مسرتلر مزه بکزه مز .

« صندالیه » Sandalié نامنده آلتی بیوک صندال موکب
هایونه یول آچار . بونلره عددی یوز اللییه بلغ اولان ایچ
اوغلانلری (خدمه) بینرلر . بونلرک صاغ وصولنده کیدوب
کلن دیکر ایکی صندالده « خصکی آغالر » را کب اولورلر .
خصکیلر آیقده طوررلر . طوپ کورلر کی چیقان سسلرندن ذات
شاهانه نك تقرب ایتدیکی آ کلاشیلیر . اللرنده طوتدقلری
دکنکلرله مزاکب خصوصیه امرلر ویررلر .

ایچ اوغلانلرینک صنداللرندن صو کره « صاریق صندالیه »
دنیلن بر صندال کلیر که بوکا دستار هایونی نقله مأمور اولان
مأمور بینر . انظار خلق بوزینته طوغریدن طوغرییه منعطف
اوله ماز . کویا پادشاهک یوزینه باقیلیورمش کی ناظرونه مهابت
کلیر . هر کس اکیلیر ، تیرر . دستار هایونی طوتان ، کویا
بندکانندن خوشنود قالمش بر ولی نعمتک تبلیغ توجهاتی ایما
ایدیورمش کی ، آکا بر حرکت خفیه ویرر . سلطانلر ، همشیرکان

پادشاهی اینجی و احجار ذی قیم ایله مرصع مربع الشکل بر شال
ایشله یوب بایرام کونئی تقدیم ایدرلر. ایشته دستار هایون بوشال
ایله قوشادلمش اولدیغی حالدہ انظار احترام عمومہ معروض
بولنور .

صاریق صندالیہ نك آرقہ سندنده آلتی قایق یورور . بو
قایقلرک هر برنده بر آغا (مابینجی) بولنور . بو آغالر آرقہ لرینی
زورق هایونہ دونمش اولماق اچون یوزلرینی قایقلرینک قیج
طرفنه متوجه بولندیرلر .

ذات شاهانیه مخصوص اولان قایقلر ایکی دانه در ،
ایکی سنده ده اوچ فنارلی ، اطراف صوم کوشدن معمول پارماقلق
ایله چویرلمش وعین معدندن درت ستون اوزرینه مستند بر کوشک
واردر . بو کوشکلر (مظارلر) ، او جلری غایتله مکلف صیرمه
ایشلمه لی وایجه ، خالص اینجیلرله موشح فستونلردن متشکل
صاچاقلی قیرمزی چوقه دن یاپیلمشدر .

پادشاه بو قایقلاردن برنده او طور مش ، دها ایسی یاتمش کی
کورینور . کوشکک خارجنده آرقہ طرفنده « بوستانجی باشی »
[۱] بولنور که دومن طونار . کوشکک اینجریسی صوم کوشدن
معمول کوچک بر رمقلى ایله بولونمشدر که محل مذکور

[۱] قدیماً دیوشیرمه اصولیه جمع ایدیان و عجمی اوغلانلری تسمیه
اولنوب بر قسمی استانبول برایلرندہ و بر قسمی ادرنه کلیمولی ده کی
برایلرندہ استان خدمتہ اخذ ایدلمش اولان خرسیتیان چوققلرینک
آمری . صوکره لری بهاز اینجی ایله سرای وحدائق هایون وجوارلرینک
امور ضابطه سنه مأمور ایدلمش ایدی .

مواجهه پادشاهیده بولان اوج مهم ذات اشغال ایدرلر .
 خنکار قایغنده بوستانجیلرک تشکیل ایتدکلی ایکی صیره دن
 هر برینک اورته سنده ایکی « باش چوقدار » بولنور . بولردن
 بری بر اسکمله طوتار که ذات شاهانه قره به خروجنده آتہ
 بینمک ایچون بوکا باصار ، بونک قارشیسینده کی چوقدارده
 برابر طاشیر . تا باش طرفده بر خصکی اخذ موقع ایلر .
 بوقایغه مهمیزنده (تالیامار) منقور قوشه نسبتله « قیرلانغیج »
 دینیر .

ایکینجی خنکار قایغیده برنجیسی کی فوق العاده مزیندر .
 باش و قیچلردن تفریق اولنور . بو قایقده سیف پادشاهی نی
 نقله مأمور اولان « سلحدار آغا » بولنور . فقط کیمسه قایقده
 ذات شاهانه به مخصوص اولان موقعه او طوره غه جراتیاب
 اوله ماز . پادشاه عودتسندہ حین عزیمتسندہ آرقه دن کلن قایغه بینر .
 قره دن بحره هراقتالنده دیکشدرر .

موکب هایونه داخل اولان دیگر قایقده حرم آغلاری را کب
 اولورلر . بولرک باشلرندہ قیزلر آغاسی بولنور . قایقده کمال
 غرور ورخاوت ایله یاصلانور . حرمت و تعظیمک قورقودن
 ایلری کلدیکی بر مملکتده حرم آغلاری رئیس ، سرای خلقی
 قورقوتمقله برابر بتون ایمراطورلغی ده تیتہ تیر .

ذات شاهانه نک کچدیکی قیز قله سندن آتیلان طویلر اعلان
 ایلر . حین گذارش هایونده قله فک زمینده بو تانجیلر دیزیلرک
 وایکی قات اکیلرک عرض تعظیبات ایدرلر .

نردیه تشریف شاهانه واقع اولورسه اورایه برای استقبال
در حال چادیرلر قوریلور . اوراده طعام وادای صلات ایلمه
بعده او یون اشراتی ویریلیر . اولایپ و منزل جانبازلی
اوینار . منزل ایپلری برطاغدن برطاغه ویاخود بر او وادن
برطاغک تپه سنه کر یلیدر . بو منظره خلق هم قورقودور ، هم ده
اکندیرر . جانبازلر بو ایپلره کمال جرأت و چالاکی ایله حیقه رق
اوینارلر . بو او یونلر اون او چنجی و اون درنجی اعصار میلادی ده
فرانسه قراللری شرفه ترتیب ای دیلن سورلرده کی اکنجه لری
آکدیریور .

جانبازلردن صکره تماشا ای دیلن او یونلر ده اسکی زمانلره
عائددور . بونلر اسکی یونانیلر زماننده اجرا ای دیش اولان پهلوان
کورشلریدر . پهلوانلر یالکز کسبت کیرلر ، وجودلری عریاندر .
زیتون یاغی سورینورلر . اوچ دفعه حضور هایونده یرده قدر
اکیلیرلر . غالب کلنلر طرف شاهانه دن برقاچ آلتون احسان
آلورلر . پهلوانلرک یکدیگری نی ازمه لرینه نادراً مساعده اولنور .
پهلوانلردن صکره آیی دو کوشدیریلور . بو دو کوشلر اسپانیاده کی
مدشش بوغا دو کوشلرینه بکره مز . میدان چیقان آیینک آغزی
باغلیدر . بونک قارشیسنه چیقان خصمی بیك درلو اذیت ،
بیك درلو حقارتله حیوانک غضب عاجزانه سنی درجه درجه
تزیید ایدر . آرده ینه آغزلری باغلی کوپکلری ده صالیویریرلر
کوپکلر صالیریرلر . فقط ایصیره مازلر .

آفشام اولمجه او یونلرده بیتر . ترکلر بو نوع او یونلری

تماشادن يورولمازلر . تهيج ده ايتمازلر . پادشاهه تعظيماً آلايش
يايمازلر . ذات شاهانه اوساعتمده پاي تخنه دونر . صيفيه ده دكل
ايسه خارج شهرده قالمق مراسمدن دكلدر .

*
* *

قير قله سندن باقيلنجيه براورمانك كولكلري ايچنده پنهان
برقوجه شهره بگزه ين سرايك سور عظيمي ، اك زياده نظره
تواز يشيلاكلر طرفنده اوزون ، اسكي ديوارلر كورينور . بورالده
برطاقم خيالات سكون ، خيالات هائله نمونه قاريشير . جسم
آغالر قبه لرك ، منار لرك تپه لرينه قدر يوكسه لير . سرايك ماوراي
سورندن آياصوفيه ، سلطان احمد جامعلري اقسام علويه سي
مشاهده اولنور .

بوراده اينجيلي كوشك واردر . ذات شاهانه هر سنده مو سمنده
بورايه كلير ، منبعي داخل سورده اولان وصوي بوريلرله
كتيريلوب كوشك كهرى آلتندن يالكلر اوكون آقان آياز مهروملر
تزدنده بك زياده محترمدر . اهالي مرقومه بوصويه قدسيت
مخصوصه اسناد ايدرلر .

آياز مهري بوستانجي باشي آچار . رومرك صافدرونلقلرينه
كولر . عين زمانده دستيلريني طولدير مهلرينه مأذونيت ويرمز .
آنلره بوصوي بهاليجه صاتار . ذات شاهانه رومرك تلاشلريني
وجدوت هيجلريني ، يوز كوز ييقامه لريني تماشا ايدرك اكله نير .
محظوظيت سنيه لريني اعلام ايچون پاره آتار ، آنلرك قايشدقلري

اشاده آیتشوب قاقیشدقلری منظره لردن نشه یاب اولور .
 سرایک محیطی بر یحوق فرسخدر . داخل سورنده سرور
 آلتده [۲] سرای هایون احتیاجاته مخصوص سبزده بوستانلری
 واردر . هیمی خارجی اوله رق آلتی خسته خانه واردر که بونلردن بری
 قادیملر ایخوندر . باشم آغریور دین بورایه یاتیریلیر . استانبولده
 متوالی الظهور اولان وبا علت مدهشه سی بوتدیر سایه سنده
 سرایده اجرای تخریبات ایدمه مکده در .

بو خسته خاندن مدرینک مقامی « خسته لك او طه سی » در .
 بو او طه رختیمده کی دیوارك خار چنددر . یاننده بر جامع واردر .
 بونك صول طرفده تك بر آغاج موجود اولوب دها بر قاق
 آغاج حبولتیه (سلیم ثالث) طرفدن انشا ایدلمش اولان کوشکدن
 آیریلیر . حرمدن چیتنبجه بوراده کوندوزی کچیرمك مشارالیه
 معتادیدر . بو کوشک جوار سرای برونی ایله طوپخانه برونی
 ایمانك مدخانی تشکیل ایدر . هراکیسی ده طوپ باطاریالیه مجهز
 و مستحکمر . (

تفصیلات معروضه دن مستبان اولور که سلیم ثالث بیک خاجان
 ایچنده اولدینی حاله پک ساده جه عمر گذار اولمشدر .

(جودت پاشا) مرحوم . جنتمکان مشارالیه - طرز وقایع

[۲] حالا اندرون هایون دائره سنك خار چند و شمندوفر گذرگاهنه
 متصل اولان اراضیده بو مرله ستانلرك آناری موجوددر . کجه جی زده
 عزت فؤاد پاشا خزینه هایونك نظیمی و برمناسب اجرته عمومه کشادی
 حقنده یازدنی مطالعه نامه ده بورالرك مناسب وجهه تغیه سندن بحث
 ایلور . کی که جدا آرزو اولنور .

الجا آئيله - فوق العاده بر حلم و توکل اسناد ايدر . و بوطبع
متوکل اسنی سبب شهادتی اولمق اوزره سويلر . فقط خاقان مغفورده
یأس کلی بولمديغنه نه ايله حکم ایتلی ؟ کتب تاریخیه انواعک
شهادتيله دخی ثابت اولدغنی اوزره دولت عسکرده کی عدم
انتظام و اطاعت سببیريله طریق محو و انقراضه یوریوب طور مقده
ایکن بیله یکیکچری باغیر بيله جهله ناس « نظام » جدیدک بخش
ایده جکی قوت و مکتبی کسر ایتک ایچون یا مقدری جنایات
بر اقامدیلر . بزده خلقت یکی و نافع ایشله نظر غیظ و عداوت
ایله باقمه سی یوزندن نه فرصت لر غیب ایدلمش ، نه فلاکت لره اوغر ایشدر !
شمدی بیله ارتجاعیون دیدیکمز بونلرک اخلاف مفسدت نشانی
دکایدلر ؟ بویله اولدقلرنده بنجه هیج شبهه یوقدر . اعتقاد محبه
عبرت بین اوله لم . وقایع سالفه کندی منزله کس دیکمز دالدردن
نه صورتله دوشدیکمزی برر برر کوستریور .



فرانسزجه

دقت بیوز بیلور می ؟ شیمدیلر کی مسه :

— بونثور

— بون سووار

کی فرانسزجه تراکیه آلدیر میور . بوندن یکر می ،
یکر می بش سنه اول ایسه بر (بونثور) و یا بر (بون سووار)

قوجه مان بر فرق مقلد لکنه معادل طو تولوجردی . بوکا سبب
 السنه مدنیه ایله ایترافزک کیتدکجه اسکیدیکیدر . باخصوص بک
 اوغلی طرفلرنده فرانسزجه صوکی . بیان بیلیمهین ، بر قاق
 ترکیب عادییه آلیشمش اولانلرک جمله سی بو لسانی استعمال
 ایچون شهرک بو طرفی انتخاب ایدیورلر . حتی بز بیله هنوز
 مکتب نشین ایکن کتاب آلمق ایچون تونل باشنه قدر حیققدقی ،
 مکالمه مجموعه لرندن از برلدیکنز نه قدر جمله لر وار ایسه جمله سی
 کتاجی متوفی (خریستو فوریس) د دوکر . صایار . اوپله
 دوزدک .

عجیبا بر فرانسزجه یی اوکر نمک باشلایه لی قاق سنه اولدی ؟
 ایشته بر مسئله مدنیه ده . چونکه زمانمزدده بر لسان اجنبی
 اوکر نمک مجبوری هر وقت ایچون موجود . بو مجبوریت
 ساده بزم ایچونمی ؟ خیر . فرانسزلر ، روسلر ، آلمانلر ،
 ایتالیانلر ، حتی انکلیزلر بیله بو مجبوریت آلتده بولنیورلر .
 اولدن بری ایشیتدیکنز نه قدر لسان او قدر لسان سوزی بوصورتله
 دخی طوغریلغنی اثبات ایدیور . زمانمزدده مکاتب مهمه مزک اکثرنده
 عربی ، فارسی ، فرانسزجه دن ماعدا آلمانجه ، روسجه ، حتی روحجه ،
 ارمنیجه ، بلغارجه یه وارنجه یه قدر تدریسات لسانیه شعبه لر موجوددر .
 فقط السنه اجنبیه آره سننده اکثریاده آشنا اولدیغمز فرانسزجه
 اولدیغندن بونک تاریخ انتشارینی اوکر نمکده ده نوعا بر فائده
 ملحوظدر .

مطالعہ گذارمز اولان (دوبا) غزته سننده (ناره ی)

امضاسيله استانبولدن مرسل بر مکتوبده بو جهت شویله جه
ایضاح ایدیلور :

استانبولده فرانسزجه نك استعمال ایدلیکی زمان
(۱۸۳۰-۱۲۴۶) سنه سی اولق اوزره قبول ایدله لیدر .
بو آنه قدر شهرده یالکیز ایتالیا نجه سویله نیردی . فرانسه
قرالردن دردنجی هازی (۱۵۸۹ - ۱۶۱۰) زماننده غلطده
تمکن ایتش اولان جزویتلر بوراده بولن ان قاتولیک وارمی
چو جقلرینه فرانسزجه نك مبادیسی تعلیم ایدرلردی . بولردن
صکره کان (لازاریست) پاپاسلر ۱۸۴۲ سنه منده ایلک فرانسز
مکتبی کشاد ایتشلردر . فقط فرانسزجه بو ریخدن اون سنه
اول زبازد ایدی . حتی سلطان محمود خان ثانی عهدنده آچیلمش
خصوصی مکتبلرده او قوتدیر یلردی .

خاقان مشارالیه وقعه خیرییه یی متعاقب معزم ضابطان یتیشدیر نك
وبونلری فنون عسکریه عربیه دن آگاه ایتک مقصدعالی همتانه سیه
مکتب حریه شاهانه یی تأسیس بیور مشلردر . (۱۲۵۰ تاریخ
هجری) . آمال شاهانه لری دولت علیه نك استکمال قوت وسطوته
معطوف اولقله اردوی هایونك ادامه حیات وحتی دخی درپیش
نظر اعتنا ایلدکلرندن خبره خانه ده . مکتب طیه ده دخی فرانسزجه
تدریس ایدلسنی امر ایتدیلر . معلوم اولدینی اوزره بوندریساتك
فرانسزجه اجرا ایدلسنی مظهر تصویب اوله رق حتی موسیو
(برنار) نام معلم نومقصد ایچون جلب و تعین اولنمشیدی .
ایسته فرانسزجه نك ممالک عثمانیه یرسماً قبولی بو تاریخده در .

فرانسزجه نك اوزمانده اسلاملا اچون برلوزوم خصوصیتی
اولدیغنده شبهه یوق ایدی. اول امرده علوم و فنون و صنایعك
ممالك عثمانیه اداخلی اچون یكانه لسان فرانسزجه اولدینی کی
محرارت رسمیه دولت و مناسبات سیاسیه ده دخی واسطه
مداولات آنجق بولسان ایدی .

مکتب طیهیه هر صنف خلق و هر مذهب اطفالی قبول
ایدلایکندن مجموع طلبه نك نصفی افراد اسلامیه دن و نصف
دیگری روم، ارمنی و یهودی جماعتلرینه منسوب اطفالدن ترکیب
ایتدی . بومکتبدن چیقانلر بیکباشی رتبه سنه نائل اولدقلرندن
آرزوی تحصیل کرکی کی قوتلندی .

مکتب طیهیه ده فرانسزجه تدریسات ۱۸۷۱ سنه میلادی سنه
قدر دوام ایتدی. آثار جدید طیهیه واصطلاحات جمع واحضار
ایدلیکی جهتله بوتاریخدن صکره ترکیبه تدریساته باشلانیدی .
مع هذا اعدادیهلرده فرانسز لسانی تعلیم و تدریس ایدلایکدن خالی
قالیوردی. شرقیلار علوم متداوله دن ان زیاده فنون طیهیه تحصیلنه
خواهشکر اولدقلرندن اکمال تحصیل اچون پارسه کیدنلر و کو
نهرینلار چوغالیدی . پارسده اکمال تحصیل ایدنلر عودتلرنده
مکتب مذکور معلملرینه تعیین اولتیورلردی .

ممالك عثمانیه ده فرانسزجه اوله رق ایلك غزته ۱۸۲۵
سنه میلادی ده (از میر) ده نشر اولمشدر . بو غزته نك نامی
Moniteur de l'Orient یعنی «شرق مخبری» اولوب مؤسسی
دخی موسیو (بلاق) نامنده برفرانسز ایدی .

بوغز تیه انکلتیره پارلامنتوسی اعضا سندن موسیو (اورقارت) ده
معاونت قلمیه ده بولنیوردی. موسیو (بلاق) بالآخره در سعادت کله رک
بوراده (۱۸۳۱) سنه میلادیه ده *Moniteur Ottoman*
نامنده کی غزته یی نشر ایله دی که بدایت انتشارنده کاملاً فرانسو
محرر ایکن بالآخره ترکیه بر قسم ده علاوه ایدلمشدر .

تعمیم معارف امرنده حکومت عثمانیه جه ابذل ایدیلن
اقدامات متوالیه آثاری کوندن کونه تعدد و تکثر ایدمه رک
۱۸۵۴ تاریخنده مکاتب رشديه احداث ایدلمشدر. مع هذا بر لسان
اجنبینک و با خصوص فرانسو جه نک علی السویه تدریسی دخی
بومیانده مقصود اولمغله در سعادتده تدریساتی صرف فرانسو
بر مکتب کشادی تأمل ایدیله رک ۱۸۶۸ سنه میلادیه ده اول
امرده طقوز یوز طالب استیعابنه کافی درجه ده واسع اولمق
اوزره غلطه سرایی بناسی تنسیب و ترتیبات و تشکیلاتیه لوازم
فنیه و علمیه سنک استیکمالنه درت یوز بیك فرائق صرف اولندی.
بوندن ماعداد مصارف سنویه اوله رق بش یوز بیك فرائق
تخصیص قیلندی .

مکتب سلطانی سنه مرقومه ایلولنک برنجی کونی کشاد
ایدیلدی. طلبه موجوده سی ۳۴۱ چو جقدن عبارت ایدی. جدول
آتی بوبابده بر فکر صریح وزیر :

| | |
|--------|-----|
| مسلمان | ۱۴۷ |
| ارمنی | ۴۸ |
| روم | ۳۶ |
| بلغار | ۳۴ |

| | |
|----------------|-----|
| یهودی | ۳۴ |
| لاتین قانونیکی | ۲۳ |
| ارمنی قانونیکی | ۱۹ |
| مجموع | ۳۴۱ |

مع هذا بویکون بر آی صکره درت یوزاوتوزه وسنه نهایتنده
 بش یوزاوتوزه ارتقا ایلدی. ۱۸۶۹ سنه سی نهایتنده دخی آلتی
 یوز قرقه بالغ اولدی .

موسیو (باره ی) ك خلاصه مسروداتی شو سطرلردر .
 بالطبع فرانسز اولق حسبیله مکتب طیبه دن فرانسزجه
 تدریساتك الغاسنی خوش کورمه مکده و فرانسز لسانك شرقده
 سائر السنه اجنبیه یه تفوق ایتسنی آرزو ایتمکده در . حتی سنین
 اخیره ظرفنده آلمانجه نك عثمانیلر آره سنده تعمیم ایتمش اولسنی
 حرارت لسانیه ایله افاده ایدیور .

مکاتب عثمانیه ده فرانسزجه تدریسات علی العموم مطلوب وجهله
 اجرا ایدیله میور . اول امرده بوکار و غراملرده نشر اولان درس لرك
 کترتی سبب کوستریله بیلیر . مع هذا ترکلر آره سنده فرانسز
 لسانی شو صوک سنه لرده خیلیدن خیلیه تعمیم ایتمش و حتی
 خصوصی خواجهر طوته رق تحصیل ایدنلرك عددی بیله
 چوغالمشدر .

در سعادت . سالنیک . از میر ، بیروت کبی بلاد عثمانیه ده
 فرانسز لسانك تعمیمی یوزندن عثمانیلرك بر خیلی مستفید

اولدقلرینی بوراده ایضاحه لزوم یوقدر . باخصوص شو صوڪ
نصف عصرده فرانسزجه دن لسانمزه پك چوق آثار ترجمه
ایدلمش و بونلرك یاردیميله اقلام عثمانیه دخی برخیلی اثر حصوله
کتیرهرك ترقیات غریبه نك همان كافه محصولاتی حقهده مملكت مزده
ایچه اساسلی مآثر عرفان وجود پذیر اولمشدر .

موسیو (باره ی) مقاله سنده فرانسزجه نك ممالك عثمانیه ده
انتشارینه اك قوتلی واسطه اولمق اوزره مکتب سلطانی یی اراائه
ایدیوزكه بونده حقلیدر . فقط سائر مكاتبك دخی بوباده خیلی
معاوتی واردر .

آلمانجه یه کنجه : ترقیات حاضره یی دوشونمك ایجاب ایدیوره
بوکون فرانسه ده بیله هر درلو مناسبات مدنییه یارامق اوزره
انگلیزجه ، آلمانجه ، ایتالیا نجه تحصیل ایلرویه سورولدیكنی بیلدیكمز
جهتله آلمانجه نك تعممنه موسیو (باره ی) نه درجه یه قدر خصمانه نظر
ایدر ایسه ایتسون هیچ بر تأثیری اوله میه جنی محققدر .

مومی الیه (مکتب سلطانی) حقهده یازدیفی سائر سطور
میاننه معلومات آتیه یی دخی ضم ایدوب دیوركه :

(مکتب مذکور درجه کمال و ترقی یه ارتقا ایده جکدی . بدایتده
عددشاگردانیدیوزاللی یه وارمشیدی . بوعدببالآخره یوزتمش
آلتیسی خارجی اولمق اوزره طقوز یوزاوتوز ایکی یه رسیده اولمشیدی .
بوندن بر بچق سنه اول ظهور ایدن بر حریق مدهشده بنای
مکتب کاملاً خراب اوله رق كافه ادوات و اشیا سی محترق اولمش
ودرت دیواردن ماعدا بر شیء قالمامشدر . برکت ویرسون كه

ضایعات صرف مادیدر . تجدیداً انشاسی مقتضای اراده
 پادشاهیدن اولغله مکتب موقه بکربکنه نقل ایدلمشدر .
 بوجهته عدد طلاب آلتی یوزاللی آلتی یه اینمشدر . بوجموعک
 درت یوزی مسلم ، یوز یکرمی بشی روم ، سکسانی ارمنی ،
 اون بشی قره طاغلی ، اون رومانیالی ، اون بلغار ، اون
 صرب ، اون لاتین قاتولیکی ، اوچی چینلی و باقی اوچیده
 جاوالیدر .

شورایه قدر ویردیکمز تفصیلاتندن ده شونتیجه تظاهرایدیورکه
 فرانسز لساننک ممالک عثمانیه داخلنده انتشار و تعممی عصر
 محمود خان ثانیه مصادفدر .)

بر ، ایکی مکتوب

« کتاب و سرکیسی » سرنامه سی تحتنده یازدیغم بر مقاله ده
 بالمناسبه صنعت طباعتک ممالک عثمانیه ده تاریخ ظهورندن
 بحث ایتمش وایلك طبع ایدیلن کتابلری دخی بیلدیرمش ایدم .
 مقاله مذکوره نك برخطردر بشقه برشی اولیان محتویاتی
 دانشوران عثمانیدن برقاچ ذاتک نظر دقتلرینی جلب ایتدیکی کبی
 اخیراً واصل دست استفاده اولان اوراق برخطرده دخی اسلام
 و عثمانیلرک صنعت طباعته - مقاله ده کوستریلن تاریخن - پک چوق

اول باشلامش اولدقلری و حتی احتیاجه صالح اثر لر بيله موجود اولدیغی تخمیناً بیلدیریلیور که اهمیت خصوصیه سینه بناءً درج ایلورم :

« اسلاملرک صنعت طباعتده کی قدم و فضللری حقنده بعض مشاهداتی ارسالیدیورم. مشاهداتم اوزرینه — مع التأسف — تعمیق مسئله ایلهمه مش اولدیغم جهتله و ثائق قطعیه دن عداید یله مز. مع هذا آثار محفوظه عتیقه دن اولملری نقطه نظرندن شایان دقتدر :

بونلردن بری آلمانیا نك (نورنبرغ) موزه خانه ملیسنه عائد و تقریباً $۰,۳۵ \times ۰,۶۰$ مترو ابعادنده چمشیر اوزرینه حك ایدلمش تركه عبارهلی بر كره مسطحه ، دیگر ی (وندیک) ده « دوجه » سراینده — که الیوم موزه حکمنده در — بولنان $۰,۸۰ \times ۱,۴$ مترو ابعادنده کاغذ اوزرینه مطبوع دیگر بر كره مسطحه ایله بونك ینه چمشیر اوزرینه محكوك قالب لریدر . بونلرک یازیلری غایتله گرفت و مصنع بولندیغی ایچون تاریخ حکارینی پك ده بوله مدم . مع مافیه خاطر لادیغمه كوره پك اسکی شیرلایدی . حتی وندیکده كنك « تونسلی الحاج محمد » کی براسمی حاوی اولدیغنی خیال میال خاطر لیورم . یالکز بونلرک هر ایکسی ده او و قتلرجه معلوم اولان قطعات عالی بر دأثره داخلنده ارائه ایتمکده اولوب دأثره نك اطرافی بر طاقم تفصیلات ایله املا ایدلمش و آمریقا قطعه سندن ذره قدر بحث ایدلمه مکده بولنش اولسی اغلب احتمالاتدر . شو حالده عثمانیلرده بویولده طباعت اصولنك فاتح سلطان محمد

خان حضرت تلمی دورینه قدر ارتقا ایده بیله جکی فکر نده بولنیورم .
وندیکده کی موزه ده عثمانیلر ایله بحر آ وقوع بولان مصادماتی
کوستر بعض محاربه نابولری ده بولنقده اولوب بو کره مسطحه نک ده
بویله بر مصادمه ده اله کچمش اولسی ملحوظدر »

*
* *

(هاری ماره) امضاسیله (ژورنال) نام فرانسز غزته سنده
فقرات مفیده یازان محرر ، اخیراً مکاتب مرسوله و متفرعاتی
حقنده بش سنه اول بر فقره یازمشدر که مندرجاتی شایان مطالعه مواددن
متشکل اولسنه بناءً نقل ایدیورم :

(یوز سنه ! بنده تام سزک کبی دون او کر ندیم . مکر مکتوب
ظرفه ینک تاریخ ایجاددن بو آنه قدر یوز سنه مرور ایتمش
ایمش . کر چه یوز یاشنده دکم . فقط ایجه خاطر لیورم که چو جقلغمده
ولایات اهالیسندن پک چوغی ظرف قوللانموب مکتوبلری
قاتلایوب بو کرک یولالر لردی .

(مع هذا آرمقدار یازار لردی . اوزمان بر مکتوب اون سکر ایله
او توز درت صو [۱] یه یولانیردی . بو مکتوبلرک پوسته اجرتی
مرسل ویز میوب مرسل الیهک ویردیکی محققدر . پاره سنی ویرمک
مکتوب یوللامق تربیه سزک صایلیر ، یالکر کبار و رجال کنندی

[۱] صو : بش سانتیم یعنی اون پاره قیمتده باقی آقیه در .
شوالده اوزمانلر فرانسه ده بر مکتوب درت بچق ویا سکر بچق غروشه
ارسال ایدیورمش . ممالک عثمانیه ده پوسته احداث ایدلیکی ایله
زمانلر ده یوز ساعته آلمش پاره اجرت قونولدیغی و بغداده آلتی غروش
اجرت ایله مکتوب یولاندیغی بیئر حال اواردر

مادونلرینه یوللادقلری مکتوبلرک اجرتی ویریرلردی . حال بوکه
 زمانمزه پوسته اجرتی ویرلمه مش بر مکتوب آله جق اولسه
 یوللایان آدمک قبالغه حمل ایدیلیر . اسکیدن ایسه ویروب
 یوللایان قبا کوریلوردی .

(اوزمانلراچون خوش زمانلرایدی دیه جک اولسه م بنده
 قبالر صیره سنه و دشمنان ترقی عدادینه ادخال ایدرسکیز . فقط بنم
 پوسته حقنده پک زیاده خصوصی فکرلرم واردر . سیاحت
 ایتدیکم ائتلرده پک چوق کیمسه لرک پوسته موزعلری اوزرینه
 صالدر دقلرینی ، پوسته لرک ورودینی کمال اشتیاق ایله بکله دکلرینی
 کورور و کندی کندیمه بویله ناخوش ، جان صیقیجی شیلره
 طوغری بونلری سوق ایدن حس استعجالک نه اولدیغنی
 صورارم . زیرا سنرکده معترف اوله جغکیز وجهله آلدیغکیز
 بیک مکتوبده طقوز یوز طقسان طقوزی یاسره هیچ برشی
 بیلدیرمز و یاخود سنرک بیلیمه مکی ترجیح ایده جگکیز بر خبر
 ویریر . بن ، وقوع بولان سؤاله موزع :

— سنرک ایچون هیچ برشی یوق .

جوابی ویرنجه کینیشجه نفس آلانلردن و :

— چوق شکر یاربی ! دهایکرمی درت ساعت راحتیم .

دینلردنم .

(هر نه قدر اندرانلوار قیلندن ایسه ده پاره تبشیر ایدن
 مکتوبلرله ینه نادر ایدن معدود اولان بر محب و فاشعاردن کلن
 مکتوبلردن ماعداسی یاسزی اصلا علاقه دار ایتمز ، یا جانکیزی

صیقار و یا خود کو چندیرر. بناء علیه :

— مکتوب و ارمی ؟ دیه پیش موزعه ، پوسته خانه به قدر قوشوب کیت مک ده نه معنا وان ؟)

(هانری ماره) نک سوز لرنده اولدجه حقیقی جهتلر موجود . بوجهات حقیقیه بی مطبعه لره وارد اولان مکتوبلرک چوغنده دائماً کوریرز .

محرر مومی الیه پوسته لرک اوروپاده ایجادی نی اون سکنجی عصر میلادی اواخرینه طوغری فرانسه حکمداری بولنان (آلتجی لوتی) یه اسناد ایدیور .

فقط بو اصول شرقده پک اسکیدر . حتی عباسیلر زماننده (منزخانه) لر تأسیس ایدیلرک مواردات و مراسلاته اعتنا قلمش ایدی . تاریخ مدنیت بشریه بوباده ده قدیمی معلومات ویریور : دیورکه :

(ازمنه قدیمه یه طوغری ارجاع نظر ایدیلرک اولورسه ابتداء انتشار مدنیتدن اعتباراً اصول مراسلاتک اتخاذ ایدلیکی کوریلور . وحشیلرک بیلر پوسته لری . بریدلری واردر . چینده . مصر قدیمنده ، آثوریا لیلرله ، مدیالیلرده بو اصول موجود ایدی . مؤرخین عتیقه دن (اقسه نوفون) ایله (هرودوت) ک بیانته کوره ایرانده (کیخسرو) طرفندن تأسیس ایدلمشدر . (هرودوت) ک بوباده ویردیکی معلومات سزاوار تذکاردر : (ایرانیلرک ایجاد واستعمال ایتدکاری اصول مراسلات و مخبرات قدر حائز سرعت برایش اوله ماز . هر یول اوزرنده

مسافه بمسافه وهر کونلک مشی وحرکته مطابق اوله رق انسان و حیوان منزللری بولنور . یاغفور ، قار ، حرارت ، قارا کلک ، الحاصل هیج برشی پوسته لرك ایاب وذهابنه و سرعته مانع اوله مازم ایلك کلن ایکنجی یه ، اوده اوچنجی یه والحاصل تاحل مقصوده کیدنجه یه قدر مرسولات دور وتسایم اولنور .

(اسکی حکومات صغیره یونانیه ده دخی پوسته اصولی وار ایدی . روما ایمپراطوری (سزار) ک زماننده (غول) ایله (ایتالیا) ده تأسیس ایدلمش اولان پوسته اصولی پک زیاده منتظم ایدی . حتی روماده بولسان مشهور (چیچرون) . (بره تانیا) دن کوندریلان ایکی مکتوبدن بری یکر می آلتی . دیکری یکر می سکز کونده واصل اولمشیدی که اوزمان ایچون سرعت خاطفه عد اولنیوردی . غوللر نزدنده مستعمل اولان بواصول مراسلات منزل منزل قوشان اولاقلر واسطه سیله اجرا اولنور . ایلك اولاق وار قوتیله قوشه رق ایکنجی یه ، ایکنجی ده عین صورتله قوشه رق اوچنجی یه وبویله جه تاحل مقصوده قدر تسلیم وتسلم ایدیلیردی .

(والحاصل پوسته معاملاتى ترقیات مدنیه ایله برابر ایلریلیه رك اون آلتنجی (لوتی) زماننده پارسده آلتی پوسته قوطیسی کشاد ایدلدى . فقط پوسته لرده اك اول تنسیقاته قالمیشانلر انکلیزلردم تنسیقات مذکوره تعرفه لرك توحید یله باشلامش وبواصول آرزمان ایچنده اوروپاده قبول ایدیله رك شمندوفرلرك انشاسی دخی جدی صورتده توسعنه یارديم ایتشدرد . مشهور پوسته جی انکلیز

(رواند هیل)، بریتانیانك هر طرفه (۱۰) سانیجه یعنی یکرخی پارهیه مکتوب ارسال ایدلمسنى قبول ایتدیرمکه چالیشدیغی ائنده حقنده مؤاخذاتده بولنانلر پك چوق ایدیسهده صکره وارداتك تزايدی اوزرینه مکملیتی تظاهر ایتدیکندن فرانسزلرده ۱۸۴۸ تاریخنده بوکا یاقین تنسیقات اجرا ایتشلردر . قلات پوستالر ۱۸۷۲ سنه سننده ایجاد ایدلمش و بونلر دخی شهرلر مراسلاتی تحت انتظامه آلدیغندن قبول عامهیه مظهر اولمشدر . بزده پوسته اصول جدیده سنك احداثی ۱۲۵۰ وقایعی داخلنددر . حتی تاریخ (لطفی) دیورکه :

(او وقته قدر منتظم پوسته اصولی کورلمش شی اولیوب درکار اولان لزومنه مبنی نمونه اولمق اوزره اسکداردن ازمیده قدر بر پوسته یولی یاپیللمسنه خاصه مشیری مرحوم (احمد فوزی) پاشا مأمور اولدی . اقدامات واقعه اجراسیله آذرب وقت ظرفنده یاپیللمش اولدیغندن رسم کشادی ایچون وکلا و رجال پوسته عربهلرینه راکب اوله رق اسکداردن قارتاله قدر عزیمت اولمش و طاقم طاقم کیدیلوب طریق مذکور تماشا ایدلمشدر . اسکداردن ازمیده قدر متعدد پوسته خانلر بنا وهر چاریک محله واوزرلری رقلی دیرکار رکز وانشا اولمشدر)

شو حالده اصول جدیده نك بزده تطبیقی سکسان سنهیه قریبدره

اورته اویونی

« بزده لعبیات » مقاله لر مزده اورته اویونندن بحث ایتمش ایدک. بو اویون قره کوز ترتیبائنک آیری آیری افراددن مرکب و فقط دها واسع بر مقیاسده مرتب بر صحنه سیندر .

فی الواقع ، بوندن ده بشقه برشی اوله ماز . احتمال که قره کوزه نمونه و یا خود قره کوز بوکا سر مشق اولمشدر . بونلرده جناس لفظی و جناس معنویئنک اکثریا ک زیاده خنده فزا اولان اقسامی ایشیدیلر .

مجارستان السنه شرقیه مکتبی مدیری دو قنور (قنوش) درس هادتی زیارتنده بو اویونلر حقنده تدقیقائه کیریشمش و نتیجه تدقیقاتی عادتاً بر کتاب شکننده یازمشدر . مندرجاتی بو اویونک کافه تقرعاتی قارمه قاریشیق تصویر و ایضاح ایتسکه برابر بر خیلی فوائد تعریفیه بی دخی محتویدر .

قدیماً اورته اویونی کو چک دینیلن رقاصلرله باشلار و بونلری متعاقب جورجه باز دینیلن اویونجیلر میدانله کلهرک ترنات مرقصه ایله بر طاقم اوضاع غریبه اظهار ایدهرک کولدر لرلر مش . تمهیدر بویکی باشلانغیج کاملاً متروکدر . حتی اولاری اویون آرمه سنده زنه لرک بیله رقص ایدهرک چیق دقلری متواتر در . حمدی مرحوم ، بو حالک نابجا اولدیغنی وزمره بنات حوانک

سوقاقده رقص ایدمرك يورومدكلرينى بيلديكى جهتهله پك چوق
سنه اول كندى قولندن بو عادتى الغا ايله مشدر .

اولكى مقاله لر مزده دخی سويلديكمز وجههله هزام مى ،
سكاهمى ، مایه مى نه اولدينى سورناسنه كوره تخلف ایدن
مقاملردن برسماعى قيرينديسى ايله چيقان (پشكار) دن صكره
كورش هواسنى آكديران وكويا ميدان سخنده بربرندن
مردانه ايكي مبارز كلام بولنديغنى ائما ایدن اسكى ، صاغناقى
برترانه حسینی ايله ده (قاووقلى) ويا (نكره) چيقاردى .
فقط سالدیده اورته اويونچيلارينك و مرحوم حمدى افندينك نقلیاتنه
كوره اوللارى (نكره) قاووقلى دكل ائمش : يوزى قويوقهوه
تلوه سيله بويالى اوزرنده شالدين ويابش پارمقدن معمول بوى
انتاریسى ، آياغنده قيرمزی یمى ، بلنده كوبكوجه باغلى
شال قوشاق باشنده اوجى آغزینه فدر ايكري كلاه ، الله
لوله سی قيصه ، صاپى ايله بلنه مربوط برچبوق بولنان و نامنه
ترياكى دینان برمقد چيقارمش . بوقیافتى قاووقلى به قلب
واورته اويونى خيليجه تنويع ایدن (عطار شكرى) افندى نامنده
برى ائمش . بعضار بو طرزى مشهور (كور محمد) اسناد
ايدیورلرسده طوضریسی افاده سالفه در .

انسان كولمكه آليشدیغى شيلرك تكرر و تجددندن ده حصه
دار مسار اولدينى ائچون نكره نك شمدیلر عجیب و غریب
كوربان ديلملى . ديامسز سرپوشنى . قيرمزی جبهه سنى ،
صارى جدیدك پاپوشنى ، يوريشده ، طور شده ، باقىشده كسدیسنه

یاقیشدیردیغی اطوار مضحکەسنی بکنیور ، حق کورور
کورمز کولیور .

دوقئور (قئوش) کئابندە (پیشکار) ك النده کی یاریق
دکنکە (شاق شاق) دییورسەدە اورتە اویونی اصطلاحاتندە
بوکا (پاستال) اطلاق اولئوب روبالرینە (پوستات) ، اورتە
اویونی محانە (پالانغە) وایونجیلرک کیندکلی محەدە (پوستات
اوطەسی) دینیر .

هرصنعتك كندیسنه مخصوص تعمیراتی اولدیغی کی بو
اویونك دە برطاقم کلماتی واردر . بوکلهلر اکثریتله ترك آرغو-
سنی تشکیل ایدن شو بو لسانلردن مأخوذدر . مثلاً اویونده
سرخوش مقلدینە (ماتیز) ، طشرەلی ، بکچی ، کوزله مەجی
مقلدینە (خیربو) ، فرنکە (بالاما) ، زنەیه (غاجا) ، سـور-
نایە (پاپارا) ، دفه (پاندیلی) ، اویرینە رکز ایدیلن معهود
پارمقلغە (یکی دنیا) و اویونده عمومیتله (کریز) دیرلر .

اورتە اویونی طرز محاورەسنە مخصوص اولان ادای خطاب
ورد جواب اکثریا پك جعلی ، عاداتی سروب آتوب
طوتمەلردن عبارت اولدیغی حالده عددی بلكە یکریمی، اوتوزی
کچمەین و خوابنامەلردن بشقە برشیئە بکزمەمین « تکرلەمە » لر
پیشکارایله قاووقلی آرەسندە برزمین مصاحبە آچارکە اصل اویون
بورادەدر . بو محاورەنك کو چکنە (عرضبار) دییورلر . بونی
تعفیب ایدن تقلیدات ایکنجی و موضوع لعب اوچنچی درجەدەدر .

دوقتور (قنوش) بو موضوعلردن بر قاجنی ذکر
ایدیور .

بالذات حمدیٰ نمکته داندن اجرا ایتدیکمز تدقیق اتمه اسی
او یونلر اون بر قدر اولوب صکره دن بو او یونلره بر قاج دانه
دها علاوه ایدیلرک عددی یکرمنی سکزه ، اوتوزه و تعبیری
وجهله ازمه سی بوزمه سی ایله قرقه ابلاغ ایدلشد .

اورته او یونی موضوعلری تقلیدات ایله بر صحنه محلیه یی ،
محاورات ایله اعتیاداتی ، قیافتلر ایله ده بر معیشت گذشته یی اظهار
ایدرک نوعها بر صنعت تماشا اساسنی تشکیل ایدر سده تمامیه
معرف اوله مدینگی جهتله ناقصدر . مثلاً زنه طاقنک کافه محاوراتی
دل آزار بر قادین ایله ارککلرک دیر لکسز لکلری اوزرینه
مؤسدر .

دوقتور (قنوش) اثرنده قوندرمه جی ، باغچه ، سرخوشه
حیله ناملرنده کی او یونلرک محاوراتی ده درج ایلشد . بو او یونلردن
قوندرمه جی او یوننه شویله کیریشیور :

(چالغی ترنم ایتدکدن صکره موقع تماشا یه پیشکار چیقار .
قیرمزی جبهلی ، قیرمزی سیوری کلاهی اولوب ائده شاقشاق
یعنی یاریق بر دکنک بولمور .

پیشکار — اما بنم پهلوانم

ایچریدن برسس — بیور بنم سلطانم

— اوده حساب دکلد

— ندر حسابک ؟

— قونديره جي اويوننك تقليديني آلدن. چالسون چالغيجيلره

حضاره تماشا ايتديره يم .

چالغی چاله رق وزنه تعبير اولنديغی حالده اوزرنده فراجہ
بولميو بيا لکزياشماقلي ومزين صورتده قادين روباسني لابس بری
اورته ده بر مقدار رقص ايتدکن صکره چالغی سکوت ايدوب
پيشکارنزا کتله ... الخ)

شو مقدمه ده جالب نظر دقت برايکي نقطه وار. برنجیسی:
پيشکار قيرمزی جبه کيمز . معروف اولان قيافتی يك نظرده
غريب کورينن مثلاً نخودی ، صاری ، قاوون ایچی کبی رنگلی
کورک ویا کورک تقليدی برلباس ایله متفرعاتندن متشکلدر .
(قنوش) ک اثرنده مطبوع اولوب عادتاً محله لی بی تصویر ایدن
پيشکار — ظن ایدرم که — هیچ بر زمان اورته اويونی صحنه لرنده
کورله مشدر .

اورته اويونی پيشکارلرينک وقاووقليرينک قيافتلرينه دائر
دسترس اولديغ معلوماتک محلی شودر :

پيشکارده سرپوش : آل ، ماوی ، صاری ، سیاه درت
ديلمی وپاموقلو سيوری کلاه .

کورک : یا ماوی چوقه دن کناری سیاه کورک و باخود
دوز صاری اوستنه بياض قره قولاق کورک . بو کورک ايکي پارمق
قالينغنده ياقه دن اعتباراً ايکي طرفلی اوله رق اتکه قدر طيشنه قابليدر .

چاقشير : کورکنک رنگنده چوقه دن

پاپوش : صاری ترليک ، یعنی کبی ايسه ده قيصه اوکچه ليدير .

قاووقلیدہ :

سرپوش : دیلمی قاووق آغابانی ساریلی .

جبه ویاچاقشیر : قیرمزی چوقه دن .

انتاری : شام شتاریسی ، قطنی . آلتی یارمق . ایملک

آلاجاسی کبی قاشلردن معمولدر .

قوشاق : عادى شال

آیاغندہ : چدیک پاپوش .

اسکی زنه لرك قیافتلرینه کلنجه : بونلر فس کییرلردی .
بو فسك اطرافى پوسكول ایله قالی اولوب قیرمزیسی کوروغمز ،
ایملک یرینه بر بچق مجیدی قالینلغندہ اویمه لی یووارلق بر کاغذقونور ،
بونک اوزرینه ده کناری اویمه لی قدیللی یازمه سی کچیریلیر ، آلن
طرفه کلن یرم زینتلدن «دیوانخانه چیویسی ، پات ، قباق چیچکی
طوت کویه» ناملریله آکیلان مجوهرات طاقیلیر ، آرقه طرفدن
ایب ویاشریدله باشه مربوط یایمه برصاچ صارقار ایدی .

فراجهلری چوقه دن ، کنارلری خر جلی ، ایکی طرفده فرمه جی
ایشلهمه لی . قونچهلی ایدی .

فراجهلرك آلتیه اوچ اتکللی ، درت یارمق قالینلغندہ قالین
خرجلی انتاری کییرلر ، شالوارلری جانفس ایدی . آیاق قابلرینه
کلنجه وقتیلہ شمدیکی نومرولرہ بدل قوللانیلان (۲) تمغالی
ایدی . بو اوچ اتکک ایکیسی اوکده وبری آرقه ده اولوب اوک
اتکک بله صوقولوردی .

ایکنجیسی : اورته اویونلرنده اصل اولان چالغی سورنادر

دوقتور (قنوش) ك اترنده مندرج محاورات پك ناقص
اولدینی كی تعبیرات و تخیسات عامیانهك ده قبالری انتخاب ایدلمشدر.
زنهك فراجه سز كلیشی ده آریجه شایان دقتدر . احتمال كه بویله
بر حال وقوعه كلش اولسون ، فقط فراجه زنهك متممات
قیاقندندر . زنه فراجهدن مجرد بولندی اویونك حجابی بتون
بتون اورته دن قالمش دیمكدر . هم بز بویله بر قیافته اصلا
تصادف ایله مدك. مع هذا دوقتورك تدقیقاتی سائرله نسبتله هم
واسع ، هم ده مكملدر .

«زده لعبیات» مقاله لر مزده (قول) نامی تحتده اوله رق اون ایکی
(قول) تعداد ایتش ایدك. اورنه اویونك اك صوك قوللری
(سوپوركه) ، (خان) ، (ظهوری) و برده (چفته قنبورلر) دیه
مشهور اولان درت ماقدن عبارت ایدی . بوقوللردن هر برینك
برر قول باشیسی وار ایدی . سوپوركه قولنك قاووقلیسی (مسك
یاغی حق) نامنده بر مضحك ، خان قولنك (كامل آغا) ، اسکی
خان قولنك قاووقلیسی (آ كام) و قول باشیسی (دلی رفعت) ایش .
حمدی مرحوم (ظهوری) قولنك هم قول باشیسی هم ده
قاووقلیسی ایدی .

وزنه جیلرده (لطافت) آپارتمانك ایچریسینده بش آلتی سنه اول
كشاد ایدلمش اولان (صنایع نفیسه) سرکیسینده حمدی
افندینك قاووقلی قیاقیله یاغلی بویا بر تصویرى معلق ایدی .

و تصویر مهره رسامانمزدن معزز بکک اثریدر . لوحه
زجه پک کوزل و پک طبیعی اولوب مضحکه پردازمرك سیای
خنده بخشاسی ، طرز تلبس و قیافتی دوقتور قنوش جنابلرینه
قاووقلیلر حقنده برفکر سالم ویره جک درجه ده ترسیم ایدلمشدر .
حتی برفو طوغرافیسنی آدیرم رق دوقتور (قنوش) . یوللادم .
مومی الیه بالآخره یازمش اولدینی دیگر برکتابده بورسمی
درج ایشدر .

حمدی افندی ، بوضعتیه چوجقاغنده هوس ایشدر . اولاً
مخله ده چوجقلا ایله اوینایوب طوررکن اوضاع واقوال مضحکه سیله
شهرت آلمش وبعده خان قولنه کچمشدر . آلتی سنه قدر بو قولده
اوینادقندن صکره ظهوری قولنه مال اوله رق صحنه نکسته دانیده
اثبات وجود ایشدر .

دوقتور (قنوش) مقاله سنده دیورکه :
(اورته او یوننی بو کوننی شکله وضع ایدن تخمیناً سکسن
سنه مقدم ایلک اورته او یون قومپانیه سنی تأسیس ایدن کلاهی
حمددر . تأسیس ایلدیکی قومپانیه نك قاووقلیسی او ایدی .
پیشکاری حاجی بکچی ، تریاکی مصطفی نام ذاتلر ایدی . اورته
او یونلری اساساً قره کوز او یوننك تقلیدندن بشقه برشی دکلدر .
بو او یونلر ایلک اوکجه قاضی کونینده اجرا اولندی . شو
ایلک او یون محلندن دوشمه مه چی اسماعیل ، تسیدحجی احمد ، سراج
اسماعیل نشأت ایلدیلر . زنه تقلیدینی بیوک عاصم ، عرب احمد ، عجمی
عجم شکری ، ترکی مداح عصمت . لازی طوسون افندی ، روم

ايلي تقليدينى طاهر افندى ايله كوچك حسين يامقده ايدىلر .
 بونلردن تسميىچى احمد ايله عرب احمد بر حياتدرلر . بوكونكى
 اورته اويونىك ترقيسنة الكزىاده خادم اولان حمدى افندى دخى
 بو اويون سئلندن نشأت ايلدى . پيشكار اسماعيل افندى دخى
 مشهور اورته اويونچيلر ننددر . اويونك تربى قره كوزاويوننه
 بكنزر . اويونى كشاد ايدن وموقع تماشادن هيىچ اكسيك اولميان
 پيشكاردر . اويوننده كى اسمى اكثريت اوزره « طوسون
 افندى » در .

(ايكنجى اويونجى قاووقلى تعبير اولنان ذاتدر كه اويوننده كى
 اسمى دائماً حمدى افندى در .

(قاووقلى نكره در وپيشكار ايله محاوره ايدر . قره كوزده
 حاجيواد ايله قره كوزك يادىغنى اورته اويوننده پيشكار ايله
 قاووقلى ياپار . ذاتاً اورته اويوننه قره كوزك بر چوق جهتى
 مشاهددر .)

شو تدقيقك همان كافه سى خطايدره يالان دكل ، ياكلشدر .

صنایع نفیسه حقنده

ممالك عثمانیه ده صنایع نفیسه جدیدہ نك مبدأ تا سنی آرایہ حق
اولور سق موزہ هایونك تاریخ كشادی اولان ۱۲۹۷ سنه سنی اساسلی
اوله رق بوله بیلیرز. چونكه موزہ هایون ترتیب وتنظیم ایدلمكله برابر
شوق نفائس برستی دخی اویانمشدر. صنایع نفیسه مکتبئك
احداثی دخی بوشوق کزیده مشربك الجآآت قدر شناسانه سندنذر.
شو حالده بوشعبه معارف ایله اشتغال جدیدمز بر ربیع عصری
تجاوز ایدیور. فقط بو قید امر اعتبار ایدر. عثمانلیرك صنایع
نفیسه شعباتیلہ اشتغاللری پك اسکی اولمقله برابر برخیلی اثرلری ده
موجوددر.

(دهبا) غزته سنك بوندن اوچ درت سنه اول منظور
اولان برنسخه سنده (آدولف طالاسو) نامنده بر محررك
فرانسہ رسائل مهمه سندن (صنایع نفیسه وصنعتكاران) مجموعه سنه
عثمانلی رسامانی حقنده برقاج صحیفه لق بر مقاله یازدینی بیلدیریلیور
و خلاصه مالی درج ایدیلیوردی. بومالہ نظراً موسیو (آدولف
طالاسو) صنعت ترسیمك وبا خصوص مصورلكك ممالك عثمانیه ده
هنوز یكی بر دور ترقیه کیردیكنی یازمشدر. مع مافیه صفحات
قدیمه صنعتكارانه مزه ارجاع نظر ایدرك اونجی عصر هجری ده
شهرت آلان رسام (نکاری) ایله محمد خان رابع زمانی

مهره رسامانندن (قره جعفر) ی ده ذکر اییور . حتی
 رسام مومی الیهک مشهور شاعر (فنی) نك بوغاز ایچنده انشا
 ایتدیردیکی کاشانه‌یی تزیین ایلدیگنی بالیان دور عالی فاتحه
 وندیکن درسماده جلب ایدیلن (ورونه ماته اودوپاستی)
 (ژانقیل بهایی) ناملرنده کی رساملرله آندن صکره کلنلردن
 اولوب ترك رسامی دیه اشتهار ایلین (لبوتار) ، (وان موردن) ،
 و شهر مزده ابتدا قالونجی قوللغنده بر در سخانه ترسیم آچان فرانسر
 (کیسه) دن بحث ایدیور .

رسام نکاری (۹۸۰) تاریخلرنده وفات ایتمشدر . ترجمه
 حاله دائر دسترس اولدیغمز معلومات متفرقه یه کوره غلطه لی
 اولوب ابتدا نقاشلق و مصورلک ایله اشتغال و صکره لری
 کیجیلکه سلوک ایله مشدر . کندیسنک شعر و انشاده ماهر
 اولدینی و جنتیمکان سلطان سلیم خان ثانی نك خدمت
 و صاحبترنده بولندیغنی دخی تذاکرده محرر در . شاعر (فنی) حقنده
 « تذکره سالم » ده محرر اولان (سوی دلجوی استانبوله جنت
 دنیا دینمکه لایق و سزا اولان روم ایلی حصارنده کندی
 مصنوع ید صنعت شعاری اولان ساحلخانه لطیفنده ساکن اولوب
 کوشه نشین فراغت ایکن بیک یوز یکر می یدی تاریخنده دار بقایه
 رحلت ایلدی .) قیدندن (قره جعفر) نك تزیین ایتدیکی کاشانه نك
 بو اولدینی آکلاشیلیور .

(قره جعفر) ایله شاعر (فنی) آراسنده کی مناسبت کلهجه
 هرایکسنک ده پادشاه انتسابلریدر . شاعر فنی ، کوپر یلی زاده .

احمد پاشانك دلالتيه مظهر التفات اولمشیدی .

صاحب مقاله بریرنده دیورکه :

(فرانسز رسامی « کیسه » نك خدمت سندهده بولندیفی
 ۱۸۷۴ تاریخلرنده آچدیغی بومکتبك شاگردانی میاننده اوج
 ترك وار ایدی که بونلر (به ناز) یعنی (صنعت طراحی) به
 و (ناتور موت) یعنی اورولمش و یا صید ایدلمش آو حیواناتیله قوپاریلمش
 میوه و سائر ترسیمانه هوس ایتشلردر . آره دن بر قاج سنه مرورندن
 صکره اوزمانلر یوزباشی و مکتب طبیه شاهانه ده رسم معلمی اولان
 مهماندار مرحوم (احمد علی) پاشانك ترتیبی اوزره (مکتب صنایع)
 داخلنده ایلک سرکی آچیلدی . بونی متعاقب يك چوق سرکیلر
 دها کشاد ایدلدی ایسه ده مبادی احوالده هر یرده اولدیغی کبی
 بوراده دخی مصرفی قورویه مدی . ۱۸۸۳ ده مشاهیر رسامان
 عصر دن اولوب موزه هایون مدیریتیله مبااهی اولان حمدی بکك تحت
 نظارتلرنده اولمق اوزره بر (صنایع نفیسه) مکتبی تاسیس ایدلدی . ایشته
 اوزماندن بریدر شرق صنعتکارانی شمیدیلر ثمراتی کورلمکه باشلا
 یان معلومات ترسیمیه بی اکتساب ایتدیلر . بر حالده که اوروپا
 سالونلری دخی در سعادت سالونلری کبی عثمانلی یکی صنایع
 نفیسه مکتبی ترقیاتی سنه دن سنه یه ادراك و تصدیق ایدر
 اولدیلر .)

صوك جمله دن ممنون و محظوظ اولیه جق بر عثمانلی تصور
 اولنه ماز . آز بر زمان ظرفنده عثمانلی صنایع نفیسه منتسبینك
 اوروپا سالونلرینه اثر بکندیر مکه موفقیتلری هر وجهله شایان تقدیر

ترقیاتند در .

ظنمه کوره رسام (کیمه) نك در سعادت قالیونجی
قوللغنده آچدیغی دار التعلیم شمدیکی «روم سیللوغی» محلی
اوله جقدر . آلتی سنه اول بوراده کشاد ایدلمش اولان رسم
سرکیسنده بوکا دائر برسوز ایشیتدیگی تحظر ایدپیورم . مع
هذا صدق و کذبنده مترددم .

یدی، سکیزسنه اول بک اوغلنده (پوسته سوقاغی) باشنده کی
آپارتمانده کشاد ایدیلن سرکی ذاتاً عثمانلی نورسیدکان رساماننک
محصول معرفتلی مقدماتی بک واضح برصورتده اظهار
ایتمش ایدی . احمد علی پاشا مرحومک کرک (به یزاز) و کرک
(ناتور مورت) اوله رق ترسیم ایتدیگی ارن کویده کی برچار ایله
بمصر میوه لوحه لری هنوز کوزمک اوکنده بولنیور . موسیو
(طالاسو) نك ارانه ایتدیگی تاریخه نظراً بزده بونوع سرکیلرک
مبدئی اوتوز سنه اوله راجعدر .



صنعت ترسیمک ممالک شاهانده ایلک دور تأسیسی حقنده
المزده موجود اولان وثائقک المعبری عالی مرحومک (مناقب
هنروران) نام اثرنده مذکور (طائفة مصوران رومیان)
فصلنده مندرج سطور بوبابده شواهد تاریخیه دن اولغله بروجه
آتی درج ایلنیورم :

(رومی مصورلردن قسطنطنیه فاتحی و غزات سلاطین
عثمانیه نك جلیل المدایحی (سلطان محمد) خان علیه الرحمة

والرضوان حرم جنت مڪاننده حاصل اولمش مصور (سنان بيك) (ونديك) ده نشوونما بولمش وواديسنده سربلند نقاشان اولمش (ماستورى پاوى) نام افرنجينك شاكرديد. ومزبور (پاوى) دخى (داميان) نام رسام مهارت نشانك تلمیذ مساعدیدر. ومسفور (سنان بيك) شاكردى (شبلى زاده احمد بك) دخى واردر، برسويدر (بروسه لى). شبیه یازمه ده نقاشان رومك بهتريد. وینه برنجى سلطان سليم خان نورا مرقدہ بانوارالایمان رومسه کتیردیكى حلبولردن (تاج الدین کره بند) وشا کرد پرهزرى (نالى) نام نقاش هنرمند وسالطان سليمان جنتمکان اوائلنده ککن مصورلردن (قنچى محمود) نام مصور شهره بند ومذهبارك نادر عصرى (استاد حسن مصرى) وآنك شاكردلردن مصورلرك نازك مشربى (استاد ابراهيم چلبى) و (غلطه لى محمد چلبى) ومصور باك اذعان (استاد عثمان) وكره بندلرك اكثرندن بك مزبور شاكردى (محمد بيك) وتلمیذ معجب غبى مرقوم عثمانك قاينى (على) وشبیه یازمه نك نادرى سابق الذكر كمال شاكردى (حسن كفهل) وبولردن غبرى سلطان سليم خان ابن سليمان خان زماننده ترسخانه رياستيله كامران واحياناً مجلس شريفقرينه دخولله ذیشان اولان نقاش هنور (رئيس حيدر) دخى واردر كه نقاش حيدر ديمكه معروف وشبیه یازمه قدح نقش ومعرفى موصوف كيمسه ايدى. رحمه الله تعالى عليه.

(اقدام) ده بر زمان نشر اولمش اولان (اسلامده صنعت ترسيم)

مقالاتی مطالعه اید نلرک معلومی اولدینی اوزره بوراده شبیه یازمق دیمک
مصورلک در . مصور (سنان) بکک استادی اولمق اوزره
کوستریلن (ماستوری پاوی) دخی ترجمه حالی بزجه مفقود
رسامان اجانبدن اولوب « صنعت ترسیم » مقالاتنک اخص
تمنیانی اولان :

(آثار عثمانیه یی برر ایکیشر تدقیق ونشر ایلک بزه ،
یعنی هنور انمزه دوشر . بویله شیرلی اوروپا لیلردن بکله مکدن
ایسه اولره بز اوکرتلی بز . او اثرلی بز تدقیق ایدرسه ک هم
صنعتکارلر مزک آدلرینی همده اثرلرینی میدانه چیقه ارمش
اولورز .)

طرزنده کی بیانات حق جویانه سنه اشتراک ایدرم .



صنعت ترسیمک دور اولنه بزلی واقف ایدن (مناقب
هنوران) . بکزر دیگر بر اثر دها یوقدر ، ویاخود موجود
یتندن خبردار دکلز . فقط مبدأ اخیری اولان بوعصر ایله
مبدأ اولی اولان سلطان محمدخان ثانی عصر معارفی آره سنده
متوسط بردور دها کورینیورکه اودخی سلطان محمود خان ثانی
وسلطان عبدالحمید خان اول دورلریدر .

فی الواقع بودور . متوسط صنعت ترسیمک شرق تلقیناتندن
زیاده غرب تلقیناتنه تمایل ایتدیکنی کوستریر آثار مقبوله یتشدرد-
مشدیر . کوچکله کمده رسام (توفیق پاشا) مرحومک مشاهیردن

بر ذاتك بوستنی مصور بر لوحه سنی کورمش ایدم . فقط
او کو چو جك عقله کوره معالیدن اولان بویله بر اثری صیغدی رمق
قابل اوله مدیغندن شمدی یالکتر چشم تأسفم اوکنده بر خیال
متباعدی بونمقده در .

زیارت خرقة سعادت

سليم اولك خليفه عباسی اوچنجی « متوكل علی اه » ك
حسن رضا سیله خلافت اسلامییه بی عهده دیانت قرینه آلمه سی
مراسمی « آیاصوفیه » جامع شریفنده اجرا ایدلمشدر . حتی
اندرون تاریخ مکملنی یازمش اولان « عطا » مراسم مذکوریه بی
شووجهله یازیور :

(آیاصوفیه جامع شریفنده غایت مکمل و جمعیتلو بر مجلس
عالیده خلیفه مشار الیه حضرتلری « متوكل » منبره صعود
وشهنشاه خلافت پناه حضرتلرینك جمعیت جلیله اسلامییه
خلافت باسعادتق حقنده موهوب من عنده بیوردقلری
استعداد واستحقاق قدر عالینی اعتراف واعداد ایله خلافت
اسلامیه نك ذات حضرت پادشاهیلری عهده باهر الاقتمدار عالینسه
علی طریق التوارث ترك وفراغ ایلدکلرینی معین ظهورنده کی
فراجه رسمیه خلافت عظامی بد و دیعتلریله دوش ملوكانه لرینه

ا کسا و اول مجلس اقدسده موجود اولان متحیزان سادات
گرام ایله هیئت سلطنت و دیانت در حال تصدیق و تبریکه اعتنا
ایله مشلدر (

امانات مبارکه انواع و اعدادی معلومدر. کړك خرقة سعادت
و کړك سائر امانات شریفه استانبوله کتیرلدیکی زمان طوغریجه
حرم هایونده حفظ ایدلمش و بعدده خرقة سعادت حجره مقد
سه سنك وضع اساسی اجرا ایدیلهرك (ردای حضرت نبوی بی
روز و الیال تعظیم و توقیر ایتك و نفس هایون خلافتیناهیلمری
داخل اولدیغی حالدده سلحدار و چوققدار ، رکابدار ، آنخدار
آغلرله پیشکیر آغاسی، باش چوققدار و سرکاتبی و سائر مایینجیلرله
برابر قرق نفر کدکلو خدمه و چند نفر ملازمدن عبارت اولمق
اوزره « خانه خاصه » ایجاد اولنمشدر .) سلطان مراد رابع
بوخانه خاصه نك آتنددهکی خاص اوطه بی ترك ایدهرك خرقة
سعادت حجره مبارکه سنك قارشیسندده دیگر بر خانه خاصه
یابدیرمشدر .

قارشی غزته لرندن بری زیارت جلیله حقنده یازدیغی فقره
ده رمضانك نصف اولنده ذات خلافتیناهیلك بری اون ایکیسندده
و دیگر بری اون بشنده اولمق اوزره ایکی دفعه خرقة سعادت عزیمت
ایدهرك برنجیسندده دائره سعادتك تطهیرات و تزیناتنه ،
ایکنجیسندده دخی مراسم تقبیلنه نك اجرا سنه نظارت ایلملری
عادات قدیمه و آداب دیرینه دن اولدیغی یازیور .
سلیم اولك ، خرقة سعادت دائره منوره بی خدمات مقد

سه سی قانونی وضع ایلدیکی کبی « مشغولیت شاهانه لری اولمادی
زمانلرده بیت شریف مذکورہ بالذات عزیمتله دیوارلرینی تخلیه
وتحجیر . . . حصر خدمت ایتدیکی مشهوردر .

خرقه شریف زیارتی تشریفاتی حقنده (شهری اسعد) افندی
رساله سیله (تاریخ عطا) ده مطالعه کذار مزاولان تفصیلاته نظرآ،
ذات شاهانه حاضر اولدینی حالدہ رمضانک اون بشنجی کونی
کل صوی مملو ایکی کاسه و آلتش قدر تمیز ویکی سونکر ، ایکی
میشین سفره اوزرینه وضع اولنور و بوسونکرلردن برقاجنی
سلحدار آغا کل صوی ایله ایصالده رق خلیفه زمانه تقدیم ایدر
ایدی . ذات شاهانه ده بوسونکرلر ایله خرقه شریفه شبکه سنی
جلایلو بواشاده چوقدار و رکابدار آغالرله کدکلیلر ، مابینجیلر ،
منصبیلر ، خاص اوطه لیلر دخی بررسونکر آلہرق اللرینک
یتدیکی قدر جدار عالی یی ، قبولری ، پنجره لری ، دولاب
و کتبخانه ک قناد و قیاقلرینی سیملرلر و بوسونکرلر بالآخره
خانه خاصه آغالرینه توزیع اولنوب تبرکاً حفظ اولنوردی .

یوم مذکورده صباح نمازی خرقه سعادت حجره مبارکه سنده
جماعتله ادا اولنور . بعد الصلاة اوکله دن ایکی ساعت اول خاص
اوطه لیلر خرقه سعادتک کوموشدن معمول یالیزیلر بیسوک
صندوقه سنی کوموش سہاسی اوزرندن آلہرق شطرنج واری
بربری اوزرینه موضوع صوم صرمه لی یاصدقلر اوزرینه وضع
ایله زردہا یوندمکی آلتون آناختار ایله کشاد ایدیلر ، دروننده
کی یدی عدد آغیر حریریشیل قطیفه اوزرینه صوم صیرمه

وایچی ایشمه‌لی اکللی شری‌دلی بوغچه‌لرک شری‌دلی چوزیلور،
 اوزرندن آچیلیر ایکی قنادلی زرخالصدن مصنوع چکمه‌جه یعی
 ایکنجی محفظه دخی یننه نزد شاهانه‌ده محفوظ دیگر آتون
 آناختار ایله آچیلهرق خرقة سعادتك یاقه‌س‌نده بولانان دوکه
 برکاسه ایچنه قونولور، برپارچه ایصلادیلیر ایصلادیلمازدر حال‌عنبرلی
 برآشده‌نه کوستریله‌رک کاسه‌ده قالان صودن دستیلر طولوسی
 صولره قطره قطره ایثار ایدیلوب هدیہ ایدیلردی . بو‌عادت
 «خرقة شریف» صوبی نامیله معروف ایدی . حتی مؤرخ
 «راشد» ۱۱۱۶ سنه‌سی وقایعی داخلنده یازدیغی خرقة سعادت
 زیارتی فقره‌س‌نده :

(وزیر اعظم و شیخ الاسلام و صدرین و نقیب‌الاشراف سرای
 هایونه دعوت و حضور هایونده دامن مبارک‌نه یوز سورمک
 سعادتیه کامیات و سائر تشنگاه زلال شفاعت «خرقة شریفه صو»
 یندن سیراب اولدیلر)

افاده‌سیله بو‌عاده تلمیح ایله‌مشدر . «تاریخ عطا» ده :

(اشمو ماء مبارک رسمی ۱۲۴۰ تاریخنده عهدعالی سلطان
 محمود عدلیده بعض رعایت‌سنزک روایت اولندیغی سببیه تعظیماً
 اصابت اولهرق لغو و تعطیل اولتمشدر .) دیور .

زیارت خرقة سعادت رسم عالیسی اوکله نمازندن صکره اجرا
 ایدلمک معتاددر . مراسم قدیمیه دائر دسترس اولدیغمز معلوم‌اتده
 شوسطرلر موجوددر : (صلاة ظهر ادا اولندقدن صکره سلحدار
 و جوقدار و رکابدار و دلبد و آنخدار و بشکیر آغلاری و کافه خاص

اوطه لیلر حضور هایونده بولندقلری و امام اول و ثانی افندیلر
ایله آغالردن اولان خاص اوطه امامی ودها صداسی کوزل مؤذن
وچاوش آغالر قعداً لایتقطع قرآن عظیم الشان تلاوت ایلدکلری
وزواری اولان ذوات حاضر بولندقلری حالدہ ابتدادات شاهانه
و متعاقباً دارالسعاده آغاسی و سلحدار آغا و چوقدار آغالور کابدار
آغا و خزینہ دار آغا و خزینہ و کیلی و دلبند آغاسی و آنخدار آغاسی
و باش پیشکیر آغاسی و کوشه باشیلر و باش قپو غلاملری و مابینجیلر
و دارالسعاده دن اولان مصاحب آغالریله باب السعاده آغاسی
و خاص اوطه باشی و خزینہ دار باشی و کیلارجی باشی و سرای آغاسی
و سرای کتبخداسی و خانه خاصه اغواتی زیارت ایدرلر .

(بو ائشاده صدر اعظم ایله شیخ الاسلام اورته قپو خارجنه
کله رک آتلردن نزول و صدور عظام و سائر ارکان دولت ایله برابر
باب مذکور دن دخول ایدرلر .

(اوراده بو ستانجی باشی و میر آخور اول صدر اعظمک و قپو جیلر
کتبخداسیله میر آخور ثانی شیخ الاسلام افندیکن قولتو قلرینه کیره رک
اورته قپودن باب السعاده نک و سـطـنـده کی جدید دیوان یرینک
حذا سنه کلد کلر نده باشلرنده سلیمی و آرقه لر نده سراسر دوخته
درت یکللی صرت سمور کور کلرله باب السعاده آغاسیله خزینہ دار
استقبال ایلرلر . بورادن دخی بو ایکیمی صدر اعظمک و مجوزه
و فراجہ لر یله کیلارجی باشی و سرای آغاسی ده شیخ الاسلامک
قولتوغنه کیره رک آق آغالر قپوسی آرا لکنک ایکی طرفنده احراملر
سریلی سدلره مواصلته اوطور لر دی .)

شرقه ایش قولتوقله (دها ایسی قولتوق دکنکیله) یوریر
 دیرلر آ، طوغریدر. شمدی تفصیلات آتیه یده دقت ایدک :
 (صدراعظم ایله شیخ الاسلامک بورایه مواصلتلی تشریفاتی
 اقدی طرفندن خبر آلتیجه ساجدار ، چوقه دار ، رکبدار
 آغلرله دلبند . آناختار آغلرینی ، خاص اوطه لیلرله پیشگیر آغلرینی
 خاص اوطه امامی و سائرده ی آله رق طوغریجه بورایه کلیر ، بوراده
 اوکده باش و بونک آرقه سنده ایکنجی چوقدار ایله یدی نفر
 مزین ملبس چاقیر سالان آغلر یوریدکاری حالده صدر اعظمک
 صاغ قولتوغنه ساجدار وصول قولتوغنه چوقدار آغلر و شیخ الا -
 سلامک قولتوقلرینه رکبدار آغا ایله دلبند آغاسی و صدرین
 و نقیب الاشراف افندیلرک قولتوقلرینه خاص اوطه لیلر کیرلر .
 بوحال ایله شادروان قپوسندن بالدخول تفریش ایدلمش اولان
 آل چوقه اوزرندن یورییه رک خرقة سعادت حجره منیفه سینه
 واصل اولورلردی .

(ذات شاهانه صندوقه مقدسه نک یاتنده ، صدراعظم صاغنده ،
 دارالسعاده آغاسی صولنده طور دقلری حالده رسم زیارت ایفا
 اولنوردی)

زیارت خرقة سعادتک مطلقا رمضان شریفک اون بشنده
 وقوعی معناد دکلدر . تاریخ «راشد» ۱۰۷۸ وقایعی صیره سنده :
 «مامر رمضان المبارکک اون ایکنجی کونی عادت حسنه دولت وقاعده
 دیرینه مستحسنة سلطنت اوزره خرقة شریفه سید موجودات
 زیارتیه وکلای دولت شرف مند اکتساب سعادت . . .)

دیدیکی کبی ۱۱۱۸ وقایعی صرہ سنده (ماہ مزبورک اون سکرنجی
کونی خرقہ شریفہ سیدالانام علیہ التحیۃ والسلام زیارتی ایچون
معتاد اوزره صدور دولت سرای هایونه دعوت اولنوب دامن
مبارکنه یوزسورمک دولتیله احراز سعادت ایلدیلر) ، ۱۱۲۰
وقایعندہ (ماہ مزبورک اون آلتنجی کونی قاعدہ مستحسنہ
عثمانی اوزره سرای هایونک خرقہ شریفہ زیارتی ایچون . . .)
، ۱۱۲۴ تاریخی وقایعندہ دخی (عادت حسنہ دولت اوزره
عظمای ارکان دولت ماہ رمضان المبارکک اون یدنجی
کونی سرای هایونه دعوت وحضور فایض النور پادشاهیدہ
خرقہ شریفہ کشادینہ تحریک دست تعظیم ورعایت اولنوب . . .)
اشارتیلہ و ۱۱۲۵ و ۱۱۲۶ سنہلری وقایعندہ دخی اون اوچنجی
کونلری قیدلرینی تذکار ایدیور . بونلردن باشقہ (تاریخ راشد) ده
مقید خرقہ سعادت زیارتلری آره سنده ۱۱۳۰ سنہسی وقایعندہ
اون بشنجی و (کوچک چلبی زاده اسماعیل عاصم افندی) دخی ۱۱۳۸
تاریخندہ کذا اون بشنجی کونلری و (تاریخ احمد واصف) ۱۱۶۶
وسنین متعاقبہ ده کذا اون بشنجی کونلری و اندرون تاریخیلہ سائر
مقیدات تاریخیلہ دخی ہپ اون بشنجی کونلری کو ستریور .
سلیم اول خرقہ سعادت دائرہ شریفہ سنک بانی اولی
و واضع آداب و قانونیدر . اسکی خاص اوطہ بی انشا ابتدیہ دکن
صکرہ بورایہ خزینہ هایون و کیلار خاصہ امکدارلرندن قرق
نفر ملازم و کندیسنک غیابندہ دائرہ مقدسہ نظارنہ دلبد
آغاسنی وکیل مخصوص تعیین ایلہ مشدر . قپو اورتولری ایلہ پوشیدہ

لری اوزمان صفوق چشمه قیوسندن چیقیلیر ایکن آلائی
 قصری واسکی تلغرافخانه بناسی قارشوسنده کائن ترزیلر
 بناسنده اعمال اولنور و آلتون کوموش شمعدانلرک تطهیریه
 حلواخانه اوجاغنده اعمال اولنان بال مومنک رکز و وضعی دخی
 (موم قغوشی) شاگردانی معرفتیه اجرا ایدیلیدی .

اودون انباری طرفنده برده حصیرجی اوجاغی و ارایدی که
 بوراده دخی دائره مشارایها قالیچهسی آلتنه فرش ایدیلن حصیرلر
 یایلیدی .

خاص اوطه قغوشیه باب السعاده ده ایکی قیو آرالرنده یاتسودن
 صکره سورء فتح ، جمعه و بازار ایرتسی کیجه لری سورء
 یس ، ایچ آغالر قغوشنده بعدالعیاء سورء احقاف اوقونمق
 و سائر قغوشلرده جهرآ تلاوت قرآن کریمه مواظبت ایدلمک
 دخی قانون سلیم مقتضیاتندن ایدی .

طایق و امثال تاریخیه

شاعر نامدار من « ضیا پاشا » مرحوم شرقک اک جدی
 ضروب امثالندن برینی کندیسنه خاص اولان برطور وجیز ایله
 شویله نظم ایتمشدی :

« نصیح ایله یوله کله نی ایتمه لی تکدیر »

« تکدیر ایله اوصلا نیانک حق کو تکدر »

تصادفك شو جلوه سنه ده قربان اولسونلر كه مجلس مبعوثانمزد
عين ماله اتباع ايدرك (سرسرى نظامنامه) سنه حد اعظمسى
قرقه رسیده اولان قامچى ايله ضرب جزاسى ادخال ايله مشدى.
طبيعى زمانك اينجه لكى، نزاكتى پاشانك «كوتك» كله سنده كى
مهابتى آزالتىدى. قامچى كى سريع التأثير برواسطه ضربه
حاله كتيردى. بزم سرسرىلردن پك چوغنك لوبود، اوستورپا،
قورشونلى باستون، قيرباج، طوره، اسكمله آياغى، صوبالق اودون
وامثالندن چكنمز اولدقلىنى خاطره كتيرتمه دى.

پنجرده بالخاصه پوليس مديريته مراجعتله نظامنامه نك زمان
تطبيقندن بو آنه قدر كيملرك بويله بر طياغه محكوم اولديغى
صورمش و (احكام مشتركى حاوى) اولان اوچنچى فصلك
اون ايكنچى، اون اوچنچى حقى اون دردنچى ماده سى احكامنه
كيمسه نك سيفتاح ايتديكى جوانى آلمش ايدم. نه قدر كساد
دكلى؟ باخصوص بوايشسنلك زماننده تحمل ايديلير شى دكل.
مع هذا بوماده لر جالب نظر دقت اولمقدن خالى قالمامش.
اخيراً غزته رده دول اجنيه سفراسنك كندى تبعه لرى
حقنده تطبيق ايدلمه سى حقنده متحداً باب عاليه برنوطه
ويردكلى و باب عالينك ممالك عثمانيه داخلنده هر درلوقانون تنظيم
و تطبيقه حق صريحى اولديغى ايلرى به سورمه سى اوزرينه
سفرادن بعضيلرينك بو حقى بالتسليم آنحق «ممالك متمدنده
جارى اوليان طياق جزاسنى محتوى بر نظامنامه ي قبول
ايدمه جكلرينى بيلدير دكلى» كورولدى.

حق الواقع بر او تهن بری تبعه اجنبیه دن هیچ بر کیمسه بی
 یرم یقوب و یا خود کو جلو قوتلی بر آدمه طو تدیروب رسماً جزای
 ضربی تطبیق اتمه مشزدر . فقط طایق بزده بر تعامل قدیمه مالکدر .
 هم بویه اوز بش قامچیدن قرق قامچی به قدر دکل ، یوزلرجه
 بیکلرجه دکنک اورور ایدک . رمضان کیفیه بنیر یو طولورشی
 دکل ایسه ده مسئله مادامکه دیپلوماسی به دو کولمشدر ، غنعات
 تاریخیه منری دوکوب صایمالی یز :

۱۰۷۵ تاریخنه کوز کر دیرم جک اولورسحق سلطان محمدخان
 رابعک « سرای کتخداسی » حقنده « ظهور خشم و غضب »
 نه مصادف اولورز . « راشد » دیورکه :
 (پادشاه عالم پناه حضرتلرینک جلومکاه صیدوشکارلری
 اولان « یانبولی » قضا سنده آرام اوزره اولدقلری ایامده سرای
 کتخداسی مظهر غضب ملوکانه لری اولوپ منپوره :

بیک دکنک

اورولوق اوزره فرمان ویردی)
 نه دیرسکز ؟ طاقت فوقنده دکل ؛ فقط آلت فقره بی او قویه جق
 اولورسه کز سرای کتخداسنک ده تحملنه شاشارسکز . سوز مخاطبه
 کوره اولدینی کبی مکر طایق ده آدمه کوره ایمش . آلت فقره ده
 حریفک اولدیکنه دائر بحت یوق . یالکز شویله :
 (کوچک او طه کتخداسنه احسان اولندقدن صکره
 کتخدای معزول عجمی قبو اوغلانلری آلتیه سورملک ایله مخذول

اولدی) شکنده بر قیدوار . دیمک که صاغ قالمش .

ظواهر احواله نظر آدکنک عددی آمرک دوداقلری آره سنده
طولا شیرمش . یعنی بزم سرسری نظامنامه سنده اولدینی کی
بش قامچی نه زمان اوريله جق ، اون بش قامچی به نه وقت چیه جق
بورالینی کوسترر ایضاحات یوق ایمش . بش یوز دکنک اورک
دیدیمی پاته کوته ایندیررلرمش .

۱۰۸۲ تاریخنده بستانجی باشی آغانک سیدیکی بش یوز دکنک ده
بوقیلدن اوله جق اما مرقومک قباحتی وارا ایمش . اسیرلری
قاجیرمش . ترسانه عامر ده اندرون هایون آغلرینک بیندکلری
صندالردن برینک اسیرلری قارا کلک برکیجه ده طبانلری ویاخود
کورکلری یاغلایوب قره دکز بوغازندن فرار ایتشلر . عصرینه
سلطان محمد رابع عصری . کیفیت مسموع شاهانه اولنجه دزددار
نامنده اولوب حفظ و حراست اطرافه مأمور اولان ایکی اوسته
مساحه لرینه بناء حبس ایله تعذیب وزواللی بستانجی باشی به بش یوز
دکنک اوريله رق تعزیر و تأدیب ایدلمش . ظن ایدر مکه بوندن
صکرده قاجان اولمامشدر .

تاریخلر مزده « بیک دکنک » — غالباً یوارلق و اوچ هجالی
اولدینی ایچون — ضربی امثاله نسبتله براز زیاده جه کوزه
چارپیور . بو جزای ضرب حدغایه اولقله برابر بعضاً اعدامه
بدل ویرلدیکی ده اکلایشیلور .

۱۰۸۶ یعنی یته دور محمد رابع وقایعی داخلمده یوز و بش یوزله
قاریشیق بویله بریک کنک وارا ما اورک دیین شهریار زمان

دکل ، قبودان دریا (مصاحب مصطفی) پاشا در .
 مشارالیه (ساقیز) آطه سنک آرقه طرفندہ و ندیکلی قورسان
 مشہور (پاولو) نک قالیوننہ تصادف ایدر . فقط ہوا پک روزکاری
 ایش . امرادن اکثری تعقیبہ جسارت ایدہ مز . (ماچاماما)
 دیمکلمہ معروف (علی پاشا زادہ عبدالقادر) پاشا ایلہ (دیوسلیمان)
 پاشا (پاولو) پی قوغالارلر . قبودان پاشا چکدیری بکلرینہ دہ
 تعیب ایچون تأکیداً امر ویرر . جرأت ایدہ میوب اوزاقدن مرحبا
 ایدرلر . قورسان قورتیلوب قاچار . مرحبا صیرہ سی دہ قبودان
 مصطفی پاشایہ کلیر . پاشا ساقیز لیمانہ کیتدیکی حالہ چکدیری لر
 خوف مواخذہ ایلہ ساقیزہ طوغری یلکن آچارلر . والحاصل
 جزیرہ کی (ترفیل) لیماندہ جملہ سنی اوزمانلر آمیرال کمیسی اولان
 (باشتردہ) یہ چاغیرر .

مؤرخ دیورکھ :

(پاشا . ابتدا عبدالقادر پاشایہ توجیہ خطاب ایدوب : سن
 بودہ لت علیہ دہ ایکی دفعہ قبودانلق وکالتیلہ سرافراز : نیجہ لرلر دہ
 یارارلق ایلہ بین الاقران نامدار و ممتاز اولمش بر آدم ایکن بومقوله
 جبان و بی غیرت لرہ تبعیت ایلک نہ دیمکدر دیو اندہ اولان حزارن
 ایلہ بر قاج کرہ دوشنہ اوروب سائر امرایہ دہ :

یوز الی بش یوز

وارنجہ دکنک اورمقلہ تعزیر ایلدی . مزبورلر قبودان پاشا
 طرفندن سرزنش و عتاب و آزار ایلہ دلریش اولیجق جملہ سی

ظهور ایدن جرم و تقصیر لرینی ایچلرندن « ماریول مصطفی
 پاشازاده حسن » بکه اسنادو حقنده نیجه کلمات ایراد ایلدینر .
 زیر مشارالیهده مزبوری باشرتده نك چونده سنه بردار ایتمهکه
 قرار ویردکده عبدالقادر پاشا دامننه صاریلوب نیازمند عفو
 اولمغله :

بیك دكنك

اورلق شرطیله کوجله خلاص اولدی .
 فی الحقیقه قولای بر قور تولمش ده دکل .



قدیم عسس لرکه ییکیچری دورلرنده کیجه لین قول کزن
 ضابطان ایدیلر ، بونلرله عسس باشی ، صوباشی اللرینه
 دوشمنلرک ، قوللق دینیلن ضابطه بلدیه قغوشلرینه طیقیلا
 نلرک ییـدکلری طایق حقنده قطعی برقید تاریخی یوقدر .
 صوباشی نفراتنک اللرنده کی صوبارک دکنکلردن ، قامچیلردن
 فرقی پک زیاده اولدیغنه دائر روایات ایسه پک چوقدر . اولیا
 چلبی « اصناف عسس ثانی بی امان » فقره سنده :

— بونر طوتمه ، قامه ، اورمه ، قوغمه ، آصمه ، باصمه
 قید و بند آدملریدر ، بری برندن اشد ملعون قوملردر .
 دیدیکی متعاقب صیره کوزه دیورمش جه سنه « اصناف
 جلادان بی امان » دن بحث ایدیور . شاعر بذله کو « حشمت »

مشهور « ولادتنامه هایون » سرنامہ ملی اثرندہ (محاسب
دونانمایم) دیہ کرن برشخصک بر قوللق اوکنده طورہرق
صوبالرنی وزن ایتدیردیکی و صوبالرك مقدار وزنی ناقصدر
چورباجی بی مؤاخذہ ایلدیکی فقرہ خندہ بخشاشندہ لطیفہ
یوللو ایراد ایلدیکی سوزلری ده پک بوشه صایماملیدر ، صانیرم .
حشمت ، برحریف صحرک سواری اوتده بریده کزدردکن
صکره دیورگه :

(نیجه نیجه لطافت قهقهه اتمکیز ایله محاسب شهره نیابت
وهزاراوضاع سخریات ایله کوچه و بازاری دوره عزیمت اوزره
ایکن برموللغک پیشکاهنه واروب عنانکش توقف اولدی .
وقوللغک صوبالرنی کتوردوب اوکنده کی ترازوی معهود ایله
وزن ایتدیردکن صکره چورباجی به عتاب آمیز خطاب ایله
مؤاخذیه باشلادی :

— باقه بره چورباجی آغا . سن بو قدر ایامدر دولت
یادشاهیده قوللق او جاغنده چورباجی یم دیو طاسلارسک و طیاغمه
قوجاق میدانمچاک بر آغایم دیرسک ده سنک قوللغکه کرم اشتها
ایله طیاق یمکه کلن کسنه لره بورته اکسیک صوبایا بیدیرمک
لایقیمدر ؟ بونلرك وزنی قانوندن ناقصدر . ایمدی سن ضابط
دکلیسک ؟ سنده اکسیک صوبانه آرار ؟ مادامکه ضابطک
وحاکمت تعزیر و دکنکی اکسیک اوله ، هیچ اتمکچی تمام
ایشلرمی ؟

دیو مضحکانه تعبیر دلپذیری کرک چورباجی بی و کرک حضاری

اضحاک ایتسی حق الانصاف فراموش اولنه جق لطیفه نادره
(دکدر)

دور سابقده صوپانک ، قامچینک ، اشکنجه نك ، توقانک
سیلی و شمارک انواعی طویاردق . امتیازلی خفیه لرك سو قاقلرده
کومه کومه اوله رق ایشلرینه کله یین آدم لری ده برر بهانه ایله
دو کدکاری معلومدر . (بروسه) یه کیدنلر اورادهمکی مکتب اعدادی
موزه سنی کره جک اولورلر سه زمان استبدادک قانلی قاتل عسس
باشیسی اولان اولان فهیم پاشا معهودینک النده کزدیردیکی
قورشونلی لوبودی آتیقه لر صره سنده کورورلر .

بوصوپادن باشقه دورمذ کوره عائد تاریخی برصوپا ده
واردرکه اوده بشکطاش محافظی (حسن پاشا) نك (علی سعاوی)
مرحومک باشنه ایندیروب شهادتنه سببیت ویرن صوپاسیدر .
رواسته نظراً حسن پاشا بوصوپایه (مهدی) نامنی ویرمش
وکندی نامنه منسوب حسن پاشا قره غولخانه نك بر او طه سنده
صاقلا رمش .



حزای ضرب بزه اعصار قدیمه بشریه دن موروثدر .
حق جتدن چیقدیغنه قائل اولانلریله واردر . ایی برشی اوله
ایدی جتدن چیقارمازلردی دیین چوجنک فطانت تحفیه سنه
حیران اولقله برابر طیاغک هنوز قیمت مریاته سنی غائب
ایتمدیکنه اعتقاد ضروری کورنیور .

دکنک و صوپا ایله ضرب اصولی اسکی مصریلرده جاری

ایدی . (آنسیقلوپه دی) لرك بیسانه كوره روماليلرك الواح
 عشره قانوننده ذم و قدح تحریری جزاسی صوپا ايله ویریلیردی .
 اینی که مجلس مبعوثان بوقیدی كوره مدی . یوقسه محررین
 وارباب مطبوعاتی ده طیاغه محکوم ایتمکدن چکینمزدی . روما
 اسرایه قامچی ايله معامله ایدردی . شرع شریف محمدی ده
 « حد » تعمیری دخی اورمقدر . عبرانیلرده ، حتی چینلیلرده
 بيله طیاق وار ایدی . قدیم فرانسه ده قامچی ، صوپا مستعمل
 اولوب اون آلتیجی لویی زماننده حربیه ناظر اولان (سن
 ژرمن) اطاعت عسکریه خلافتنه حرکت ایدنلری قیلنچ یوزیله
 تأدیب ايله مشدی . جزای ضرب بالآخره زندانلره انتقال
 ایتیش والحاله هذه انکلترة دیدیکمز دیارمدنی ايله روسیه ده
 تطبیق ایدلمکده بولمیشدر . شو حالده ممالك متمدنه دن بعضلر
 نده ده طیاق جزاسی وار دیمکدر . بناءً علیه یکیدن ورسمی
 صورتده تطبیقنه باشلانلیی تلاش موجب اوله جق درجه ده
 جالب دقت اولمسه کرك .

تقلید سیف

اوتوز اوچ سنده دن بری دوشونهمدیکمز ، بحثنی بيله
 ایدهمدیکمز « تقلید سیف » آلاینک اوکمزده کی بازار ایرتسی
 کونی تیناً اجرا ایديله جکنی غزته لر تبشیر ایدیورلر . بومناسبتله

صحائف حوادثه رسم بهينه دائر بر طاقم مقالات تاريخيه ده
 كوريليمور . بونلرك بر قسمي طوغرى ياكلش معلوماتك مزج
 ودرچندن تركب ايتديكى كې بر قسمي ده صرف خيالى بولوشلردن
 عبارتدر .

يكن ايلول اوائلنده آناتولى صفحات اجتماعيه سندن
 برقاچنى كورمك مراقيله قونيه يه قدر كيتمش ايدم . عزيمتعدن
 اول استانبولده ملاقى اولديغى مستشرقيندن فلمنكلې بر ذاتك
 اخطارى اوزرينه قونيه ده تقليد سيف حقنده بعض تحريات
 اجرا ايلدم . غريبي شوكه دركاه شريف مولاناده كيمه صوردم
 ايسه جواباً بوكا دائر بر قيد موجود اولديغنى وچليمانك تقليد
 سيف رسمنده اثبات وجود ايتلرينك اسكى بر عادت اولدينى
 سويله نيور ايسه ده بالخاصه اولاد مولانا يه منحصر اولوب
 اولديغنى بيلمكلىرىنى تأميناً بيان ايدييورلردى . بن بوتأميناتى
 ديكلر ايكن ددكانك بر احتراز احتياطكارانده بولندقلرى ،
 تتم بقية السيوف جواسيسدن اولديغمه حكم ايدرك كتم معلومات
 ايلدكلىرىنى ظن ايدييوردم .

مع هذا يه بروثقه الله ايدى بيلدم . بووثقه اسكى بر
 مجموعه ده محرردر . شئون ووقايع تاريخيه يى ضبط وتنقيده
 شرقك مجموعه لر طولوسى بك چوق جواهر كرانهاى اولدينى
 معلومدر . حتى وقوعات مهمه دن بر طاقمك بيله خلوص ،
 تبريك ، حسب حال مکتوبلر نده مقيد اولدينى آره صيره
 كورلمكده در .

و شیعهم ، احتمال که بر خاطر در ، احتمال که شوند بوندن
ایشیدلش بر عنعنه در . تاریخ شناس و مدقق شهر (سنو بوس)
ایله (لانغلو) نك تدقیق و ثائقه دائر یازمش اولدقلری کتایی
او قودقدن صکره آتیقه یازیلرده بردن بره اعتماد ایتک جائز
اولدیغنی آکلادیغیم ایچون قارئینک امنیتی سوء استعمال ایتک
طرفداری اوله مام .

بو مجموعه ، چلبیاندن (جلال الدین) افندینک پدری متوفی
(واحد) چلبیدن و آکاده سر طباح درگاه حضرت مولانا مرحوم
(ضیا) افدیدن و آکاده پوست نشین مرحوم (همدم) چلبیدن
میراث قالمش اولدیغنه کوره تقلید سیف حقنده مندرج معلوماتی
بعباراتها بوجه آتیدر :

(سلطنت سلجوقیه نك سلطان اخیری بولنان «علاء الدین»
طرفندن «ارطغرل» ه طبل و علم و یریلوب سکود واسکی شهر شهر لرلیله
دومانچ یا بلاغی احسان واعطا اولمشدر . او حوالی اهلایسندن
آنان و یرکولرک و اراضیلردن آلدیغنی مقاطعه لر دن مطلوب
معینی سلمان علاء الدینه ارسال معتمد اولدیغندن بویله بر آچهنک
علاء الدینه تسلیمی ضمننده هیئت مخصوصه ایله مخدومی «عثمانچق»
دخی برلنکده اولدق قونییه کلشدر . حال انقراضده بولنان
دولت سلجوقیه نك ایادی ، اهله کچهرک شکوه حکومتک صیانت
ایدلسی اهلایجه کفتکوی بادی و اساساً اصلتلی هر کسجه
معلوم اولان « سلطان ولد » توجه عمومی اولدیغندن کیفیت
مبحوثه نی تکلیف و بتون قرمان و حوالیسی مشارالیه انقیاد

و تبعیت ایتمشلردر . « سلطان ولد » سلطان نامنك تلقیب
اولنمسی شو حادثهده تخت نشین اولمسندن انبعث ایتمشدر .
مشارایله اون سکر کون قدر اجزای سلطنت ایتمش ایسهده
کرك اداره و کرك مسلکاً سلطنت صوریه ایله سلطنت معنویه
نك بر آرده اجتماعی اویمیه جغنی پیش تأمله آلهرق اووقت
توسیع دائره حکومتله اوغراشان وقونییه کلمش بولنان « عثمان »
بکه دعا ایدرك قلنج قوشاتمش وبوصورتله ترك سلطنت ایتمشدر .
ایشته اوتارینخدن بالاعتبار سلاطین عثمانیه نك بوخاندانه قارشی
محبت وصمیمیتلری اولدیغندن هرتجددده اجدادینك اثرینه
تبعاً خاندان حضرت مولانا طرفدن ادعیه خیریه قرائتله قلنج
قوشادلق اصولی مرعی الاجرا ایتمشدر .

بووئیقه یی بکا ویرن چلبی زاده آلمنه شوایله برتحشیه
وضع ایتمشدی ..

(قدمای چلبیان وددکان دخی معلومات مد کوره یی روایت
ایلمکدهدرلر . انحق ازمنه اخیرهمزده حکومت عثمانیه نك شکل
سیاسیسی سحاب کثیف استبدادستر ایدرك درلو توهمات یول
آلدیغندن بواصول متخذنك دخی ترکیله فیوضات معنویه
حضرت مولانادن استفاضه خصوصندن فراغت ایدلمشدر .)

بنم بیلدیکمه کوره قلیج قوشاتلق و قلیج قوشاتلق من
القدیم شرقك مألوف اولدینی بر عادت امنیتکاری اولوبوقت
سعادتده دخی سریهله مأموراوان اصحاب کرام قلیج قوشا-
نیرلردی . اسفار همه عثمانیهده پادشاهانك طوغلری اخراج

ایتمکه برابر مثلاً انکروس سفری ایچون قلیج قوشاغلری
داخل ممالکده برنوع اعلان حرب دیمک اولوب ظنمه کوره
تقد سیفه ایلمک دفعه بر رسمیت سلطنت پردازانه ویرنده
حضرت فاتحدر . حتی سلطان «سلیم ثالث» زماننده استانبولده
رساملق خدمتنده بولنمش و او آردهده بوکیرلیمز ، سری آکلا
شیلماز سرای عادات و اخلاقنه دأر بر کتاب یازمش اولان
مشاهیردن بری ده بوفیکرمی تأیید ایلپور .

بر فقره تاریخیه کوره علمدار نبوی «ابایوب الانصاری»
حضرت قرینک مدفون بولندقلری محل شریفک بر ازدها دفترداره
قریب محلی «یزانس ایمپراطورلنی» زماننده Ebdome نه بدوم
نامیله معروف اولوب بوراده شرقی روما ایمپراطورلری بطر-
یقلرک الیه تاج کیرلر مش . فقط بوروایت پک ضعیفدر . یالکز
رسامک اثرنده محکیدر .

قبرمنور ابایوبک «آق شمس الدین» مرحومک کشف کرامت
پیرایانه سیله ظاهره اخراجندن صکره انشا ایدینن تربه منیفه
جامع شریفک اضافه سنده کی حکمت دیانت پروری محتاج ایضاح
دکلدر . رسول مجتبی افندیمن حضرتک دیدار مقدسیت نثار
رسالتیناهیلرله مشرف اولمش بر ذات ستوده سماتک قرب پای
تختده غنوده خاک غفران اولسی سلطنت اسلامیة عثمانیه نک
موجودیت و بقای نامنه هر وجهله شایان اعتبار بر امداد الهی
و خشنودی پیغمبرینک ظهور عثمانیاندن اول بومنازل لطیفه
روان اولمش بر طلیعه ذی ابتهاجیدر . بناءً علیه عثمانلی پادشاهلری

تقلید سیف مراسم تبرک‌سنی بوراده اجرا ایتمک صورتیله
حائز مثنوبات اولمئی جانہ منت بیلیمشلدردر . مع هذا بعدالفتح
مراسم تقلد هر زمان بوراده اجرا ایدلمه مشدر . (تاریخ راشدی
شویله یرقاریشدیررکن کوزمه ایلیشن فقره آیه ده بونی
اثبات ایدر :

شهر شوالک اون یدنجی جمعه کونی (ادرنه) ده (اسکی
جامع) دینمکه معروف جامع شریفی آلا ی ایلہ تشریف هایون
بیوریلوب عادت حسنہ دولت اوزره نقیب افندی مباشرتیله
میان حیتلرینه سیف عالم گیر ملوکانه تقلید »
جلد ثانی — ۱۱۰۲ وقایعی — سلطان احمد ثانی

* *

چلبیانک تقلید سیف مراسم مننده دائما حاضر بولندقلری
حقنده (لاتورکی) و (عثمانیسه لویید) رفیقلمرکز یازدقلری
فقرات «قونی» ده دسترس اولدیغم وثیقه صاحبک تحشیه سیله رد
وتکذیبه شایسته اولدیغی کی بالخاصه تواریخ عثمانیه ده مقید
اولان معلومات ایلده ده مر حالدہ قابل جرح وابطالدره مدعای
تقویه ایچون بر قاج مثال ارئه ایدلم :

۱- ... وارسمندشوکت و تربه حضرت خالدہ کلوب کسب
یمن وبرکت و نقیب الاشرف رضا افندی دستکشای دعای
دیمومیت سلطنت سنیه تمناسنی ادا ایدوب دعایه غایت و رسمه
نهایت ویرلدکن صکره تقلید سیف مصلحتته مباشرت ...
سلطان عثمان وقایعی : صحیفه ۴۳ — تاریخ واصف

۲- ... بعده شبخ الاسلام افندی دعای سیفی نیام دهاندن

اخراج و میان شهنشاه زمانه تقلید سیف ایله مقدمه خدمتی
انتاج ایلوب ...

سلطان مصطفای ثالث وقایعی : صحیفه ۹۴ — کذا

۳-... سیف مسعود خلافت دست میمنت پیوست مشیختپناهی
ایلله میان شوکت نشان شاهانه لرینه بند و تقلید اولندی. عقبنده
فر و شوکت و اجلال ایلله عودت بیور مشلردر .

سلطان سلیم ثالث وقایعی : صحیفه ۲۶۵ — تاریخ جودت

جلد ۴

۴-... تربۀ ابی ایوب انصاری زیارتنه عزیمت و دست تعظیم
نقیب الاشرف ایلله احضار اولنان سیف زرنگاری تقلد رسمی
اتمام برله بحرأ عودت ...

سلطان محمود ثانی وقایعی : صحیفه ۳۹ — شانی زاده

لطیفی افندی مرحوم تاریخ لطیفنک آلتنجی جلدینک
اللی برنجی صحیفه سنده والد ماجد حضرت شهریار جدید سلطان
عبدالمجید خان حضرتلرینک تقلید سیف رسمی تحکیه ده
دیورکه :

۵- کوهر بند سلسله عثمانی و طرازندۀ اورنک جهانبانی
اولان یادشاهان جلیل الشانک جلوس فیض مانوسلری
وقوعی متعاقب خزینۀ هایونده پیرایه بند غلاف تعظیم اولان
امانات جهان قیمتدن خلیفۀ ثانی جناب « رسول رب الانام »
« عمر الفاروق » رضی اه عنه حضرتلرینک سیف مبارکلرینی تیمناً
حضرت ابی ایوب الانصاری رضی اه عنهمک تربۀ شریفه سنده تقلد

ایلماری دآب دیرین سلطنت سنیهدن اولدیغندن جلوس هایونک
اون برنجی پنجشنبه کونی بالمله وکلا وامرا وداعیان وبندکان تربه
شریفه جوارنده بالتجمع تشریف پادشاهی به منتظر اولدقلری
حالده ذات شاهانه بحراً بالتشریف نقیب الاشراف صدوردن
عبدالرحیم افندی سیف شریف سالف التعریفی میان پادشاهی به
تعلیق ایلدکدن صکره ترتیب اولنان آلائی ایلده ادرنه قیوسی
جاده سندن عودت وفتح سلطان محمد خان غازی حضر تلیرنک
تربه لطیفه لری زیارت واورادن آت بازاری وپایزید و دیوان یولی
طریق لریله طوپقو سرائنه عزیمت اولندی .

تحقیقاً تمه کوره جنتمکان سلطان عبدالعزیز خان حضر تلیرنک ده
میان شاهانه لرینه اوزمان نقیب الاشراف اولان ذاتک کوزلردن
مضطرب اولسنه مبنی شیخ الاسلام سعدالدین افندی مرحوم
تقلید سیف ایلمشدر .

جمله به معلوم اولدیغی اوزره سلطان مظلوم «مرادخان» خامس
تقلد سیف رسمنی اجرا ایدمه مش ایدی .

خاقان مخلوعک تقلید سیف آلائی ایسه تشریفانجه مقید
اولدیغی اوزره جلوسک سکزنجی پنجشنبه کونی اجرا ایدیلوب
سیف فاروقی خزینئه هایون کتخداسی آغا واسطه سیمله شیخ الاسلام
«خیرالله» افندی به تسلیم ایدلمش و اودخی تقلید ایلده مشدر .

آلائی مذکورک شمدیکی اهمیت تاریخیه سی حسیمله صورت
وقوعنی معلومات رسمیه به بناءً بوجه زیر تلخیص ایلدورم .

آلایک ترتیبی :

شرفیات مأمور لری

میر آلای بک

رتبه اولی صنف ثانسی رجالی

لوا باشا

حرمین پایه لوری

رتبه اولی صنف اولی رجالی

فریقان

استانبول پایه لوری

رتبه بالا رجالی

صدور عظام

مشیران

وزرا

وکلا

آلای طقسان اوچ سنه سی شعبانک اون سکزنجی پنجشنبه
کونی اجرا ایدلشدر . وکلا البسه عیدیه لریله تره شریفه ،
صدور عظام ورتبه بالا رجالی واستانبول وحرمین پایه لوریله
اسرا وضابطان عسکری ساعت درت قرارلرنده جامع شریفه ،
رتبه اولی صنف اولی ایله رتبه اولی صنف ثانسی رجالی فسخانه
عامرده تنظیم اولنان محل مخصوصه طویلا مشلردر . سلطان
سابق سلطنت قایغنه سوار اوله رق ساعت بش بحق قرارلرنده

ایوبک بیوک اسکله سنه چیقمش واورادن آتینه رکابه امرا
 وضابطان بولندی حالد جامع شریف اوکنه وصولنده آتدن
 اینمشدر . بعده یایا اوله رق تربه شریفه دروننده تخصیص اولنان
 محله گلش و اوچ امام طرفندن تیمناً سورة «فتح» تلاوت اولندقدن
 صکره یکی قپو مولویخانه سی شیخی مرحوم عثمان افندی طرفندن
 دعا قرائت اولنمشدر . اوزمان خواص وکلادن معدود اولان
 صدر اعظم «مترجم رشدی» پاشایله شیخ الاسلام «خیرالله» افندی
 و شورای دولت ریاستنده بولنان شهید حریت «مدحت پاشا»
 سر عسکر «رضا پاشا» و «نامق پاشا» متعاقباً تربه منیفه داخل
 اولمشدر . ایسته وائناده خزینه هایون کتخداسی بولنان ذات درون
 تربه ده سپه اوزرنده بولنان سیف عالی فاروقی شیخ الاسلامه
 ویرمش و او دخی سلطان مخلوعه تسلیم ایلدیکنده بعد التلیم تکرار
 خیرالله افندی به اعطا ایله مکله خیرالله افندی طرفندن تقلید
 اولنمشدر .

سلطان سابق، تقلیدی متعاقب دعا ایتمش و فاتحه شریفه یی
 او قودقدن صکره حضار طیشاری به چیققدن قلرنده ایکی رکعت نماز
 قیلمش، بوائناده خارجد آلائی نظامنه کیریلهرک یوله چیقیلنمشدر .
 شیمدی آکلادیغمه کوره رکابه (پیک) و (صولاق) لر اخذ موقع
 ایتمشدر . آلائی ایوبدن مفارقتدن صکره ادرنه قپوسی، زنجیرلی
 قویو جاده سنی طوته رق نشانجی قره غولی کوشه سندن سلطان سلیم تربه
 سنه گلش اورادن دخی دارالشفقه یولندن کچمشدر که بورادن سرورنده
 بنده صف شاگردانده موجود ایدم . بعده فاتح تربه سنه اینیلمش

وشهزاده باشی، بایزید طریقیله طوپ قپو سر اینک سبتلی کوشک
قارشیسنده کائن حرم هایون قپوسنه کلندکده آلایده بولنان علمای
کرام طاقی ضررخانه دائره سنک قارشو طرفنه یعنی سلطان مخلوعک
صاغ طرفنه ورجال طاقی دخی صول طرفنه کچوب هیئت وکلا
دخی قصر مذکورک میدانده اخذ موقع ایتمش اولان عساکر
آرقه سنده اسب سوار اولدقلری حالده طور مشدر



دونکی (عثمانلی) رفیقمز ، (یکی غزته) نک قارشی
غزته لرندن نقلا یازدینی قلیج آلابی فقره سنه تعریضادیورکه:
(مراسم معتاده نک قونیه سلجوقی حکمدارلری احفادندن
بری طرفندن اجرا ایدلمکده اولدینی و سلجوقی حکمدارلرینک
احفادی بوکون چلبی افندی بولدینی بیان اولنش ایسه ده
چلبی افندی مشاهیر متصوفین کرامدن مولانا جلال الدین رومی
حضر تلرینک احفادندن اولوب حکمداران سلجوقیه ایله برمنه
سبتی یوقدر و سلجوقیه سلاله سی چوقدن منقرضدر . خاندان
عثمانینک قلیج قوشانمسی مراسمک عائله مولانایه مختص
اولمسی پادشاهان سالفه نک جلال الدین رومی حضر تلرینک
روحانیت قدسیه لرینه تبرک و توسلدن نشأت ایتمشدر)

رفیقمزک برنجی فقره سی تماماً حقیقت حاله مطابق ایسه ده
خاندان عثمانینک دیو باشلایان فقره ثانیه سی عرض ایتدی کمز
وجهله شایان تعدیلدر . چلیانندن قوشادانلر اولمشدر .
فقط مختص دکلددر . حتی مأموریت مشارالیه یاه اک زیاده نقیب

الاشراف اولان ذوات نامزد اولمشلردر . مقصدمز رسم
 بهین مذکورده قلیج قوشادان ذاتک مطلقا چلبیاندن اولمدیغی
 اثبات ایتمکدر . قارشى غزتهلری آلابیلدکلرینه یازدقلری تقلید
 سیف مراسمنده برده قرق کون دیه برمهلت قویهرق بوقرق
 کونی ده قونیه یه خبر کیدوب چلبی افندی اولان ذاتک کلمک
 مدتیله آلاى ترتیباتنک احضارینه عطف ایتمشلر سه ده ۱۱۰۲ ده
 ادرنه ده جالس سلطنت اولان سلطان احمد ثانی بیله یوم جلوس
 اولان رمضانک یکر می آلتنجی کونندن یکر می برکون صکره
 تقلد سیف ایله مش وفقرات مندرجه دلالتیله آکلاشیله
 جنی وجهله رسم عالی مذکورک اجراسی هیج بر وجهله توقیت
 ایدلمه مشدر . حتی شهریار نوجاه افندمز حضر تلی ده - بازار ایرتسی
 کونی یعنی اون دردنجی یوم جلوسلرنده قلیج قوشامشلردر .

موازنه بحرین

بکا او یله کلپورکه خسته آرتق قالدی . آرمده صیره ده
 انجای داخلیه سنده عدم انتظام آناری کورینیور سه ده بیوک بر
 اشتهایه مالک . خیر علامت . بدایه اوغرا دینی بلغارستان
 استقلالی ، بوسنه هر سئک الحاق کبی نکسی موجب ترلز لانه

مقاومت ایتدیکی کبی شفایتته ییدیرملک ایسته نیلن ۳۱ وقعه سنی .
 دخی رد واعاده ایلدی . شیمدی کزینیور . پنجره دن باقیور ،
 قپودن چیقیور . وقتيله عیادتنه کلنلر اولدینی کبی شوگونلر دده
 صیق صیق زیارتنه کلنلری قبول ایدیور . بالواسطه اعاده
 زیارت ایلور . او ی داخنده کینوب قوشانیور . ادمان
 یاییور . من القدیم مألوف اولدینی آغیر یوک قالدیرمق ، قوت
 طاشی آتمق ، طوماق اوینامق ، حتی کورش طوتمق کبی تعلیمات
 بدنیه ایله اوغراشیور . هوالر صیجاق . آرمده صیردهه یالیده
 دکر بانیوسنه کیریور . اطبایومیه راپوری نشرندن فراغت
 ایتدیلر . اشتها سی بیوک دیمدکی ؟ حساب ایدلیکنه کورمه
 ایکی سنه ده بالاسه قراض اون بش ملیون لیرا یمش ! عافیت
 اولسون .

یالکز برایکی خیرچین قومشوسی ، داخنده برقاچ یاراماز
 یاوروسی وار . اویقوسنی قاجیریورلر . فقط ضرری یوق .
 کیچلری اویانبق طور دینی ساعتله بدل کوندوزلری « قیلوله »
 یه مداومت ایدم بیلیر .

مع هذا طور و حرکتی محله جه نظر دقتی جلب ایتمکدن
 خالی دکل . ینه اولکی کبی زور بازوسنه کووده نه جک اولورسه
 نه یاهم دیه دوشونیورلر . حتی آلمان یان ایکی زرهلی آلهجه .
 قوت حی یوتیور دیه سویلنمکه باشلادیلر .

« تان » غزته سنک بواکی زرهلی ایچون یازدقلرینی البته
 کورمشسکزددر . بزبونلرله اولا بحر سفیده ، ثانیاً قردکرده کی

موازنه‌ی تبدیلی ایدی-سورمش . طاش : نده آغیردر دیرلر .
 آلمانانک شمال دونماسنده ایکنجی و اوچنجی درجده حائر
 اهمیت اولان بویکی واحد بزم طرفه کچنجه یونان و روسیه
 دونمالرینکده اتکی صویه اریورمش . دیمک که کنج ترک
 پولتیقه-سنک احوال عمومیه دولتی تقویهده بیوجک برخدمتی
 کوریلور . بوکا تشکر اولور .

نه حالله کلمش ایدک . خلیجده کزیندکجه سفائن حربیه مزدن
 عدایتدیکمز و بالاخره هریری ایچون « ساقسی » دیدیکمز
 معهودلرک قیج طرفلرنده سوزکون بر حالده طوران بایراقلر ،
 بکاسر نکون براقبال بحری تماشاسی ویریدی . هیج اونو تمام
 آلمانیا ایمپراطوری « قدس » سیاحتنه کیتدیکی زمان « آثار توفیق »
 ایله « عثمانیه » « حیف » لیمانه قدر تشییح ایده جکلردی .
 بونلر عزیمت ایمپراطوریدن اول « ساقیر » پیشگاهندن قالمشله
 دی . زواللی « عثمانیه » ساعتده درت میل ایله « ردوس »
 ی آشه-میه جغنی آکلایه رق لیمانلامش . « آثار توفیق » یالکز
 باشنه « حیف » یه کله بیلیمش . بزده « از میر » قرووازوریله !
 مواصلت ایتدک بم بیاض ، هر طرفدن لمعلر چیقان ایکی
 آلمان کیسی ایله بویاسی آتمش ، کول رنگنه کیرمش ، کیرلی ،
 زبون ، یورغون برزره لیمانده لنگرانداز ایدی . (آثار
 توفیق) ک سوارسی رستم بک (شیمدی رستم باشادر) بزم
 قرووازوره کلدی . مایوس و منتفر . عسکرک (اسقور بوت)
 علته گرفتار اولدیغی ، ملازمه اوتوز اوچ کون اول علی

الحساب در در مجیده ویرلیدی ، کمینک یورییه جک حالد
اولدیغنی سویلیدی ایدی . بن بزم قروووزورن آکلایوردیم .
عسکر چیاروا ایده جک ، آیاقد کیه جک یوق ، پک اعلی .
باشده کی فسه . فس اولورده پوسکول اولمیشنه نه دیهلم ؟
بلکه خاطر کره کلیر . برزمانلر استانبولده کیزلی برروایت
چیقدی ایدی . خاقان مخلوع روسیه ایله براتفاق خفی عقد
ایتمش ایش . بیوک براختلال چیقه جق اولورسه روس دونمانی
استانبوله دعوت ایده جک ، کمیلرندن برینه التجا ایله کنیدیسنی
قورتاره جق ایش . بزبورواسته ایناندق ایدی . چونکه اینانمقده حقمز
وار ایدی . مشهور اولدینی اوزره دورسابق بحریه نظری اولان
(حسن پاشا) کونک برنده امرای بحریه دن برینه غضب ایدرک :
— سن بحریه نظری اوله جغم دیه نافله چابالارسک .
نظارت قید حیات شرطیه بنمدر . دیش . اوحالده قید حیات
شرطیه دوناماده یوق دیمک ایدی . ایکیده برده روس دوناماسی
بوغاز آچیلرند کزیتورمش دیه یورکلرمنک آغزلرمزه
کلدیکنی ده اونوتیمهلم . اک یکی اوله رق بونان محاربه زائله سنده
زرهیلرک چناق قلعه مرساسندن برخطوه ایلری یه آتمدقلری
معلومدر . بو حاله دور (ابراهیم) دده اوغرا مش ، ایدک وندیک
دوناماسی بوغازی قیامش ایدی . سلطان (ابراهیم) سرای او طه لرینه
سمور . و شق کورک قاپلاتق هوس مجنونانه سیله اوغراشیور ،
خاقان مخلوع ژورنال بریکدیرمکه دمکذار اولیوردی .
« تان » غزته سی (ویله همسرافندن بوغاز ایچنه) سرنامه سنیه

اشترايتديكمز ايكي آلمان زرهليسي حقند يازديغي مقاله مهمه نك
صوكنده ديوركه :

(روسيه . محضا پرنس « بسمارق » ك ارضنع وعملی اولان
« برلين » معاهده سي نتايج معكوسه سي سوقيه بحر سياهده تأسيس
قواي بحريه يه حصر غيرت ايمك لزومني حس ايلديكي البته تخطر
ايدجكدر . بودفعه دخي آلمانك مسائل شرقيه ده سبق ايدن
مداخله سي (بزه ايكي زرهلي صامه سي) آكا هر درلو اوصاف
تعريضه دن بري اولمقله برابر اوروپانك ياشامقده اولديغي صلح
مسلمح حالي نتايجندن اولمق اوزره التزام بصيرت ايلكي تقدير
ايتديرمليدر .)

شوقيد ، برقچ كون اول آژانس تلغرافنامه لر ينك ، « فرانسه
روسيه يه بحر سياهده قوتلي بولمغي توصيه ايتمشدر » طرزنده
ويرمش اولدقلى خبرلرك منبئيدر .

دولت عثمانيه نيجه سنه لردن بريدر فكر تعرض واستيلادن
دامن كش اولمش و صوك وقعه انقلابيه عثمانيلرك نه درجه ده محب
صلح و آسائش اولديغي دنيايه اينانديرمشدر .

روسلك بحر سياه اوزرنده كي امللري ۱۶۹۵ سنه سنندن
يعني بوندن ۲۱۵ سنه اول (بيوك پترو) زمانندن بري
تظاهر ايتمشدر . بيوك پترو روسيه يه مخرج بولمق هوسيله
(بحر ابيض) دودونا ما وجوده كتير دكن مكره بودكرك ايشه
ياراميه جغني بالحساب نظر دقتني بالطق دكزينه چويرمش ايديسده
اوعصرده (اسوچ) حكومتك بتون سوا حله قوتله حكمران

اولدیغنی کوردرك (وولغا) نهري آقیندیسيله (بحر حزر) .
ایمک ایسته دی . فقط اسباب مجبره سائره کندیسینی (آزاق)
(وقره دکز) یالیرینه سوق ایتدی : قدس بطریق «دوزیت»
(Dosithé) برطرفدن اورتو دوقسلرک ترک بیوندروغنی
آلتده ازیلدکلرینی افهام و دیگر طرفدن دخی فرانسلرک فرامین
سلطانیه ایله ینه روم اورتو دوقسلردن حضرت عیسایک قدسده
صلبی قصد اولندیغنی (غولغوط) تپه سنک نصفیه (قماه)
کلیسای و امشالی محال مقدسه یی اله کچیر دکلرینی کمال تأثرله
اعلام ایتمکدن خالی قالمیوردی . بیوک پترو بوفریادلره بر جواب
تصدیق و یرمک ، مقصدیه (آزاق) اوزرینه یوریمکی ، مملکتنه
مخارج تجارت آحق تشبیه برلشدیردی . عین زمانده قدس
مسئله سیه شرقده مقیم سکنة خرسیتانیه مسئله سی طوغدی .
پترو ، (آزاق) قلعه سنه اجرا ایتدیکی هجومده موفق
اوله مادی . منهزم اولدی ایسه ده پولتیقه سی علیه دارانه بر
نمایش اولق اوزره (موسقوا) یه کمال طنطنه ایله کیردی .
فقط بو عدم موفقیت ، اصلاحات مؤسسه و متصوره یی اخلاص
ایده جک درجه ده بر صارصینتی او یاندیردی . تشکیل ایتدیکی
روس عساکر نظامیه جدیده سی عساکر قدیمه غیر منتظمه دن
فضله برایش کورممدی ادعایرینی یو کسلتدی . ایسته بو نو له لر اوزرینه
پترو (دون) نهري بویجه وجوده کتیردیکی ترسانه لرده بالخاصه
(و درونیه) ترسانه سنده ۱۷۰۰ شایقه ۳۰۰ سندانل ، ۱۰۰
صال یاپدیره رق اوزمان ایچور ، مدھش کورینن بویله بر (قافله)

صباحه) ایله آزاق محاصره وضبط ایتدی . قره دکرک بورنه ایندیریلن ایلك روس دوئماسی بودر . سلطان مصطفای ثانی زماننده سرای بونی اوکنده طویلر آهرق پادشاهی وسکنه شهری خلجانه اوغرادان (فورته رس) یعنی (قلعه) نامنده کی روس سفینه حریبه سی اولجه یازمش اولدیغ بر مقالده دیدیکم وجهله - قره دکرک بکارت استقلالنی - بزم نقطه نظر مزه کوره - اخلال وازاله ایتمش ایدی .

مع هذا روسلر (پارس) معاهده سی احکام قطعیه سندن اولان قره دکرده دونانما بولندرماق ماده سنی ده آلمان - فرانسر (۱۸۷۰) محاربه سنک عاقبتنی تشکیل ایدن (سهدان) مغلوبیتنی متعاقب بوزدیله پرنس (غورچاقوف) بومناسبتله فرانسه نك تمامی مغلوبیتنی روسیه نك قره دکرده کی انکشاف املی ایله زخم دار انهزام اولان فرانسه یه وطولایسیله پارس معاهده سینه واضع امضا اولان حکومتله بیلدیردی . ایشته روسلرک قره دکرده تأسیس قوت ایتلمی اصل بوزماندن ابتدا ایله مشدر . فقط جنتمکان (عبدالعزیز) خان بورج خرج دولته اوچنچی درجه ده بردونانما یانغه موفق اولدی ایدی . آندن صکره ایسه طور دق . (سینوب) (چشمه) وقعه لرینی اونوتدق . دور حمیدیده ۱۸ آغستوس دونانمالرینه کرمی وماتانت ویردک . رفیقم دیران افدی بودونانمالردن بحث ایتدیکمز صیره ده دیور ایدی که :

(اوروپاده بونجه صنایع تنویریه وناریه وار ایکن هیچ

برایمپراطور ك يوم جلوسى مناسبتيله بودرجه ده پارلاق دونانمار
پایلدیغی کورلمه مشدر .)

مادامكه بوكونكى كون (صلح مسلح) پولتيقه سى ،
سياست عموميه نك ركئيدر . يكي عثمانيلر دخی بوركنه رعایت
ایتمكه ، بویه بر ركن اساسی به رعایت ایتمكه کنسیدیلرینی
اوروپا موازنه عمومیه سی داخلنده بولندرمغه مجبوردرلر .
بالطبع روسیه حکومت فخریه سی فصل اوصاف تعرضدن بری
اوله رق بوجبوریتی تقدیر ایتمكه دعوت اولنیورسه بزده
دعوتلی یز .

یونانستانه کلهجه ، مادامكه جزیره لرینك وقره سنك سلامتی
ایچون دونانماسنی تقویه و تزئیده محتاجدر . بزده عین احتیاجه
کرفتارز . شو حالده عثمانیلر (بحرین) ده کی موازنه سیاسیه ده
عادتا بر (مؤثر صلح و آسایش) اولمق وظیفه سنی ایفایه صرف
نقدینه همت ایتمش اولیورلرکه (سیاست جدیدۀ عثمانیه) ایچون
شرفلر بررول دیمکدر . بزده غوغاجی دینلر شو غیرتمزی
کورمرك مستریخ اولسونلر . سیاست داخلیه مزده ایسه فکر
اصلاح و تألیفدن باشقه برشی اولمدیغی آشکار کورینیور . بز
قوتلندکجه بوفیکری تعمیم و توسیع ایده جکر . مدنیت و انسانیت
حاضرده صلح عمومی نی تسلیحاتده کوردکجه بزده تسلیحات
متادیه دن واز کچمه جکر . دور استبداده جمهوره مخالفتله
خطایای عظیمه ارتکاب ایتمك . آزقالدی خراب و مضمحل
اولیوردق . (آلاطینی) کوشکی مسافری ده بو مخالفتك بالذات

قربانیدر . اساس دولتی احکامه و ترفیه رعایه خدمت ایده‌یدی
شیمدی بیوک بر ایمپراطور صفتیله ایام واپسین سلطنتی آقیشلر ،
دعالرله کچیریر ، حیات ثانیه‌یه آلتی آچیق اوله‌رق داخل
اولوردی .

بزم بحر سفید و بحر سیاه موازنه‌لرنده حقوق مکتسبه‌مز
وارددر . بناءً علیه تشبثمز صرف حقوق مذکور مدن استفاده
ایتمک ایچوندر . روسیه‌نک قوتلی اولمسی و فکر تجاوز و تعمر-
ضدن بری بولنمسی ده بزم ایچون بیوک بر قوت و اصلاحات متصو-
ره‌مز نقطه نظرندن بیوک بر منفعتدر . بوسوزمیزک یونانستانه
وسائر قومشولرمزده عائدیتی اولدینی اونودلمسون .

تبدیل صدارت وسیله‌سیله

هر نه زمان تبدل صدارت وقوع بولسه خاطر مه‌دور (احمد ثالث)
صدر اعظم‌لرندن « قلایلی قوز احمد پاشا » نامیله معروف وزیر
صافی جناب کلین . صحائف تاریخیه‌مزده مؤبدآ منقوش قالان بونوع
اسامینک آره‌مزده ذکر ایدلدیکی اندر اولدینی حالده ملتک اون
ایکینجی عصر هجری اوائلنده کیملر انده قالمش اولدینی او کر نهمسی
نقطه نظرندن شو ستونلرده برجای بحث بولمق آساندر .

غرائب شئونه نمونه اوله‌حق مظهر یاتدندر که « قلایلی قوز احمد »

پاشا دها منصب صدارته کله دن اول بین العوام مائوق الخیال
بر شهرته مالک اولمشیدی . بوشهرته سبب اولانده - تاریخلرک
ناطق اولدینی وجهله - آستانه قائممقاملغنده بولندیفی مدتجه
مزاج خلقه موافق اجرا آتده بولمش اولسی ایدی .

نه مهم بر محل تدقیق دکللی ؟ بزدر ایکی عصر اول یاشایان
افراد ملتک مزاجنه موافق اجراآت نه کبی شیر ایمش ؟ بونی
بیلیمک اسلافه طوغری عطف ایده جکمز انظار اعتبار ایچون
ایچه مهم بر استقامت تعیننه خدمت ایدرکه تاریخدن ده بوکبی معلومات
اجتماعیه فوقنده بر منفعت تصور ایده میز .

قلایلی . قبر یسدن قالقوبده استانبوله موصلات ایلدیکنده
شهری آقشامدن صکره انسندن خالی کوردی . کیمسه بوزمانی
متعاقب اوندن چیقمه میوردی . فقط نه قدر ارادل اشخاص وارایسه
سوقاقلرده دوریه کرییور . تصادف ایتدکلرینی صویوب صوغانه
چویریورلردی . پاشا کیفیتدن خبردار اولنجه صباحلره قدر
قول کره رک اشقیایی او یوتدی . ارادلی تپه لیه تپه لیه قور قوتدی .
نه کوزل بر موفقیت ! فقط بو موفقیت مزاج خلقه دکل طبیعت
اداریه موافق . پاشانک لطافت اجرا آتی ایسه باشقه بروادیده
متجلی . کونک برنده براعلان : فی مابعد خرسیتیانلر ایله یه دیلر
الوان چوفه واعلی لباس . سمور قالپاق ، صاری مست ویاپوش
کیمیه جک ، شهر داخلنده آت ایله کریمیه جک ، سیاه روبا ،
قرمزی و سیاه مست کیمیه جکلر .

نه دیر سکر ؟ دینه جک برشی یوق . سکوت . حال بوکه بو

اعلان خارج قیافتی حقنیده بر تنیه اکید . بونک برده قالی
یرلره مخصوص ایکنجیسی وارکه انسان کال تحیرندن نه دییه جگنی
بیله میور :

نصارا ویهود حمامه کیردکلرنده فعلین کیمیه جکلر ، مدار
تفریق اولمق ایچون آیاقلرینه چاک ، چنغراق طاقه جکلر .
فسیحاناه ! کیرنلر اولدی ایسه کیم بیلیر قبه لرده نه غلغله لر
پیدا اولمشدر ! ایشته خلقت خوشنه کیدن اجرا آت مستحسنه
بو ایکی ماده دن عبارت . هرکسک آغزنده ده :

— سنک قائممقام دیدیکک بویله اولمالیدر ، سوزی دائر .
بالطبع پسندیده عوام اولان بویله بروزیرک آواز شهرتی اولور
اولماز قولاقلره خوش گلز . باخصوص اودورلرده . اودورلرده که
(قتل وی) غایله سهل التحصیل . فقط قلایلی بی قتل ایتدیرمک
قابلی ؟ بلکه عزل ممکن . صدر زمان (بوز اوقلی مصطفی) پاشا
صوک درجه پر خلیجان . قلایلی برازدها پارلاسه کوز قاشدیره جق
کومش اوله جق ، نه یابسون ؟ دوشونوب طور رکن بر کون مقربان
سلطنتدن بری سلطان احمد ثانینک بر اراده سنی تبلیغ ایدر .
بو اراده :

— امور کده مستقلسک . عزل ونصب وکلا وولات
ید استعدادیکه مفوضدر . ماننده ایدی . خضر میسک یامبارک !
بوز اوقلی بونسخه نجات آوری انه کچیرر کچیرمز ارکان دولتی
طوبلار ، اوقور وجهلدن اول قلایلینک قوزنی قیروب جلای
اقبالنی قارار تیر . تا « دیار بکره » قدر یوللار .

«قلایلی قوز احمد» پاشا «قیصری» کوپلرندن برنده دنیا به کش .
 کینجا کینده استانبوله دوشه رک بالطه جیلقه قایرلدقن صکره
 مصاحبلردن (یوسف آغا) به چاشمش . یوسف ، دارالسعاده آغاسی
 اولنجه قهوه جی بشی ، بعده سقا باشی اوله رق آغانک عزائی
 متعاقب برطوغ ایله جده بکی نصب اولمش . بوراده (تاریخ راشد) ک
 خبر ویردیکی وجه اوزره مال فراوان صاحبی اوله رق « بذل
 عبودیت ایله رتبه وزراتی » بالتحصیل شام ، بغداد ، قندیه ، حانیه
 قبریس و الیسکرینه صعود ایله مش ایسه ده روسلرک آزا ق قلعه سنی
 محاصره ایتدکلر نده وقتیله یتیشه میه رک سقوطنه سبب اولمغله قتلنه
 « فرمان فضا جریان » صدور ایش ، بو خبر دهشت اثری
 ایشیدنجه بولندی بی یردن فرار وکلوب درسعادته اختفا ایله مش .
 تام ایکی سنه آرارلر ، بوله مانزلر . قلایلی قورقوسندن یاغین
 باقیرینه دونه رک رماد خشیت آلتنده کیزلنیر . متعلقاتک خانه لری
 باصارلر ، بیچاره لری زندانلره آتارلر . اک صو کینده والده سلطان
 شفاعتیه جرمی عفو اولنوب بروسه یه چکیلیر . اوراده ده ایکی سنه
 اوطوردقن صکره وزارتک اناده سیله قندیه ایالتنه کوندریلیر .
 ایشته بوصوک مأموریتی ائشاننده ایدی که سلطان احمد ثالث خفیة
 خط هایون اصداریه کندیسنی مسند صدارته دعوت ایله دی .



تصادفه باقک که (اوزون سلیمان) آغا نامنده بردارالسعاده
 آغاسی ایله وزیر اعظم (حسن پاشا) آرمهنده ظهور ایدن دعوا ی
 خصومت قلایلی به نشادر کی تأثیر ایدره رک باعث انجلا ی انقلابی

اولشدر . حسن پاشا ذاتاً حرص و طمع می ایله پادشاهی کندیسندن
تغیر ایش و بوکا آغانك ده تزویراتی انضمام ایتمكه عزلی جهتیه
کیدلشدر . (راشد) شو و قعه بی حکایه ایتدیکی صره ده دییوركه :
— آیا وزرادن یرینه استخدا اولمغه شایان کیم واردر ؟ ..
دیو طبع هایون خلجان اوزره ایکن آغای مشار الیه قلایلی
پاشا قدر وزیر اولماز دیو طرف سلطنتی وزیر مذکوره ترغیدن
خالی دکل ایدی .

فقط آغانك ترغیباتنه خلقك ده تقدیراتی انضمام ایدر . ینه
هر كسك آغزنده شو یولده برسوز :

— قلایلی پاشا کلدکجه بو خانه دوات نظام بولماز .
پادشاه نه یاپسون ؟ قالیون لوندرندن (ابراهیم) نامنده بریخی بولدیورر . اننه
خط هایونی ویرر . برشینیه به بالارکاب کزیده یوللار . پاشاده
بش اون نفر ایچ آغاسیله بر سفینه به سینر ، کلیر . مهر هایون
حسن پاشادن آلتوب قلایلی به تسلیم ایدیلیر . فقط سز استهزای
زمانی کوزدن قاچیرمیک . راشد ، اومورخ نکتته دان دییوركه :
— وقتا که وزیر کله جك کفتکوسی سرای خلقك مسموعی

اولدقه انشته حسن پاشایی ظن ایدر لرکن باکهان قوز بکجیلر
طرفدن قلایلی احمد پاشا نمایان اولوب یدینه مهر هایون تسلیم
ودوش صدارتیه الباس خلعت تکریم اولندی . بو حالتدن کمنه
خیر اولدیغندن جمله به حیرت کلوب بوندن پادشاه فلاطون شعور
حضر تارینك عقل ورشدینه استدلال بیوردیلر ، سبحان الله .

قلایلینك شهرت صافدلانه سی ، دها طوعربسی اباهانه سی

هفت اقلیمه رسیدہ اولہ جق درجہ بی بولد یغندہ شہہ یوق. حتی
 شاعر شہیر (نابی) حقندہ شویله بر قطعہ سویلہ مش:
 ناکھان بر کون قلایلی قوز کلوب اولدی وزیر
 هر کورن دیدی وزارت عرضی ایلر شکست
 بن دیدم اوصلا ندی زیرا چرخ تأدیب ایلوب
 تربیت قیلمق کر کدر آئی بونجه سرگذشت
 دیدی بر دانای کار آکاه وصاحب تجربه
 تربیت نا اهل را چون کردکان بر کنبدست

باشانك بلاهت عمیقہ سنی دوشونك كه مقبول شهریار اولہ جغ
 زعمیلہ حضورده متصل سلطان مصطفیٰ خاك خلغنہ وذات
 شاهانہك جلوسنہ سبب اولان معهود ادرنہ وقعہ سنك كندی
 رأى وتدبیریلہ اولدیغنی سویلر، باشنہ کییدیکی قلاوی یه معتاددن
 زیاده تلر چکدیرر، صیرمه و دیبا البسه کیهرك درلو درلو
 قیافته کیرر، بوحالی ضمناً کنیدیسنہ بیلدیرلدجہ:

— وزیر اعظم اولانلرك حشمت ولباسده سائر وزیرایه
 اثباسلری روا دکلدر. اعتبارده سرفراز اولدقلری کبی اسباب
 زینت وحشمتده دخی آنلردن ممتاز اولمق لازمه شان صدارتدر.
 دیه عصرک تربیه سنہ کوره قباحتمدن سیوک عذرلر سرد ایلر،
 پی وپیشنده برطاقم خلق:

— صدراعظم اولدیغنکر زمان بزہ شویله احسان، بویله
 فرمان ایدہ جککزی وعد بیورمش ایدیکر. ایشته صیره سی
 کلدی. نیازیلہ سرسری کرینیر ایش. ترجمه حالنك اك

مضحك جهتی (میر آخور محمد آغا) نامنده برینه قایلدیغیدر .
 محمد آغا حیلہ کار اولمغله برابر پاشایہ کنڈیسنی صدق طایتدیرہ جق
 درجہده آثار ریایہ میال اولدیغندن الندن عصای صدارتی قایمق
 ایچون متصل اوغراشیر ، پاشا ایسه :

— محمد آغا بنم اوجاقداشم وخیر خواهمدر . دیه هر
 سوزینه بل باغلار ایتمش . حتی کیجه لری مومی الیه الیه بی
 تکلف کوریشهرک :

— جناب پادشاهی نه کونه حرکتدن حظ ایدرلر ؛ نهدن
 حظ ایتمزلر . دیه سؤال ایتدکجه آغانه قدر معکوسیت واریسه
 جمله سنی تحصیل رضای هایونه باعث اوله جق اوضاع پسندیده
 دیه تقریر ایلر ، اوده موجبجه حرکت ایدهرک خاقان زمانک
 جلب انفعاله بیلیمیه رک چالیشیر ایتمش . کیم بیلیر بو وسیله لرله
 نه قومهدیلر اوینانمشدر! سبب انفصالی اولان وبالا خره قپودان
 پاشالغہ اصعاد ایدیلن میر آخور محمد پاشانک دسایس ابله فربا
 نه سیله اصلی فصلی اولمدیغی حالده حضور پادشاهیده شیخ الاسلام
 علی افندینک ارباب بنی وفساد ایله تحریک فتنه ایلدیکنی سویلر .
 قپودان پاشا مسئله بی طولاشدیریر . زوالینک علینه کیزلیجه
 یالانجی شاهدلر ترتیب ایدر . برحاله کلیرکه پادشاه ، زغرچی
 باشی ابراهیم آغا نامنده برمزور اقبال پرستی جلب ایدهرک اندن
 کیفیتی صورار . مرقومده قپودان پاشانک الدیغی تعلیمات اوزرینه
 حرکت ایدهرک :

— صدراعظم ، شیخ اسلامی عزل ایتدیرمک داعیه سیله

اوجاغمز خلقنی قوله آلوب فقط بوقولکزی تسخیر ایدمدی .
 دیر . والحاصل مهر صدارت اوچنجی آیده قالایلینک الندن
 آلنوب محمدپاشایه ویریلیر . شاعرك دیدیکی کبی بدبخت قلایلی :
 « ازبادهوا آمد و برباد هوا رفت »

مضمونه ماصدق بررؤیای بدانجامدن اویاتجه کندیسنی
 (اینه بختی) ده بولور .

قالایی ، مورخ (راشد) كدمه خوشنه کیتمش اولمالی که احوال
 خصوصیه سنه دائر ایجه تفصیلات ویریور . وفاتی مناسبته
 یازدینی ترجمه حال مختصرک صوکنده :

(وزیر مشارالیه کمال مرتبه زینت واحتشامه مائل بر آصف
 صاف دل (!) اولوب شب وروز فکر وانیشسه سی ترتیب
 نظام لباس ودستار وقلایل قوزلقبی کندویه سرمایه افتخار
 ایدی . تجاوزاه عنه)

دیور . فقط اوتاریخلرده یالی کوشکی اوکنه دوشن بیک
 آلتی یوز قیهلک برمورینه بالغندن بحث ایتدیکی صیرهده دخی
 قالایلینک صدارتله کریددن عودتندن حضور هایونه چیقدقندن
 صکره مسافر اوطه سنده مذاکره سی کچن کافه اسراری نقل
 ایلدیکنی بالیان دها اوراجقده :

— بیوک بربالق چیقمش ، جئمه سی پادشاهمزی عجبه
 کتیرمش . بن قپودان دریا ایکن آق دکرده بربالق چیقمشیدی .
 بوی بورادن (یالی کوشکندن) ایوبه وارردی . دیدیکی درمیان

ایدیور . قایللی مبالغه دن زیاده پوط قیر ، غه میال ایش .
 آم ! کیم بیلیر شیمدی نه پوطلر قیریور : ده اغیار کولیور ،
 بزم خبر من اولیور . قایلینک قیردقلری ایسه اورتبه موجب
 ضرر دکل ، چونکه آرا مزده قالمش . مثلاً معهود مسافر
 اوطه سنده او کنوب طور ورکن :

— چکدیر یلرله کن خدامک چوقلغی شوکتلی افندیمنک منظور
 هایونی اولم . بکا سننک نه چوق آدمک وار ایش دیه
 بیوردیلر ، بنده دشاهم بونک نه اهیقی وار ؟ بر زمان عالم
 بنم اتباع و خدام ایدی . دیه جواب ویردم دیمش . سکوت
 اطرافه واقف اولنجه اقامه بینه صدندده :

— بنم ولایتده او یله عمو جه لرم وارایدی که هربری بیک
 کیسه زکات ویریدی ،

سوزنی بول کیسه دن آتمش اما سلحدار سلیمان آغا یو تمامش ،
 جواب اوله رق :

— دیمک که عمو جه لرکده قرق بیک کیسه وار ایش ،
 بو چوقجه دیمش ...

• •

ایشته سزه شیمدیکی صدراعظم لردن ایکی عصر اول کش
 بردستور مکرّم که یدک بیله چکه من . شو مصاحبه ده دقت
 ایدم جکمز یالکز زمانک اخلاق و شمائلنی کوسترن پارچه لردر .
 بزا یسه شودورده او اخلاق و شمائلک پک زیاده فوقندیز .
 یالکز اخذ ایتدی کمز وضعیتک تدقیقی جهته کیده میورز . قایللی

صدر اعظم لرمنز ایچنده حق و بلاهتجه نادرالامثالدر. حال بوکه
 ترقیات زمانه بزده کی ذکالرك دها واسع بر مقیاسده تجلیسنی
 امر ای دیور. فلایلی زماننده ال بیوک دیپلوماسی توجه شاهانه بی
 جلب ایتمه احرارز موفقیت ایدی. بیچاره آکا بیله موفق
 اوله مامش و مخدول و پریشان قالمشیدی. شیمدی ایسه توجه
 شاهانه ایله برابر منت عمومیه بی استیجابله آنجق معرفت و مهارت
 سیاسیه کافلدز. بوکون ذکای دیپلوماسیسی اولیان بروزی
 اعظمك ذره قدر دگری یوقدر. انسانیت سلاحدن زیاده
 نور جوال قدرت اولان دهای مشکل کشانك وجوده کتیردیکی
 اجرا آت خیریه دن متلذذ و متبصر اولمقده در.

۲۰ کانون اول ۱۳۲۶

بر حسب حال

کچن کون ظرفای ارباب قلمدن بریله قو نوشیوردم. کندیسی
 بالمناسیبه دیدی که :

— پدر مرحوم، منبرده خطیب خطا ایدرده بن او طور دیغم
 یرده اوتانیرم، دیر ایدی.

شیمدی ده عین حال بزورده تجلی ای دیور. مثلاً بر (جمعیت خفیه)
 نك ظهوری بزی هم اسفلره، هم ده حجابلره گرفتار ایایور.

سببی : چونکه زمانمز ایچون اڭ بیوک برخطای سیاسیدر .دها
 اوچ سنه اول اطرافزی صارمش اولان دهشت استبداد آلتنده
 بر ساعت صکوره نه اوله جغمزی - خفیه لرله مقربلرده برابر
 اولدقلری حالده - کسیره مزکن حریت و مشروطیتک تأسیسی
 اوزرینه اوزمانلرده ذهنمزدن کچیره مدیکمز شیلری شیمدی
 حریت و مشروطیت هیئت عمومیه سی علیه اجر ایتکی نفسلرینه
 روا کورنلرمز ظهور ایتدی . هله ایچلرنده برمبعوث بولندی
 روایتی بتون بتون موجب حیرت اولدی .

اوتهدن بری یازمش اولدیغم وجهله بزدهده بر « فکر عظیم »
 وار . بزبوفکر عظیمه تبعیتله هر شیشی اولیویرسون دیوب کندی
 مطالعه مزه بل باغلا یورز . حال بوکه یاپه جغمز او قدر شیلر وارکه
 بونلر بردن بره اوله ماز . براوک پلانی بیله - بر آزدقتلیجه اولمق
 شرطیله - برکونده چیز یله مز . سز بزم اوروپا ایله تماس مزه
 نه باقیورسکمز ؟ بزه باقک . (تربیه مدنیه) دیه پک چوغمزمک
 آغزنده کزن ، قلمندن مرکبله برابر کاغد اوزینه آقان ترکیبک
 ملیونلرجه کیلومترو مربعی اراضی یه مالک و ملیونلرجه نفوسدن
 مرکب بر هیئت اجتماعیه جه مکتسب بر مزیت اوله بیلمسی ده
 بر خیلی سنه لره احتیاج کوستره جکدر . عوام آره سنده بیله اون
 اوچ . اون درت یاشلرینه کلش حیللاز چوجقلر حقنده :
 -- آرتق بوکا مکتب خیر ایتمز .

سوزی دأردر . حال بوکه بزم جمعیتمز ایچنده هان عمومیتله
 مکتبه کیده مه مش ، مکتبه خیر ایدمه مش نیجه ملیون افراد

وارد ر .

روسیه نك اك بيوك حكمدار لرندن اولان مشهور (دلی پترو) ده مملکتی برقاچ سنه ایچنده اوروپا تربیه سنه مظهر کورمک هوسیه چالیشدی ، چبالادی . حتی مضبوطات تاریخیه دن اولدیی اوزره فرانسزلر مشارالیه حکمدارک ۱۷۱۷ تاریخ میلادیسنده (پارس) ده (ورسای) ه عزیمتده الیه یک یدیکنی ، سو مکوردیکنی مغایر آداب مراسم عد ایدرک کندیسنک هنوز باربار اولدیی حالده مملکتی مدنی برطرزه افراغه قالقیشدیغنی فرط غیرت نقیصه سی اوله رق ایلری یه سورر لر .

کینجلمزک چوغنده ایسه بونقیصه موجوده مان اوروپا مدنیتی ، تربیه سی ، آدابی بزم طرفه نقل ایدی ویره لم خلیاسیه دمکدار اولانلر مزک آدانمه لرینه یانارم . بونوع غیرتک ده بیوک رخاصه ارتجاعیه سی وارد ر . ینه سزه (دلی پترو) دن بر مثال تاریخی کتیریم :

پترو . زمام حکومت دست آهیننده اولدیی حالده کندی خاندانه منسوب قادین وار ککلرک طبق فرانسز جمعیات کبارانه سی مداوماری تربیه و آدابنده بولملرینی اسر ایتدی . حتی فرانسز قیافت و اخلاق و اطوارینک آنلر طرفندن قبول ایدلمی ایچون تضییقات تماده ده بولندی . فقط موفق اوله مادی . ینه پترسبورغ ایله ورسای جمعیتی آره سننده مدنیت و باربارلق قدر بر فرق کورینوردی . پک چوق اوغراشدی . قابل اوله مادی . بوندن بر نتیجه حیقدی که اوده غرب تربیه فکریه سنک هنوز روس جمعیتلری

داخله ایجه نفوذ ایدمه مدیکی جهته اکتسابنده پک زیاده صعوبت
اولدینی ایدی . بیوک پترودن صکره (ایکنجی قاترینه) نسللاً
ونزیه آلمان اولدینی جهته بر درجه یه قدر مقصدی ایلری یه
کوتوردی . (لهستان) ی اورتهدن قالدیر ورق ، قره دگز ساحلنه
اینه رک روسلری فرنکلشدر مکه چاایشدی . قریمه استیلا سیله
برابر (سیواستپول) ایله (اوده سا) یی تأسیس ایتدی .
اسکی یونان خاطراتی دیر یلتدی . طور ونزینک آدلرینی بیله
(آلیکساندر) ، (قسطنطین) قویدی . استانبول یولنی آچدی .
زماننده فرانسر فیلسوفلرینک نفوذلری پک زیاده ایدی . آندن
استفاده ایدهرک مثلاً مشهور (دیدرو) نک کتبخانه سنی صاتون
آلق ، (دالامبر) ، (وولتر) کی داهیلرله مخابراتده بولمق ،
حفیدلرینه حکیم شهر (لاهارپ) ی معلم تعین ایتمک کی تشبثات
مهمه ده بولندی . (قاترینه) نک بوتشبتانی دیگر طرفدن روسیه نک
بالطیق دگز یله بحر سیاه مسائل مهمه سنده مداخلات سیاسی ده
بولمسنی و معهود شرق مسئله سنک اوروپا حکومتلری طرفندن
نظر دفته آلمسنی ایجاب ایلدی . (قاترینه) نک ایشنی ایلری یه
کوتورن ، یعنی روس جمعیات کبارینک غرب جمعیات کبارینه
یا قلاشمش اولدینی فیکرینی ویره رک روسیه یی بردوات متمدنه
اوروپایه صره سنه ادخال ایتدیرن فرانسه اختلال کیرنده
(پترسبورغ) ه التجا ایدن فرانسرلرک شهادات متشکرانه سیدر .
بوملتجیلردن دوق (ریشلیو) ، اوده سا والیسی قونت
(موریول) ایله غراندوق (قسطنطین) ک رفاقته مأمور اولمش

و دیگر لری ده روس اردوسنه یرلشمشلردی .

فقط ۱۸۴۸ ده چار (برنجی نیقولا) مجارلری مغلوب
ایتمک خصوصنده آوستریایه معاونت کلیه ده بولمقله برابر روسیه یی
اوروپا اخلاقنه تقلیددن منع ایتدی . عنعنات ملیه یی ایلری یه سوردی .
روسلرک ینه اسکی قیافتلریله ملبس اوله رق خفتان . ایری چیزمه
کیمیلرینی ، اوزون صقال صالیورمه لرینی امر ایلدی . شو حالده
برنجی نیقولا - تعیرات تاریخیه دن اولدینی اوزره - بیوک
پترونک اوروپایه قارشی آچدینی پنجره یی قپادی . قپادی اما
اونک ده دیدیکی اولمادی . بو ارتجاع جمعیات کباری بوزه مادی .
چونکه برکره بوجمه قلمره اوتربیئه فکریه کیرمش ایدی . آسیالی
اسلاو جنسی تاباشدن باشلا یه رق اوروپالی اولمغه یعنی غرب
تربیئه مدنیه سنی تمثیل ایتدیرمکه موفق اولمقدن کیری یه قالدی .
کله لم بزه . هانیا جمعیات کبارمن ؟ برکره بونلر یوق . کبارمن
وار ایه ده جمعیتلرمن یوق . بزه جمعیات خفیه دن زیاده جمعیات
علمیه . تدریسیه ، فنیه و سائر لازمدر . بر اوروپالی بزی شو
حالمزده زیارت ایتمک ایسته سه عمومی بر جمعیت عثمانیه یه ، بر محفل
کباره کوتورمکده متحیر قاله جغز .

خاطرمه شممدی نه کلدی بیلورمیسکز ؟ (یرینگ) ایله
(عیشتاین) و امشالی حاضر ائواجیلر . بونلر تجارتلری سائقه سیله
آبیلدکلرینه اوجوز البسه صاهر ق بزی بدرجه به قدر اوروپا
قیافته صوقدیلر . حق الان او عزم تجاری ایله مملکتتمزک
بللی باشلی شهرلرنده شعبه لر آچیورلر . فقط دقت ایدیورمیسکز ؟

بو قدر اوجوزجی اولدقلری حالده بیله ینه یکر می اوتوز سنه
ظرفنده استانبولک دوت بش ساعت اوتو طرفنده بولنان کویلیلمزک
قیافقلری دکیشه مدی . صالطه ، پوطور ، جبکن ، جامه دان ،
شالوار وسائرہ باقی قالدی . فی الواقع استانبول بومدت ظرفنده
بونوع البسۃ عتیقه دن خیلیدن خیلیه صویوندی . اوچار ی
بکلمز بیله یواش یواش دوزلدیلر . شمیدیلک براز یاتیق یاقه
ایله فس قالبدن ، پوتین اوکجه سندن طولایی تمیز و تحیز ایدیور لر سده
ینه اولکی ییچملره بکره میور .

شوکا ایجه دقت ایتلی یزکه ملتک اصلاحت و ترقیانده حکم
ایدن آنجق (تربیه فکریه) در . ضرر و منفعتی بزه آکلاته بیله جک
یالکیز بو تربیه در .

پایاق مقامیله مناسبات

پادشاه نوجاهمز سلطان محمد خان خامس حضر تلیرنک
جلوس هایونلرینی حشمتلو پایا اونجی (پی) حضر تلیرنه
تبلیغ مقصدیله جانب سلطنت سنیه دن تشریفات عمومیه ناظری
غالب پاشا و روما سفیری حق بک افندی حضر اتیله امین فرج الله
افدینک مأمور بیوردقلری معلومدر .

سلطنت سنیه ایله پایاق مقامی آره سنده بونوع مناسبات
رسمیه نیک پک قدیم اولیوب والد ماجد حضرت شهر یاری

سلطان عبدالمجید خان حضرت تلی زمانلرنده ابتداءً تأسیس ایلدیکی اخیراً المزه کچن بر وثیقه تاریخیه ایله ثابت اولور . بو وثیقه عهد مجید خانیده ویانه سفارتنده بولنمش اولان مرحوم شکیب پاشایه عائد اولوب ۱۸۴۷ سنه میلادیه سنده پاپالق مقامنه قعودایدن متوفی طقوزنجی (پی) حقنده در . مرحوم مشارالیه متروکاتی میاننده بولنان وایکی قطعه دن عبارت اولان بو اوراق تاریخیه دن بری پاپا طقوزنجی (پی) مواجهه سنده ایراد ایلدیکی نطق و دیگری دخی اوزمان خارجیه نظارتنه تقدیم ایتدیکی عریضه ایضاحیه در .

بو ایکی ورقه مهمه نك مطالعه سندن دخی آکلاشیله جنی اوزره عثمانلی حکومتک پاپلق ایله ایلک مناسبت رسمیه سی ۱۸۴۷ سنه میلادیه سنه مصادف اولان ۱۲۶۳ سنه هجریه سنده باشلامش و پاپلق مقامنک در سعادت و کالتی دخی عین زمانده (واتیقان) طرفندن صورت غیر رسمیه ده موضوع اوله رق شکیب پاشا مرحومک دیدیکی کبی بر (مخابر مخصوص) صلاحیتنی حائر بولنسی یوقلاشدیرلشدر . شو حالده مناسبات مذکوره آلافرانغه آلتش ایکی وسنه هجریه اعتباریله آلتمش درت سنه لیکدر .

مرحوم شکیب پاشانک ویانده سفارتی اتناسنده پاپالق مقامنه جلوس ایدن « پی نوف » ی تبریک ضمیمه طرف اشرف پادشاهیدن ارسال بیورلدیغنی ناطق اولان نطق شودر .

ای عزیز پدر [۱]

ذات حشمت سمالرینک حکومت معززه عالم عیسوی به
ارتقالری متبوع معظم شوکتلو پادشاهم افندم حضرتلرینک
مسموع عالیلری بیوریلهرق سلطنت سنیهلریله دولت مقدسهلری
بیننده هر نه قدر شمدی بهدک برکونه مناسبات مخصوصه جریان
ایتماش ایسه ده جلوس میمنت مانوسلرندن بری ظهوره کلن
محظوظیت تامه عامه دن ولی نعمتم اولان پادشاهم افندم حضرتلرینک
دخی نه مرتبه حصه یاب محظوظیت اولدقلرینی حضور پدرانهلرینه
کمال ممنونیتله ابرازه و مناسب اولان رسم تبریک و تهنیتی اجرایه
بوینده سنی مأمور ایدوب کوندرمشدر . بو وسیله حسنه ایله
دولتین فحیمتین بیننده اک ابتدا اولهرق فتح باب مناسباته پادشاه
مشارایه حضرتلری طرفلرندن رغبت بیورلمسی زمان موانست
وانسانیت اولان عصر مزک آثار جلیله سنسدن معدوددرکه اولا
کندولرینک و ثانیاً جناب حشمتاً بلرینک افکار خیریهلری ایچون
بتون دنیایه بر دلیل علنیدر . بو صروده شونی دخی بیان ایدرم که
ذات شاهانه کافه صنوف تبعه سنی بر پدر مشفقک جمله اولادینی
نظر مساوات ایله سودیکی کبی معدلت و شفقت شاهانه سنده
مساوی طوتوب هر یوزدن احسان مساعده و لطافت ایتکده
اولدقلرینی هر کسدن زیاده ذات حشمتانهلری تقدیر ایده جکلری
جهتله طرف هایونلرینه میل و محبت پدرانهلری درکار اوله جنی

[۱] پاپا حضرتلرینک لقب رسمی روحانیلری فرانسجه - Saint

père اولوب ترجمه سی دخی روجه بالا (عزیز پدر) در .

پیشنیدن معلوم و مجزوم شاهانه لریدر . بنجه دخی بویله بر خدمت
جليله شاهانه لرنده بواندیغمدن طولایی کسب ایتدیکم مباحات
و مفخرته مظهر حسن نظر پدرانهری اولمق افتخارندن بشقه
مساوی اوله من .



خاکبای مکارم احتوای نظارتیناهیلرینه معروض چا کر کمینه لریدر .
حمده تعالی آثار توجهات محاسن آیات علوالهممیلرله صاغ
وسالم یکر می اوچ کونده رومایه وصول بندکانهم میسر اولمشدر
حشمتلو پایا جنابلرله ملاقات خصوصی چونکه اورایه موصلت
عاجزانهم بیوک پرهیزلرینک ابتداسنه تصادف ایتسیله برچوق
ر-ملری اولدیغندن برار کجیکدرلمش ایسه ده ینه پک اوزادلیه رق
القی کوندن صکره وقوع عبرلمش و صورت وقوعنده دخی طرف
اشرف سلطنت سنیه دن اک ابتدا اوله رق بویله برویزیتیه رغبت
بیورلمسی کرک پاپ مشارالیه ک و کرک وکلای دولتتک درجه غایتده
خوشنرینه کیتدیکنندن بر طاقم نزیئات و تکلفات رسمیه رعایتله
برابر پاپ مشارالیه رسم او طه سنده بیله کندی سریری یاننده
چا کرلرینی اقامد ایله اکمال حسن قبول معامله سنی کوسترمشدر .
مشارالیه ذاتی شهرته غالب قلوب عامه تی جالب طرز و طوره
مالک عاقل و نازک بر آدم اولغله وجه و ناصیه سنی کورن کندیسندن
خوشلانماق و مصاحبندن ملذذ اولماق محال اولدیغندن طوغریسی
حسن صیته مع زیاده موافق بولدم . حین مقالانده طرف

چا کرانه مدن ایراد اولنان کلمات تهنتکارییه جواباً مشارالیه
 تخلیه مجلس برله واقع اولان افاده سندن اسلافندن هیج بری حقنده
 جانب سنی المناقب سلطنت سنیهدن ارزان ییورلماش اولان بویله
 بر التفات عالییه ابتدا کندوسنک مظهریتی ذات جلیل الصفات
 حضرت پادشاهینک نه مرتبه عظیم القدر و الهمه اولدقلرینی تأیید
 ایدر بر کیفیت اولدینی مثللو آنکده سعادت بخت و طالعنه
 دلالت ایلدیکندن طولایی مفتخر و متهیج اولمسیله بوندن طولایی
 واجب اولان تشکرینی چا کرلرینه تودیع ایله قناعت ایدمهیه رک
 خاصه ابراز تشکر و محبت ضمننده عتبه علیای حضرت شاهانهیه
 بر مأمور کوندرمک و بوکوندره چکی مأمور بومصلحت معتمانی
 بفا ایتدکد نصکره هر نقدر پولتیقه جه بر ایشلری یوغیسه ده یالکیز
 یاورى حسن طالعی ایله کسب ایتمش اولدینی اشبو مناسبات
 دوستانه نک دوام و بقاسنه آلت مستقله اولمق و همده بوندن بویله
 تبعه سلطنت سنیهدن اولان قتولک طائفه سنک مذهبجه
 وقوع بوله جق بعض مصلحتلری حاضرانک واسطه مخصوصه سیله
 مخابره اولمق وینه بوضورتک دخی قور دیپلوماتیق صره سنده
 اولماق اوزره طرفندن بر مخابر مخصوص تعیین اولنورق در سعادتده
 اقامت ایتدیرمک املنده اولدیغنه دائر سوزی بسط مقال ایدرک
 عجبا سلطنت سنیه بوامله مساعدده بیوررمی یوللوا ستمتراج ایتمکله
 چا کرلری دخی ذات شوکتسمات حضرت شهنشاهی تبریک
 جلوسکنز ایچون بو بنده سنی نصل بلا تردد طرفکره ارسال
 بیورمش ایسه لر سزدخی مقابله رسم تشکره بر مأمور کوندردیکنز

حالد محظوظیت شاهانه لرینی موجب اوله جغنده شبه اولنماق
 لازمکلور ظن اولنور وادیسند قیصه حق بر قاق لقردی ایله
 باشی اورتلیجه جواب ویردیکمدن ایضا حدن مجتنب اولدیفمی
 حس ایدمرك تحویل کلام ایله آفاقی صیبه کیریشمش و برارده
 اومقوله مصاحبت اوله رق انجامنده بویله تکلف اولیه رق راحتله
 انیقونی سزکله چوق کوروشمك ایسترم، آنکچون عودتکزی
 تعجیل ایتماکزی رجا ایدمرم دیهرك ختم مجلس ایشمدر .
 مشارالیه صورت افاده سنه کوره اول دخی رقابت اجنبیه دن
 محترز اوله رق کوندره جکی مأمور عادتاً «نونس» اولیوب بیانی
 بر یسقیوس مقامنده اوله حق کی آکلاشیلور و بو صورت ایسه
 پک دون کویینه جکندن احتمالکه نونس ایله یسقیوس بیننده یینه
 قدرلیجه بر صفت رسمیه صاحبی اولسی مأمول اولنور ایسه ده
 بوراسنی استیضاح ایدمرك صورت اقامتی خصوصی دخی بردنبره
 قبولده دولت علیه نك الحاله هذه درکار اولان تردینی ایمایک
 ابتدا کی مقالاتده براز صوغو حق دوشه جکندن بورالری بوجه
 بالا جواب سطحی ایله بردفعه لك کچشدیریلوب وقت آخره
 براغلمش و ایرتسی کونی دخی من غیر رسم کوروشمك ممکن
 ایسه ده صیقی صیقیه ملاقاتدن بوراده اولان رقباطاقی
 وسوسه لانه جکلری ملاحظه سیله بر قاق کون فاصله ویرلدکن
 صکره یاپ مشارالیه واجنبیه ناظری قاردینال «جتسی» جنابلری
 بر هفته دنبرو علت تقریسدن نامزاج بولنغله براز افاقتیاب اولندیغنده
 آکادخی کیدیلدرک بو ماده لر ایضاح و استیضاح اولنق و بعده آفرالغه

مارتك بروياخود ايکسینده (آتقونا) طریقیله بورادن عودت قلنمق
 تصميم اولمش اولمغین بمنه تعالی کیفیت ملاقات عاجزانه مکه جک
 هفته واپوريله تحریر و اشعار قلنه جنی و برده درس عاده کلن
 قونسلوس «اسقالو» نك عقد معاهده تجارت ایتکه مأموریت رسمیه
 و قطعیه سی اولیوب فقط بوباید دولت علیه نك برکونه استعداد
 سامیسی یوقلشدیرمقدن عبارت اولدینی بوطر فهورود چا کرانه مده
 استماع اولمغله بر صرہ سی دوشدیکنده بونك دخی صحت و حقیقی
 حسن صورتله تحقیق و استخبار اولنهرق یازيله جنی انشاالله تعالی
 محاط علم عالی نظر ایتناهیلی بیورلدقده هر حالده امر و فرمان
 حضرت من له الامر کدر . فی ۷ رجب سنه ۱۲۶۳

طالعه صایار کن

سینه ماطو عراف « ده کوزل، اولدقچه دوشوندریجی
 بر درس تاریخی وار : « ناپولیون » ک ادوار حیاتیه سی خلاصه
 ویکدیگری متعاقباً کوستریلیور . عمر انقلاب جویانه سنك
 بر ابتدائی شا کرده یارایه ییله جک اقسام متفرقه سی کوز اوکنده
 تجسم بزمه تکلم ایتدکجه ماضیدن بر صحیفه دیدیکمز تخطرات
 باشلا یوردی . جنرالانی ، « ژوزه فین » ایله ملاقاتی ، آنکه
 اردواجی ، ایتالیا سفری . ایمپراطور لئی ، ژوزه فینی بقای

نسل ایچون « طایران » ك اغواسیله تطلیقی ، « ماری لوائیز » ی
 تزوجی بیاض پرده تماشا اوزرنده آیری آیری برر صفحه
 لرزش نمای روح کی تعین وترسم ایلیوردی . برحاله که
 ناپولیونك برنجی ، ایکنجی وحقی اوچنجی دورحشمتی اثناسنده
 انفعالات واحتراساتنه ، بیقمنز دوداقلرینك آرده صیرمهده
 آلدینی درین بربوروشوقلق منظره سیله کوزلرینك زمینه کومولور
 کی اصدار ایتدیکی انظار اندیشه نك عین استقامته طوغری
 اوزادینغه حکم ایدلك جائز . تألمات متفکرانه سی اثنالرنده
 اللرینی صاچلرینك ایچنه طوغری کیتدکجه آلتدن عیان اولان
 ایکی آچیقلق اوزرینه قویدکجه آلدینی وضع فتور ، بوآدمه
 اکثر غلبانی آره سنده بیله بریأس دورادورک مسلط اولدینی
 آکلادییوردی . احتمالکه عواقب احوالی برنبذه بیدیکمز
 ایچون آنک کوزمز اوکنده تجلی ایدن احتشامات وداراتنه ،
 عظمت وجلادت اطوارینه پك آدیرمیودقده بزه اوپله کلیوردی .
 فقط « سنت الن » عالمی . اوخ ! خونحوار وحریر بر دماغی
 بحر محیط طالغهری آره سنده محصور بر سنکلاخ اوزرنده حبس
 ایتدمده بتون مکانت وقدرتیه آنی بازیچه ایدین زمان ، ناپولیونك
 کورمش اولدینی رؤیالری ، طامش اولدینی اضغاث واحلامی
 برررتکرار ایدیوردی . « ژوزفین » ك ، مادام الحیات خاطرنندن
 چیقارم دینی او آشفته روح استیناسك فراش مفروضی اطرافنده
 « قاستیغلیوئه » بی ، « آرقول » ی ، « اوستریلیچ » ی ،
 « واغرام » ی ، ك صکرده عنان شوکتی الله تسلیم ایتدیکی

« واترلو » یی صیرہ سیلہ کوردی .

نابولیون « سنت الن » ده نہ یادی ؟ هیچ . یدی سنہ قدر امتداد ایدن بواسارت اشناسنده یالکز والی جزیرہ (ہودسون) ایلہ منازعہ ایتدی . خالی زمانلرنده منکویتک اکثر یاعناصر خروشان ایلہ چاریشمق ایچون انسانی سوق ایتدیکی ساحلده ، قیالر اوزرنده طاغہ صایدی . فی الواقع خاطر اتی یازدی . فرانسه بو اون درت سنہ لک ہرج و مرج سائقہ سیلہ ایکی ملیون فرد . و « رن » حدودینی غائب ایتشیدی .

« سینہ ماطو عراف » اک صوک منظرہ سننده بو آدمی کنار عمانده قائم ، صیرتی انظار تنقید و تماشاہ متوجہ اولدینی حالده برقاج ثانیہ ارانہ ایدر ایتمز کیزلہ دی . عین زمانده یاری بلہ قدر یاپیلمش ، اطرافی رایات ظفرلہ مزین ہیملکی زیر ترابہ کیدن وجودینہ بدل کوسترہ رک آئی ده بر ایکی ثانیہ قدر یاشاقدن صکرہ کوز اوکندن چکدی . پرد اوزرنده کی محیط ارتسام یواش یواش قاراردی .

بردها آکلادم که زمان نہ کی مسہنی اونودیور . نده عفو ایدیور . نابولیونک اوصاغ و حرکاتی ، هیچ بروجهلہ مخیل اولمیان افعال واجرا آتی ، احتراصات نفسانیہ سی ، شہواتی آرہ سنده بارقہ کی ظہور ایدن اوز کای تیزی ، یورلمہ مازلنی ، کشف مجہولات ، سرعت انتقال ، متانت فوق العادہ کی خصائص مہمہ انسانیہ یی اعلا ایدن اوقابلیت نادرہ سی بیلہ زمانک فصل مؤاخذاتی ایچون بیوک بر سرمایہ تفکر حصولہ کتیریور ، بوندن ده آکلاشیلیور کہ

منسوب اولدقلری ملتدرده تعالی ویا انحطاطه خدمت ایتمش اشخاص
 تاریخیه نك نسل اخیر ایچون زنده و مجسم برترجه حالی بولنمالیدر .
 ایچمزدده برویا برقاچمز وارکه الحاله هذه او ویا آنرد طالغه
 صایمقله مشغولدرلر . بونلرک خاطراتی البته زمان صاقلایه جق
 وایسته نیندیکی آنده دیرلتمک اوزره الک شاشیرماز . بوزولماز ،
 منتظم ایسلر برسینه ماطو غراف اولان ملتک دماغ وروحنده
 صفحه صفحه کوستره جکدر . ناپولیونک ماکنه دن عکس ایدن
 نیجه ظلال اوضاعی یاننده دهها نیجه نیجه عکوس وحرکات کوریلیموردی .
 (ژونو) (مارمون) (مورا) (طالیران) کی رجا لدن ماعدا
 دهاطو غارطو غماز روما قرالی اولان اوغلنک صباوتنده معروض
 اولدینی تربیه شعبده بازی وشیار یقلق ، ناپولیونک جدیدیت
 افعالیله طبان طبانہ ضد اولان اوسویمسز حاللر . بیوکلیکه عارض
 اولان بونوع طفیلات سیئه تاریخک تراجم اکبردن برد لو
 آیره مدینی مذیلاتنددر . بزاولسهق آنک اولادی حقنده کوستردیکی
 معاملاتہ شفقت پدر نامی ویریر ایدک . تاریخ ایسه بونامدار
 قوماندانک اوزمانلرده مرض کبدی و معدویدن نشأت ایدن
 عصبی بحر انار نامیراتی آلتنده بولندیقی ایلری یه سیورییور ،
 بیلمم که کولککسندن بیلہ خوف ایدرک ملتک بیللرجه جانی یاقان .
 وطنده بیکلرجه خانمان سوندن بزمكنک اولاد واقاربی
 حقنده کی معاملات درشتاه سنی ، فجایع و مظالم بی . حماسنی نه درلو
 برخسته لق ایله قپایه جق ؟

آمان ، قیاتسون ، آچسون . نه قدر سیئاتمز وار ایسه

جمله سنی آری آری تصویر و تصنیع ایدرهك مکتبلرده. عمومی
محلرده ، تیارولرده ، کتابلرده کوسترسون . هپسنگ
باشلرینه خطوط جلیه ایله کیمك حالی ، حیاتی اولدیغی
یازسون . بزه عبرت ، چوجقلمزه اکلنجه اوله جق مناظر
وجوده کتیرسون . بشریتك آهني آلسون. بوزواللی ملتك،
بوشایان ترحم عثمانیتك کیملك اللریله نه درلو فلاکتله گرفتار
اولدیغی بیلدیرسون . بیلدیرسونکه بواللر کبی اوله جق اللره
ضعف کلسون . یاره لریمزی تخریش ایده جك طیرناقلری
اوزامسون . عصبي ، اوزون پارماقلری کریبان تحملمزی
قاورایوب بزی زمین عجز و پستییه آله جق قوللری قیریلسون.
انسان گذارشی عین سرعتیه مالک ، فقط مبدأ اعتباریله
مختلف ایکی نوع عصرک اوائلنه تمیدینکاه ایلدکجه هرایکیسفیده
یکرمنجی سنه لرده کنار دریاده تنها وموجه شمار براقان جریان
وقوعاتده قطعاً برمشاهت بوله میور .

فقط تاریخ ناپولیونك دهای حرب وعسکریسنه عرض
تعظیلات ایتدکدن سوکره دییورکه :

«تعقیب ایتدیکی مقصد نقطه نظرندن اك زیاده شایان تنقید
اولان بوسیاسینك ، ذکا و فطانتده کی تنور ، سبی و تمیل
خصوصنده کوستردیکی محیرالمقول قدرت ومفات کمدیسنگ حائر
اولدینی مرتبه تمایز و تحیزه شاهددر . برنجی ناپولیون فرانسه
اختلالی وحدت وانتظام فکریله متحلی برعسکرجه سنه ترتیب
وتسبیق ومساوات حقونیهی قطعياً تأسیس ایدرهك اختلالك

نتایج اجتماعی-نی آنکه تقویه و تأکید ایله مش ایسه ده اداره
 سابقه نك حكومت مطلقه اصولی تمايلات سیاسیة منه موافق
 بولهرق بواصولی فعلاً ادامه ایتشد. چونکه حكومت مطلقه یی
 آسایش وانتظام اجتماعی ایچون اك مكمل برضمان اولمق اوزره
 تلقی ایدیوردی . باخصوص محیطك فوقنده برصاحب ذکا
 اولمسی آکا اطرافنده طولاشان افکاری مهمسه مهك حتی
 کندیسینک کندن آشاغی درجه ده بولندیغنه و یاخود ایشنه گمديکنه
 حکم ایدرک بوغفق کی خطالرده بیله بولندیردی. متصف اولدیغی
 خواص عالییه وقوف وجدانیسی حسیله ایدیندیکی کبر و غرور
 خطالرینك واوغرادیغی هزیمتلك مسببیدر . ایشته بوسائقه ایله
 ناپولیون یالکیز اندی ذکای عسکرینك قوتیه تا صوکنه
 قدر متحد اوروپایی ضبط وربطی آلتیه آله جفنه و داخل
 مملکتده دخی ذکا و درایت و فعالیت ایله بر آدمك کندی باشنه
 اك قوی و مستحکم مؤسسات سیاسیة یرینی طوته جفنه اینامش
 ایدی »

بالخاصه شو صوگ فقریه دقت ایدم . دقت ایدم که بر
 فکر منحنه عارض اولان بردرلو براعتقاد بوزندن چکمه دیکمز
 قالمادی .

فقط هیات دگی؟ البته ناپولیون کی برخارمه ذکا بوادات
 تأسفی (سنت الن) ساحلارنده دوداقلرینی بوکه بوکه دفعات
 ایله تکرار ایله مشدر . ایشته بزده بویله هیاتلری ، مکرر

اولان صدری ایشتمه‌لی یز ، قلوب نادمه‌نک او آنده آلدینی
اوضاع ایله خطوط و علائم و جهیه‌نک درجات مناسبتی کویسترن
تصویرات و تجسماتی کورم‌لی یز .

ماضی‌یه عائد

ماضی‌یه عائد مناسبات و روابط اجتماعی من پک چوقدر .
دائماً چیرکین جهتلرینی کورمکه آیشمش اولان کوزلرمزی
ایجه آچه‌جق اولورسه‌ق طاغنیق ، پرمده‌ طوران برطاقم
سوادکهنه ایچنده ایجه کوزل ، روح استیناس وقایع واهتمامته
تصادف ایده‌بیلیرز . الده بولنان تاریخلرمزک حالی معلوم .
کرچه بولنرک صحائف بیانی ایچنده‌ده پک چوق کیزلی نقاط
وسکاته‌ده دسترس اولنیور ، احوال اجتماعی‌مزک کچیردیکی
انقلاباته دائر خیلی معلومات بولنیور ایسه‌ده بزده تاریخ مطلا-
له‌سی و تقبی بوآنه قدر نصاسه بر فیض مخصوص آله‌مادیغی
جهتله وقوعات حربیه‌دن ماعداسنه اهمیت ویرلیور . وقایع
ثانیه ایسه ایستر اجتماعی ، ایستر مدنی ، ایستر ادبی ، ایستر
علمی و صناعی ولسون عادتاً برر خرافه ، برر فقره . برر
حکایه طرزنده - هم مع‌التأسف - نادرآ سویلنیور .
خیرآ تشکل ایدن (تاریخ قومیسونی) ده بوجهتی اصلا

نظر دفته آلمادی . بزم بوقومیسو نه ویردیرمک ایستهدیکمز
اهمیت الدہ بولنان معلوماتی تصنیف ولده بولمیوبده طاغنیق
طوران . اکثریسی بزجه ، بلکہ اوروپاچہدہ مجهول اولوب
تخمیناتہ کورہ دکل تفرعات تاریخیدن عاداتا کمیات وموضوعات
تاریخیہ مزدن عد ایدلمکہ شایان اولان خردہ لری بالتحرری
آنلرہ ماضیہ عائد بوشلقنری املا وتزیین ایلک صورتندن
عبارت ایدی کہ عصر حاضرک علمای تاریخیه سیده آنجق بو
طرز تتبع وتوغل ایلہ اعصار سالفہی بوروبن ظلماتک مندفع
اولہ جغندہ متحدالر ایدرلر .

آہ ! برکرہ چالیشمہی اوکرنسہک . آندن اوتہ سی بزم
اولہ جقدر . وقتیلہدہ بیلمہدیکمزینہ تاریخلرمزک ناطقہ توصیفات
وتصویراتی ایلہ ثابت اولیور .

دون برلین السنہ شرقیہ عربی معل فضائل مندی موسیو
(مارتن هارتمان) جنابدری مطبعہ مزى تشریف وانتفات عالمانہ
لریلہ بنی ورفیق محترم دیران کلکیان افندی بی تلطیف ایلدی .
مصاحبات آرسندہ بزده کی تعلبات اجتماعیہ اوروپانک یلک
زیادہ علاقہ دار اولدیغنی واحوال اجتماعیہ مزک بیانمہین قسملر .
ینک تنویرأ جمع والتقاطی حالندہ تاریخ بشریتک تکملى خصوص
صند پک بیوک یاردیمی اولہ جقنى سوبلدى . بوآل ق سوز
مجرای طبعیسینى تعقیب ایدہ ایدہ اوچ عصر اولکی زماندہ
« استانبولده اون کون » نامیلہ یازہ جہرم مصاحبہ اجتماعیہ تعلق
ایدرکن خاطرہ « سلطان ابراهیم » زمانندہ بزده اودورک

اصطلاحاً حنجہ « تربیۃ ریاض و ازہار » جمعیتی دینلوب اور ویاچہ
 بوکون Institut d' horticulture دیمک جائز اولان بر
 مؤسسہ نک . ینہ او عصرک ترقیات فنیہ سنہ کورہ تشکل ایلمش
 اولدیغنی بالمناسیہ عرض ایلدم . موسیو (هارتمان) جنابلری
 حیرتله یوزمه باقدی . کنیدیسنه ، ایسترسه ۱۰۷۱ تاریخندہ
 عزم کلزار ابدیت ایلمش واولجہ طغرای پادشاهی خدمتندہ
 بولنمش اولان « صاری عبدہم افندی » نامندہ کی ذاتہ احسان
 بیوریلان فرمان صورنی کوس-تریم ، دینجہ کمال تہالکله
 منتظر اولدی .

بوفرمان توجیہ ، شیمدیکی تصفیہ جیلارک خوشنہ کیتیمہ جک
 درجہ دہ الفاظ مزینہ استعمالی و جل مطولہ استخدای صور -
 تیلہ یازلمش ایسہ دہ ہیئت مجموعہ سی مطرز و مطرا بر چیچک
 دمندن باشقہ بریدیہ صناعیہ تشبیہ ایدیلہ میہ جک درجہ دہ
 کوزلدر .

« نتایج الازہار » نامندہ کی اثر بوفرمانک ، یعنی براتک
 صورتی بروجہ آتی یازیور :

(چون نسیم عنبر بار حضرت خداوند زمین و آسمان
 وفیض عاطفت جناب پروردگار انس و جان و آثار الطاف
 بی نہایت آفرینندہ کون و مکان و عنایت خلاق ریاض
 و ازہار و کلزار جهان کہ کل طراز چینستان عالم آزال و کلین
 افراز کلسستان قدم جل عن الشیہ و المثالدر . ہم روضہ الصقای
 سلطنتی شکوفہ زار جاہ و جازن ، حدیقہ السعدای خلافتی

میوه دار عز و اقبال و بوستان ملک و دولتی انواع ریاحین شوکت
و حشمت برله فردوس برین وظل درخت طوبی نمود وجود
مسمودی رشک سایه پرهما و غیرت حور عین، خاک پاک آستان
جنت نشان خلافت آشیان فلک عنوانی زیور کلمه گوشه عامه
سلاطین ایلدی . فلا جرم «شکراً علی تلك النعم» شان مکارم
نشان پادشاهانمه اهم و الزم اولدی که سیم خام انعام خسر وانه مدن
حصه مند اولمق رجاسنه کشاده دست نیاز اولوب مانند زرین
قدح کسه کردان آستان مکرم آشیان اولان بندگان صداقت
نشان و عباد درگاه عدالت عنوانمک مشام جانلری رایحه فایحه
ازهار احسان بی پاینده معطر اولوب . نهال قامت امنیه ورجاری
فیض ماء حیوة لطف بی امتنانم ایله بالا کشیده و بار آوراوله .
بناء علی ذلك استشمام بوی گلستان مراحم شاهانم ایدوب جیب
ودمان آمالی میوه های آبدار مکارم ملوکانه ایله مالی اولغه
سزوار اولوب صدر نشین بالاخانه علم و عرفان و عالیقدر خلوت
سرای عالم انس و جان اولان اشبو دارنده منشور منشور لائی
سلطانی و نماینده مثال بی مثال واجب الامثال خاقانی، افتخار
ارباب المجد و الیقین ، ممتاز اصحاب العز و التمکین . ذوالقدر الاتم
والعز الاشم، اختص تمیزد عنایه الملك الآله . ساقا طغرای غرای
عالیشان خدمتده اولان عبدالله دام مجده و علاوه عندلیب نغمه
سبح کازار فضل و کمال و طوطی " کوای ریاض علم خدای متعال،
سرلوحه مجموعه فضیلت و سرچشمه جویبار معرفت . شمع
امرار مشرق حضرت جلال الدین ، مظهر فیوض جناب

رب العالمین ، عالم علوم اثنی عشر . واصل اسرار سیدالبشر
اولوب بوستان علم و عرفانده بلبل آسا ترنم ساز و کلچین ، دماغ
جانی بوی کمال و معرفت ایله مانند مسک رومی غنبر آکین ،
شرف فضل و معارف ایله بخور مریم کی کلاهدار و سرافراز
ورنک روی عزت و سعادتیه غنجه کل کی بین الاقران مسلم
و ممتاز ، تحت سینه سنده بویای معارف نابت و دستار اشتها رنده
ازهار کونا کون لطائف ثابت اولدیغندن عبرت بین و تصحیح
علاج مزاج عیسی دم حدایق و کلزارده صاحب تعیین و تصریح
طبقات ازهار عبرت آئارده مسلم عالم علامه مشکلمکشای کل طرازان
کلزار و فهامة دقایق و حقایق اشجار و ازهارده فائق الاقران
و حل معضلات فن انوارده بحر بی پایان ، فنون باغبانیده غنجه
ذنبق کی مشار بالبنان و اول طلسم عجیبه بنیادک فتحنده آرسطوی
دوران اولغین حقنده آفتاب عالمتاب پادشاهانهم پرتو افکن
و دریای بی پایان ملوکانه موجهن زن اولوب محروسه « استانبول »
« و غاطه » و « ایوب » و اسکدار و سایر قلمرو حکم هایون اولان
ممالیکده واقع بلاد و امصارده « تربیه ریاض و ازهار » و « تنیه
حدایق و اشجار » ایله تقید ایدن هنر مندان و شکوفه دارانه ممیز
« باشبوغ » و مهر اقبالنی پرتو نظر اجلالمله پر فروغ ایدوب
بو نشان مسرت عنوان بلاغت بیانی ویردم و بیوردم که :

« بعدالایوم مشارالیه مادام که حلیه حیات ایله مطرا و محلی
وزبور صحت و عافیت ایله مزین و مجلی در . عامه فرقه اصحاب
حدایق ازهار و کافه زمرد شکوفه جیالنده بلاد و امصارده ممیز

و باشوغ اولوب منازع فيه اولان خصوص لرنده عدالت واستقامته
محاکمه و «تحقیق ازهار واش-جاره» متعلق اولان امور لرنده
کاینیگی تشخیص و تمیز و تدقیق ایلیوب آداب ظریفه انواریانی
اجرا ده اهتم ایله و طائفه مزبوره دخی کائنا من کن مشار الیه
ممن بیلوب بنفشه آسا طوق حکمندر سرپیچ اولیوب سوسن
کی زبان دراز اولمقدن احتراز اوزره اوله لر و جمله امور لرنده
مومی الیهی مرجع ایدینوب مراجعت و کلام و راینه موافقت
ایله لر ، اولیابده فرد واحد منازع و معاند اولیه نر شویله بیله لر
علامت شریفه عالم آرایه اعتماد و اعتقاد قیله لر »

برائک داخلنده «صاری عبده» افندییه توجه ایدن کلمات
تلطیفیه دن قطع نظر، دور «سلطان ابراهیم» ده تربیه ریاض و ازهار
واش-جاریک طوغریدن طوغرییه برفن بیلندیکنی معین یک
چوق اشارات واردر . ممن و باشوغ اولان ذاتک باغچه و چیچک
صاحب لریله چیچکچی اصنافک دعاویسنی حل و فصله مأموریتدن
باشقه تحقیق ازهار واش-جاره متعلق امور لرنده دخی تمیز
و تدقیق ایله رک آداب ظریفه جمعیتی اجرایه اهتم ایله سی
تنبیهی او عصرک هنوز اور و یاده تأسس ایدن مؤسسات علمییه
و صناعیه اصوله مالک اولدیغنی اثبات ایدر . بوکی خردملرک
بیانمه سنده کی فائدهیه کلنجه بزده ماضیمزک Ethnologie
یعنی عادات اسلاف مبحث قیمتدارینه طوغریدن طوغرییه
احوال اجتماعیه مزه مناسبتی حسبیه تاریخ ملیمزه تعلق شدید
اولان بوتقاطک تنوری کیفیت مهسه سیدر . تاریخلر مز بوکی

معلومات مهمه يي احتوا ايتدجكه بز احوال اجتماعيه مزي تماماً
 طانيه ميز ، او حالده ايسه تاريخمزي ايجه بيلير عد ايدليزكه
 شو دور ترقيده بونك نه يمان بر نقصان اولديغني ارباب عرفان
 تصديق ايدرلر . بناءً عليه بز ماضي مزي اينجه اله يوب صيق
 طارامالي يز . چيقان نتيجه نك حسن و قبحندن مستفيد اوله .
 جغمزدن اصلا شبهه يوقدر . مفاخر مليه نك انتشاري طرفدارا
 ننده كوريلن حسن مفرطه شويله بر ميلان نافعك انضمامي نه
 قذر آرزو ايديلير برشيدر !

ليواديابه طوغري

روسيه ايمپراطوري حشمتلو «نيقول» حضر تلرينك پدرلري
 اوچنچي «آلكساندر» ك ۱۸۹۴ سنه ميلاديه ننده وفاتندن بري
 آريجه بر معروفيت تاريخيه قازانمش اولان «ليواديابه» ، قريم
 شبه جزيره سنك ساحل جنوبيسنده و مشهور «يالطه» شهرينك
 بش كيلو مترو جنوب غربيسنده بر محلدر . موضعي اعتباريله
 «مغانه رو» دينيلن چايه قرييدر . اك صوك نشر اولنان آثاره
 كوره بوراسي روسيه خاندان ايمپراطوريسنجه اك مقبول
 اقامتگاهلردندر . ايكي كوزل سراي ، دروني اشجار و نباتات
 مختلفه ايله مشحون و معطر بر بارق موجود اولديغني كي اطراف

و جوارى دخی باغلر و روسیه اصیل زادكاننه عائد كاشانه لرله
محدوددر . هواسنك لطافت و جیادتی ایله اشتهار ایله مشدر . حتی
متوفی اوچنجی آلکساندر اطبانك توصیه سی اوزرینه اواخر
عمر مریضانه سی بوراده کچیرمش ایدی .

« لیوادیانك » نك تاریخ تأسیسی حسبیه « یالطه » به منسوبیت
تامه سی واردر :

« یالطه » دخی قره دکنر ساحلی اوزرنده کائندر . مع هذا
ازمنه قديمه ده کنديسنه مخصوص بر شهرتی وار ایدی . اوزمانلر
(غالی طا) اسمیه معروف اولوب جنویز حکومتك زیراداره سنده
بولنیوردی . اون بشنجی عصر میلادیده بیوک برزلزله وقوعه
كلهرك شهرى كاملاً تخریب ایله مشیدی . عثمانلیلر ك قریمه استیلا لرنده
جنویزلیلر بورالرده متمکن ایدیلر . حتی « تاریخ جودت » ده
مطالعه کدار اولان فقره آتیه مدعامزی تصدیق ایدر :

(۸۷۱ تاریخده سالف الذکر حاجی کرای خان [۱] وفات
ابتد کده یرینه) (مشکلی) کرای خان قریم خانی اولوب اوچ آی

[۱] سکیز یوز قرق بر تاریخده قریم خانی اولوب اوتوز سنه
قدر حکومت ایتشدر . قریم خالیرینك اسملرینه (کرای) لفظنك
علاوه سی مقدملری عادت دکل ایکن بوندن صکره عادت اولمشدر .
حاجیکرایک پدری سهلاه نسبی یدی مرتبه ده جنکیز خانه رسیده اولان
غیاث الدین اولوب اوزمانلر معتاد اولدیغی اوزره چو قلعنده « کرای »
قبیله سی نزدنده سود اموب تربیه اولمشدی .

سوسنك حبدن هودنده براوغلی دنیا به کلکله موسی الیهك جنی
وقبيله سی تذکیر و تبرک ضمننده مولوده حاجیکرای نامی ویرمشدی .

قدر حکومت ایتدکدن صکره همزاده لری عسکر چکدرک دفعات
ایله وقوع بولان محاربه لردن (منکلی) مغلوب اولمش ونهایت اولوقت
جنووزیلیر یندنه اولان « منکوب » قلعه سنه فرار ایله تخلیص
جان ایتشیدی)

۱۷۷۴ ده کوچک قاینارجه معاهده سیله قریم خانلریک
استقلال وبی طرفلی تصدیق ایدیلهرک آندن طقوز سنه صکره
یعنی ۱۱۹۸ سنه هجریه سنده قطعه مذکورنک روسیه جه تماماً
اشغالندن صکره ده « یالطه » ینه کوچک بر شهر ایدی . فقط
« لیوادیاه » نك نام ونشانی یوق ایدی . ۱۸۶۱ سنه میلادیه سنده
روسیه ایمپراطوری ایکنیجی آلکساندرک زوجه سی ایمپراطور یچه
« ماری » یالطه نك غربنده کائن « لیوادیاه » اراضی سی اشترا ایتش
وبوندن صکره یالطه کسب اهمیت ایله مشدر . خاندان ایمپراطوری
لیوادیاه عزیزتله تبدیل هوا ایتدکاری کبی روس اصیلزادکان
دخی یالطه یه اینهرک اعتدال هوا سندن استفاده ایتمکده درلر .
(نیس) بلده سی فرانسه ایچون نه ایسه (یالطه) ده روسلر
ایچون او یله بر محل صحی اولوب قریمک مشهور (یایلا)
طاغلرینک سطح مائللری اوزرنده مبنیدر . تفصیلات مسروده دن
مستبان اولدیغی اوزره « لیوادیاه » آجق یارم عصرلق بر موقعدر

*
* *

طرف ذیشرف حضرت پادشاهیدن روسیه جاری حشمتلو
نیقولاحضر تلرینه تسطبر بیوریلان نامه هایونی حامله و مشارالیه

یمپراطور حضر تلبینه رسم خوش آمدی بی ایفاه مأمور آلیوادیاید
 بر هیئت عثمانیه ارسال تاریخ مشروطیت مزك ایکنجی سنه متیمنه سی وقایع
 فوق العاده سیاسیه سی اعدادندر . روسیه حکومتی ایله عصر لردن
 بری جایگیر اولان مناسباتمز ایجه تدقیق ایذیله جك اولور سه ایلك
 دفعه اولق اوزره سلطان (سلیمان خان) قانونی زمانلرینه ، حق
 (بایزید ثانی) عصرینه قدر ارجاع نظر ایتمکلا کمز ایجاب ایدر .
 طقوزنجی عصر هجری اوائلنه مصادف اولان وقایع آره سنده
 روسیه لیلرک « قازان » و « اژدرهان » ایالتلری اوزرنده بیوجك
 برامل بسله دکلری تظاهر ایدیور . چنکیزیلردن بر فرقه نك بحر
 حزری طولاشه رق قازانده تأسیس حکومت و روسلری
 خراجکذار ایلدکلری معلومدر . قازان حکومتی بعد الانقراض
 قریه تابع بر ایالت حکمنده قالمش ایدی . تاتارلر آره سنده حکم
 فرما اولان نائرة نفاق روسلرک نظر انتباهندن قاچه مدینی جهته
 بو ایکی ایالت دور قانونیده بسبتون روسیه لیلر انه کچمش
 وهرنه قدر قریم خانلری بر مدت روسلر علیهنه ایلغار ایدرک
 خسارات کلیه بی مؤدی اولمش ایسه لرده بو سفرلر طوغریدن
 طوغری به چاپول سفرلری اولوب اراضی ضبطی واورالرده
 تمکن ایلك فیکری یوق ایدی . ایشته بو ائشارده دولت علیه ایله
 روسیه آره سنده ایکنجی بر نقطه تماس اولق اوزره قریم خانلغی
 تداخل ایله مشدر .

سلطان مصطفی خان اولک ایکنجی عهد سلطنته
 مصادف اولان ۱۰۳۳ سنه سی محرمی اوائلنده در سعادت

کلن «له» و «مسقو» ایلیچیلری قید تاریخیمی مناسبات طرفینک مبادیسنه متعلقدر. له ایلیچیمی یدی یوز آتلو ایله کلش «آغیر براییچی» ایدی. بوایکی سفیر اوزمان مقامصدا رتده بولنان کورجی محمد پاشانک سراینده برلشوب نعمانک قولنججه چکیشدیلر. حق بومناسبتله دییورکه: (زیرا موسقو، «له» طائفه سنک خلافتده اولوب آردن قالدیرمق ایچون ایلیچی کوندرمشیدی. وقتا که طابور فتحی میسر اولیوب عسکر تهی یره دوندیلر، مسقو دخی عسکر یله قارشولیوب محکم جنک ایلدی و مسقو دخی غالب کلدی و عسکرینک اکثری قیریلوب بقیة السیوف دیارلرینه فرار ایتدیلر. مسقو دخی ایلیچی چقا-روب «کفه» جانبندن آستانه یه کوندرمشیدی. تا که آل عثمان ایله یکدل اولوب خصمنی مقهور ایلیه)

(بیوک پترو) نك ظهوری دولت عثمانیه و روسیه مناسبات حربیه سنک اك متظاهر صفحه لرینه منشاء اولمشدر . ۱۰۷۹ و ۱۱۰۸ ، ۱۱۱۲ ، ۱۱۵۲ ، ۱۱۸۲ تاریخلریله وقوعات حربیه سائر و قریم محاربه سیله ۱۲۹۳ وقعه اخیره سی بو صفحاتی پك رعنا بر صورتده تصویر ایدر .

مع هذا بدايت مشروطیتده دخی یازمش اولدیغمز مقالاتده آریجه تأکید ایتدیگمز وجهله عصر حاضر حربدن مجانب و صلح و سلم عمومی یه راغب اولمقله مدنیت بشریه نك ترقیسنه خادم اوله حق اسباب و وسائل ایتلافی احضار ایلدیکنندن طولای (بیوک عصر) نامنی آله جقدر . روسیه حکومت

فخیمه سنک بدایت مشروطیت مزدن بو آنه قدر حق مزده کوستر.
 مکدن خالی قالمادیی نیات خیر خواهانه ایسه آنجق بو عصرک
 تلقینات انسانیتکارانه سنه اتباع ایلدیکنی مؤید دلائل جدیده
 دندر . باخصوص عصر مزک اک بیوک مدار تمیزی فعالیت
 اقتصادی اولوب قومشومز بولنان روسیه ایله بوزمین وبومقصد
 اوزرینه عقد ایئتلاف حصوله کلدیکی تقدیرده طرفینک منافع
 جزیه استحصالنده پک زیاده مظهر تسهیلات اوله جفی وارسته
 ایضا احدر . ایمپراطور نيقولا حضر تلی صندلی حکومت
 قعودلرندن بری محب صلح و آسایش اوله قلیخی کرار آ اثبات
 ایله مشلردر . دولت عثمانیه ایسه شوزمانده آنحق صلح و آسایشدن
 مستفید اوله جفنی تشکیلات و اصلاحات داخلیه سی حقنده
 کوستردیکی اعتنای مخصوص ایله انظار عالمیانه ارئه وتأمین
 ایلمکدن خالی دکلدز .

افشای سرار دولت

(میمون) میدر ، نه شبکدر ، باقکنز یاپدیغی ایشه . آز
 قالدی بزم خارجییه نظارتخده آلاق بوللاق ایدم جک ایدی .
 حال بوکه بزده سرقت ایدیله جک نه وار ؟ بز یورکی آغزنده
 آدملرز ! غل وغشدن آزادمیز ! حتی نظارت مشارالیه بیل

اوراق حوادثك تحقیقات اجرا ایلدیکی حقنده ویردیکی خبری
رد ایلدی . ها شویله . کندیمزدن نه قدر مطمئن اولدیغمیزی
برکره اولسون کوسترم . فقط سوزك طوغریسی ، میمون هم
اوینامش ، همده اوینامش .

اسرار دولتك فاش اولق مسئلهسی بزده یکی دکلدر .
۱۱۹۱ سنهسی وقایعی داخنده بونك برباشقه درلوسنی کوریرز .
بوباشقه درلولك اوراق سیاسیةك چالینمهسی ویاقوپیه ایدلمسی
ایله واقع اولیوب تقریرات شفاهیة ایله وقوعه کلدیکندن طو-
لاییدر . سنه مرقومهده مقام ریاسته کچن یعنی خارجیة نظارتی
امورینی کورن (عاطف زاده نشانچی عمر وحید) افندی
قاینارجه شرائط مصالحهسندن اولوبده اجرا ایدلمهش اولانلر
میاننده « تضمین » مسئلهسی حقنده روسیه ایلچیسینك تضییقاتی
میین ویرمش اولدیغی تقریرده دیورکه :

(آنجق دول ایلچیلرینك خدمتلرنده استخدام ایلدکاری
ترجمانلرینك اکثری دولت رعایاسی ورعیتی اوغللرندن اولوب
اکثر رجال دولت واکابر ایله اختلاطلری اولق ملابسہسیله
طیبیلک بهانهسی ووجوه آخر ایله قوناقلرینه کیروب چیقمهدن
خالی دکلدر . خصوصاً فرنك طائفهسندن قتی وافر اطبا
اسلامبول دروننده اعظم رجاله منتسب کچینوب دائرهلرینه دخول
ایله عامه اسرارینه واقف اولقله ایچلرندن بریسی دولت علیه
برتکلیف بارد ایدوب مساعده اولنمسه وبر مقدار رعونت
کوسترلسه درعقب ترجمانلرینه وجنسلرندن اولان فرنك

طبیله‌رینه اصلی و فصلی یوق برالای اراجیف تعلیم ایدوب (۰۰۰)
 ۱۱۹۲ ده دخی (ارمنی وقاتولیک) مسئله‌سینه دائرینه
 جانب ریاستدن ویریلن دیگر برتقریرده :

(آبا واجدادی آیننده قالان ارمنیلر بی طرف اولملریله
 دولت علیهیه صداقت اوزره اولوب اماقتولیک مذهبه کیرنلر
 اورویاده برکلیسا اشترا ایله زنکینلری اولاد واقاربنی تربیه
 ضمننده اول کلیسایه ارسال وباشلرینه شاپقه وسائر البسه افر-
 نجیه الباسیله تربیه اصلیه‌لرینی تحویل ایتدکن بشقه بعضلری
 صرافلق و بازرگانلق به نه سیله رجال و کبارک خانهلرینه کیتساب
 تردد وانتساب ایدرک سرائر دولتی استراقه سعی ایتمکده درلر)
 دینلمشدر .

(تاریخ جودت) ۱۱۹۸ ده روسیه ایله حرب می ایدملی
 یوقسه قریم سندنیک مبادله‌سیله برابر افلاق وبغدانه دائر
 سند می اعطا ایتلی وخصوصات سائرهیه دائر عقد ایدیلن مجلس
 عمومی مذاکراتی خلاصه‌سنده دیورکه :

(بعده صدر اعظم جملهیه خطاب ایدوب اشته جمله اتفاقیله
 بوسند موسمقولویه ویربله جک ، لکن بوکون ، یارین ، اون
 کون صوکره ویریلور ، هر نه وقت ویریلور ایسه ویریلور .
 اول وقته دک شو مجلس شو او طه دن طشره محله هرکیم تفوه
 ایدر سه حقتده قضاسی واردر . زیرا شمدی یه دک واقع اولان
 اولان مجالسی ایرتسی کون اجنبیلردن ایشید یورز . بولایق حق
 دکدر دیکجک جمله می تفوه ایتماکه تعهد ایلدیلر . طویجی باشی

آغا دخی هرکیم بو مجلسک غیری مجلسده لسانه آلور ایسه الله
 قهر ایلسون دیوانکسار ایلدی . بعده فاتحه اوقونوب مجلسه
 ختام ویرلدی .)

سرائر دولتک افشا ایدلایکینه دائر فقره سالفهیه تقدم
 ایدن یکی فقرهدها واردر که بونلردن برنجیسی روسیه ایلیجیسی
 طرفندن باش ترجهانک باب عالییه کلهرک قریم مسئلهسنه دائر
 استعجال فوقالعاده کوسهترمسنی ایجاب ایتمش و دیگریده ینه
 بوبابده سلطان سلیم ثالث طرفندن صدراعظم یکن پاشایه برخط
 هایون اصدار ایدلایکینی موضح بولمیشدر .
 خط هایون شویلهدر :

(نموزیرم)

(غیری بودشممنک جوابنه مامشات محذوری درکار اولمز
 دنیدکده دخی سفر تحقق ایدر . نه تدبیر اولنورسه ینه عرض
 ایدمسن . بن سزه هزار بهزار کره یازدم ، اولور اولمز مقوله
 سنی داخل مشورت ایتدیرمیک دیو . آخرکار ایش عیان
 اولدی . بزم دولتمزک یادکارلری دول نصارانک رجاللری کبی
 دولتمزه خیرلو دکالردر . ظاهرده مجلس شوراده اولان
 جوابلری مجموعی شایع ایتمشدر . شمدی نه کونه تدبیره محتاج
 و مرسوم ایلیجییه نه جواب ویرملو ایش بوندهدر و خبری
 مطلوبمدر .)

کیم بیلیر بوتار یخدن صکره نه بار لاق افشاآت وقوعه گمشدر ،
 کیم بیلیر سرائر دولت نه قدر خسیس منفعتلر نامنه صائمیشدر !

(میمون) ك وقعہ سندن پك چوق اول سویلہ نیوردی :
 باب عالی یہ کلن بعض اوراق مهمہ سیاسیہ بعدالترجمہ اوراق
 اوطہ لرینہ ویریلہ رك دفترلہ قید ایدلمكده وشونك بونك یعنی
 اوطہ جی اللرنده بیله بر قلمدن بر قلمہ یوللانمقده ایکن نظارت
 خارجیه جه اتخاذ ایدیلن تدابیر مخصوصه ایله بو محذورك اوکی
 آلمغه موفقیت حاصل اولمشدر .

هله دور حمیدیه افشای اسرارہ حاجت یوق ایدی . چونکه
 صافلامق، کیزله مك ممکن اوله مازدی . حکومت مستبدہ خلقدن
 هر شیئی کیزله مکہ چالیشدجه سرائر سو قاقلره قدر عکس ایدر، فقط
 حقنده اوزون اوزادی یہ مباحثات جریان ایده مزدی . بنم دائما
 بر عصر اولنه قدر ارجاع نظر ایدیشم یوزسنه ظرفنده نه درلو
 بر انقلابه اوغرامش ، نه لری غائب ونه لری صیقی صیقی یہ حفظ
 ایله مش اولدیغمزی مقایسه فکرینه مبتنی در . فی الواقع بومقایسه
 ظهور وقایع ایله غایتله قیمتدار تحقیقلر وجوده کتیریلیر
 واحوال عمومیه روحیه مزك کچیردیکی صفحاته دائر جدی فکرلر
 ویریلہ بیلیر .

کل بایرامی

تاریخ مقدس ، جبل طور سیناده عیون کلیم اللهه عیان اولان
وجه مقصود الهی بی تصویر و تذکارده بشرک ادرا کندن
عاجز قاله جنی بر عظمت تجلای مغنویدن بحث ایدر . دیرکه :
(جانب حقدن حضرت موسایه بر کتاب ایندیرلنک موعود
اولدیغدن طور طاغنه دعوت بیورلدی . جناب کلیم الله قرن دشی
هارونی یرینه وکیل ایتدی و طوره کیتدی . اوراده قرق کون
خلوت و عبادت ایدوب واسطه سنر اوله رق جناب حقل کلامنی
ایشیتدی . اول وقت آکا « تورات شریف » نازل اولدی .
موسویلرک (کل بایرامی) دیدکاری یدی هفته بایرامی
ویا خود عید خمسین حضرت موسانک جبل طورده مظهر
خطاب رب کریم اوله رق الواح قانونیه بی حامله عودتی
مخطر درکه خیر سنر بایرامندن یدی هفته صکره کلیر . سنه اسرائیلیه
شهورندن (سی وان) ک یعنی مایسک آلتنجی ویدنجی کونلریدر .
تاریخ مقدس ، بووقعه جلیله دینه نک تاریخی حقنده مقنن
برسنه ویا برکون تعیین ایتیور . دیورکه :

(حضرت موسی تورات شریفی میدانه قویدی . آندن
صکره بنی اسرائیل آنک مقتضاسیله عمل ایتمکه باشلادیلر و توحید

باری نی کوچ حال ایله ذهنلرنده یرلشدیره بیلدیلر . بونک اوزرینه نیجه ییللر کجی و قرن دیکشیدی . عمالقہ [۱] ایله محاربہ دن اورکوبده کیرو دونلرک چوغی فوت اولدی . و آنلرک یرینه چولده بیومش و شهر و قصبه کورمه مش یورکلی یکیتلر یتشدی . بو وجهله بنی اسرائیل دشمن قارشوسنه حقیقه جق و حرب و ضربه قادر اوله جق حاله کلدی .

(حضرت موسی بنی اسرائیلی آلوب بحر لوطک جنوب طرفنده کتوردی ، و آندن ایلرو حرکت ایدرک (عوج بن عنق) نام ملک ایله محاربہ ایتدی و آکا غالب کلدی . بوجهته نهر (شریعه) نک شرق طرفنده کی بلادہ مالک اولدی . حتی (اردن) دینلن نهر (شریعه) نک یالیسنه ایندی و (اریحا) شهرینک قارشوسنده کی طاعه حقیقه رق اورادن بنی اسرائیلہ موعود اولان (کنعان) دیارینی تماشای ایتدی . مقدا هارون علیه السلام ارتحال ایتمش ایدی .

(دنیا یارادیله لی قاچ ییلدر . بونی الله دن باشقه کیمسه بیلمز . حضرت آدمک یر یوزینه ایندی کی وقتدن طوفان نوحک ظهورینه قدر و طوفان دن حضرت موسانک وفاته قدر قاچ ییل کچمشدر . بو دخی مؤرخلر بینده اختلافی بر مسئله در .

[۱] عمالقہ عرب اقوام قدیمه سندن اولوب قطعہ مبارکه حجازک شمالنده و فلسطینک جنوبنده ساکن ایدیلر . ظن و اندیشه کور . بنی اسرائیلک بابلسانندن ارض مقدسه وصولارندن ول فلسطینک دخی صاحب لری و امالی سی بونلر ایدی . وادی شریک و کفرده ثابت بولندقلرندن بنی اسرائیل ایله آره لرندمه منافرت و خصومت اکسیک اولمازدی . قرعوبیلر زمانده و مصر قبیله تاریخنده (هیگسوس) اسمیله یاد اولانان قومک بونلر اوللری محتیلدر .

فقط آنرا آورده‌سند مشهور و معتبر اولان روایت کوره دور
آدمدن طوفانه قدر ایکی بیک ایکی یوز قرق ایکی و طوفاندن
حضرت موسانک و فاته قدر بیک الی یوزیکرمی آتی ییل
چشمدر . بوحسابه کوره دور آدمدن وفات موسایه قدر اوچ
بیک سکنز یوز آلتش سکنز ییل چممش دیمک اولور .

* *

طورسینایی ، برکرده جغرافیا نقطه نظرندن استکشاف
ایدهلم .

جبل مذکور عربستان شبه جزیره سنک شمال غریبسنده
و بحر احمرک ایکی منهای شمالیسنک انشعاب ایدرک تشکیل
ایتدیکی (سویس) و (عقبه) ناملرنده کی ایکی طار کورفرک اورته سنده
کائدر .

بودکزک تشکیل ایتدیکی شو بیوک شبه جزیره سینا شبه
جزیره سی دینور . بویارم آطه نك اورته سنده بوکسان سلسله
جباله (جبل موسی) یاخود (جبل الطور) دیرلر . ایشته بو
جبل از منه قدیمه تاریخنده صوک درجده حاضراهمیت و بشریتک
کچیردیکی صفحات متابعه تکاملدن برقسمنه محل وقوع اولدیغی
ایچون هروجه ایله جالب دقت بر موقع محترمدر که قرآن عظیم الشانده
دخی مکرر آ مذکوردر . (سورة الطور) عنوان جلالت نشی
ایله مطرز و مقدس اولان سورة شریفه - که مکيه و قرق سکنز
آیت کریمه دن مرکبه در - (والطور و کتاب مسطور)
کلمات قدسیسی ایله ابتدا ایدر ، مکيه اولان (سورة التین) ده

محل مناجات کلیم الله اولان طور سینا ذکر ایدلدیکی کبی سور
جلیله دن بعضلرنده دخی آریجه مذکوردر .

(طور سینا) نك تشكلات اصلیه سی کلسی و غرانیت اولمق
اوزره ایکیدر . کلسی طبقه اراضینک نوه سنی یعنی قسم اعظمی
احتوا ایدوب غرانیت طبقه سی دخی شمالده و شرقده کنار
خارجیسی تشکیل ایلر . بونلرک ایکسی ده قویو قیرمزی رنگده
اولدیفندن مناظر عمومیه به بر سیای آتشین شکلی ویرر و بو حال
شمالده بولان طاغلرک هیچ برنده کوریه مز . خروب و سینا
طاغلرینک اتکلرنده نادر آتصادف ایدیلن خرماقلرله باغچه لردن
ماعدآ آثار مزروعه منظور اولماز .

قدیم بلده طور دن تخمیناً یکرمی دوت میل مسافده کائن
جبل طوره کیتمک ایچون جبل مذکورک تپه لرندن خروب
طاغنی کچمک احباب ایدر . بو طاغ اکثر جغرافیایا کتابلرنده
آیری کوسترلش ایسه ده یا کاشدر . آثار اسلامیه دن برنده
شویله بر تعریف واردر :

« طور سینا شبه جزیره سنه اسلام جغرافیونی میاننده » اراضی
تیه ، « اراضی عریش » و « اراضی سین » دخی دینیر . جبل طور
ایشته بووادینک اوزرنده در . بو طاغک ایکی تپه می اولوب اک
یوکسکی ۲۸۱۴ متره ارتفاعنده درکه جوارنده اولان صحرائر
خی اسرائیلک بر طاقم اسکی یازیلریله منقوش کورینور .

بوخطوط منقوشه نی دوقتور (بهق) نامنده کی سیاح دخی
تصدیق ایلور . موسی الیه ۱۸۷۳ سنه میلادیه سی کانون اولنده

برابرند فن طبقات الارض علماسندن موسیو (میلنه) بولندی
 خالد بورلری کزمش و ۱۸۷۴ سنه میلادی سی شباطنده
 خرسیتیانلرک برای زیارت کیتدکاری محلدن تخمیناً یوز میل
 مسافه اوتده کائن اولوب عربلر طرفندن (جبل النور) دینیان
 طاغه واصل اولمشدر. دوقتور (بق) بوراده کی تپده برطاقم
 قربان انقاضیله خطوط و منقوشات سینائییه بولوب قوییه ایله مشدر.
 بوذاتک ظننه کوره منقوشات مذ کوره اسباط بنی اسرائیل
 طرفلرندن حک و نقش ایدلمشدر.

دیگر بر اثر معتبرده دخی شوسطرلر موجوددر: (طبیعت
 اراضیجه جزیره العربیه مربوطدر. اسکی جغرافیون طرفندن
 حجازله برابر «طاشلق عربستان» تسمیه اولمشیدی. جغرافیاجه
 آسیا قطعه سندن معدوددر. رأس زاویه سی جنوبه طوغری
 متمد بر مثلث شکلنده اولوب غرب جنوبی جهتندن سویش
 و شرق جنوبی جهتندن عقبه کورفز لریله محدوددر. منتهای
 جنوبنده (رأس محمد) نامیله بر برون وارددر. طور سینا جبل
 مشهوری ۲۶۰۲ متره ارتفاعندهدر. صحرای (تیه) بوطاغلرک
 شمالنده و آق دکره طوغری مائلدر. قوملق، متحدالشکل
 و دهشت انکیز بر چولدن عبارتدر. بو صحرا بنی اسرائیلک قرق
 سنه یوللری بوله میوب غائب اولملریله و جنوبنده کی (طور سینا)
 جبلی دخی حضرت موسی علیه السلامک کلام الله نائلیتیله
 مشهوردر. بومناسبتله بوطاغه (جبل موسی) دخی دیرلر.
 جبلک اوزرنده مشهور بر مناستر وارددرکه (بحیرا) بونده بر

مدت راهبلك ايتمش وفخر عالم افنديمز حضرتلری شامه
عزیمتلرنده بو مناستره اوغرامغله راهب مومی الیه طرفندن نبوته
نائل اوله جقلری اخبار وتبشیر ایدلمش ایدی . بعثت نبویدن
صکره طور سینا مناستری راهبرینه جانب قدسیت جالب جناب
رسالتپناهیدن بربرات شریف اصدار بیورلمشدرکه الآن مذکور
مناسترده محفوظدر .)

تورات شریفك كتاب ثانیسی که (سفر خروج) در ،
آنده تجلی طور شویله جه محکیدر :

(عبرانیلر مصردن خروجلرندن اوج آی صکره (طور
سینا) قربنه واردیلر ، اوراده چادرلرینی قوردیلر . جناب
حق حضرت موسی علیه السلامی یالکمز اوله رق دعوت بیوردی
و آکا کتب مقدسه ده (الواح عشره) نامیله معروف ومسمی
اولان قانون مشهوری اصدار ایله دی .

بالاده دخی عرض ایدلدیکی وجه ایله بو کونك ادامه خاطره
سی ایچون موسویلر (کل بایرامی) نامیله بایرام یاپارلر . (باق)
یعنی خمیرسز بایرامندن قرق طقوز کون صکره کلیر . موسویلر
بوکا هفته لر بایرامی دیرلر .

عبرانیلر بو بایرامه ترفنده بایرامی تسمیه ایدرلردی . بالاخره
بوکا (پاتنه قوت) یعنی عید خمین دنیلدی . بویوم مخصوصك
مزروعات ایله مناسبتی وار ایدی . بوایام ، باقه طوغری آرپه

ایله باشلار، (پانتہ قوت) ده بغدادی ایله ختامه ایرردی ،
 بوجہتله بوکا «عید حصاد» ویا «عید مزروعات» دخی تسمیه
 ایدلمشدر . برکوندن عبارت ایدی . بومناسبتله یکی محصول
 ترفنده سی اوله رق خالص بغدادی اونشدن مایه لی آتمک یاپارلر
 ویدی قوزیدن مرکب بر قربان کسرلردی که بونذر ذنوب اولوب
 مشوبات ایچونده ایکی قوزی دها ذبح ایدرلردی .

زمانمزدہ کی موسوویلر ایکی کون بایرام ایدرلر . خمیرسز
 بایرامی درجه سنده رعایت ایلرلر ایسه ده مایه لی آتمک ، یتمک
 یرلر ؛ سودلی شیر یاپارلر ؛ یالکیز ایش کورمزلر . سفره لرندہ
 طور سینا چورکی ویا بوغاجہ سی دیدکلری یدی قات خمیردن
 یاپیمش چورکسی برشی بولندیرلرلر . اوک ایچنی ، شمعدان ،
 لامبا وسائر اثاث بیتہ یی چیچکلرله سوسلرلر . سیناغولردہ
 دخی عین مراسم تزیینیہ جاریدر .

بو بایرام حقندہ دسترس اولدینمیز معلومات آتیہ دخی
 سزاوار قید و تذکاردر .

(اسفار تورانک ایکنجی سنده بویورطی (عید الحصاد)
 یعنی اکین بیجمہ بایرامی دیہ موسومدر . فی الواقع تواریخ مختلفہ
 شہادتیلہ دخی مثبتدرکہ بو یوم مخصوص قدیماً موسم حصادک
 صوکنده اجرا ایدیلیر بر (عید شکران) ایدی . تورانک
 (کتاب الاعداد) ندہ (ایلک میوہ لر بایرامی) و خمیرسز بایرامندن
 یدی هفته صکرہ کلدیکنی اشرا بآینہ سفر ثانیء توراندہ
 (هفته لر بایرامی) دیہ مذکوردر . فقط بالآخرہ خاخالر

بونى (عید الحسین) يعنى اللهی کون بايرامی ديه تلقیب ايله مشر در که
فرنگلر روجه ده کی (پنده قوستی) يعنى اللنجی کله سفدن تحریفاً
Pentecôte (پانتہ قوت) دیرلر .

کتاب ثالث تورات اولان (سفر لاوی) ده بوبایرامک
چالذت تأسیسات جناب موسادن اولدیغی مسطوردر . بو عید ،
قدیمآ هفته نك قاجنجی کوننه تصادف ایدرسه ایتسون مطلقاً
۱۶ نیشان یهوددن اللهی کون صکره کلن کونده اجرا ایدیلیدی .
مع هذا يك چوق زمان برعید زراعی اولمق اوزره اجرا
ایدلمشدر . تورات شریفک نزولی ویاخود بنی اسرائیلہ تلقینی
مسئله سنه ارتباطی نه زماندن اعتبار ایدلدیکی معلوم دکلدر .
بو کون بالجمله سیناغولرده بولنان توراتلرک محفوظ
اولدقلری محفظه لرله دولابلره و معابد مذکورہ نك مواقع مناسبه
سنه کلر قونور . بوبایرام ایکی کون امتداد ایدر . فقط
(قدس شریف) ، (یافه) ، (حیفا) کی ارض فلسطینه منسوب اولان
مملکتلرده برکوندر .

ائر ممالکده ایکی کون اولمسی مبدأ عیدک (قدس شریف) ده
تعیین ایدلمسی حسبیلہ و رود خبره عارض اولان تأخردن طولاییدر .
تقویم یهودده (سی وان) آینک آلتنجی ویدنجی کونی اولمق
اوزره مقید اولوب تعریفات تاریخیه ده (Sabuot) (شابو ، او)
دیه محرردر .

كورك

نرم و حار توپلریله چکه آلتلرینی اوقش-ایان ، نوازش-یله ال پارماقلرینی خوش طوتان ، باخصوص ظهر و صدري حرارت ثابته سیله لطیف بر صورتده ایصیدان کورکک لطف تماسنی هیج بر خلعت اخطار ایده من . بشریت رطوبت و برودتدن تمامی تحفظی دوشوندیکی ایلك زمانلرده بیله بونی حیواناتک صیرتندن چکه رک دوش افتقارینه مال ایدینمشدر .

کورک ، البسه تاریخی نقطه نظرندن تدقیق ایدیله جک اولورسه موداسنک ورواجنک عصرلرجه امتداد ایله مش اولدیغنی آکلارز . بوستره حیوانی بی قیمتدار ایدن ایکی شیرد: بری تدارکنده چکیلن زحمت، دیگرکی کندیسندن موجود اولان کوزلاکدر . بو کوزلاک ، حیوانک قیلنده کی اوزونلغه ، یوموشاقلغه قالینلغه ، رنگه تابعدر .

قدم تاریخیسنه کلنجه « فنیکیلیلر » ک اقطار منجمده دن حیوان بوسترلی کتیرم رک یونانیلره صائدقلری مثبت اولدیغنه کوره قبل المیلاد ایکی بیك ، اوچ بیك سنه یه قدر ارتقا ایدر . معبودین یونانیه دن (هرکول) ک (نهمه) آرسلاننک پوستیله تلبس ایتدیکی اوزمانک اعتقادیاتنه داخل ایدی . مدنیت یونانیه بالاخره بولباسی چرکین کورمش فقط بونلرله مناسباتده

بولنا. ایرانیلرک پک زیاده خوشنه کیدرک کورکی برخلعت
فاخره اوله رق قبول ایتدکلری مصدق بولمشد.

شهرمز، ازمئه قدیمه دن بری کورک و کورک تجارتیه
نامدار اولمشیدی. اوروپاده جرمنلرک، فرانقلرک و غوتلرک
استیلالری بوئوب طبعینک انتشارینی تأمین ایدرک حتی روما
ایمپراطورلغنک اواخرینه طوغری عادتا اکهم مواد تجاریه
عدادینه کیرمش اولغله ارباب تجارت بر طرفدن «اسقاندیناویا»
و بحر بالطق سواحلدن زرداوا، سمور، و دیگر طرفدن دخی
استانبولده مؤسس تجارتکاهلر فرات و دجله حوالی خالیه سیله
الجزیره و ایراندن انواع حیوانات پوستلری جلب ایتکه باشلادیلر.
قریمده، قبادوکیه ده یعنی سیواس، مرعش، قیصریه و نیکده، قیرشهر
یوزغاد طرفلرنده تأسس ایتمش بر طاقم تجارتخانهلر هر سینه
بورایه و بتون ایمپراطورلق داخله یینه بوکورکلردن اولدینی
حالده طربزون و یاقره دکیز، بایلونیا فاره سی کورکلری ناملریله
سوق ایدرلردی. فقط بو حیوانات میاننده اک زیاده مشهور
اولانی (قائم) ایدی. قائم بتلیس، ارضروم، ارزنجان طرفلرنده
زیاده سیله آولانه رق جنویزلر و یاخود و ندیکلیر معرفتیه ایتالایه
سوق اولنوردی.

بعدالفتح شهرمز کورک تجارتی محافظه ایتمشیدی. حتی
بیک تاریخلرنده نفس قسطنطنیه ده بش یوز کورکچی دکانی
موجود ایدی. چارشوی کیرک حالا کورکچیلر قپوسی نامیه
معروف اولان قسمی بومدعایه شاهددر. شرقده جاری اولان

ظنیاته کوره ابتدا کورک کین ایرانده پیشدادیان طبقه قدیمه-
 سنک ایکنجی حکمداری و مشهور (کیومرث) ک حفیدی
 (هوشنک) در. شوطن تاریخک کورک استعمالی یونانیلردن
 ایرانیلره کچمشدر وایتنی طوغریدن طوغری به تأکید ایتکده در.
 استانبولزده وقتیه مشهور اولان کورکار سمور،
 صاری سمور، مسک، و شق، زرداوا، صانصار، سنجاب، سمور
 پارچه سی، الما، سمور قفاسی، قاقم، اوردک بوغازی، قوغو بوغازی،
 سقا بوغازی، تلکی بوغازی، بحری کوسکی، پورصوق، تیون،
 شنشیللا، صیجان، طاوشان، قره قولا، قوزی. قوندوز، قویون،
 کدی، کوزن (آلاجه کییک)، کوچکن (میر صانصاری)، کیرین،
 قاپلان، آرسلان، قورد، آی، چقال و امثالی حیوانات پوستلردن
 عبارت ایدی.

کورک خلغ فاخره سلطنت سنیه دن اولدینی مشهوردر. مقام
 صدارت عظمایی و وزارت جلیله یی احراز ایدن ذوات ارکان
 کورکی نامیه مشهور کورکاردن کیمدکلری کبی مقام مشیخت
 علیایه منسوب اولان ذوات «فروء بیضا»، علما و مدرسین
 دخی «موحدی» دینیلان طرزده کیرلردی. (تاریخ عطا) ایله (اسعد
 اقدی) مرحومک رساله اشرفاتنده محرر اولدینی اوزره طراز
 فروده :

صاری چوقیه دوخته ارکان صرف سمور
 شالی به دوخته قبور قاقم .
 چوقیه دوخته پاچه سمور قنطوش

قبور پاچه سمور

چوقه یه دوخته قنطوش سمور

قبور سمور

صرف سمور

بول یکلای اعلا صرف سمور

سراسره قاپلو ارکان صرف سمور

ارکان پاچه سمور

ترنجی چوقه یه دوخته سمور

قبور یکلای عادی کورک

بول یکلای کورک

قنطوش کورک

سراسره دوخته درت یکلای آغیر صرف سمور

بول یکلای یشیل چوقه یه دوخته صرف سمور قنطوش

کورک

سرحدلی (قیصه جه ، سراسره دوخته سمور کورک)

بول یکلای قرصاق ، سمور ، قائم ، سنجاب ، قنطوش

کورک

مذکوردر . بونلردن ماعدا فراجه سمور ، موسم ،

یتانه . نافه کورکار و برده « اوستلک » تعبیر اولنان ساترملری

دخی وار ایدی . حتی (کورک) خلع مراسمدن اولدینی

جهتله اوزمانلر باب آصفیده برده (کورک اوطه سی) وار ایدی .

تشریفات قدیمه رساله سنده محرر اولدینی اوزره ۱۲۱۱
 تاریخنده روسیه نك اورتہ ایلچیسی اولان ذاته (صاری چوقہ یه
 قاپلی ارکان صرف سمور) وترجمان سفارتله بکزادکان وسرکا-
 تنہ (شالی یه دوخته قبور قاقم) ۱۲۱۵، تاریخنده ایلچیلکی تجدد
 ایلہ مکله مشارالیه (چوقہ یه قاپلی پاچه سمور قنطوش) ،
 بکزادکان ومعتبر آدملرینه (شالی یه قاپلی قبور قاقم) وینه
 تاریخ مذکورده تصدیق نامه سنك مبادله سی ایچون باب عالی یه
 کلدیکنده کندیسنه (چوقہ یه قاپلی صرف سمور) دیوان ترجمانه
 (قبور پاچه سمور) ، سرکاتیلہ ترجمانلریه (قنطوش سمور
 کورک) ، بکزادکانه شالی یه قاپلی (قبور قاقم) ، ۱۲۰۸ سنہ
 سنده نتیجه دولت نك اورتہ ایلچیسنه (صاری چوقہ یه قاپلی ارکان
 سمور) ۱۲۱۶ سنہ سنده اسپانیا سفیرینه یه (صاری چوقہ یه
 قاپلی ارکان سمور) ۱۲۰۸ ده مآذونا مملکتته عودت ایدن
 فلمنك ایلچیسنه (صاری چوقہ یه قاپلی ارکان سمور) وترجا-
 نلریله معتبر آدملرینه (شالی یه قاپلی قبور قاقم) ، ۱۲۰۹ سنہ
 سنده وزود ایدن فوق العاده انکلتره ایلچیسنه (صاری چوقہ لی
 ارکان سمور) الباس ایلدیکی کبی ۱۲۱۴ سنہ سنده دخی سراسره
 قاپلی بول یکل ی اعلا صرف سمور ، دیوان ترجمانه (قبور
 سمور) ، باش ترجمان وسرکاتیلہ ترجمانلریه چوقہ یه قاپلی (پاچه
 قنطوش سمور) ۱۲۱۶ ده مشارالیه بیوک ایلچیلکه ترفیع
 ایلدی مکله ارکان صرف سمور ایکنجی ایلچی یه (چوقہ یه قاپلی ارکان
 صرف سمور) ۱۲۱۵ ده انکلتره جنرالنه (رنجی چوقہ یه قاپلی ارکان

پاچه سمور) آدم لرندن برینه (شاله دوخته قبور سنجاب)،
 ۱۲۰۹ سنه سنده قرانسه اورته ایلیچیسنه (صاری چوقه یه قاپلی
 ارکان صرف سمور) و دفعه ثانیه ده (سراسر ارکان صرف اعلا
 سمور) باش کاتبه (قنطوش پاچه سمور) و ۱۲۲۲ سنه سنده
 ساقسونیه مصلحت کذارینه (ترنجی چوقه یه قاپلی پاچه سمور)،
 سرکابی ایله ترجمانه ده (قبور قاقم) کورکلر احسان بیورلمشدر.

*
* *

کورکک اوروپاده تعمیمی، آسیا ایله مناسبات مخصوصه ده
 بولندیفی زمانلردن صکره در. اهل صلیب بومودانک اک
 برنجی مروجلر ننددر. حتی بر آراق اودرجه ده انتشار ایتمش.
 ایدی که کورککیلر، دیگر اصنافدن دهاکثیر الافراد بر شعبه
 تشکیل ایتشلردی. سیریا، ایران وار ضرورم ایله ولایات متجاوره
 عثمانیه دن ادخال ایدیلن کورکلری آله میانلر تلکی. قوزی، طاو.
 شان. کدی کوپک پوستلری کیمشدر و فقرایه البسه توزیعنده
 کورکک دوشونیلهرک صدقات و حسناته قدر تعمیم ایتشلردر.

بزده دخی الباس خلعت التفات و توجهات اعظمی اخطار
 و باخصوص کورکک کیدیرمک بیوک بر نائلیتی اشراب ایدر ایدی.
 پارسده الک زیاده استعمال ایدیلن دریلر:

آطه طاوشانی، زرداوا واک ای، الک قیمتدار کورکک ویرن
 سیریا سموری، صانصار، قوقارجه و آمریقا ایله اوروپا زرداوا سی
 جنسنندن اولوب قادین البسه سی ایچون مقبول طوتولان
 (ویزون) نامنده کی صانصار، قنادامسک فارمسی، آمریقا ایله اوروپا

نك نواحی شمالیه سنده یاشایان بر نوع سنجاب. قائم، او کدیسیدر.
(آنقره) کدیسکی دریسکی کورکلی البسه ده بیاض تلکی
دریسنه مرجع طوئلقدده در . بودریلردن ماعدا شمال، ایتالیا،
به آرن، آرل، روسیه، ایران، شین شیللا، قناداسموری،
تلکی، بالخاصه سبیریانک سیاه تلکیسی، بیاض طاوشان، روسیه نك
نادر بولنان قره طاوشانی، سبیریا قوردی و ممالک عثمانیه ایله اسپانیا
و آفریقان ادخال ایدیان مسك کدیلمی دریلمی ده مقبولدر .
فیخرالمحررین شناسی مرحوم خدمات تحریریه ده بولندیفی
اثاده صیرتنده اولدجه پزمرده برالما کورك کیر و بوکورك بکا
بیوک بابامدن قالمشدر دیرایمش .

طول عمر

جناب حق جمله احسان بیورسون، شرق، ادعیه
مأثوره میاننده دائما بوتمنی، خالصانه ای ادا ایددرک حیات بشره
نظر احترامله باققده اولدیغنی ایمایدر . حتی اخلاق عمومیه سنده
پیر اولانلره فرط تعظیم ایله معامله ده بولمنق و اجباتدن عد
ایدلیکی کبی ولادت، عقد، ولیمه، ختان مناسبترلله و سائل
عدیله مسرورانده، عیادت و استفسار خاطرده دخی طول
عمره دائر بیانات و دعوات مقبوله ده بولمنق وظیفه بیلیر . افراد

بشردن طول عمره نائل اولانلری کورنجه ، ایشیدنجه سونیرمه
 ترکلرک ، اختیارلره بابا مقامنده تعظیم ایدهرک « آتا » دیکلری
 مشهوردر . بوسوینج کچن کون بزدهده حاصل اولدی . « اقدام »
 غزته سنده سیواس ولایتنه تابع دیوریک قضا سندن پالجه قریه سی
 سکنه سندن ولیجاق اوغلی اسماعیلک زوجه سی مدیک خانمک
 ۱۳۵ یاشنده اولدینی وحفید وحفیده اوله رق ۳۳ اولادی
 اولوب حفیده سنک حفیدینی کوردیکی یازلمش ایدی . نظر دقتمز
 بوسطرلره ایلیشنججه بالطبع بیوک یرامید حیاتک ظل سعادتنه
 تصادف ایتمش کبی نشووه دار اوله رق دوشووندک ، فی الواقع
 بیوک بر مظهریت . هم یشامق ، همده بر نسل حکمنی ویرن
 اولاد واحفاده مالک اولمق سونیمیه جک شیمیدر ! (مدیک)
 خانم بوسعادت دنیویه دن ماعدا سن پیریده اندر تصادف اولنان
 قوت بدنییه ده صاحب . حتی اوفقرده بوسنه دخی قرق المی
 دونملک تارلاده اولادواحفادیه بر لکده اوراق ییچدیک ودرت
 ساعتک مسافیه یایا اوله رق کیدوب کلدیکی بیلایریلیوردی که
 طول عمرک اصل جانلی اولان یری ایشه بودر . ماشاء !

بشریت من القدیم « طول عمر » مسئله سیله اشتغال ایشدر .

تاریخ بومشغولیتی کافه صفحاتیه برابر ضبط وحفظ ایدمه مش
 ایهده بللی باشلی اولان جهت لرینده اونوتماشدر .

تورات شریفه کوره ابوالبشر حضرت آدم علیه السلام
 « ۹۳۰ » ، شیت علیه السلام « ۹۱۲ » ، احفاد جناب آدم دن
 وقابلک اوغللرندن « انوش » « ۹۰۵ » . کنعان « ۹۱۹ »

مالالائیل « ۸۹۵ » ، ژاراد « ۹۶۲ » ، ادریس علیه السلام
 اوغلی و حضرت نوحك بیوك باباسی « متوشلخ » ویا « متوشلم »
 « ۹۶۹ » ، حضرت نوحك پدری « لامك » ۷۷۷ ، حضرت
 نوح ۹۵۰ سنه یاشامشلردر . فقط بوسنه لرك نه درلو سنه اولدیغی
 مجهولدر . باخصوص عندالمؤرخین تورانده مذکور اولان
 سنه لرك مدنی حقنده اختلافاط عظیمه واردر . اقوام قدیمه دن
 بعضیلرینك برسنه عادیهدایکی ، بعضیلرینك درت ، بعضیلرینك ده
 اون ایکی سنه صایدقلمی محققدر .

طول عمر حقنده مضبوط جداول تاریخیه میاننده برده
 بعدالطوفان قسمی وارد: که قسم مذکور محتویاتنه کوره :

اولاد نوح دن « سام » ۶۰۰ سنه ، سامك اوغلی « آرفاقزاد »
 ۳۳۸ ، « ساله » ویا صالح ۴۴۳ ، « هبر » ۴۶۴ ، « فالج »
 ۲۳۹ ، « رو » ۲۳۹ ، « ساروغ » ۲۳۰ ، « ناشور » ۱۴۳ ، « طاره »
 ۲۰۵ . ابراهیم علیه السلام ۲۷۵ ، « ساره » ۱۲۷ ، اسماعیل علیه السلام
 ۱۳۷ ، احق علیه السلام ۱۸۰ ، یعقوب علیه السلام ۱۴۷
 یوسف علیه السلام ۱۱۰ ، ایوب علیه السلام ۲۱۷ ، اب کلیم
 عمران ۱۳۷ ، موسی علیه السلام ۱۲۰ ، هارون علیه السلام ۱۱۰
 سنه معمر اولمشلردر .

بوایکی جدول تورات ایله روایات و اسرائیلیاتده مندرج
 اسمایدن اولوب تاریخ عمومیده دخی طویل العمر بعض ذوات
 مشهوره مسطوردر . بونلردن ده :

قبل المیلاد علم و فلسفه سی ایله معروف « نه پی منه سیه » ۱۵۷ ،

«ایپو قرات» ۱۰۴ ، «اوربی لیوس» ۱۰۰ ، «اوفانون» ۱۰۰ ،
 «دمه مونا قس» ۱۰۰ ، «غالیه ن» نام حکیم ۱۴۰ ، «نئ کینیوس»
 ۲۰۰ ، «دمه موقریت» ۱۰۴ ، «صولون» ، «طالس» ، «پیتا کوس» ۱۰۰
 «قینه زینیوس» ۱۸۴ ، «بر اوزوم چکر دکیله بوغولان» «صوفوقل»
 ۱۳۰ ، «سقراط» ۱۰۶ ، «جورجیا» ۱۰۸ ، «آسقلیاد» ۱۵۰ ، «برنجی»
 «جرمانیا» قرالی «توویس قو» ۱۷۳ ، «ایلیریا» قرالی «دادون»
 ۵۰۰ ، «لاتیوم قرالارندن بری» ۶۰۰ ، «اسپانیا قرالارندن آرغونیوس»
 ۱۵۰ سنه یاشامشلردر .

رومالی مشهور «پلین» «اکسه نوفیل» نام عالمدن بحث
 ایتدیکی صرمده مومی الیهک ۱۳۰ یاشنده ایکن اللی یاشنده
 کورونمدیکنی ، هندوستان شرقیده متمکن اقوامدن بعضلرند
 درت یوز سنه یاشایانلر موجود اولوب بونلرک یالکیز افهی ایله
 بسیلندکلرینی وافهی یهورطه دن طوغمیوب جانلی طوغدیغی جهتله
 طول عمر ویره جک خاصیه مالک اولدیغنی بالیسان خطبای
 معروفه دن «چیچرون» ک قیزی «تران تیا» نک ۱۳۰ سنه .
 «قلودیا» نامنده برقادینک یکر می بش چوجق طوغوردیغی
 حالده ۱۱۵ . «غالهریا» آمبودریا نام قادینلرک ۱۰۴ . «امولا»
 نک ۱۱۰ ، «لوچهیا» اسمنده بر آقریسک ۱۰۰ یاشنده صحنه ده
 اویون اوینادیغنی درمیان ایلپورسده ده مبالغات و مخترعادن عاری
 اولسه کرک .

مؤرخ قدیم اسکندریه لی «ارنه زیق ریت» تاریخنک بر

کوشه سینه شو سطرلری صیقیشدیر مشدر :

(هندوستانده منطقه حارده بش بحق آرشون بوینده اويله

آدملر واردرکه یوز اوتوز سینه یاشارلر .)

(پلین) ايله (سئوئه تون) نام مؤرخ روماده (تیتوس)

زماننده اجرا ایدیلن بر تحریر نفوسده :

۱۱۰ یاشنده ۶۳ نفوس

» ۴ » ۱۲۰

» ۲ » ۱۲۵

» ۴ » ۱۳۰

» ۴ » ۱۳۵

» ۳ » ۱۴۰

نفوس بولتمش اولدیغنی ذکر ایدیورلر .

طول عمر حقنده کی تحریاتمزی براز چینه عطف ایده جک

اولور سهق قبل الطوفان تاریخنه دائر بعض روایات الده ایده بیلیرز

روایات مذکوریه نظراً تاریخ میلاددن ۲۹۵۲ سنه اول یاشامش

اولان (فوهی) نام حکمدار ۱۱۵ ، تاریخ میلاددن ۲۶۹۷ سنه

اول یاشامش اولوب زراعت وطبابتک موجودی عد ایدیلن

(آلزینونخ) نام حکمدار (۱۴۰) ، ینه تاریخ میلاددن ۲۶۹۷

سنه اول یاشامش اولان (هوا آنتی) نام حکمدار ۱۱۰ ،

طوفان نه ساله معاصری بولنان (ژوآ) ۱۰۰ سنه اجرای حکومت

ایتمشدر .

کله لم یونانیلره :

(تب) قرالی مشهور (آیافوس) ۱۰۰. (منفیس) حکمداری
(فیوب) ۱۰۹، (تپی فان) نامینه معروف اولان دردنجی
(آتی پوکوس) ۱۴۹ یاشلرنده ایمشله. شاعر (هومر) ه کوره
(نهوس) ایله (قلوریس) ک اوغلی (نسطور) (ترووا)
محاربة قدیمه سنده ۳۰۰ یاشلرنده ایمشله.

ازمنه عتیقه دن قور تولوبده تاریخک کسب وضوح ایتدیکی
ادواره کلندجه طول عمر حقنده کی اشاراتده دهها زیاده بر
جدیت پیدا اولیور. مثلاً قدس شریف ایکنجی پستقیوسی
« ژاق » ک ۱۲۰، اوچنجی پستقیوس « نارسیس » ک ۱۶۶،
انکلتره پستقیوسی « داوید » ک ۱۷۰، « قوردو » شهری پستقیوسی
« اوزوس » ک ۱۰۴، اعزّه نصارادن سن « پول » ک رفیق
« قورونیوس » ک ۱۲۵، ینه اعزهدن « آطوان » ک ۱۰۵
یاشلرنده وفات ایتدکلری محقق اولمق اوزره کوستریلیور.

« لاروس » ک بیوک دیکسیونرندهده شویله بر قید وارد:
بر انکلز ۱۴۸۳ سنه سنده طوغمش و ۱۶۵۱ سنه سنده
وفات ایتمشدرکه بوتقدیرجه ۱۶۹ سنه یاشامشدر. مرقوم ۱۰۱
یاشنده ایکن ازاله بکردن طولانی جزای تشمیره اوغرامشدر.
انکلتره قرالی برنجی « شارل » ک زوجه سنک ابه سی حین
ایلادده ۱۲۳ یاشنده ایمش. وقتیه ونیدک حکومتک از میر
قونسلساغنده بولمش اولان « سکوندی هونفو » نام ذات
۱۱۵ یاشنده وفات ایتمش و اولجه صنف رهبانده ایکن ترک

ایده رک آندن صکره بش دفعه اولنشییدی . مومی الیهک بو
ازدواجلردن ۴۹ چوجنی دنیا یه گلشدر . ۱۰۰۰ یاشنده ایکن
سن کامل دیشلری چیقمش . ۱۱۰ یاشنده صاچلری و ۱۱۲
یاشنده قاشلری ایله صقالی تکرار سیاه اولمشدر .

اوائل اسلامه ارجاع نظر ایده جک اولورسه ق مداح
پیغمبری جناب «حسان» ک یمن توجهات نبوی ایله ۱۲۰
یاشلرینه قدر یاشامش اولدقلرینی کوریرز . تابعین کرامدن
«ابن ابی حازم» ایله علمای اسلامیه دن «ابوزید انصاری» -
ومشاهیر شعرای عربدن «ابوعبیده نخوی» ک ده یوز یاشلرینی
تجاوز ایتدکن صکره واصل رحمت رحمن اولدقلری بومناسبتله
خاطره کلدی .



مدت عمر حقمنده یازین مطالعات وملاحظاتک حدی،
حسابی یوق کبیدر . بناء علیه بوراده اجمال ایتک غیر ممکندر .
فقط صحت بشریه یه خادم اولان اطبانک بومدتدن پک زیاده
آزاستفاده ایتکیده اولدقلری مع الاستغراب درمیان ایدیلور و
بوکاده سبب اوله رق صنف مذکورک دائمی صورته امراض
مختلفه ایله حال تماسده بولملری کوستریلیور . حتی موسیو -
(قاسپر) نامنده برذات صنوف ومسالك عدیده یه منسوب
اشخاصدن یتمش یاشنه واره بیلن افرادک یوزده حسابیله
بر جدولنی ترتیب ایتمش وبونده اطبا ک صکره یه براقلمشدر .

جدول مذکور بوجه آتیدر :

| | |
|----|-----------------------|
| ۴۲ | رهایین |
| ۴۰ | زراع |
| ۳۵ | تجار و فابریقه طور لر |
| ۲۲ | عسکری |
| ۳۲ | تجار یازیمچیلری |
| ۲۹ | آوو قاتلر |
| ۲۸ | آرتیستلر |
| ۲۷ | معلمین |
| ۲۵ | اطبا |

اجناس نباتات ایله حیواناتده دخی طول عمره مالک اولانلر واردر . انسال نباتیه دن میشه، شمشیره، سرو، زیتون، آبنوس عصر لرجه یاشار . (لاروس) ك بیوك دیکیسو نرنده مصادف نظر اولان سطور آتیه انسانه حیرت ویریر ؛ (اون بشنچی عصر میلادی اوائلنده تخمی) ئله اونور دو قاستیل (طرفندن دیکلمش اولان برپورتقال اغاجی الآن (ورسای) لیمونلغناك اك كوزل تزیناتسنددر . انکلترده قونت دو «قووپر» لك باغچه سنده زوارك انظار تماشا سنه غایله مطبوع بر میشه معروض بوانورکه ۱,۲۰۰ یاشنده در . «قالیفورنیا» ایله اوسترالیاده سیاحت ابدن موثوق الکلم بعض ذوات بورالرده ۹۰ الی ۱۲۰ قدم محیطنده ۳۵۰ قدم ارتفاعنده یکر می عصرلق سر و آزاد لر

بولنديغنى خبر ويريورلر . آمريقادە اخيراً كشف ايدىلن
 ونامنه «سەكۈواآ» دىيىلن آغاچلردن بعضىلىرىنىڭ ۳۰۰۰
 الى ۳۵۰۰ سەنەك اولدقلىرى طبعىيون طرفلردن تصديق
 ايدىلمىكەدەر . قاليفورنيا آغاچلردن اولوب «وئىنگتونيا» تسمىه
 اولنان آغاچك لوندرەدە محفوظ اولان كوتوكى اوچدورت بىك
 سەنەك اولدىغى بىلدىريلىور . مشهور «آدانسون» طرفندن
 «يشىل برون» آطەلرنده قطع ايتدىرىلن بر «بائوباب» آغاچك
 اوزرنده اوچ عصر اول انكليز زواري طرفندن حك ايدىلش
 يازىلر بولمىش و طبقات متوضعه سەنە نظراً بونك بش بىك سەنەدنبىرى
 معمر اولوب هنوز سن كىهالته وارمىغى آكلاشلمىشدر .
 ۱۸۰۵ سەنەسندە كىيلوب پارس «موزەئوم» نده بولنان برقان
 آغاچك كوده سەندەدە ۱۷۵۰ تارىخلى بر نقش موجوددر .
 «مكسىقو» دە «وئىرا-قروز» يولندە هنوز پارچا طوران
 بر سروي طبعىيون طرفلردن بش آلتى بىك سەنەك تخمين
 اولمىكەدەر . قدس شريفده كائن «جسمانيه» باغچەسندەكى زيتون
 آغاچلىرىنىڭ جناب عيسى زمانندە دىكىلى اولدقلىرى دىخى
 متواتردر . زمرة حيوانندە بودرجهدە معمر اولانلر موجود
 دكلدر .


مشهور «بافون» آلتى سەنە ياشايان يىلان بالقلردن
 بحت ايتدىكى كى «بوفون» دىخى هنوز دور شىبى اىكال اتمەش
 يوزالى ياشلرنده سازان بالقلىغى ذكر ايله مشدر .

تارىخ طبعىيجە معلومات قطعىدەن اولدىغى اوزرە مرسىن
 بالقلىلە جام كوز دىيىلن كوپك بالقلىرى عصر لرحە يشامقەدەر .

۱۴۹۷ سنه سنده «قایز رلوترن» ده طوتیلان ۱۹ قدم طولنده
 ۳۵۰ لیبره ثقلتنده بر طورنه بالغنك بویننده بر حلقه بولنمش
 و بو حلقه ده روجه عباره ایله بالغنك ایمپراطور ایکنجی فرمدریق
 طرفدن «لوترن» شاتوسند کی کوله آتدیرلینی یازنمش
 ایدی که حسابجه ایکی بوز آلتش یدی سنه مرور ایتمشدر.
 قیلومبغلر بغه لر یله تأثیرات خارجیه دن دائماً محفوظ و مصون
 قالدقلرندن بر عصر قدر، تمساحلرله کرتنکله لر و بتون زواحف
 پول ایله مستور و یالکر دوران و تنفس جهازلریله - اوده ناقص
 اوله رق - مجهز بولندقلری حاله پك چوق یشارلر .

طیوردن پایاغانلرک بر عصر یشادینی کی قرتال یوزاللی،
 آق بابا، چایلاق، قارغه، طورنه، لکک دخی برر یچق عصر معمر
 اولورلر . قوغوغوشی ده یوز سنه لکدر . عادی قازلرک بیله اللی
 یاشنه کلدکلری کورلشدر .

مهملی حیوانات ایچنده بالینادن زیاده یاشایانی یوقدر .
 بو حیوان بیکلرجه سنه زنده قالیر . فقط بوجهت قبوله شایان
 کورلیور . عمر فیل دخی حرمتیلجه در . ایکی، اوچ یوز سنه
 یاشادینی ادعا یدنلر بولنیور . حیات حیواناتدن بحث ایدن بر اثر ده
 دینیلیور که : (آت، اشک اوتوز قرق یاشلرینه قدر یاشادقلری
 حاله قاطر سکسانه قدر واریر . حیوانات مجتره آره سنده
 دوه لرده طول عمره مالکدرلر، حتی بمضلری یوز یاشنی اکمال ایدر .)





3 1761 06978326 4